

HISTORIA ECCLESIASTICA VETERIS TESTAMENTI

IN REM THEOLOGICÆ CANDIDATORUM,

Ubi res præcipuæ, quæ vel ad historiam sacram, & ejus chronologiam, Legem, ac
Disciplinam Hebræorum spectant, vel quæ ad Prophetarum Gesta, Vaticinia in
JESU CHRISTO ad amussim impleta, & ad Divinam sacrorum Librorum,
quibus continetur Historia Veteris Testamenti, Auctoritatem attinent,
per breves Interrogationes, & Responiones perstringuntur,
& in præclaro ordine collocantur.

OPUS TRIBUS TOMIS COMPREHENSUM,

AUCTORE

FR. IGNATIO HYACINTHO AMAT
DE GRAVESON

*Sacræ Facultatis Parisiensis Doctore, & Collegii Casanatensis
Theologo, Ord. FF. Prædicatorum.*

EDITIO NOVISSIMA

Luculentissimis additionibus, ac perpetuis adnotationibus illustrata

A P. JOANNE DOMINICO MANSI

Congregationis Matris Dei Lucensi.

TOMUS SECUNDUS

COMPLECTENS

TERTIAM, ET QUARTAM MUNDI ÆTATEM.



V E N E T I I S,

M D C C L X L

EX TYPOGRAPHIA REMONDINIANA.

SUPERIORUM PERMISSU, AC PRIVILEGIO.



HISTORIA ECCLESIASTICA VETERIS TESTAMENTI, S E U

TERTIÆ MUNDI ÆTATIS,

Quæ incipit a vocatione Abrahami, & protenditur usque ad ingressum Populi Israelitici in Ægyptum.



HISTORIAM Ecclesiasticam Veteris Testamenti ab *Adamo*, primo omnium hominum parente, usque ad vocationem *Abrahami*, hæctenus, bene fortunante Deo, perduximus, ac tantam, sive tempore universalis Diluvii, sive post reparatum a tribus filiis *Noemi* genus humanum, aquis Diluvii pene extinctum, ostendimus fuisse malitiam hominum, in omnia flagitiorum genera ruentium, ut inde proclive sit judicare, Deum his temporibus permisisse tot nefanda hominum scelera, ut palam fieret, quam necessària esset Incarnatio Unigeniti Filii sui, quem, ceu Messiam, Mundique Liberatorem, missurum se promiserat *Adamo*, dum, post illius peccatum, statim serpenti, qui *Evam* seduxerat, imprecatus est his verbis: *Ipsa conteret caput tuum*, id est, Messias, qui ex sœmina nasciturus est, quemque præfixo tempore mittam, conteret caput tuum. At, incunte tertia Mundi Ætate, quæ incipit a vocatione Patriarchæ *Abrahami*,

A 2

& cū-

& cujus historiam describere in præsentia aggredimur, voluit Deus hanc suam de mittendo Liberatore, seu Messia, promissionem, factam Adamo, evidentiùs declarare, gentemque sibi specialiter elegit, e qua verus Messias, Jesus Christus Dominus noster, carnem humanam induens, in lucem proditurus erat, & generi humano, primigenia protoparentis labe perduto, salutem allaturus. Nonnullos igitur homines, Deus, summa cujus bonitas prævalet hominum nequitiae, sub initium tertiæ Mundi Ætatis, in tanta ubique inundantium malorum colluvie, puros & illibatos servavit sibi, & inter cæteros *Abrahamum*, ex familia *Semi*, filii *Noëmi*, oriundum, elegit, ut esset pater credentium, & caput numerosæ gentis, quæ ex eo oritura erat, cuique Deus Leges, Ritus, Sacrificia, aliaque id genus præscribere debebat, quibus Jesus Christus Dominus noster, verus a Deo promissus Messias, dignitas ejus, opera, vita, doctrina, & mors prænunciarentur, atque sub variarum figurarum, typorum, atque signorum involucribus significarentur, ita ut hæc gens, a Deo electa, & cujus caput erat *Abrahamus*, dum eum speraret, & expectaret promissum a Deo Salvatorem, eadem spe & expectatione totum impleter Orbem, & huic excipiendi homines aliquando bene præparati essent, sicut eleganter disserit *Eusebius*, Episcopus Cæsariensis, Lib. 1. *Historiæ Ecclesiasticæ*, cap. 2. juxta Editionem Valesianam, sed præcipue in Proemio Lib. VIII. *De Demonstratione Evangelicæ*. Hanc autem tertiæ Mundi Ætatis Historiam tribus Colloquiis, ne a præscripta nobis methodo recedamus, absolvemus. In primo Colloquio attingemus, breviter tamen, singula, quæ attinent ad sacram tertiæ Mundi Ætatis Historiam, inferemusque etiam compendiosam narrationem quarundam rerum exoticarum, quæ, licet ad variarum Nationum prophanas Historias spectent, nihilofecius intelligentiæ Historiæ sacre haud parum subservire, eique aliquid luminis affundere possunt. In altero Colloquio proponemus dubia, quæ circa Historiam tertiæ Mundi Ætatis, tam Theologi, quam scripturæ Sacre interpretes movere solent, eaque diluamus. In postremo Colloquio, præcipua Patriarcharum tertiæ Mundi Ætatis gesta, & scripta, quæ vel Jesum Christum, verum Messiam, adumbrarunt, vel venturum vaticinantur, perstringemus, atque accuratiorem in putandis eorum annis Chronologiam stabilire satagemus.

COLLOQUIUM PRIMUM.

5

In quo attinguntur singula, quæ vel ad Sacram tertie Mundi Etatis Historiam pertinent, vel clariori ejus intelligentia inferuire possunt.

DISCIP.



ES, quas *Abrahamus* præciare gessit a tempore, quo ex *Ur Chaldeorum* vocatus est a Deo usque ad sacrificium, quo, ad obediendum Deo, voluit dilectissimum filium suum *Isaacum* mactare, abunde

de in tertio nostro Colloquio in Historiam secundæ Mundi Etatis retulisti, quas quidem ut agnoscas memorie meæ adhuc infixas hæere, eas nunc paucis verbis complectar. *Abrahamum* itaque Deus vocavit ex *Ur Chaldeorum*, Gente *Idololatrarum*, ut enim constitueret caput Gentis, quam in populum fidelem & peculiarem sibi elegerat. *Abrahamo* promisit Deus, nasciturum ex semine ejus *Melcham*, sequæ ei daturum Terram *Chanaan*, in quam *Abrahamus*, protinus Deo obtemperans, relicta *Charane* & cognatione sua, venit cum *Sara*, uxore sua, & cum *Lotho*, fratre sui filio. In hac Terra *Chanaan*, tanquam peregrinus, sub *Tabernaculis* habitavit *Abrahamus*, & ex ea, propter grassantem famem exire coactus, venit in *Aegyptum*, ubi *Saram*, uxorem, ut periclitanti vitæ suæ consuleret, vocavit fororem suam, quam in domum Regis sublarum, letus postea accepit. Ex *Aegypto* egressus *Abrahamus* cum uxore sua *Sara*, multis locupletatus divitiis, sese in Terram *Chanaan* recepit. Sed cum hæc Regio multo pecori alendo haud sufficeret, *Lothus*, a patruo suo *Abrahamo* divulsus, sedes suas in urbe *Sodoma* fixit, qua directa a rege *Codorabonore*, cum & ipse *Lothus* in hac urbis *Sodome* direptione fuisset abluſus captivus, confestim *Abrahamus*, trecentis & octodescim armatis servis suis, *Lothum* nepotem suum, urbisque hujus direpte populum pristinam in libertatem vindicavit. Redenti *Abrahamo* a cede Regis *Codorabonore*, occurrit *Melchisedechus*, Sacerdos, qui ei benedixit. Urbem *Sodoma*, ob nefandissimum & propeſſoriam suorum incolarum libidinem, igne caelesti consumpsit Deus, ex quo incendio solus *Lothus* ab Angelo ereptus est cum uxore & utraque filia; at *Lothi* uxor, cum post se, contra divinum mandatum, muliebri fortassis curiositate, respectasset, in statuum salis aëſtuum versa est. *Abrahamus* ex *Agare*, ancilla sua, quam uxorem duxerat, filium suscepit *Ismaelem*, quem, licet primogenitum, una cum *Agare*, matre, dono sua, jussu Dei, expulit *Abrahamus*, postquam *Sara*, altera ipsius conjux, jam in effecta ætate peperisset, juxta divinas promissiones, *Isaacum*, in quo benedicendæ erant omnes Gentes, qui ex *Isaaci* stirpe nasciturus erat *Messias*. Cum autem jam adolevisſet *Isaacus*, volens Deus fidem

& obedientiam *Abrahami* toto Orbe illustrem reddere, præcepit huic Patriarchæ, ut eum, quem in deliciis, & in oculis habebat, filium suum *Isaacum* suis ipse manibus mactaret. Deo itaque imperanti, abjecta omni mora, *Abrahamas*, post homines natos obedientissimus, filium suum *Isaacum* immolandum obtulit; illum tamen non mactavit, quia Deus ipse, qui jussuſet mactandum, patris fidem explorans prohibuit per Angelum ne faceret. Hæc sunt in summa res ab *Abrahamo* præclare gestæ, quas in tertio Colloquio in Historiam secundæ Mundi Etatis late exposuisti, quasque ipse compendiosa narratione hic perscrinxi, ut intelligas, eorum, quæ hæcenus, in nostris Colloquiis de sacra Historia narraſti, notitiam adhuc memorie meæ tenaciter inhærere. Sed age nunc, si placet, & perſeſce cætera, quæ *Abrahamus*, post illud sacrificium, quo, parens divino præcepto, filium suum *Isaacum* mactare voluit, gessit usque ad suum obitum.

MAGISTER. Priusquam de aliis *Abrahami* gestis usque ad ipsius obitum sermonem instituamus, præstat, ut observes, sacrificium istud, quod Deus, ad explorandam fidem *Abrahami*, jussit, ut sibi ab illo Patriarcha per mactationem filii *Isaaci* offerretur, fuisse in Populo Dei insolitum, & apud Barbaros dumtaxat Populos, quos Ethnicos postea usurpatum, sicut memini me jam in præcedentibus nostris Colloquiis observare. At, certum est, sacrificia vel ex animalibus, vel ex frugibus terræ, fuisse ab exordio Mundi Deo Patriarchis oblata, ut liquido constat ex sacrificiis *Abelis*, & *Caini*, huncque morem ejusmodi sacrificia Deo offerendi non solum ad Patriarchas primæ & secundæ Etatis fuisse propagatum; sed etiam ubique terrarum ad Christi Domini usque adventum obtinuisse. Ex quo facile intelligere potes, quam horrenda sit & plane prodigiosa quorundam prophanoſum hominum, seu incredulorum, & Atheorum cæcitas, qui in iis sacrificiis semper Deo oblatis, sive in illo religioso cultu, qui ab omnibus hominibus ubique terrarum ab ipso Mundi exordio fuit omni ævo exhibitus Deo, pertinacia plusquam adamantina detestant agnoscere invictum argumentum existentie Dei, cui Mundus iste originem suam debeat, & a quo administraretur & regatur. Nam, ut obiter dicam, unde, quæſo, tam constans, tamque omnium hominum animis alte infidens de Deo per sacrificia colendo (si Deus nullus sit) opinio atque sententia? Et unde etiam tanta paucis Atheis (sicut ipsis videtur) sapientia, ut id ipsi videant, quod, a nulla Gente, nullo Populo, deprebenſum atque animadverſum fuit, immo quod ab
A 3 omni-

omnibus tanquam impium & execrandum, constanter & universaliter fuit reiectum? Sed misis illis miseris Atheis, qui veritati de existentia Dei, quæ in sacrificiis Deo ab exordio Mundi oblatis radiis solaribus clarior apparet, perfidum pectus, mentemque pertinaciter occcludunt; prosequamur nunc cætera *Abrahami* præclare gesta usque ad ipsius obitum. *Sara*, uxor *Abrahami*, annos nata centum viginti septem, diem ultimum clausit in civitate Arbæ, quæ est *Hebron* in Terra Chanaan, ad cuius sepulchrum *Abrahamus*, postquam ei parentastus duplicem sepulchram ab *Ephrone* Hebræo, filio *Seor*, quadringentis siclis emit, ibique sepulta fuit *Sara*, quæ, ut obiter dicam, typoni gessit B. Mariæ Virginis. *Sara* quippe, admirabili fide prædita, peperit *Isaacum*, in quo Deus omnibus Gentibus benedicere debebat, iuxta promissionem, quam Deus fecit *Abrahamo*, Genes. cap. 17. v. 15. & 16. ei dicens: *Sarai*, uxorem tuam, non vocabis *Sarai*, sed *Saram*, & benedicam ei, & ex illa dabo tibi filium, cui benedicturus sum, etique in Nationes, & Reges populorum orientis ex eo. Præterea, *Sara* pallia est gravia incommoda ab *Agar*, ancilla sua, quam *Abrahamus* decennio postquam in Terra Chanaan suum domicilium posuisset, uxorem duxit, quæque fuit mater *Ismael*? Quæ omnia perfecte præfigurant Beatam Mariam Virginem, quæ eximia fide donata, omnique gratiarum genere cumulata, Mater fuit simul & Virgo, atque Iesum Christum, verum Messiam a Deo promissum, & in *Isaaco*, filio *Saræ*, adumbratum, peperit, & gaudium suo partu attulit universo Mundo. Deinde, sicut *Isaacum*, filium *Saræ*, exagavit *Ismael*, filius *Agar*; ita Iesum Christum, Filium B. Mariæ Virginis, persecuti sunt Iudei, filii Synagoge, cuius typon gessit *Agar*, mater *Ismaelis*. Postremo, quem admodum *Agar*, ejulque filius *Ismael*, fuerunt, jubente Deo, ex ædibus *Abrahami* expulsi; ita Synagoga fuit a Deo reiecta ac penitus repudiata; & filii Synagoge, seu Iudei, ab Ecclesiâ Iesu Christi, quem cum verum Messiam agnoscere renuerunt, extorres facti sunt, & per universum Orbem dispersi, miseris & calamitatibus oppressi, laribus & patrio solo prostrigati, Republica & propriâ Civitate Hierusalem privati, sine Rege, sine Duce, sine Templo, sine Sacerdote, atque omnibus Nationibus exosi, misertam servitutem servire coguntur.

D. Quando quidem de *Sara* uxore *Abrahami*, sermonem jam facere cœpisti, vellem in primis scire, an *Abrahamus*, dum in Aegypti finibus versaretur, *Saram*, uxorem suam, quam, ut antea dixisti, ob eximiam ejus pulchritudinem, *Pharao*, Aegyptiorum Rex, rapuerat, ut ea impudice frueretur, intactam ab eodem receperit, aut vitiatam? Causam ea de re dubitanti ingerit mihi altum silentium sacri Scriptoris *Mosy*, qui cap. 12. Libri Genes. narrans historiam prioris rapto *Sara* a *Pharaone*, Rege Aegypti, ne unum quidem profert verbum, ex quo colligi possit, *Abrahamum* recepit ab illo *Pharaone* intactam uxorem suam *Saram*, quam ille Rex, impo-

tenti libidine flagrans, rapuerat; cum tamen idem facer Scriptor *Mosy* cap. 20. Libri Genes. describens historiam posterioris raptus *Sara* ab *Abimelecho*, Rege Palæstinorum, seu Geraritarum, diserte dicat, *Saram* non fuisse violatam, seu vitiatam a Rege *Abimelecho*. Sic enim fertur *Mosy* verbi 4. capitis citati: *Abimelech* vero non tetigerat eam, idest, *Saram*. Hunc igitur nodum, si placet, dissolve.

M. *Saram*, conjugem *Abrahami*, non fuisse pollutam a Rege *Pharaone* (commune id & appellativum Regum Aegypti nomen erat) constans est ac perpetua omnium sententia; idque sacra hujus loci historia satis evidenter declarat, quippe quæ docet, hunc *Pharaonem* fuisse, ob raptum *Sara*, multis plagis, tam ei, quam toti illius familiz insidit, a Deo flagellatum, non alia sane ratione, quam ut ille Rex, divinis flagellis castigatus, a *Sara* congressu, cujus potius inde inflammatus cupidine erat, detereretur. Vehemens enim corporis dolor, ut experientia fas superque notum est, omnem sensum ardentissimæ libidinis restringit, ab irrationali & effreni coercet impetu, cohibet incontinentem mentem, sistit concupiscentiam indomitam, refrænateque lascivientis furoris insaniam. Sic Deus per illas poenas Regi *Pharaoni* immisissas periclitanti *Sara* pudicitiz consuluit. In hac ratione potissimum acquiescit S. *Augustinus*. Accedit præterea altera ratio, quam suppeditat Regis hujus *Pharaonis* cum *Abrahamo* expostulatio, eum sic alloquens: *Quam ob causam dixisti, Saram esse fororem tuam, aut tollere eam mihi in uxorem?* Quibus verbis aperte quidem innuit Rex *Pharao*, se voluisse *Saram* accipere in uxorem, sed fatetur tamen, se necdum eam accepisse, quia, sicut optime observat *Sanctus Hieronymus* in Traditionibus Hebraicis in Genesim, quæcumque mulierum, juxta Librum *Esther*, placuisset Regi apud Veteres, sex mensibus ungebatur oleo myrrino, & sex mensibus in pigmentis variis erat, & curationibus sanarum, & tum demum ingrediebatur ad Regem. Atque ita potest fieri, ut *Sara*, postquam placuerat Regi, dum per annum ejus ad Regem præparatur introitus, & *Abraham* *Pharao* multa donaverit & *Pharao* postea sit percussus a Deo, illa adhuc intacta ab ejus concubitu permanere. Hactenus sanctus *Hieronymus*, cujus rationem dilati congressus *Sara* cum Rege *Pharaone* suo calculo approbat S. *Augustinus*, Quæstione xxvi. in Genesim, & in Libro De *sesto Dulcitius* Quæstionibus, Quæstione vii. Sed, inquit, igitur *Mosy* cap. 12. Libri Genes. non explicite dicit, *Saram* non fuisse vitiatam a Rege *Pharaone*, cum tamen cap. 20. ejusdem Libri exerte dicat, *Saram* in consimili casu non fuisse pollutam a Rege *Abimelecho*? Huic quæstioni respondet *Theodoretus* quæst. lxxii. In Genesim: *Manifestum est, inquit, cum primum Sara rapta est a Pharaone, Deum agrotatione quadam, quasi vinculo quadam eum obligasse, ne Sara violaretur. Agrotatio enim appetitionem Regis hebetavit, & venator intra retia sua captam habens feram, quam maxime optabat; præda tamen sui non parvi. Sed querendum est, cur Sara non fuisse*

fuisse *israhm a Rege* (scilicet Pharaone) hoc loco scriptum non fuerit, quemadmodum infra scriptum est (seu cap. 20. Lib. Gen.) cum eadem (idest, Sara) postea a Rege Abimelecho accepta esset. Verum Sara per id temporis (idest, quando rapta fuit a Rege Abimelecho) paritura erat Isaac. Ne igitur suspectum illud semen esset, ibi scriptum est, *Saram servatam fuisse a Deo, ne ab Abimelecho pollueretur.* Hæc Theodoretus.

D. In historia de sepultura *Saræ*, offendi in Scriptura Sacra antilogiam, seu contradictionem, quæ, ut candide fatear, multum mihi exhibet negotii, cuique solvendæ imparem me esse ultro profiteor. *Moyser* quippe cap. 13. Libri Geneleos, ait, *Abrahamum ad sepeliendum uxorem suam Saram emisse in Hebron sepulchrum ab Ephrone, Hethæo, filio Seor.* At in Libro Actuum Apostolorum cap. 7. legitur, sepulchrum, quod emit *Abrahamus*, non fuisse positum in Hebron, sed in Sichem; illudque sepulchrum emisse Abrahamum non ab Ephrone Hethæo, filio Seor, sed a filio *Emor*, filii *Sichem*. Sic enim S. *Lucas*, loco mox laudato inducit S. *Stephanum* loquentem Judæis: *Et translatus fuit in Sichem* (idest, duodecim Patriarchæ filii *Jacob*) & positi sunt in sepulchro, quod emit *Abraham* pretio argenti a filiis *Hemor*, filii *Sichem*. Modum itaque hanc antilogiam conciliandi obsecro te mihi aperire non graveris.

M. Ad hunc intricatum nodum dissolvendum varios cuneos adhibere solent Scripturæ Sacre Interpretes, quos inter nonnulli volunt, locum illum cap. 7. Actuum Apostolorum, ubi sic scriptum est: *Et translatus fuit in Sichem, & positi sunt in sepulchro, quod emit Abraham pretio argenti a filiis Hemor, filii Sichem*, interpolatum, seu depravatam esse, siquæ restituendum esse genuinam illius loci lectionem: *Et translatus fuit in Sichem, & positi sunt in sepulchro, quod emit Jacob pretio argenti a filiis Hemor, patris Sichem.* Verum, ut cordate fatear, hæc quorundam Criticorum non mihi probatur opinio. Nam, præterquam quod in vobis adeo dissimilibus, nulla ex parte Typographorum fingi potest depravationis occasio, certum est, omnia Exemplaria sacri Libri Actuum Apostolorum, cum Græca, tum Latina ab ipsis Apostolorum temporibus, ad hanc usque ætatem nostram jugiter eandem retinuisse lectionem, & S. Hieronymum, aliosque Patres, & Scriptores Ecclesiasticos nunquam suspicatos esse ejusmodi locum sub mendo cubare, quamvis in eo dilucidando diu multumque insudarint. Cum igitur universæ Scripturæ Sacre Exemplaria mirifice consentiant, nemo citra temeritatem locum illum vitiatum esse cauteri potest. Rejeda itaque hæc paucorum Criticorum sublesta admodum ac jejuna conjectura, missisque aliorum interpretationibus; perplacet mihi expositio *Venerabilis Bedæ*, qui Comment. in cap. 7. Libri Actuum Apostolorum rem acu tetigisse mihi videtur, dum hunc nodum sic solvit: *Docet Genesius, Abraham ab Ephron filio Seor Hebræi in Canaan loco sepulchri quadrigenis argenteis fidei emisse, in quo Abraham, Isaac, & Jacob, &*

Adam protoplastus sepulti: itemque Jacob, de Mesopotamia reversum, juxta urbem Sichem, partem agri, quo tabernacula tendentes, ab Hemor, patre Sichem, datis, centum agnis accepisse. Non emit ergo Abraham sepulchrum ab Hemor, Sichemita, sed ab Ephron, Hethæo, in quo duodecim Patriarchæ (seu filii Jacobi) non sunt sepulti, sed in Sichem, ut diximus. Verum B. *Stephanus* vulgo loquens, vulgi magis in dicendo sequitur opiniones. Duas enim pariter narrationes conjungens, non tam ordinem circumstantiis historie, quam consensum, de qua agebatur, intendit. Qui enim infundabatur adversus Locum sanctum, & Legem docuisse, pergit offendere, quomodo Jesus Christus ex Lege monitorem esse promissus, & quod ipsi nec tunc Moysi, nec Domino servire maluerint. Hæc, ut potui, dixi, non præjudicans sententiæ meliori, si adsit. Porro, quod dicitur: *A filiis Hemor, filii Sichem: In Græco Exemplari scriptum est: A filiis Hemor, qui fuit in Sichem: Quod Genesius Historia magis concordare videtur; tamen si fieri poterit, ut idem Hemor patrem & filium Sichem nomine haberes.* Hæcenus *Venerabilis Bedæ*, cujus hac in re *Moyser* cum S. *Stephano* conciliandi modus planior ac expeditior videtur *Rabano, Eftio, Melchiori Cano, Emmanuele Sa Saliano*, aliisque doctissimis Scripturæ Sacre Interpretibus, quibus ipse assentior.

D. Sed dicas, quæso, qui poterit *Abrahamum* absque simoniz peccato emere ab Ephrone duplicem speluncam in sepulturam *Saræ*, cum certum sit, jus sepulture rebus spiritualibus esse annexum? Emere autem aut vendere aliquid spiritualibus annexum, constans est omnium Theologorum sententia esse illicitum, & simoniz vitio non carere. Peccavit igitur *Abrahamus*, emendo ab Ephrone duplicem speluncam in sepultura *Saræ*.

M. *Abrahamum* in emptione duplicis spelunce in sepulturam *Saræ* a simoniz labe purgant sancti Patres, quos inter unum, instar omnium laudabo S. *Thomam*, Doctorem Angelicum, qui 2.2. Quæst. C. Art. IV. ad 3. hæc scribit: *Dicendum, quod spelunca duplex, quam Abraham emit in sepulturam, non habetur quod erat consecrata ad sepeliendum, & ideo licet ab Arabæ terram illam emere ad usum sepulture, ut ibi insisteret sepulchrum, sicut etiam nunc licet emere aliquem agrum communem ad instituendum ibi cimiterium, vel etiam Ecclesiam. Tamen quia apud Gentiles, loca sepulture deputata, religiosa reputabatur, si Ephron pro loco sepulture intendit pretium accipere, peccavit vendens, licet Abraham non peccaverit emens, quia non intendebat emere nisi terram communem. Licet enim etiam nunc terram, ubi quondam fuit Ecclesia, vendere aut emere in casu necessitatis, sicut & de materia sacrorum vasorum dictum est. Vel excusatur Abraham, quia in hoc redemit suam uxorem.* Quamvis enim Ephron gratis ei sepulturam offerret, perpendit tamen Abraham, quod gratis recipere sine ejus offensa non posset. Hæc S. *Thomas*, qui Abrahamum in emptione duplicis spelunce in sepulturam *Saræ* egregie vindicat. Cæterum, debes hic obiter advertere *Saram*, plenam dierum, virtutum, honorumque operum ex hac

vita ad Deum migrasse, ac subinde nullam profus fidem habendam esse quibusdam Rabbiniis, qui mentem habentes pallam chymæris, ridicule fingunt, demonem sub humana specie apparuisse *Sara*, eique nunciasse, quemadmodum Abrahamus pararet immolare filium suum *Isaacum*. Quo insulso imperatoque nuncio, dicitur illi Rabbini, adeo consternatam animo fuisse *Saram*, ut mox, præ doloris magnitudine, fatiscens, planeque deficiens, vitam cum morte commutavit. Hanc puram putamque Rabbiorum fabulam esse pluribus momentis evinco. Primo, quia Scripturæ Sacre omnino refragatur. Nam *Moses*, peracto sacrificio Arietis, quem in locum filii sui *Isaacii* sufficit & immolavit *Abrahamus*, narrat, hunc Patriarcham revertem esse Bersabee, atque ibidem habitasse: At, *Sara*, ut ait idem sacer scriptor *Moses*, mortua & sepulta est in Hebron. Abrahamus igitur Bersabee aliquandiu commemoratus est, & inde remigravit in urbem Hebron. Præterea, juxta probabiliorum cum *Josephi*, Hebræi, tum peritiorum Scripturæ Sacre Interpretum sententiam, *Isaacus* attigerat annum ætatis suæ vigesimum quintum, quando pater ipse *Abrahamus* eum immolare voluit: Cui sententiæ illud consequens est, fuisse tunc *Abrahamum* centum & viginti quinque annorum; genuit siquidem *Isaacum*, cum jam centenarius esset. Consequens etiam istud est, *Saram*, tempore, quo *Abrahamus* filium suum immolare voluit, non solum fuisse adhuc in vivis, sed etiam duodecim annis superstitem permanisse, quia *Sara* peperit *Isaacum* cum esset nonagenaria, & obit annos nata centum viginti septem, sicut legitur Genesim cap. 23. Non desunt etiam aliqui Scriptores, qui pertendunt, *Isaacum* attigisse dumtaxat annum decimum, aut duodecimum ætatis suæ, quando pater ipse *Abrahamus* illum voluit Deo in sacrificio offerre. Ex qua sententiâ sequitur, *Saram* longe plures quam duodecim annos, post *Isaacii*, filii sui, sacrificium vixisse. Sed, ut ingenue dicam, hæc mihi non probatur illorum Scriptorum sententiâ, quia *Moses* diserte asserit, *Abrahamum* imposuisse humeris *Isaacii*, portanda ligna in holocaustum necessaria, qui sane ferendo oneri impar fuisset tam tenera ætas, præsertim vero in ascensu montis arduo & laborioso. Tertio, sanctus *Joannes Chrysostomus* Homilia de S. Job, & *Abraham* cenet, *Saram* omnino nescivisse Dei præceptum, datum *Abrahamo*, de immolando *Isaaco*. Quod quidem ita contigisse non solum ex narratione Mosaica evincitur, verum etiam quia credibile est, noluisse *Abrahamum* hoc Dei præceptum communicare cum conjuge sua *Sara*, tum ne illam incredibili dolore afficeret, tum etiam, ne propter acerbissimum dolorem, quo *Sara* fuisset percussa, vehementius ipse in immolatione filii sui *Isaacii* fuisset animo perturbatus, ac subinde non ita prompte, ut par erat, nec tam alacriter Dei Mandatum exequeretur. Denique, S. *Augustinus* lib. 16. De Civit. Dei cap. 33. ait, *Isaacum* iniisse matrimonium cum *Rebecca*, anno ætatis suæ quadragesimo, videlicet anno patris

sui *Abrahami* centesimo quadragesimo: post mortem vero matris suæ *Saræ* triennio. Cum igitur *Isaacus* anno, quo ipse pater *Abrahamus* eum Deo offerre in sacrificium voluit, jam attigisset, juxta probabiliorum sententiam, annum ætatis suæ vigesimum quintum, & *Rebecca* anno ætatis suæ quadragesimo, hoc est, triennio post obitum matris suæ *Saræ*, uxorem duxerit, manifesto sequitur, *Saram*, post annum, quo *Abrahamus* filium suum *Isaacum* mactare voluit, vixisse adhuc duodecim annos. Quod autem *Isaacus* anno ætatis suæ quadragesimo *Rebecca* uxorem duxerit, aperte testatur Scriptura Sacra cap. 25. lib. Genesim, his verbis: *Abraham genuit Isaac, qui, cum quadragesima esset annorum, duxit uxorem Rebecca, filiam Bathuelis, Syri de Mesopotamia, sororem Laban*. Facessant itaque Hebræi, qui commentis, ac fabulis male consarcinatis delectati, fingunt, *Saram*, audito nuncio de immolando filio *Isaaco*, protinus, instar *Niobe*, exanimem factam, obriguisse, attonitam obmutuisse, atque ex nimio dolore fuisse extinctam. Credat hoc Judæus *Apella*.

D. Nunc scio, *Isaacum* anno quadragesimo ætatis suæ, & triennio post obitum matris suæ *Saræ*, nuptias cum *Rebecca*, filia *Bathuelis*, conjugasse. Sed dicas modo, obsecro te, quo pacto, & quibus auspiciis *Abrahamus*, pater *Isaacii*, ejusmodi nuptias conciliaverit?

M. *Abrahamus*, cui filius *Isaacus* delectum uxoris concesserat, ulius est opera spectare fidei famuli, senioris domus suæ (quem nulli Scripturæ Sacre Interpretes autumant, fuisse *Eliæzerem Damascusum*, qui præerat familiæ *Abrahami*, & de quo fit mentio cap. 15. lib. Genesim) huic, inquam, famulo, sed prius sanctissimum jurejurando obstricto, delegavit hanc provinciam, ut omnium maxime seriam. Sed quia volebat *Abrahamus* uxorem dare filio suo *Isaaco*, quæ esset e Gentē Chanaanæ, quam sciebat esse a Deo reprobaram, ideo jussit famulo suo, ut iret in Mesopotamiam, ibique selectam ex ipsius cognatione puellam sponfam festinanter adduceret ad *Isaacum*, in Terra Chanaan habitantem. Has porro nuptias non aliis auspiciis quam æterni Numinis [con]ciliavit *Abrahamus*. Sic enim famulo suo cap. 24. lib. Genesim loquitur: *Domini celi & terre, qui tulit me domo patris mei, & de terra natiuitatis meæ, qui locutus est mihi, & iuravit mihi, dicens: Semini tuo dabo terram hanc; ipse misit Angelum coram te, & accipies inde uxorem filio meo*. Profectus famulus, statim ac ad locum, quo tendebat, pervenisset, oravit juxta pteum, & ad bene fortunandas nuptias imploravit misericordiam Dei, qui auctor est ac promotor omnis conjugii. Ubi votis ex animi sententiâ respondissent omnia, prostratus in terram adoravit Dominum, egrique gratias, quod illo prosperante, res, ut optaverat, lætum ac felicem habuisset exitum. Propositis sibi nuptiis assensum præbuit *Rebecca*, seque ad iter accinxit ex consensu parentum, qui filiz omnia fastida omnia apprecantes dixerunt: *A Domino egressus es festinus, non possumus intra placium ejus quidem*

quam aliud loqui rectum, sicut legitur Genesis cap. 24. v. 50. Igitur Rebecca, aliaque puellæ honorariz, quæ ei inserviebant, camelis insidentes, fecerunt sunt famulum Abrahami, qui, ut inquit Scriptura Sacra loco mox a me laudato, *festinus revertebatur ad Dominum suum*. Contigit autem, ut Isaac obviam iret Rebecca, sponsæ suæ, quem cum vidisset Rebecca, & certo accepisset, eum esse Isaacum paratum sibi sponsum, e camelo, nulla interposita mora, desiluit, honoris sponso deferendi gratia, & accepit cito pallium, & operuit se, honestatis, & pudoris causa, more matronarum, & feminarum Arabiæ ac Mesopotamiæ, quibus solemne fuisse vultum velo obtegere testatur S. Hieronymus Comment. in cap. 3. *Isaie*. Adventantem Rebecca, conjugem suam, Isaac peramanter excepit, salutavit, complexus est, eamque introduxit in tabernaculum matris suæ Saræ. Neuter alterum hæcenus viderat, & tamen inter eos vehementer & constans amor fuit, adeo ut Isaac oblivisceretur mororibus, quem ex obitu matris conceperat, videlicet & matrem ipsam relicturus, & adhærens uxori suæ, si res ita talis.

D. Utinam! nostris temporibus sic fortunata, sic solis Dei auspiciis contraherentur matrimonia, pererentque homines, ut par esset, a solo Deo uxores aptas, morigeras, dociles, pudicitias, modestas, sobrietate, prudentia, cæterisque dotibus præditas. Huc enim vocat nos Salomon, dicens: *Domus & divitiæ dantur a parentibus, a Domino autem uxor prudens*. At, pro dolor! tanta invaluit hac nostra tempestate cupiditas, ut Parentes, in deligendo genere, aut nuru, ceu præcipuum scopum sibi, ut plurimum, proponant formam, ætatem, opes, aut generis claritudinem, aut factionem præpotentem; de pietate vero, de bona indole, & de proba educatione, neutra ex parte fiat ulla mentio. Quo fit, ut sæpenumero pro felicissimis concilient inauspicatissima matrimonia, cum caput huius felicitatis in hoc situm sit, ut apta sit conjunctio, & inter bonos & æquales sit perpetua concordia, quæ nascitur similitudine morum & ingeniorum, ac mutuis officiis & obsequiis. Hisquippe rebus potissimum gignitur aliturque concordia, sine qua nullum potest esse felix matrimonium, sed durum dumtaxat ac triste iugum, quod conjuges, velint nolint, ferant oportet. Sed hanc querimoniam, quæ longius nos abduceret, prætermittamus, & redeamus ad Abrahamum, qui (ut nuperrime legebam in Scriptura Sacra, videlicet Capite XXV. Libri Genesis) post mortem Saræ, uxoris suæ, ad tertias nuptias convolvavit, & quamvis jam senio confectus esset, matrimonium inivit cum Cetura, quam nonnulli tradunt fuisse ex Gente Chananæ, qui Deus fuerat imprecatus. Rogo te igitur, ut exponas primo, cur Abrahamus, ultimam quasi vitæ suæ metam attingens, voluerit adhuc Veneri indulgere, & procreandis liberis operam dare? Secundo, cur Abrahamus matrimonio sibi copulaverit Ceturam, natione, ut quidam volunt, Chananæam, ex qua tamen gente, ut pote a Deo re-

probata, ipsemet Abrahamus filio suo Isaac uxorem accerere noluerat?

M. Non estu libidinis abreptus matrimonium cum Cetura inivit Abrahamus, sed cum amaræ senectutis jam pondera ferret, eam sibi uxorem adscivit, quæ ejus senectutem fovaret, filios ad propagandum verum Dei cultum pararet, ejusque familiam recte administraret. Narrat autem Moyses, Abrahamum suscepisse ex Cetura, quæ nec vetula, nec nimium juvenis, sed florentis ætatis erat, sex filios, nepotes & pronepotes decem. Quibiter tamen hic advertere debes, matrimonium, quod Abrahamus, jam senex inivit cum Cetura, nullo pacto favere prodigiosis quibusdam libidinis exemplis, quæ nunc in nonnullis senibus fieri videmus. Sunt enim quidam septuagenarii, qui, ut expleant libidinem suam, teneras puellas, vix duodecim annos natas ducunt uxores. Sed multo absurdus est, si mulier sexaginta annos nata nubat juveni, vix vigesimum ætatis suæ annum egresso. Nam vir, quamvis senex, ex puella potest suscipere liberos. Anus ex juvene mater fieri haud potest. In utroque tamen fœda species est: nam sponsus senex non cum uxore, sed cum filia dormire videtur, & anus sponsa filio nupsisse videtur non conjugi, sed hujusmodi nuptias si conciliet divitiarum amor, fœdæ sunt, si libido, fœdiores. Eas tamen Ecclesiasticæ Leges non rescindunt, quamvis populi salubus ac discretis flagellentur. Nihil horum occurrit in matrimonio, quod Abrahamus, jam senex, inivit cum Cetura. Absuit ab hoc matrimonio fœda libido, & Cetura non erat tenera puella, sed florentis ætatis, quando Abrahamo seni nulla fuit. Non crediderim autem, Ceturam fuisse, sicut quidam perperam ajunt, natione Chananæam, aliqui conjugia ex illa gente Abrahamus hæsis in seipso probasset, quod in filio suo Isaac verbis repudiaret, quod certe abhorret ab omni veri specie. Longe itaque probabilius esse censo, Ceturam fuisse ancillam Abrahami, natione Ægyptiam, non secus ac Agaræ, alteram ancillam Abraham, quam ipse, ob sterilitatem Saræ, conjugis suæ, matrimonio sibi copulavit. Nam quod disclitant quidam Hebræi, Ceturam, eandem esse cum Agar, ineptum ac putidum commentum est, a veritate Historiæ Sacre omnino alienum, quodque subinde hic retulisse, abunde refutasse est.

D. Sanctæ fuisse illa matrimonia, quæ Abrahamus contraxit cum Agar, & Cetura, ex eo maximo intelligo, quod ipse Patriarcha, sicut perhibet Historia sacra, videt filios filiorum quos ei peperit Cetura, & filios Ismael, quem suscepit ex Agar. Hoc enim evidens est sanctitatis matrimonii, & divinæ benedictionis argumentum, sicut testatur Scriptura Sacra Psalm. 127. dicens: *Benedicite sibi Dominus ex Sion, & videas filios filiorum tuorum &c.* At, utrum Abrahamus videret, antequam moreretur, filios filii sui Isaac, quem genuit e Sarra, & in quo divinæ promissiones de oritu ex ipsius stirpe Messia compleri debebant, nunc a te discere percipio.

M. Isaacus, Abraham filius, qui, sicut antea observavimus, anno ætatis suæ, quadragesimo.

sibi

sibi *Rebecca* matrimonio sociavit, nullam per viginti annos a contractis nuptiis prolem ex ea suscepit. Videbat quidem *Abrahamus* numerosam sobolem filiorum, quos ei pepererant ancillæ *Agar*, & *Ceturæ*, sed mirabatur, quod *Isaacus*, quem ex libera conjugæ *Sara* susceperat, cuique Deus innumerabiles filios promiserat, adhuc sine liberis esset. Hinc *Abrahamus*, viva Fide animatus, ejusque filius *Isaacus*, & *Rebecca* jugibus lacrymis, votis ac precibus divinam implorabant clementiam, ut præsentissimum sterilitatis *Rebecca* remedium asserere dignaretur. Eorum votis & precibus annuit misericors Deus, fecundam statim reddidit *Rebecca*, que post sterilitatem viginti annorum, duos geminos concepit, qui tamen, ut inquit Scriptura *Sacra*, collucebantur in utero ejus. Hos duos geminos, dictos *Esaus*, & *Jacob*, novo a conceptione mente peperit *Rebecca*, dum vir ejus *Isaacus* annum attingeret ætatis suæ sexagesimum primum.

D. Eccc, quæso, isti duo gemini *Esaus*, & *Jacob*, antequam in lucem eederent, jam intra materni ventris clausura lucebantur? & quid, fodes, præfigurabat domesticum istud dissidium?

M. Istius intestini dissidii, quo isti duo pueruli in utero matris *Rebecca* inter se collidebantur, duplex potest asserri ratio. Prima est, quia inter hos fratres, *Esaus*, & *Jacob*, quamquam uterinos, quamquam gemellos, nunquam perfecta potuit coire concordia. *Esaus* enim semper odio habuit *Jacob*, *Jacob* contra, etsi non responderit odio mutuo, fugit tamen, suspectumque semper habuit *Esaus*, neque sese illi credidit. Altera ratio istius dissidii inter duos illos fratres in utero matris petitur ex typo, quem isti duo fratres gerebant. *Esaus* liquidem, utpote totus terrenus & carnalis, præfigurabat *Carnem*, quam interdum Apostolus *Paulus* appellat *Corpus*, interdum *exteriorem hominem*, nonnunquam *legem membrorum*. At, *Jacob*, qui totus erat celestis & spiritualis, typum gerebat *spiritus*, quem modo *interiorem hominem*, modo *legem mentis* vocat idem Apostolus. Dimicabant ergo inter se fratres illi in utero materno, quia præfigurabant perpetuum istud ac intestinum bellum, quod est *Carnem* inter & *spiritum*. Ait enim sepe laudatus Apostolus: *Caro concupiscit adversus spiritum, & spiritus adversus carnem*. Idem alibi: *Video aliam legem in membris meis, repugnantem legi mentis mee*. Denique alio in loco: *Si secundum carnem viveritis, moriemini; si spiritus factus carnis mortificaveritis, vivetis*. Ex quo patet, Apostolum *Paulum* eodem in homine duos homines (*interiorem videlicet & exteriorem*) facere adeo conglutinosos, ut nenter sine altero, neque in gloria, neque in gehenna sit futurus; adeo rursus disjunctos, ut unus mors, vita sit alterius, ac nova rerum conversione, quamdiu in hac vigi mortali superstites sumus, quærere debeamus in bello pacem, in pace bellum, in morte vitam, in vita mortem, in servitute libertatem, in libertate servitutem. Hæc igitur collectario *Esaus*, & *Jacob* in utero materno figura fuit illius intestini, quod est inter corpus & spiri-

tum, belli, quo Apostolus *Paulus* etiam gravatus exclamabat: *Infelix ego homo, qui me liberabis de corpore mortis hujus?*

D. Distinctius, si placet, expone, quo pacto *Esaus* fuerit homo terrenus & carnalis, *Jacob* vero; ejus frater, existerit homo celestis & spiritualis?

M. *Esaus*, & *Jacob* in utero matris *Rebecca*, ut prox diximus, lucebantur; sed *Esaus* præoccupavit exortum, sicque fuit natura primogenitus, *Jacob* vero præcipuit benedictionem. Prius enim carnale, at quod spirituale potius est. *Esaus* erat rufus & pilis oblitus, *Jacob* levis & suavisissimis moribus præditus. *Esaus* inquietus & venator erat; contra, *Jacob* domesticus gaudebat otio. *Esaus* famelicus, & ventris, magis quam honoris, sollicitus, edulio lentis, vilique voluptatis amolamento illectus, jus suæ primogenituræ vendidit fratri suo *Jacobo*, qui quod sibi jure non debebatur, arte gratiæ sibi vindicavit. *Jacob* solus vidit Dominum, *Esaus*, ut sanguinarius, gladio vixit. Dominus a matre *Rebecca* consultus respondit: *Major*, id est, *Esaus*, serviet minori, seu *Jacobo*. Et pater *Isaacus* *Esaus* dixit: *Fratri tuo*, seu *Jacobo*, *Servies*. Sed vide insuper quam pie & spiritualiter in contrahendis nuptiis se gesserit *Jacob*, quam vero impie & carnaliter *Esaus*? Accepta *Jacob* a patre suo *Isaac* benedictione, venit, juxta præceptum sibi a patre suo impositum, in Mesopotamiam ad *Laban*, avunculum suum, ut ex ejus familia uxorem duceret. Longinquam illam ac periculofam peregrinationem, ut morem gereret præcepto patris sui, ultro suscipit, nec vim inferre cogitat, nec insidias struit puellæ, sed, post visionem Angelorum, adorat Dominum, & erecto lapide, quem capiti supposuerat dormiturus, votum nuncupat Deo. His auspiciis fretus adit domum *Laban*, videt filium ejus *Rachelem*, eamque statim deperire cepit, & eam habere sponfam vehementer optat, nec tamen puellæ clam loquitur de matrimonio, sed pacificus cum *Laban*, ejus patre, conjugium *Rachelis* septem annorum famulari: nec interim vel summis digitis attingit adamatam puellam, versans in iisdem adibus, atque adeo utens pascuis communibus, sed per septennium zelus, flagora, alioque id genus annexos vitz pastoritiz labores patientissime & constantissime toleravit, ut promisso dilectissimæ *Rachelis* connubio potiretur. Demum, evolutis illis septem famulatus annis, dum magno apparatu celebrantur nuptiæ, concubia nocte in lectum *Jacobi*, loco *Rachelis*, per dolum *Laban* intrusit *Liam*, sororem *Rachelis*, minus pulchram, & lippitudinem laborantem. Hanc fraudem sibi factam cognovit quidam sequenti diluculo *Jacob*, non tamen suscitavit divorcium, sed, renovata cum *Laban* pactio, recepit duram ei per aliud septennium inferiendi conditionem, modo, post emensum hujus septennii spatium, ipsi uxorem daret *Rachelem*, cujus amore flagrabat, tanta vis erat amoris: sed rursus tanta pudicitia, ut intra tot annos nulla consuetudinis occasio populerit animum ejus, ut ante legitimum tempus fortivo congressu delibaret conjugem suam. Vis denique

audire exitum sancte illius iniri conjugii? Genuit Jacob duodecim filios, ↑ *Israelitarum Tribuum Principes*. Hoc pacto felix, auspicatorumque *Jacobi* conjugium bene fortunavit Deus. At, vide nunc quam impie & carnaliter *Eſau*, frater *Jacobi*, in contrahendis matrimonii sese gessit. Nec enim ex patris *Iſaaci* sententia uxorem accepit, nec ullam in sociandis sibi uxori- bus pietatis, religionis, probitatisque morum rationem habuit, sed opes dumtaxat, formam, ac libidinem secutus, duxit uxores tres ex gente Chananitide, a Deo rejecta, & ex his suscepit filios impiarum ac reprobarum gentium, semper *Israelitico Populo* rebellium, auctores. Quare cum ita fit, nullo negotio intelliges, quam vere *Jacob* appelletur homo caelestis & spiritualis, & versa vice *Eſau* dicatur vir terrenus & carnalis. Facile etiam intelliges, quam iustum sit illud de disparibus ipsis duobus fratribus dispar illud a Deo editum oraculum: *Jacob dilexi, Eſau autem odia habui*. Hic autem obiter advertere debes, *Abrahamum*, postquam filio suo *Iſaaco* nati fuissent *Jacob*, & *Eſau*, in bona senectute, & viribus senem sine sensu deficientius, mortuum esse anno ætatis sue centesimo septuagesimo quinto, & a liberis sepultum in illa duplici spelunca, quam S. hic Patriarcha ad sepulturam conjugis suæ *Saræ* emit ab *Ephrone*, *Hethæo*, sicut superius observavimus.

D. Multa de *Jacobo*, & *Eſau* cursim attingisti, quorum ampliorem notitiam desidero. Expone igitur primo, quod pacto *Jacobus* paternam benedictionem, quæ *Eſau*, fratri suo, jure primogenituræ, debita erat, surripuerit? Secundo, hoc dirime dubium, an *Eſau*, vendens fratri suo *Jacobo* jus primogenituræ suæ, & *Jacob*, prædictum primogenituræ jus emens a fratre suo *Eſau*, peccaverint?

M. Cum *Iſaacus* jam senex decrepitus esset, & lippos oculos ac caligantes haberet, voluit ultimam benedictionem impertiri filio suo *Eſau*. Eum itaque accessit, eique jussit ut venatum iret, & ex capta præda ei pararet epulas. Disſo patris statim audiens *Eſau*, venator bonus, pergit ad sylvam. Interim *Rebecca*, quæ divinitus noverat, minorem filium suum anteponendum esse majori, manus & collum *Jacobi* pelibus hædinis cooperuit, sicque *Jacob*, personam *Eſau* ementitus, turrim obrepens, postquam *Iſaaco* obtulisset pulmentam, a *Rebecca* matre de industria coctum, & quo *Iſaacus* libenter vellebat, tandem a patre suo, tactui potius, quam auribus credente, benedictionem obtinuit; ita volente Deo, qui factum *Eſau* vendens fratri suo *Jacobo* jus primogenituræ approbavit, illudque transfudit in fratrem minorem. Sed an *Jacobus* mendacium protulerit, & æquivocis, ancipitisque significationis vocibus usus fuerit, dum, ad facilius suffragandam benedictionem, patri suo *Iſaaco*, dixit, *Ego sum filius tuus Eſau*? Difficilis est, quam in proximo nostro Colloquio opportunius excutiemus. Cæterum, ad Dubium, quod proposuisti, breviter respondeo, peccasse quidem *Eſau*, dum vendidit jus primogenituræ suæ, sed

non peccasse *Jacobum*, qui illud jus ab eo eruit. Ratio est, quia juxta Hebræorum traditionem (quam S. *Hieronymus* approbat in libro, quem edidit de *Traditionibus Hebræicis*) Sacerdotium, ab universalis Diluvii tempore, primogenitorum principatui annexum fuit, præsertim in familia *Iſaaci*, quæ hoc potissimum nomine jus primogenituræ habuit, quod ipsi promissa fuerit a Deo *Melchiz* nativitas, præsertim capite 26. v. 4. Libri *Genesis*, ubi sic Deus alloquitur *Iſaacum*: *Multiplicabo semen tuum sicut stellas cæli, daboque posteris tuis universas regiones hæc, & benedicemus in semine tuo omnes gentes terræ*. Peccavit igitur *Eſau*, hoc primogeniti jus vendens, & hac de causa ab Apostolo *Paulo* cap. 12. v. 16. & 17. Epistolæ ad Hebræos vocatur *Prophanus*, eo quod propter namque *Eſau* vendidit primitivam suam. Scitote enim, quoniam & postea cupiens hereditatem benedictionem, reprobatum est: non enim invenit penitentiam locum, quamquam cum lacrymis inquisisset eam. At, quod spectat *Jacobum*, qui a fratre suo *Eſau* emit jus primogenituræ, diserte docet S. *Thomas* 2. 2. Quæst. C. Art. IV. ad 3. eum non peccasse: sic enim ait Angelicus ille Doctor: *Jus primogenituræ debebatur Jacob ex divina electione secundum illud Malachia*: *Jacob dilexi, Eſau autem odio habui*. Et ideo *Eſau* peccavit primogenitum vendens: *Jacob autem non peccavit emendo; quia intelligitur suam vexationem redemisse*.

D. Necdum bene capio, quod de *Jacobo* fratre *Eſau* paulo ante dixisti, eum videlicet genuisse duodecim filios, qui fuerunt duodecim Tribuum *Israelitarum* Principes. Quocirca, ni molestem sit, recense primo duodecim illos filios, quos procreavit *Jacob*. Secundo, expone, quid sibi velit isti duodecim Tribuum Principes? Postremo, cur istæ duodecim Tribus appellatæ sint *Israeliticae*?

M. Patriarcha *Jacob* duodecim genuit filios, quorum sex nati sunt ex *Lia*, sorore *Rachelis*, videlicet *Ruben*, *Simeon*, *Levi*, *Judas*, *Iſaachar*, *Zabulon*; duo ex ancilla *Lia*, nempe *Gad*, & *Azer*; duo ex ancilla *Rachelis*, scilicet *Dan*, & *Nephtali*; & tandem duo ex *Rachele*, nempe *Josephus*, & *Beniaminus*. Isti duodecim filii *Jacobi*, fuerunt duodecim Tribuum Principes, id est, Patriarchæ, quia unusquisque suam Tribum, seu familiam constituit, & suæ cuilibet peculiari Tribui nomen suum indidit. Sed cur duodecim istæ Tribus appellatæ sint *Israeliticae*? *Paulo* uberius explicandum est. Dum *Jacobus* cum tota sua familia & omnibus bonis ex adibus foceri sui *Laban* tacitus ad Patrem suum *Iſaacum* reverteretur, eum, tanquam fugitivum, ira percussus *Laban* insecutus est. Sed *Jacobus*, singulari Dei protectione munitus, delinivit iram foceri sui *Laban*, & cum ipso perpetuæ & nunquam abruptandæ pacis & amicitiae foedus inivit. Hoc periculo expeditus *Jacobus*, capto pergebat itinere, in quo iterum periclitatus est. Occurrit enim ei frater ipſius *Eſau*, armatus viris bene stipatus, & injuriam inferre paratus, quem tamen *Jacobus*, recreatus visione Angelorum, placavit ac dignis, ipse vero solus

solus nocte mansit in castris, ubi nocturnum cum Angelo luctamen habuit, donec illucisceret aurora, extirque in illa lucta victor. Quod autem virtutis suae praezumtulerit fortissimus ille Palaestrites, accurate narrat Historia Sacra: Primum *Jacob* benedixit Angelus in eodem loco. Deinde, tacto femore emarcuit nervus *Jacobi*, victoris. Quo externo signo claudicantis uno pede *Jacobi* ostendere voluit Angelus, qui cum *Jacobo* luctatus fuerat, Deum execrari eos, qui utroque pede claudicant, id est, qui simul & in carne esse, & Deo placere volunt, dumque utrumque male conantur, in utroque claudicant; at versa vice, felices illos esse, in quibus sic adfectus carnis emortuus est, contingente Deo, ut dextro pedi potissimum, hoc est, spiritui, & non carni, innituntur. (a) Postremo, Angelus, qui tota nocte cum *Jacobo* luctatus erat, affligente jam aurora mutavit illius nomen, eique iussit, ut deinceps non *Jacob* appellaretur, sed *Israel*, hebraice *Sara* ei, id est, *Dominatus Deo*, quod *Jacob* peculiari Dei auxilio praevalesset in lucta contra Angelum, qui Deum referebat, sicut observat *Menochius* in ca. 32. lib. Gen. Ab hac igitur nova *Israelis* nomenclatura, *Jacob* ab Angelo imposita, duodecim Tribus, seu familiae, quae a duodecim filiis *Jacob* propagatae sunt, appellatae fuerunt *Israeliticae*.

“(a) Mysticas haec rationes, cur tactu manus angelicæ nervus femoris *Jacobi* emarcuerit, ultra equidem admitto, sed propius ad literæ sensum censeo hoc indicio demonstrare Angelum *Jacobo* voluisse, se quidem in lucta ultro a Patriarcha superari permisisse, quamvis fortior esset, ut ex tactu manus suæ ostenderet; atque hoc argumentum intelligeret illum, quamvis inferior esset potentia Esau fratre suo, futurum tamen, ut ipsum auxilio Dei vinceret.

D. Genuitne dumtaxat Patriarcha *Jacob* duodecim illos filios, quorum nomina mox retulisti?

M. Præter duodecim istos filios Patriarcha *Jacob* suscepit ex conjuge sua *Lia*, sorore *Rachelis*, unam filiam, dictam *Dinam*, quæ ad ætatem adultam cum pervenisset, & extrema pulchritudine prædita esset, magnum parenti suo, circa Sichimorum urbem degenti, torique familie suæ inulit damnum. *Dina* siquidem, *Jacobi* pulcherrima filia, liberius ac curiosius, quam virginem decreverat, urbem Sichimorum, præter auctoritatem patris sui, subire solebat, & in aliena illa civitate spectatrix, ac vicissim spectanda obambulat. Contigit autem, ut *Sichemus*, filius *Hemoris*, hujus Regionis Principis, statim ac oculos in eam conjecisset, tanto illius amore deflagravit, ut eam per vim rapuerit, atque conspuerit. Deserviente postea libidinis ardore, *Sichemus* per patrem suum ambit *Dina* matrimonium, eamque uxorem a parente *Jacob*, & a puella fratribus petiit. Conenserunt illi, ea tamen lege, ut (cum puellam non possent incircumcisi optui tradere) ipse cum omnibus suis circumcideretur. Annuit Sichimorum Princeps, inesseum hamum incaute devoravit, nullaque interposita mora, sibi, suisque omnibus circumcidi præpu-

tia jussit. Sed vide, fodes, qui fuerit tam violenti ac præposteri matrimonii exitus? Post istius imperatæ circumcisionis triduum, dum dolor ex inflicto vulnere gravior & acutior esset, *Simoon*, & *Levi*, ob raptam & violatam *Dinam*, sororem suam, vindictæ cupidi, cum famulis armati urbem Sichimorum irrumpunt, omnes ad unum hujus civitatis mares, lectulis, propter nimium, quem patiebantur, dolorem, affixos, subindeque inermes, ac nihil minus cogitantes, jugulant, interficiunt, mulieres, & pueros captivos abducunt, & omnia bona in prædam rapiunt. *Hemorem*, hujus Regionis Principem, ejusque filium *Sichemum* occidunt, & *Dinam*, sororem suam, e domo *Sichemi*, ubi a die stupri manserat, violenter tollunt. Certe, in hoc filiorum *Jacobi* crudeli facinore multiplex, ut optime observat mox a me laudatus *Menochius*, fuit peccatum; primo videlicet mendacium. Secundo, perfidia. Tertio, inobedientia erga parentem *Jacobum*, quem ista non probaturum satis intelligebant. Quarto, injustitia belli, cum penes illos summa potestas non esset, sed penes *Jacobum*, eorum parentem. Quinto, sacrilegium, quia sacra circumcisionis ceremonia ad injustam eadem, plusquam Scythica barbarie abusi sunt. Sexto, crudelitas, quod ultra modum exierint. Septimo, temeritas, quod parentem *Jacobum*, totamque illius familiam, irritatis illis populis, in summum discrimen adduxerint. Hoc siquidem terribilem & a sæculis inauditum facinus potius fuit facile universos Chanaanos in familie *Jacobi* integram excidium amare, nisi Deus eis mentem panicum incussisset, & plus valuisset apud Deum pietas *Jacobi* ad misericordiam, quam filiorum improbitas ad ultionem sacrilegæ temeritatis. Quod si in libro *Judithæ* capit. 9. hoc *Simoonis* factum laudari videtur, justitia tantum Dei ibi laudatur, quæ Sichimitarum impunitas & violentia vindicata est, Deusque dicitur gladium *Simooni* dedisse ad eum modum, quo postea Assyrii & Chananæis datus est gladius, ut divinæ justitiæ administri essent ad puniendam peccata, quamvis ipsi a scelere non essent immunes. Potuisset quidem Deus, si voluisset, impedire tot peccata, quæ in uno facinore, seu in cæde Sichimitarum perpetravit filii *Jacobi*, factam testam conservando pudicitiam *Dina*. At, permisit Deus stuprum *Dina*, ut hoc exemplo intelligerent cæteræ puellæ, quæ adhuc illibatum servant virginis florem, nusquam tutorem esse formæ & pudicitie thesaurum quam domi, nec usquam magis verari decere pudicam virginem, quæ pulchritudinem suum morum integritate, vitæ frugalitate, cultu simpliciori, & perpetua ac conspectu & colloquio hominum fuga sollicitè custodire debet, & singularem modestiam, dum cogitur prodire in publicum, fronte, oculis, vultu, toroque corporis gestu proferre citra fucum. At enim, ut obiter dicam, non domi periclitata est pudicitia *Sara*, sed quando peregre profecta est. Rapta est *Dina*, sed apud externos. Deus tamen eam habuit pudicitie *Sarae*, quia maritum suum *Abrahamum*, Dei jussa,

con-

comitata est. *Dina* violata est, quia, inconsulto patre suo *Jacob*, liberis in aliena civitate obambulant, occasionem dedit adolescenti Principi ejus pudicitia insidias fruendi, eamque ad stuprum rapiendi: *depradari enim desiderat* (ut inquit *Sanctus Gregorius* M. Homilia XI. in Evangelia) *qui thesaurum publice portat in via*.

D. Hunc acerbum dolorem, quem Patriarcha *Jacobus*, ob raptum filioz suoz *Dina*, & cædem Sichemitarum, pertulit, solatrine effe Deus aliquibus prosperis ac faustis eventibus?

M. Deus, qui, ut inquit Scriptura, Electos suos tanquam aurum in fornace probare solet, afflicto jam *Jacobo* novas addidit afflictiones, efficitque, ut precedentibus luctuosis eventibus luctuosiores succederent. At enim, *Jacobus*, post raptum filiaz suæ *Dina*, & injustam Sichemitarum cædem, amisit dilectissimam *Rachelem*, conjugem suam in dolore partus, id est, postquam enixa esset *Benjaminum*. Tanti vulneris, quod mors *Rachele* cordi *Jacobi* alte infixerat, necdum obductam cicatricem paulo post retrixit *Rubeni*, filii *Jacobi*, ingens cum *Bala*, una ex uxori- bus *Jacobi*, flagitium. *Rubenem* quippe non puduit dormire, & rem habere cum *Bala*, noverca sua, & patrare gravissimum peccatum, quod ipsa natura avertitur, quodque cum insigni divini numinis injuria, cum dedecore & probro conjunctum, longe gravius Patriarcham *Jacobum*, quam intempestiva *Rachele* mors, afflixit. Accessit, matrimonium, quod *Judas*, inconsulto parente *Jacobo*, inivit in civitate *Odolla* cum filia Chananæ. Quod certe matrimonium ægerime tulit *Jacobus*, qui, juxta mandatum Dei, districte prohibuerat filiis suis, ne uxores acciperent ex Gente Chananæ, utpote a Deo reprobata. Tandem acerbissima jactura, quam Patriarcha *Jacobus* fecit carissimæ filii sui *Joseph*, quem in senectute sua ex dilectissima conjugē *Rachele* susceperat, & quem fratres sui, invidia in illum perciti, Ismaelitis, seu Madianitis mercatoribus, vili pretio venderunt; hac, inquam, omnium maxima filii *Joseph* jactura *Jacobo* pectus effodit, vulnus adegit altius, & dolorem dolore cumulavit.

D. Cedo, si placet, causam, cur *Josephus* sibi contraxerit odium & invidiam fratrum suorum?

M. Triplex hujus odii & invidiæ fratrum *Joseph* potest assignari causa. Prima est, quod *Josephus* fratres suos, cum quibus pascabat gregem, accusaverit apud patrem suum (sicut legitur cap. 37. libri *Genesis*) de crimine pessimo, id est, de peccato contra naturam, vel sodomitico, ut vult *Ruperius*, vel bestialitatis, cum ovibus, quas pascabant, ut vult *S. Thomas*, quem sequuntur multi Scripturæ Sacre Interpretes. Hinc prima in *Josephum* odii fratrum ipsius origo. Alteram causam odii & invidiæ fratrum *Joseph* aperte Scriptura Sacra eodem in capite, mox a me laudato, indicat his verbis: *Israel*, seu *Jacob*, diligebat *Joseph* super omnes filios suos, eo quod in senectute genuisset eum, fecitque ei tunicam polymitam (id est, vestem ex segmētis

alterius materiz vermiculato opere variatam) *videntes autem fratres ejus, quod a patre plus carnis filii amaretur, oderant eum, & nec poterant ei quidquam pacifice loqui*. Quam in rem apposite ait *S. Ambrosius* cap. 2. libri, quem edidit de sancto *Joseph*. *Jacob* illum, seu *Josephum*, plus amabat, in quo majora vestrum insignia prævidebat, ut non tam filium pater prætulisse videatur, quam *Propheta* mysterium; meritoque variam tunicam fecit ei, quo significaret, eum diversarum virtutum amicum fratribus præferendum.

Postrema causa odii & invidiæ fratrum *Joseph* in ipsum fuit relatio somniorum ejusdem *Joseph*. Narravit quippe *Josephus* patri suo *Jacobo*, auscultantibus fratribus suis, se somniasse, quod cum alligasset (ut sibi videbatur per visum) manipulos in agro cum fratribus suis, surrexerit manipulus ejus, & steterit erectus: conversi autem fratrum manipuli adoraverint manipulum suum. Narravit etiam *Josephus* patri suo & fratribus suis aliud omnium, dicens: *Vidi per somnium, quasi Solem, & Lunam, & undecim Stellæ adorare me*. Hac innocentissimæ juvenis *Joseph* (erat enim tunc temporis sexdecim duntaxat annorum) relatione somniorum, quæ futuræ illius magnæ fortunæ haud obscura indicia erant, offensos se ac contemptos esse arbitantes ejus fratres, in apertum odium eruperunt, & in ejus perniciem certatim conspirare cœperunt.

D. Ratam effe concordiam fratrum utique novi, miror tamen fratrum *Joseph* animos eo usque in juvenem illum innocentissimum fuisse exasperatos, ut in ejus venditionem consenserint. Sed perge, quæso, narrare, quo pacto facinus tam improbum & audax executioni mandaverint.

M. Jussit *Jacobus* filio suo *Joseph*, ut iret ad agrum, in quo fratres ipsius gregem pascabant, ut videret, quomodo & ipsi & pecora valeret. Precepto patris obtemperans obedientissimus filius eum ad fratres suos festine advolvit. Sed heu! vix eum eminus venientem conspexerunt fratres sui, opportunum eum perendi occasione nacti, in eam iventem sententiam *Josephum* (quem per ludibrium somniantorem appellabant) in cisternam aridam demittendum esse, ut ibi fame necatus, inscio patre, periret. In hos itaque acerbissimos inimicos incidens *Josephus*, & extus tunica polymita, quæ ex amore fuerat a patre donatus, in cyster- nam dimissus est. Non arrisit *Jude*, uni e fratribus *Joseph*, tam tetrum facinus, auctorque fuit suis fratribus, ut *Josephum* ex illa cisterna retractor, venderent Madianitis, seu Ismaelitis mercatoribus, hac transeuntibus, qui illum perpetuæ servitutis mancipium, in Ægyptum deportarent. In sententiam *Jude*, manibus, pedibusque descendunt alii fratres *Joseph*, qui illum, e cisterna extractum, Ismaelitis, seu Madianitis, venderunt homines illi vere ferrei, & erga fratrem suum *Josephum*, qui illos precibus ac lacrymis ad misericordiam flectere studebat, saxa ac scopulos gestantes in cordibus suis. Sed non fuit hic ultimus crudelitatis fratrum *Joseph* actus. Volem polymitam, qua *Josephum* spoliaverant, plerique locis data opera laceratam, & hædino

resperiam sanguine ad *Jacobum*, eorum parentem, miserunt, quam ubi vidit bonus ille senex, exclamavit: *fora posuisti devotum filium meum Joseph*, tantoque dolore in tam gravi iactura percussus est, ut nullo solatio deliniri posset, quamvis ejus lacrymas abstersere conarentur ejus filii, sacrilegi consolatores.

D. Horret animus tam indignam fratrem *Josephi* audire facinus. Sed dicas, quæso, quam sortem habuerit juvenis *Josephus*, a barbaris & ignotis mercatoribus in Ægyptum deportatus?

M. Juvenem *Josephum*, per invidiam a fratribus distractum, & in Ægyptum deductum, *Puiphar*, Præpositus Cubiculariorum Regis *Pharaonis*, ab illis mercatoribus *Israhelitis*, seu *Madianitis*, emit, cumque vidisset ingenuum, qui pollebat juvenis *Josephus*, indolem, exitum morum ejus candorem, & eminentem in illius vultu cum liberali pudore modestiam, quæ illum omnibus non minus amabilem, quam admirabilem reddebat, illum impense amare cepit, tantique fecit, ut eum omnibus suis bonis præficeret. Domum *Puipharis* per decem annos sapienter atque feliciter administravit *Josephus*. At, cum esset pulcherrimus, juxta ac callissimus, ad stuprum a *Puipharis* conjuge, ipsius heræ, quæ ejus amore flagrabat, qua verbis, qua precibus, qua sollicitationibus, qua minis sollicitatus est, jamque adhibita manu, & apprehenso *Josephi* pallio, procax illa mulier Ægyptia votis suis se fruturam sperabat, cum subito *Josephus*, malens mori, quam fondari, relicto in manibus mulieris pallio, sese ab ejus impudicis complexibus expedit, & repentina fuga pudicitiz suæ consuluit. Indoluit, supra quam dici potest, hæc impudentissima femina, videns spes suas delusas, & prædam, cui avidissime inhiabat, e manibus suis excusam. Hinc, amore in furorem converso, nihil intentatum reliquit ut perderet *Josephum*, & in ejus caput poenam, quam ipsa justissime merebatur, resunderet. Nec ei infelicititer successit eventus. Exclamavit, voluisse *Josephum* vim ei inferre, retentum ejus pallium ostentavit, clamoribus questus & lacrymas, docta mentiri, miscuit: uno verbo, sic accusationem suam, ac falsam delationem mendacius adornavit, ut omnem criminis suspensionem a se amolita fuerit, & *Josephus*, tanquam tentator herilis pudicitiz, in carcerem detrusus sit, fidei & innocentie suæ penas laturus.

D. Sexum muliebrem duobus potissimum vitiis obnoxium esse probe scio. Appetit quippe placere cultu, & impatiens est injuriarum, avidusque vindicæ. Sed dicas, velim, quot annos *Josephus* manserit in carcere conclusus, & quo pacto inde emerit?

M. Per triennium *Josephus* in carcere mansit una cum duobus *Aulicis* Regis *Pharaonis*, quorum unus ei a poculis, alter pistorum magister erat, quique ejusdem Regis iussu in carcerem fuerant compacti. Horum duorum Regis *Aulicorum* somnia interpretatus est *Josephus*, veramque ejus esse interpretationem comprobavit eventus, indeque ars *Josephi* somnia interpretandi per-

totum Ægypti Regnum inclamavit. Audita *Josephi* peritia, Rex *Pharus* eum, annos tum temporis triginta natum, e carcere eduxit, & ad se accessit, ut ab eo senioriorum suorum interpretationem, quam a suis sapientibus habere minime poterat, consequeretur. Viderat quippe Rex *Pharus* inter dormiendum vacas septem præpingues, quas aliz septem vacce macilentæ contingerunt. Viderat itidem Rex *Pharus* septem ficas plenis folliculis, quas septem alie fipice tenues, & uredine afflatæ, consumpserunt. Quid sibi vellent hæc somnia, aut quid augurarentur, nesciit Rex *Pharus*, Regni sui sapientes, seu Magos Ægypti, æscivit, sed cum illis hæreret aqua, eoique plane deficeret ars quidquam ex his somniis Regis ariolandi, *Josephus*, vinculis solatus, somnia Regis *Pharaonis* de septem annis ubertatis, abundantiz, & laturitatis, quos alii totidem anni famiæ, & sterilitatis excipere debebant, æstutum exposuit, dono Prophetiz a Deo illustratus, auctorque fuit Regi *Pharaoni*, ut per illos septem ubertatis annos, qui septem sterilitatis annos antevertere debebant, omnem daret operam procurandi annonæ, contra penuriam, & famem venturam. Hanc somniorum suorum genuinam interpretationem cum a *Josepho* accepisset Rex *Pharus*, eum, plaudentibus omnibus *Aulæ* Proceribus, ad summum totius Regni Præfecturam promovit, idest, Proregem Ægypti instituit, eique administrationem universi Regni sui concedidit. Capientem septem anni ubertatis, quos prædixerat *Josephus*, per quos ingentem annonæ copiam comparavit, & in horrea cum maxima solitudine convexit. At, septem illis annis ubertatis successissent septem anni sterilitatis & famis, per quos *Josephus* non modo totum Ægyptum singulari providentia sublevavit, sed etiam aliis Regionibus, in quibus longe, lateque grassabatur famis, alimenta copiose suppeditavit. *Jacobus*, pater *Josephi*, fame id temporis pressus, decem filios suos pro habenda annona in Ægyptum misit, qui, cum illic appulissent, totam familiæ suæ feriem coram *Josepho*, fratre suo, texentes, *Beniamini*, fratris sui domi relicti, mentionem fecerunt. Fratres suos cognovit quidem *Josephus*, sed *Beniaminum*, fratrem suum, ex eadem matre *Rachele* natum, videndi percupidus, de industria dissimulavit, illos a se cognosci, immo verbis male accepit, exploratores Ægypti eos appellavit, & in carcerem detruendi iussit, nec ab eo fuerunt dimissi, nisi prius consensissent, ut *Josephus* retineretur in vinculis, tanquam vadem, & oblidem *Simeonem*, fratrem natu maximum ex his, qui in venditionem *Josephi* conjuraverant, & simul promississent, se redituros, & secum ad *Josephum* adducturos *Beniaminum*, fratrem suum minimum. His legibus, duris licet, obtemperantes fratres *Josephi* ad patrem suum *Jacobum* reversi sunt non leviem ferentes frumenti copiam, una cum ejusdem pretio, quod dederant, quodque *Josephus*, fratribus suis iniunctis, in ipsorum laccis, seu sarcinis inseri, ac occludi præceperat.

D. Antequam in Historia *Josephi* ulterius progredia-

grediaris, solve, queso, Dubium, quod mox subito animum meum, videlicet, quomodo potuerit *Josephus* citra mendacium appellare fratres suos *Exploratores Ægypti*, quos tamen probe sciebat non esse exploratores, sed eos dumtaxat sine in *Ægyptum* venisse, ut frumentum emerent, imperate parente, simul, & urgente fame?

M. Fratres suos *Josephus* vocavit *Exploratores*, non ut testis affirmans, sed ut Iudex interrogans. Solemne quippe est iudicibus reos hac loquendi forma abique mendacio interrogare: *Tu es fur?* quod licet prima fronte, & quantum ad loquendi formam, quædam affirmatio videatur, reapse tamen mera interrogatio est; & in tali sensu fratres *Josephi* id acceperunt, statim negantes, quasi respondendo interroganti, non contradicendo affirmanti: *Non est ita Domine, sed servi tui venerant, ut emerent cibos*. Hæc autem cruda fratrum *Josephi* negatio, si ad affirmantem referretur, haud medicorem injuriam irrogasset *Josepho*, quem, necdum sibi cognitam, & in speciem iratum, fratres ipsius non verbis exasperare & offendere, sed potius officii & obsequii demereri, sibi que propitium reddere summo opere studebant. Præterquam quod crediderim cum *S. Augusti.* hanc simulationem *Josephi* cum suis fratribus non fuisse veram, sed tantum jocosam simulationem, qua illos adigere voluit, ut ei de statu, in quo pater *Jacob* versabatur, & de his, *Beniaminum*, fratrem uterinum, spectabant, vera narrarent.

D. Liberaruntne fratres *Josephi* fidem quam ei dederant, se ad illum adducturos *Beniaminum*, fratrem suum minimum?

M. Ad parentem *Jacobum* reversi fratres *Josephi* copiosam, quam ex *Ægypto* advexerant, annonam ei dederunt, simul & tristissimum nuncium de revelando ab eis amplexibus *Beniamino*, quem pater plus suis oculis diligebat. Tam acerbam separationem ferre haud poterat bonus ille senex, quod ei renovaret dolorem, quem *Josephus*, paucos ante annos perditus, cordi ejus alte inusserat, nec adhuc contorquere poterat. Quocirca, filiis suis, ut pomissis suis starent, tam tristem separationem ei suadentibus, surdum se præbebat, nec *Beniamino*, corculi suo, & baculo senectutis suæ, carere volebat. Arramen, sive ob urgentem famem, sive ad libertate donandum filium suum *Simeonem*, quem sciebat, vinculis in *Ægypto* esse detentum, tandem aliquando *Jacob*, volens nolens, permisit filiis suis, ut *Beniaminum*, ingenti lacrymarum suarum copia persufus, dederent in *Ægyptum*. Huc iterum adventantes fratres suos, & secum referentes repertum in faccis suis prioris tritici pretium, summa benevolentia, lautoque convivio excepit *Josephus*; sed præcipue *Beniaminum*, quem in deliciis habebat, utpote fratrem suum uterinum, singularis amoris significatione prosecutus est, laetisque omnes ad patrem cum pecunia, quam denuo singulis restitui iussit, sicut prius remissi, postquam Scyphum suum, in quo vaticinabatur, in farsinula *Beniamini* condi imperasset. At, vix itiner se dederant *Josephi*

fratres, paucaque emanis essent stadia: cum ecce subito a satellitibus, a *Josepho* de industria missis, invaduntur, furti insimulantur, & excussis singulorum faccis, inventus est in farsinula *Beniamini* scyphus *Josephi*, *Ægyptiorum* Proregis. Quo factum est, ut, abique mora, satellites compulerint illos, tanquam publicos grassatores, & de Prorege *Ægypti* pessime meritos, ut sua relegerent vestigia, in urbem redirent, & coram Prorege *Ægypti* se fisterent, qui in illos debitis pœnis esset animadvertendus. Hoc inopinato casu, tanquam repentini fulminis ictu percussos fratres *Josephi*, recta pergunt ad Proregem *Ægypti*, & abiectis in terram corporibus, veniam ab ipso precantur, omnibus pœnis dignos sese ultro proferentes. Ad hæc respondit *Josephus* se unum dumtaxat ex illis, *Beniaminum* videlicet, latrunculum suum, punire velle, ac detinere sibi deinceps simulaturum, cæteris vero fratribus, utpote innocentibus, nullum negotium facessere velle, sed potius eis jubere, ut cepta via pergerent ad patrem. Hæc cum audisset fratres *Josephi*, afflictis humi vultibus in lacrymas proruperunt, Proregi significantes, se ad patrem suum abique *Beniamino* redire haud posse, & *Beniamini* in *Ægypto* detentionem omni proculdubio mortem illaturam parenti *Jacobo*, jam capulari seu, qui filium suum *Josephum*, fratrem uterinum *Beniamini*, aliquot ante annos deperditum, etiamnum lugebat, ejusque dolor in dies ingravescens nullo solatio poterat demulceri. Hic *Josephus*, Prorex *Ægypti*, a lacrymis, quas hæcenus cohibuerat, temperare amplius non potuit, & ablegatis famulis suis, palam *Josephum* se esse, & fratrem ab illis venditum voce patriæ prodidit, trepidantes fratres suos orexit, confirmavit, iussitque ut bonis animis essent, quia Deus eum præmiserat in *Ægyptum*, ut illorum, multorumque salutem consulere. Denique, accedente consensu Regis *Pharaonis*, præcepit fratribus suis *Josephus*, ut festinarent, & acceptis curribus ac jumentis revolarent ad parentem *Jacobum*, eumque cum suis omnibus adducerent in *Ægyptum*. Venerunt itaque fratres *Josephi* ad parentem *Jacobum* in Tetra Chanaanæ degentem, & nunciaverunt ei, dicentes: *Joseph, filius tuus, vivit, & ipse dominatur in omni Terra Ægypti. Quo audito, Jacob ait: Sufficiens mihi, si adhuc Joseph, filius meus, vivit, vadam. & video illum, antequam moriar*, Gen. cap. 45. Tunc *Jacobus*, ingenti lætitia geshens, ad longum licet, & laborioso iter se consensim accinxit, venitque in *Ægyptum* cum omnibus filiis suis, nepotibus, & cuncta progenie, quorum nomina leguntur cap. 46. lib. Genes. & sunt numero septuaginta: Omnes anime domus *Jacob*, qui ingressi sunt in *Ægyptum*, fuerunt septuaginta.

D. Hæc, quæ de *Joseph*, & de descensu *Jacobi* in *Ægyptum* huc usque dixisti, duas mihi ingerant difficultates, quas hic cum bona tua venia proponam. In primis, narrasti, *Josephum* præcepisse, ut in sacculo *Beniamini* junioris fratris sui, recondideretur scyphus, quo ille ad augurandum, seu vaticinandum utebatur, & cap. 46. lib. 2.

bri Genesim legitur, dispensatorem domus *Josephi*, postquam fratres ejus ad patrem *Jacobum* redeuntes, in via fuisset affectus, sic illos esse allocutum: *Quare reddidistis malum pro bono Josephus, quem jurati estis, ipse est, in quo bibit Dominus meus, & in quo augurari solet*. Explica, quæso, quænam esset illa augurandi scientia, qua pollebat *Josephus*, & utrum illam ab Ægyptiis didicisset, vel Dei speciali infundenti beneficio eam accepisset? Altera difficultas sita est in numero illorum, qui cum *Jacobo* descendissent in Ægyptum. *Moyser* enim, sicut observasti, ait cap. 46. libri Genesim, *Omnes animas domus Jacob, quæ ingressæ sunt in Ægyptum, fuisset septuaginta*: Et tamen S. *Lucas* cap. 7. vers. 14. lib. Actuum Apostolorum sic inducit Sanctum *Stephanum* loquentem in Concilio Judeorum: *Mittens autem Joseph accersivit Jacob patrem suum, & omnem cognitionem suam in animalibus septuaginta quinque*.

M. Ut duabus hisce propoſitis difficultatibus faciam satis, a prima exordium ducam, quam ut clarius diluere possim, debes in primis observare Ægyptum, uti omnis Idololatriæ fontem, atque superstitionum, ita omnis Magiæ, atque divinationum multiplicium caput factam, atque fecuriginem extitisse, indeque ad Græcos, Romanos, Indos, Japonenses, Americanos, & ad alios populos dimanasse Idololatriam, variegatæ per artem diabolicam ariolandi, seu augurandi, ac divinandi genera. Præterea, observare debes, Patriarchas ante & post Diluvium ab omnibus Magiæ superstitionum, & diabolicarum divinationum speciebus omnino abhorruisse. Erant enim viri, fide, religione, & pietate in Deum quam maxime conspicui, nihil plane cum diabolo, ejusque instrumentis commercii & negotii habentes, sed soli divino cultui, quem ad posteros transmiserunt, addictissimi. His observationibus hunc in modum præmissis, consueo artem, & scientiam divinandi, qua *Josephus* in Ægypto pollebat, fuisse propheticam, ipsique celitus infusam. Id manifestum comprobant non solum tot scientiæ vere cælestis, qua in Ægypto donatus est *Josephus*, experimenta, præsertim in quatuor seminum interpretatione, & futuræ tum fertilitatis, tum sterilitatis prædictione edita, verum etiam egregiæ, & aliorum captum longe superantes animi dotes, quibus plenissime instructus, atque exornatus *Josephus*, vulgo vir divinus in Ægypto audiebat. Addo denique *Josephum* (sicut patet ex totius illius vitæ conversatione, quæ in sacra Historia describitur) speciali quadam Spiritus Sancti inhabitatione atque assidentia fuisse condecoratum, & eodem Spiritus Sancti lumine, quo erat ipse affusus, rerum atque factorum causas, & circumstantias primo statim intuitu sese offerentes, penetrare, accurate cuncta, & adamussim examinare, de eisdem recte, & citra ulum erroris periculum judicare, atque ratiocinari, somnia interpretari, & futura prædicere potuisse. *Josephus* itaque hanc artem & scientiam, quam habuit, divinandi, non didicit ab Ægyptiis, Magiæ, superstitionibus, variisque diabolicarum di-

vinationum generibus addictis, sed illam accepit a Deo, qui ejus mentem Prophetiæ dono illustravit. Sed de prima difficultate hactenus satis. Ab altera vero, quam proposuisti, diffcultate breviter me expedio, dicendo, Evangelistam *Lucam* in describendis Actis Apostolorum secutum fuisse Versionem lxx. Interpretum, in qua inter animas, quæ cum Patriarcha *Jacobo* ingressæ sunt in Ægyptum, numerantur quinque nepotes *Josephi*, seu quinque filii *Manassæ*, & *Ephraim*, videlicet *Naschir*, *Galaad*, *Sualam*, *Tam*, & *Edem*, quos quinque *Josephi* nepotes prætermisit in Textu Hebræo *Moyser*, enumerans subinde septuaginta dumtaxat animas, quæ ingressæ sunt in Ægyptum, cum tamen S. *Lucas*, sequens Versionem lxx. Interpretum, percenscat animas septuaginta quinque. Quod si dicas hos quinque *Josephi* nepotes non potuisse per anticipationem ab Evangelista *Lucâ* numerari, nec vere dici ingressos in Ægyptum, cum ibi nati sint, respondebo ipse, tam vere S. *Lucam* numerasse inter animas, quæ ingressæ sunt in Ægyptum, quinque illos *Josephi* nepotes, tamen in Ægypto natos, quam *Moyser* in Textu Hebræo numeret inter animas, quæ cum *Jacobo* descendissent in Ægyptum, duos filios *Josephi*, scilicet *Ephraim*, & *Manassæ*, quos tamen in Ægypto natos esse tam certum est, quam quod maxime. Præterea cap. 46. lib. Gen. *Moyser* recensendo nomina eorum, qui cum Patriarcha *Jacobo* descendissent in Ægyptum, numerat *Beniaminum* & decem ejus filios. Non poterat autem *Beniaminus*, quando descendit in Ægyptum, esse pater decem filiorum, quia *Beniaminus*, quando ingressus est in Ægyptum, natus erat dumtaxat annos viginti tres, sicut proclive est demonstrare ex Scriptura Sacra, & ex consensu omnium Scripturæ Interpretum. At, qui verisimile sit, *Beniaminum*, etiam si a prima pubertate coepisset procreandis liberis operam dare, genuisse quot annis prolem, eamque vitalem semper, & nullas in ea filias fuisse, nihilominus habuisse filios decem ante annum ætatis suæ vigesimum tertium? Verosimilior itaque est, *Beniaminum* habuisse quidem decem filios, quorum aliquot genuit, antequam cum patre suo *Jacobo* descendisset in Ægyptum, alios vero genuit in Ægypto. *Moyser* autem ait, *Beniaminum* descendisse in Ægyptum cum decem filijs, non quod velit facer ille Scrip-tor, decem illos *Beniamini* filios descendisse in Ægyptum in sua persona (quidam enim ex his decem necdum erant nati) sed *Moyser* dumtaxat innuit, quosdam ex his decem filiis *Beniamini* descendisse in sua persona cum patre in Ægyptum, quosdam vero ex his decem filiis descendisse in Ægyptum, non in sua persona, sed in lumbis patris sui *Beniamini*, in quibus adhuc latitabant, eoique natos esse in Ægypto.

D. Quot anni interfuxerunt a vocatione *Abrahami*, id est, ab ejus egressu ex *Haram* in Terram Chanaan, usque ad ingressum Patriarchæ *Jacobi* in Ægyptum? Et quot annos in Ægypto vixerunt Patriarcha *Jacob*, ejusque filius *Josephus* post descensum Israelitarum in Ægyptum?

M. Abra- 1

M. *Abrahamus*, quando vocatus est a Deo, & exivit ex *Harana*, ut veniret in Terram Chanaan, natus erat annos septuaginta quinque, dum autem centesimus ætatis suæ annum attingisset, hoc est viginti quinque annis postquam exiisset ex *Harana*, & venisset in Terram Chanaanem, genuit *Isaacum*. Nam centenarium fuisse *Abrahamum*, quando genuit *Isaacum*, legitur cap. 17. vers. 17. & cap. 21. vers. 5. lib. *Genesis*. Porro *Isaacus*, dum genuit *Jacobum*, natus erat annos sexaginta, sicut legitur cap. 25. vers. 26. lib. *Genesis*. Denique, quando *Jacobus* in Ægyptum descendit, erat annorum centum triginta, ut ipsemet Regi *Pharaoni*, eum interroganti, quot annos natus esset, dum venit in Ægyptum, respondit, dicens: Dies peregrinationis mee, centum triginta annorum sunt, libri *Genesis* cap. 47. vers. 9. Facta igitur per partes horumque annorum supputatione coalescet summa annorum ducentorum, & quindecim; qui interfluxerunt a vocatione *Abrahami*, seu ab ejus exitu ex *Harana* in Terram Chanaan, usque ad ingressum Patriarchæ *Jacobi* in Ægyptum. Vixit autem *Jacobus*, postquam cum suis filiis intrasset in Ægyptum, annis septemdecim, ut liquet ex cap. 47. v. 27. libri *Genesis*, ubi *Jacobus* mortuus dicitur anno ætatis suæ centesimo quadragesimo septimo. Venerat autem *Jacobus* in Ægyptum annos natus centum triginta, sicut mox dicimus, ex quo evidenter consequitur eum vixisse dumtaxat in Ægypto annos septemdecim. Quod spectat annos per quos *Josephus* vixit in Ægypto, postquam pater ipse *Jacob* cum tota familia ingressus est in Ægyptum, facile hoc pacto putari possunt. *Josephus* quando ipse pater *Jacobus* venit in Ægyptum, annum agebat quadragessimum, & moriente patre *Jacobo*, annum agebat ætatis suæ quinquagesimum septimum. A morte autem *Jacobi* usque ad mortem *Josephi*, elapsi sunt quinquaginta tres anni; nam *Josephus* annos natus erat centum & decem, cum diem ultimum clausit, sicut legitur cap. 50. v. 22. & 25. lib. *Genesis*. Porro, si ex his centum & decem annis vitæ *Josephi* detrahantur septemdecim anni, quos habebat *Josephus*, quando a fratribus suis venditus mercatoribus *Israelitis*, seu *Madianitis*, fuit in Ægyptum deportatus, invenitur *Josephum* vixisse in Ægypto annos nonaginta tres, a tempore vero, quo pater ipse *Jacobus* migravit in Ægyptum, eum vixisse annos septuaginta. Erat enim *Josephus* annos natus quadraginta, quando pater ipse *Jacobus* venit in Ægyptum, & mortuus est *Josephus* annos habens centum & decem, sicut perhibet Scriptura Sacra, ex quo plane sequitur, *Josephum* vixisse annos septuaginta in Ægypto, postquam pater ipse *Jacobus* cum suis filiis venit in Ægyptum, ut ibi suum fingeret domicilium.

D. Fueruntne *Israelite*, qui una cum Patriarcha *Jacobo* descenderunt in Ægyptum, bene excepti a *Pharaone*, Ægyptiorum Rege, & a *Josephu*, Prorege Ægypti?

M. *Israelite*, qui una cum Patriarcha *Jacobo*, in Ægyptum sunt ingressi, magnifice a *Pharaone*, Rege Ægypti, & a *Josephu*, Prorege Ægypti, fuerunt suscepti, & collocati in terra *Gessen*, quæ

Hist. Vet. Test. Tom. II.

ipsis, utpote vitam pastoriam agentibus, pacendo pecori aptior erat, illosque veri Dei cultores, ab Ægyptiis, Idololatriæ addictis disjungebat (a). Diu in hac Terra *Gessen*, soboles Patriarchæ *Jacobi* habitavit, & majora in dies incrementa cepit. Quod Ægypti, siue invidia, siue metu extimulati, cum terre minime possent, *Israelitas* intolerabili servitutis iugo, sicut legitur cap. 1. libri *Exodi* opprimere tentantur. Infensum istud Ægyptiorum consilium diserte describit *Flavius Josephus*, Hebræus, cap. 9. lib. 2. Antiq. Jud. juxta *Rasini* translationem, his verbis: Cum enim *Josephi* (Proregis Ægypti) memoriam tempus obliterasset, Regnumque Ægypti in aliam demigrasset familiam, inhumane tractabant *Israelitas*, & variis laboribus atterebant. Nam & flumen in multas fossas deducere sunt jussi, & mania exedificare, & aggeres extruere, quibus inundationes fluminis ercerentur. Pyramidum etiam insanis substitutionibus vexabant gentem nostram, cogendo varias artes ediscere, & laboribus ferendis adjuvare. At, cum videret Ægyptiorum Rex, *Israelitas*, quibus erat exotus, oppressos licet gravissimis laboribus, magis ac magis, Deo sic volente, multiplicari, perdere mares omnes *Israelitas*, recens natos, decrevit, idque, molitus est per oblectrices Ægyptias, a quibus cum se officio mendacio delatum intellexisset, ira exardescens ferale promulgavit Edictum, de mergendis Nilo, flumine, omnibus infantibus Judæis, exceptis feminis. Sed irritum plano & evanidum fuit istud Regis Edictum, cum id temporis natus sit in Ægypto *Moses*, quem ex aquis, quibus, juxta Regis Edictum, fuerat expositus, singulari beneficio liberavit Deus, quemque ad asserendos *Israelitas* e captivitate Ægyptiaca in pristinam libertatem destinavit.

(a) Ubi locorum sita esset terra *Gessen* incertum est. Septuaginta collocare videntur in Nomo Arabico; habent enim in terra *Gessen* Arabiæ, sed alii melius ex voce Hebrææ, quam legisse in suis Codicibus Septuaginta vult sunt, reddi censent terra *pluvia*, idest in inferiori Ægypto ubi pluit, cum in superiori imbres sint fere nulli, ut ex itineratio Thevenotii lib. 11. cap. 71. discimus. In itinerario Shaw *Gessen* portio est tractus Heliopolitani in littore Nili prope Heliopolim, quæ terra est Nomo Arabiæ Ægypti continenda, eademque non procul jacebat a Memphi. Vid. T. 2. pag. 26.

D. Describere hic, quæso, vitam *Mosis* ab ejus ortu usque ad exitum *Israelitarum* ex Ægypto.

M. *Moses*, cujus meminerunt multi non modo sacri, sed prophani Scriptores, natus est in Ægypto, ac illustres parentes habuit, genere, virtuteque præstantes. Pater illi fuit *Amram*, filius *Caat*, nepos *Levi*, pronepos *Jacobi* sicut legitur cap. 6. vers. 18. & 20. lib. *Exodi*. Mater vero ejus fuit *Jocabad*, neptis *Levi*, & *Amre* consobrina, ut patet ex eodem Scripturæ Sacre loco, mox a me laudato. Infantulum *Mosem* ac recens natum, domi cum maxima sollicitudine, ut periclitanti ejus vitæ consulerent, per tres menses occultarunt parentes. Sed veriti, ne, fervente regla in pueros Hebræorum inquisitione, libet

sibi multique Israelitis ultimum in Ægypto exterminium accerferent, si diutius contra Edictum Regium puerulum *Moysem* celarent, illum misere comploratum ad Nili fluminis ripas exposuerunt inter juncos, ne a flumine abriperetur, in *fiscella scirpea*, seu in cymbala, vel arcula ex papyro formata, & pice oblitā, ut moris erat apud Ægyptios. *Maria*, soror *Moyse*, puella decem aut duodecim annorum grandiuicula, eminus respiciens futuram fratris sui sortem tacita expectabat, a matre sua *Jocabeda* quid facto opus esset edocta: Ea sic exultante puella, ecce filia *Pharaonis* Regis Ægyptiorum cum ancillis suis ad lavandum, purificandumque corpus venit ad fluvium, viditque puerulum aquis expositum, visumque asseri iussit, totumque a capite ad calcem inspectum, vultu decoro, totiusque corporis forma probata, misereri cepit, & quasi maternum induere affectum. Hæc ubi vidit *Maria*, soror *Moyse*, quæ in excubis erat, protinus accurrit ad filiam Regis *Pharaonis*, eique iam deliberanti de educatione pueruli istius (quem Hebræum esse ex circumfusione statim cognoverat) promissit, se conducturam puerperam Hebræam, quæ puerulo lac propinaret, & ejus curam haberet; cumque consensum filiz Regis *Pharaonis* facile obtinisset, suam & *Moyse* matrem, tanquam proflus alienam adduxit, cui puerulum lactandi, & educandi provinciam demandavit filia Regis *Pharaonis*, adoptavique in locum filii hunc a se repertum infantulum, *Moyse* nomen imposuit, quod de aqua tulisset eum. Lingua enim Ægyptiaca *Mos* aquam, *is*, vel *isef*, servatum significat. In Aula Ægyptiaca *Moyse*, procurante filia Regis *Pharaonis*, quæ illi instar matris erat, nutritus, & educatus est, omnemque Ægyptiorum sapientiam, ut ait Scriptura Sacra, fuit plenissime edoctus, quod quidem tamen non sic intelligendum est, quod Ægypti fuerint ante *Moysem* sapientiz, seu artium & scientiarum inventores (sicut, post *Marshallum*, Hæreticum Anglum, perperam nonnulli pertendunt) sed quod Patriarchæ *Abrahamus*, *Jacobus*, & *Iosephus*, qui in Ægypto permanferunt, vera sapientia, seu Artium & Scientiarum notitia, quam a suis Majoribus acceperant, Ægyptios, discendi cupidos, jam informaverant, sicut docet *S. Augustinus*, lib. 18. De Civitate cap. 39.

D. Quot annos *Moyse* mansit in Aula Ægyptiæ Regis *Pharaonis*?

M. Per quadraginta annos *Moyse* vixit in Aula Ægyptiæ Regis *Pharaonis*, quibus exactis, aulam reliquit, seque palam gente Hebræam professus, venit ad suos fratres, id est, gentiles suos Hebræos, ut illos variis calamitatibus in Ægypto jactatos, & tantum non oppressos, ad patientiam, & in spem meliorum temporum erigeret. Sed cum vidisset *Moyse* Ægyptium quemdam, qui conviciis & plagis Iudeum immerentem male mulcibat, in percussorem irruit, eumque occidit. Quod cum Regi Ægyptiorum innovisset, penamque metueret *Moyse*, in Madiantidem protinus fugit, ubi filiam *Jethro*, dictam *Septo-*

ram, duxit uxorem, & per quadraginta annos in Madiam pastorem egit. Sed cum attigisset annum ætatis suæ octuagesimum, & in monte *Oreb*, qui etiam dictus est mons *Sinai*, pasceret gregem loceri sui *Jethro*, apparuit ei Angelus in ardente Rubo, eique, nomine Dei loquens, præcepit ut iret ad *Pharaonem* Ægyptiorum Regem, & captivos in Ægypto Israelitas in libertatem vindicaret. *Moyse*, hanc didicilem Provinciam suscipere eo potissimum nomine detrectanti, quod blasphemus esset, & impudens lingue, adjunctus est comes *Aaron*, ipsius frater, vir facundus & eloquens. Seie itaque ad iter accingunt *Moyse* & *Aaron*, in Ægyptum ingressi sunt ambo, Regem *Pharaonem* adeunt, Mandatum, sibi a Deo datum, de Israelitis & servitute Ægyptiæ liberandis, ei exponunt, & ad faciendam hõem *Moyse*, virgum, quam præ manibus tenebat, mutavit in draconem, seu in serpentem, qui statim devoravit illos serpentes, in quos ministerio demonum virgas suas converterant Magi, seu Præstigiatores Ægypti, quorum Principes fuisse *Joannem* & *Mambrem*, docet Apollolus *Paulus* Epist. 2. ad Timoth. cap. 3. v. 8. Hæc signa quæ isti Magi coram Rege *Pharaone* ediderunt, fuisse meas præligas tute ostendit *Augustinus Calmes*, Benedictinus, in Differtatione De miraculis, quam præxit suo Commentario literalis in librum *Exodii*, & in qua certas præscribit Regulas, vera miracula a falsis fecerendū.

D. Tam inigne prodigium a *Moyse* per virgam editum compunctum *Pharaonem*, ut dimitteret Israelitas ex Ægypto?

M. Nequaquam, sed potius induratum est cor Regis *Pharaonis*, quod vidisset, magos suos simile signum fecisse, parum cogitans, quod serpens, in quem *Moyse* suam virgam, divina ope fretus, verterat, devorasset illos serpentes, in quos Magi Ægypti ministerio demonum suas virgas commutaverant. Cum igitur Regis *Pharaonis* animus, nec signis, nec verbis molliri, flecti, ac subigi posset, tandem a verbis ventum est ad verbera, seu plagas, quibus Deus per *Moysem* percussit totam Ægyptum, induxitque Regem *Pharaonem*, tot plagis attritum, ut, volens nolens, Israelitas dimitteret ex Ægypto.

D. Percensse, quæso, illas plagas, quibus Deus per *Moysem* percussit Ægyptum, & quibus tandem aliquando domitus Rex *Pharao*, Hebræos dimisit ex Ægypto.

M. Plagas istas decem revocat Scriptura Sacra. In prima. Nilus univerfus versus est in sanguinem. Secunda plaga fuit incredibilis Ranarum, & Buionum copia, quæ per totam Ægyptum consessit sparsa est. Tertia plaga fuit productio Ciniphum, quos alii putant esse pediculos, alii pulices, alii culices. Utut sit, agnoverunt Magi in hac plaga divinam virtutem & operationem, dicentes: *Digitus Dei est hic*. Quarta plaga fuit productio Mularum, quæ alis obdormebant, probofide pungebant, morfu aculeum alte infigebant, contactu omnia contaminabant, & sedentibus, ambulantiibus, cubantibus infestæ ac molestissimæ erant. Quinta plaga fuit pe-

stis

stis animalium. Sexta plaga fuit Lues, quæ pervasit quoque homines, inducens ulcera, ardore, & sanie turgida ac tumefacta. Septima plaga fuit grando, quæ permixta fulguribus arbores omnes excussit contrivitque. Octava plaga fuit incredibilis locustarum multitudo, quæ quidquid ex grandine supererat, depasta est. Nona plaga fuit densitas tenebrarum, quæ per totam Aegyptum effusa, adeo cæca erant, ut nec ignibus, nec facibus accensis dissipari possent; adeo crasse, ut sentiri, palparique viderentur. Decima denique plaga, quæ divinis in Aegypto flagellis colophonem imposuit, est strages omnium primogenitorum tam hominum, quam animalium, facta ab Angelis exterminatoribus, qui folis perpercerunt Hebræis, qui moniti a *Moyse* superliminaria donorum suarum intinxerant sanguine Agni Paschalis, quem solenni ritu nudiaverant. Eadem igitur nocte, qua Angeli exterminatores omnes primogenitos, in domibus, quarum portæ sacro cæbant cruore, occiderant, turmatim conveniunt Aegyptii, compellentes Hebræos, ut suum ex Aegypto maturarent discessum, tantumque fuit Aegyptiorum timor, ut in his temporum angustiis oblii sunt repetere ab Hebræis Vasa aurea, argentea, aliaque id genus pretiosa monilia, quæ Hebræi pridie quam discederent, ab illis mutati fuerant, & quibus onusti ex Aegypto abierunt. Hoc pacto Israelitæ omnes sopesit & incolumes ad sexcenta virorum millia cum suis coniugibus & liberis excesserunt ex Aegypto in qua per ducentos & quindecim annos ab ingressu Patriarchæ *Jacobi* hæserant. In hac professione Populi Israelitici ex Aegypto ostendit virtutem suæ Majestatis Deus. Nam, præter quam quod fugientibus Hebræis, præsentissimam in via opem tulit per columnam, quæ noctu lucida erat, ut eos illustraret, interdiu vero erat opaca, ut illos ab æstu vindicaret: trajecit etiam Deus Hebræos medio mari rubro, præcedente Angelo, & scindente aquam, ut Populus Israeliticus per sicum gradi posset, quem verius (ut ait Poeta) *Curvata in montis faciem circumflectit unda*. Denique, Deus, qui hæcenus fulsimerat in multa patientia Aegyptios, tanquam vasa ite apta in interitum, *Pharaonem*, Aegyptiorum Regem, cum magna suorum manu Israelitas infecitum, & rubrum mare adhuc patens tenere ingressum, coeuntibus protinus aquis, cum omni exercitu ita delevit, ut ne unus quidem tantæ cladis nuncius fuerit superles.

D. In hac Israelitarum professione ex Aegypto compendiosa, quam reuxisti, narratione plures invenio difficultates. Prima est; quorsum *Moyse* præcepit Hebræis, ut, ante suam ex Aegypto egresionem, tam solenni ritu comederent Agnam Paschalem? Altera difficultas est, quomodo fieri potuerit, ut Israelitæ per ducentos duntaxat & quindecim annos, per quos ab obitu *Jacobi* manserunt in Aegypto, ita multiplicari ac propagari sint, ut, dum ex Aegypto exierunt, centia sint sexcenta millia Israelitarum, cum tamen sacer Textus Hebræus per censet septuaginta

tantum animas, quæ una cum Patriarcha *Jacobo* ingressæ sunt in Aegyptum? Tertia difficultas est, quo pacto sexcenta illa millia Israelitarum peditem, seu virorum bellatorum, intra tam breve temporis spatium, quod illis ab Aegyptiis ad discedendum ex Aegypto concessum fuit, potuerint congregari, & in unum locum simul convenire, atque composita exercitus ordinatione ex Aegypto discedere? Quarta difficultas est, an peccaverint Israelitæ, qui, ex Aegypto proficiscentes, Vasa aurea & argentea, aliaque id genus, quæ eis commodaverant Aegyptii, secum abstulerunt, hisque Aegyptios spoliaverunt? Has quatuor difficultates optare quidem, ut hic dilucide explanares, sed veritus, ne longius quam par sit, nostrum prætrahatur Colloquium, consilium esse ducio, ut extrin examen ad proximum, quod habebimus, Colloquium remittamus. Hoc unum igitur duntaxat sub finem hodierni nostri Colloquii a te scire percipio, nam scilicet Historici Prophani, præsertim Aegyptii, aliquam de Israelitarum in Aegyptum ingressu, & de eorundem ex Aegypto exitu mentionem, fecerint, nomenque exprefferint illius Aegyptiorum Regis, sub quo contigit hæc Israelitarum ex Aegypto professio?

M. De ingressu Israelitarum in Aegyptum, & de illorum ex Aegypto exitu non pauca referunt Scriptores Prophani, potissimum Aegyptii, nimirum *Mamebo*, *Lisimachus* & *Cheremon*, quorum testimonio citat *Josephus* Hebræus, in libro primo contra *Apionem*. Verba *Mamebonis* sic *Josephus* ibidem exscribit: *Fuit nobis Rex, Tameus nomen* (inquit *Mamebo*): *sub hoc Rege* nescio quomodo Deus iratus fuit, & præter spem ex partibus Orientalibus homines genere ignobiles, adepta fiducia, in Provincia castra metati sunt, facile ac sine bello eam potenterque cepit, & Principes ejus alligantes, de cætero civitates crudeliter incendere, & Deorum Tempia evertere... Vocabatur autem illa gens Hyclos, hoc est, Reges Pastores. Hyc enim secundum sacram linguam (seu Aegyptiacam) Regem significat: Sos vero Pastorem, seu Pastores, secundum communem dialectum, & ita compositum invenitur Hyclos. Quidam vero dicunt, eos Arabes esse. In aliis vero Exemplaribus non Reges significari comperi per appellationem Hyc, sed e diverso captivos declarari Pastores. Hyc enim Aegyptiaca Lingua captivos aperte significat, & hoc potius verisimile mihi videtur, & Historiæ antiquæ conveniens. Hæc ergo, quos prædiximus Reges, & eos, qui pastores vocabantur, & qui ex eis fuere (loquitur nunc *Josephus*) obtinuisse Aegyptum, ait *Mamebo*, annis undecim & quingentis. Post hæc autem idem *Mamebo* dicit, Regum Thebaidis, & Aegypti reliquæ factam esse super Pastores invasionem, & bellum maximum & diuturnum eis illatum. Sub vero Aegyptiorum Rege, cui nomen erat *Alisfragmuthosus*, victos dicit Pastores, & inclusos in loco, cui nomen erat *Avaris*, filium autem Regis *Alisfragmuthosus*, dictum *Theosm* conatum esse hos Pastores, inclusos in eo loco dicto *Avaris*, quem, ut ait *Mamebo*, maximo,

muro atque robustissimo circumdederant Pastores, vi, inquam, conatum esse Regem Aegyptiorum *Themofin* illos expugnare, sed cum Rex obidium desperasset, pacta cum eis fecit, ut Aegyptum relinquentes, quo vellent innoxii abirent, illos vero, seu Pastores, his promissionibus impetratis, cum omni domo & possessionibus non minus ducenta quadraginta millia numero ex Aegypto per desertum in Syriam iter egisse, & in terra, quae nunc Judaea vocatur, civitatem aedificasse, quae tot millibus hominum sufficere posset, eamque Hierosolymam vocitasse. Haec, & alia ex *Manethone* exscribit *Iosephus*, ex quibus, illos Pastores in Aegypto, de quibus loquitur *Manetho*, quoque *Hycfas* vocat, non alios fuisse quam Israelitas, qui cum Patriarcha *Jacobo* descenderunt in Aegyptum, multis amonemini evincere potest. Primo, quia Israelitae, qui cum *Jacobo* venerunt in Aegyptum, erant Pastores: *Pastores ovium sumus Aegypti tui, & nos & patres nostri*, ait Patriarcha *Jacobus*, dum Regem *Pharaonem* salutavit, sicut legitur cap. 47. libri *Geneseos*. Secundo, semel mortuo illo Aegyptiorum Rege, qui Israelitis impense favebat, alius regium in Aegypto solum condescendit, qui Israelitarum fuit infensissimus hostis, & in eos atrocem persecutionem excitavit, quam Scriptura Sacra cap. 1. lib. *Exodi* v. 8. 9. 10. & 11. describit his verbis: *Surrexerit interea Rex novus super Aegyptum, qui ignorabat Ioseph, & ait ad populum suum: Ecce populus filiorum Israel multus, & fortior nobis est. Venite, sapientes opprimamus eum, ne forte multiplicetur. . . Praeposuit itaque (Rex) eis (seu Israelitis) magistros operum, ut affigerent eos oneribus. Hinc Israelitae facti sunt in Aegypto captivi, nusequam coacti servire servitute, quos subinde *Manetho* jure optimo appellat *Hycfas*, id est, *Pastores captivos*. Tertio, tempus, quo illos *Hycfas*, seu Pastores captivos, ex Aegypto pulsos fuisse scribit *Manetho*, optime quadrat tempori, quo Israelitae ex Aegypto re vera egressi sunt. Apio siquidem, & *Ptolemaeus Mendesium*, citati a *Taciano* in libro quem edidit contra Graecos, & a *Juliano Africano* apud *Eusebium* lib. x. *De Praep. Evangelica* cap. 10. asserunt, Israelitas exivisse ex Aegypto, regnante *Amosio*, qui etiam dicebatur *Amosio*. Scribit autem *Manetho*, illos *Hycfas*, seu Pastores captivos, egestos fuisse ex Aegypto, regnante *Themofio*, qui idem plane est ac *Amosio*. Binomius quippe erat ille Aegyptiorum Rex, sicut testatur *Georgius Syncellus* in sua Chronographia pag. 63. & 69. & perinde vocabatur *Amosio*, vel *Themofio*. Ex quo palam sequitur, tempus, quo Israelitae egressi sunt ex Aegypto, plane convenire cum Epocha, quam assignat *Manetho*, expulsionis ex Aegypto illorum Pastorum captivorum, quos *Hycfas* appellat. Quarto, Israelitae, quando ingreffi sunt in Aegyptum, erant Pastores, id est, viri obscuro, ignobiles, tales autem fuisse illos *Hycfas*, seu *Pastores*, qui expulsi sunt ex Aegypto, testatur *Manetho*, quos ideo appellat homines obscuros, nullaque re gesta memorabili adhuc commendabiles. Quod*

quidem argumento est, illos *Hycfas*, seu *Pastores*, quos *Manetho* scribit fuisse ex Aegypto extrusos, non alios esse quam Israelitas, qui tantum post suam ex Aegypto protectionem in Rempublicam coalescerunt, nomenque suum sub *Moyse*, *Iesue*, & aliis, sive Judicibus, sive Regibus, sive Pontificibus, toti orbi illustre reddiderant. Postremo, ait *Manetho*, illos *Hycfas*, seu *Pastores*, ex Aegypto ejectos, iter suum per desertum in Syriam egisse, & in terra, quae nuncupatur *Judaea*, amplissimum extraxisse civitatem, quam *Hierosolymam* appellant. Quibus verbis aperte indicat *Manetho*, illos *Hycfas*, seu *Pastores*, quos ex Aegypto excessisse scribit, fuisse ipsissimos Hebraeos, qui ex Aegypto dimissi venerunt postea in terram, quae dicitur *Judaea*, ibique civitatem aedificaverunt, quam *Hierosolymam* vocitarunt. Facessat itaque *Joannes Mathemus*, qui in suo *Chronico Canone Aegyptiaco*, *Hebraico*, & *Graeco*, perpendit: Historicum *Manethonem* voluisse per illos *Hycfas*, seu *Pastores*, qui ex Aegypto fuerunt ejecti, indicare non Hebraeos, seu Israelitas, sed Arabes, qui in Aegyptum cum irrupissent, ibique vitam pastoritiam degerunt, tandem potentiores facti, imperium obtinuerunt, illudque exercuerunt in Aegyptios, a quibus vocati sunt, *Hycfas*, id est, *Reges Pastores*. Facessat, inquam, *Joannes Mathemus*, cujus vanum systema & fronte pugnat cum historia *Manethonis*. Nam primo, *Manetho*, conceptis verbis, asserit, illos *Hycfas*, seu *Pastores* ab Aegypto expulso, venisse in Judaeam, ibique civitatem quam *Hierosolymam* appellant, construxisse. Qui character in solos Hebraeos, seu Israelitas, competere potest, non vero in Arabes, quos neque in Judaeam venisse, neque Hierosolymorum urbem condidisse certissime constat. Praeterea, quamvis *Manetho* innuat, aliquibus visum esse per *Hycfas* significari *Reges Pastores*, testatur tamen idem Historicus, se in aliis Exemplaribus comperisse per *Hycfas* non significari *Reges Pastores*, sed & diverso declarari *captivos Pastores*, & hoc potius sibi verisimile videri, & *historiae antiquae conveniens*. Tertio, *Manetho* ait, illos *Hycfas*, seu *Pastores*, fuisse viros obscuros, & ignobiles, qui sane character competere haud potest in Arabes, qui in Aegypto non poterant esse viri obscuro & ignobiles, cum, ipso met fatente *Maribamo*, Arabes suos in Aegypto habuerint Reges, & imperium exercuerint in Aegyptios. Denique, *Maribamus* in citato Opere, quod Iacubavit omnem sibi abrogavit fidem, quia in eo Veteris Testamenti antiquitatem evertere totis viribus admittit, & carmeniarum, quarum in veteri Testamento Judaeis praecipitur observatio, Deum negat esse auctorem ac institutorem; Prophetiam *Danielis* de LXX. Hebdomadibus ad Iesum Christum pertinere audacter inficiatur, *Iosephum*, egregium Nationis & religionis Judaicae defensorem in libris, quos scripsit contra *Apionem*, Ethnicum Grammaticum Alexandrinum, data opera refellit; impugnat, eumque tanquam fabularum, & mendaciorum Scriptorem traducere ac sagillare

non veretur: Verbo dicam, *Manethum* in suo male confarcatino opere tot futilia, tot absurda commenta, tot inaudita paradoxa in his, quæ Religionem, Sacramque Historiam cum Veteris, tum Novi Testamenti spectant, effudit, ut iure optimo apud omnes, qui de Religione bene sentiunt, tanquam temerarius Scriptor audiat, dignumque iudicetur ejus male natum Opus, quod natalitius tenebris claudatur.

D. Quamvis in tuam sententiam facile descendam, ac vehementer improbum falsam *Manethi* interpretationem; non possum tamen, ne quid dissimulem, narrationem *Manethonis*, circa illorum Pastorum, quos *Hyefor* appellat, mansionem in Ægypto, conciliare cum his, quæ superius dixisti de habitatione Israelitarum in Ægypto. *Manetho* quippe, teste *Josepho*, Hebræo, quem laudasti, scribit, illos Pastores, quos *Hyefor* nuncupat, mansisse in Ægypto per annos quingentos & undecim. At, juxta Chronologicæ sacræ peritiorum sententiam, quam superius probasti, Israelitæ habitaverunt in Ægypto per annos dumtaxat ducentos quindecim. Ex hac itaque haud mediocri Chronologicæ discrepantia colligi posse videtur, Pastores illos, quos *Manetho* appellat *Hyefor*, plane diversos esse ab Israelitis.

M. Non ita est: sed ex ea Chronologicæ discrepantia colligi tantum potest primo, circa numerum annorum, per quos Pastores, quos *Manetho* appellat *Hyefor*, manserunt in Ægypto, irrepsisse in Textum *Josephi* mendum, & loco annorum 215, subiectum fuisse 511. non quod existimem, *Josephum* Hebræum, qui fuit in scribendo diligentissimus juxta ac gravissimus Auctor, notandis temporibus ita turpiter errasse, sed quod putem, Textum *Josephi* in annorum numerum fuisse interpolatrice manu vitiatum, sicut aperte declarant quæ plurima menda, quibus in annorum numeris scater hodiernus *Josephi* Textus, idque ultro fatentur omnes hujus temporis Chronologi, in libris *Josephi* versati, quos inter unam instat omnium laudabo nostrum *Melebiorem Canum*, qui lib. 11. *De locis* cap. 5. ad Argumentum 9. istud de libris *Josephi* profert judicium: *Sed in numeris Josephi libri menda habent innumera, quæ ego menda viro diligentissimo atque gravissimo assignare nec volo, nec debeo.* Secundo, ex ea Chronologicæ, quam adduxisti, discrepantia colligitur, *Manethonem*, & alios Græcos Historicos *Prophanos*, multa quidem ex Historia Sacra hausisse, sed eam pluribus mendaciis & erroribus aspersisse, sive ut contradicerent Judæis, quos capitali odio prosequerantur; sive ut vanam & falsam suam antiquitatem ac Religionem stabilirent, sive ut fabulis, quas finxerunt de suis Diis, *Jove*, *Apolline*, *Marte*, *Mercurio*, *Hercule*, & aliis, aliquam veri speciem conciliare possent, sicut lato calamo, ostendit Illustrissimus *Daniel Huetius*, in sua *Demonstratione Evangelicæ*; sive denique cum essent Idolorum cultores, non poterant sacras literas omni scrupulositate sequi, ut ait *Josephus* lib. 1. contra *Apionem*, ubi sermonem habens de Scriptoribus *Prophanis* Græcis, *Demetrio Phalereo*, *Phibone seniore*, & *Eupolemo*, ait: *Plurimi prædixi.*

Hist. Vet. Test. Tomi II.

Horum virorum veritate quidem consensum antiquarum frustrati sunt.... non enim incrat eis, ut nostras literas, id est, Sacram Historiam, possent omni scrupulositate sequi. Quæ cum ita sint, mirum sane tibi videri haud debet, quod *Manetho*, Scriptor *Prophanus*, & ex ea Gente oriundus, quæ erat Hebræis infestissima, Historiam Sacram de ingressu Israelitarum in Ægyptum, de eorum mansionem in Ægypto, & de illorum profectioe ex Ægypto, data opere interpolari, ac nonnullis mendaciis, & erroribus in numeris resperperit, quanvis multa reliquit veritatis vestigia, & per illos Pastores, quos vocat *Hyefor*, quosque ait venisse in Ægyptum, in ea diu mansisse, & postea fuisse ex ea expulsos, non obscure, sicut mox commonstravimus, indicare voluerit Israelitas, qui erant Pastores, quique, ut narrat *Historia Sacra*, ingressi sunt una cum Patriarcha *Jacobo* in Ægyptum, diu in ea habitaverunt, ac denique ex ea pulsi fuere, seu potius a Deo per *Mosysem*, eorum Ducem, in libertatem asserti ac vindicati. Hæc, quæ hæcenus dixi, confirmare non pigebit testimonio *Gratii*, qui lib. 1. *De Veritate Christianæ Religionis* hæc apposite scribit: *De exitu Hebræorum ex Ægypto non pauca referunt Scriptores Ægyptii, Manetho, Lyfimaachus, & Cheremon.* Loca sunt apud *Josephum* contra *Apionem*, quæ tamen pluribus mendaciis sunt respersa, utpote scripta a gente Judæis infestissima, unde & *Isa* hausit *Historicus Cornelius Tacitus*. Apparet autem ex his omnibus Scriptoribus Ægyptiis, Hebræos, Ægypti parte potius, ubi pastoralem egisse vitam, sed operis postea servilibus pressos exiisse Ægypto, Ægyptiis etiam quibusdam ipsos comitantibus *Mosye* Duce, perque Arabum terras postremo pervenisse in *Syriam* *Palestinam*, ibique eos Instituta secutos, Ægyptiorum Institutis contrariis. Ceterum, quomodo in his, quæ huic Historiæ aspersere mendaciis Scriptores Ægyptii inter se quidem, & secum singuli pugnant, quotque illa seculis ab antiquitate *Mosyis* librorum vincantur, egregie ostendit *Josephus* in illo libro eruditissimo, sed primo, quem edidit contra *Apionem*. Sed eo de argumento hæcenus satis, de quo tamen si plura scire aveas, auctor tibi sum, ut legas, modo per otium liceat, Tomum secundum perdocti Operis, quod Cl. *Ferrandus*, insignis Senatus Parisiensis Caudicibus, gallice concinnavit, quique hunc præfixit titulum: *Reflexions sur la Religion Chrétienne*. Ibi quippe laudatus ille Auctor hoc argumentum non minus fuisse, quam erudite tractat, & omnes objectiones, quas proponit *Joannes Marthanus*, plenissime diluit.

COLLOQUIUM II.

In quo proponuntur Dubia, quæ tam Theologi, quam Scriptura Sacra Interpretes, circa Historiam tertie Mandi Etatis ventilare solent.

DISCIP. SÆPIUS in superioribus nostris Colloquiis dixisti, Deum apparuisse Patriarchis *Abrahamo*, *Isaaco*, *Jacobo*, & aliis, eosque familiari colloquio fuisse dignatum.

B 3

At,

At, nunc scire vellem, an vere ipsemet Deus sub humana specie apparuerit Patriarchis? An potius Angelus, humanam formam referens, apparuerit Patriarchis, & cum illis, nomine Dei, quem representabat, colloquio miscuerit?

M. Communis est Theologorum sententia, quod dum legitur in Veteri Testamento, apparuisse Deum Patriarchis, & cum illis fuisse locutum; id eo in sensu intelligi debeat, quasi Deus sub humana specie sese Patriarchis conspectum exhibuerit, & cum illis sermonem habuerit; sed quod Angelus, a Deo missus, ejusque vice fungens, id munus ex aere sibi formato corpore, obiret, seque Patriarchis adspectabilius preberet. At, non desunt celebres quidam Theologi, qui, aliquot sanctorum Patrum antiquorum, seu S. Iustini, Martyris, in Dialogo cum Tryphone, S. Irenaei, lib. 4. adversus Hæreses cap. 26. S. Augustini, lib. 2. de Trinitate, cap. 13. & Theodoretii, quest. 5. in Exodum, Doctrinam secuti sentiunt, quod quando in sacris literis dicitur, Deum apparuisse Patriarchis, id intelligi haud debeat de Angelo, tamquam Dei Legato, sed potius de Verbo Divino, seu de secunda Sanctissimæ Trinitatis Persona, quæ sub specie humana sese Patriarchis jam tum visibilem ostendebat. Doctissimus Bernardus l' Amy, Congregationis Oratorii Presbyter, in suo Apparatu Biblico, pag. 26. hanc Theologorum sententiam, his verbis confirmat: Ille somnus Deus, qui dicitur dignatus Abrahamum familiari colloquio, ipsum erat Dei Verbum, seu secunda Sanctissimæ Trinitatis Persona, quæ ab hisce temporibus preludebat Incarnationi suæ. Quamquam enim tunc Carnem non sic assumeret, ut jam fieret Homo, in imagine tamen carnis, seu veræ, seu apparentis conspectum Patriarchis se præbebat, ipsum, inquam, erat Verbum Dei, ut omnes Antiquitas credidit, unus ex tribus Angelis, qui apparuerunt Abrahe, & promissa de lumbis ejus Carnem se sumpturam. Hanc vero Abraham ut Deum summum adoravit, pro Deo habuit, & ejus colloquio gavisus est, ad quod alludens, ut opinor Christus agebat exp. 8. Evang. S. Joannis: Abraham, pater vester exultavit ut videret diem meum, vidit & gavisus. Prævit Bernardo l' Amy in hac sententia Petrus Canusius, qui libro 3. De Republica Hebræorum cap. 3. pag. 378. hæc habet: Ajunt præstantissimi Theologi, quoscunque Deus immortalis hominibus apparuit, apparuisse secundam Sanctissimæ Trinitatis Personam, seu Filium Dei. Quod sane ab illis recte existimatum est. Utique cum Apostolus ait: Sepe Deum ante per Prophetas, novissime autem locutum fuisse per Filium: non ille negat, visum antea in terris Messiam, sed haud obisse eum concionandi illud munus significat, quod olim a Vatribus semper, ac tandem vero susceptum ab ipso est. Non potest ipsum illud corpus indure, quod in terris postea intuiti sunt, & contrahere mortales. Id enim sivo admodum genitum formatumque est, neque antea existit. Quare imaginem dumtaxat illius representavit Abraham, sed plane eandem, quam inter homines habuit.

D. Libentius, ut candide dicam, descende-

rem in sententiam horumce Theologorum, qui docent, secundam Sanctissimæ Trinitatis Personam, seu Filium Dei, apparuisse etiam Patriarchis, qui vixerunt ante Legem Scriptam, seu Moisaicam. Inde enim facili negotio intelligitur, Patriarchas, etiam illos, qui præcesserunt Legem Moisaicam, habuisse notitiam, seu fidem in venturum Messiam, Liberatorum generis humani, & Mediatorum Deum inter & homines. At, cum ejusmodi Secundæ Personæ Sanctissimæ Trinitatis apparitiones non omnibus Israelitis, qui vixerunt ante Legem Moisaicam contingerint, tætor ultro, me prorsus nescire, quo pacto Populus Israeliticus potuerit ante Legem Moisaicam habere notitiam, seu fidem in Messiam venturum, cum ejusmodi notitiam, seu fidem, nec ex apparitionibus Secundæ Personæ Sanctissimæ Trinitatis, quæ ei factæ non sunt, nec ex Lege Moisaica, quæ necdum scripta erat, haurire potuerit? Hic est sane nodus vindice dignus.

M. Neminem ab Adamo, seu a Creatione Mundi, absque fide in venturum Messiam, salutem æternam fuisse consecutum, nec deinceps ad finem ulque Mundi consecuturum, constans est ac perpetua Ecclesiæ Catholicæ Doctrina, quam nullus citra apertam hæresim impugnare potest. Id tamen discriminis fuit inter fidem Patriarcharum ante Legem Moisaicam, & fidem Populi Israelitici, quod Patriarchæ ante Legem Moisaicam, haberebant fidem in venturum Messiam magis distinctam, quam ideo Theologi appellant *Fidem explicitam*; Populus vero Israeliticus ante Legem Moisaicam haberet fidem in Messiam venturum minus distinctam, quam subinde Theologi vocant *Fidem implicitam*, quam videlicet a Patriarchis & a Majoribus suis acceperant, per continuam traditionem, quæ ab ipsa Creatione Mundi usque ad ipsum tempora sær jugiter conservata, eorumque animis infixæ. Quod, ne gratis a me dictum esse videatur, plurimis Scripturæ Sacre testimoniis evincam. In primis, legimus cap. 4. Evangelii, quod scriptum est a S. Joanne, mulierculum Samaritanum ex recepta pridem ac perverga apud Judæos traditione Jesum Christum, verum Messiam, quem ipsa venisse ignorabat, sic fuisse asseram; *Novimus Messiam venturum. Cum venerit ille, omnia nobis annuntiabit*. Erant autem Samaritani residui pars Israelitarum, quos a Judæis olim Jeroboam avulserat, proindeque ignorare non poterant, quod vulgo cuncti Hebræi super hac re senserunt, sicut optime observat Petrus Canusius sub finem lib. 3. De Republica Hebræorum. Præterea Apostolus Paulus cap. 11. Epistolæ ad Hebræos, postquam præmisit, *Fidem esse substantiam rerum sperandarum*, non solum Fidem Abelis, Enochi, Noemi, Abrahami, Isaaci, Jacobi, Josephi, & Moysi laudat ac plurimum commendat, sed etiam ejusdem fidei laudem Populo Israelitico, etiam ante Legem Moisaicam, tribuit eo possitimum nomine, quod Dei imperio o'scens, Egyptum reliquit. Sic enim ait Apostolus: *Fide transierunt mare rubrum tanquam per aridam terram*. Quia, idem Apostolus eodem in capite

fidei

fidei hujus laudem adscribit Israelitis, qui jam defuncti erant, dicens: *Juxta Fidem defuncti sunt omnes isti, non acceptis re promissionibus, sed a longe eis aspicientes; & salutantes, & confutantes, quia peregrini & hospites sunt super terram.* Qui enim hec dicunt, significant, se patriam inquirere.... Nunc autem meliorem appetunt, id est caelestem. Id sæpius moulcat Apostolus Paulus, sed præsertim cap. 10. Epist. 1. ad Corinthios, ubi indiscriminatum omnes Israelitas fidei elogio ornat his verbis: *Nolo enim vos ignorare, Fratres, quoniam Patres nostri omnes sub nube fuerunt, & omnes mare transierunt, & omnes in Moyse baptizati sunt, nube, & in mari; & omnes eandem escam spirituales manducaverunt, & omnes eundem potum spirituales biberunt (bibeant autem de spirituali consequente eos petra: petra autem erat Christus.)* Tercio, Patriarcha Jacobus propædium mortuus in Ægypto, fuit omnes accersivit filios, quibus vitum bene precatus, dixit filio Jude: *Non auferetur sceptrum de Juda, & Dux de femore ejus, donec veniat, qui mittendus est, & ipse erit expectatio Gentium.* Genes. cap. 49. quibus verbis voluit Patriarcha Jacobus, non solum filiorum suorum, sed etiam omnium Israelitarum, qui erant in Ægypto, Fidem, quam habebant de adventu Messie, seu Liberatoris, quæque a suis Majoribus accepta penitus eorum animis infidebat, confirmare, prædicens illis, venturum illum Messiam, quem expectabant, postquam familie filii sui Jude Regium Sceptrum fuisset ablatum, & ad alienigenam transisset. Quarto, Josephus, filius Patriarchæ Jacobi, moriens itidem in Ægypto, obsecravit, & obtestatus est Israelitas, ut dum essent ex Ægypto exiituri, ejus ossa secum asportarent sepelienda in Terra Chanaan: *Asportate ossa mea vobiscum de loco isto.* Genes. cap. 50. Sciebat quippe Josephus, fore ut in Chanaanensium sedibus nasciturus esset Messias, illicque sua ossa quiescere voluit. Fidem Josepho datam liberantur Israelitæ, quando excesserunt ex Ægypto, & fide, quam in Messiam venturum habebant, animati, ossa Josephi, sepelienda in Terra Chanaan, secum asportant. Tulit Moyses ossa Josephi secum, eo quod abjurasset filios Israel, dicens: *Visitabit vos Deus, auferre ossa mea hinc vobiscum.* lib. Exodi cap. 13. Denique, non tantum Patriarchis, sed & omnibus Israelitis, etiam ante Legem Mosaicam, nota erat illa promissio, qua Deus ab exordio Mundi, hoc est, post primorum parentum nostrorum peccatum, sese obstrinxit, mittendi Messiam, seu Liberatorem, dum imprecando serpenti, dixit: *Ipsa conteret caput tuum, id est, Messias, aliquando ex muliere nasciturus, conteret caput tuum.* Hanc, inquam, promissionem, qua Deus ab exordio Mundi se obstrinxerat, mittendi Liberatorem, seu Messiam, omnes Israelitæ etiam ante Legem Mosaicam jam perfectam exploratamque habebant, tum ex certa traditione ab Adam ad ipsos usque propagata; tum etiam ex sanctificatione Sabbati, quæ per singulas Hebdomades monēbat illos de Creatione Mundi, seu in memo-

riam illorum revocabat Creationem Mundi, formationem primi hominis, ejus lapsum, divinam promissionem mittendi Liberatoris, & Legem latam a Deo ab exordio Mundi, & a majoribus suis, etiam ante Moysen tempora, jugiter observatam, sanctificandi Sabbatum in memoriam creationis mundi, & diei septimi, quem sanctificavit Deus, quia in ipso cessaverat ab omni opere suo, uti legitur Genes. cap. 2. Cum igitur omnibus Israelitis, etiam ante Legem Mosaicam, nota fuerit hæc promissio, qua Deus ab exordio Mundi, hoc est, post peccatum Adami, sese obstrinxit, mittendi Liberatorem, seu Messiam, planum ac expeditum esse debet, omnes Israelitas, etiam ante Legem Scriptam, habuisse aliquam notitiam, seu fidem in Messiam venturum. Hinc merito S. Augustinus lib. de peccato originali cap. 24. ait: *Sine Fide ergo Incarnationis & Mortis & Resurrectionis Christi, nec antiquos Justos, aut Justos essent, a peccatis potius mundari, & Dei gratia justificari, veritas Christiana non dubitat, siue in eis Justis, quos Scriptura sancta commemorat, siue in Justis, quos quidem illa non commemorat, sed tamen fuisse credendi sunt, vel ante diluvium, vel inde usque ad Legem datam, vel ipsius Legis tempore non solum in filiis Israel, sicut fuerunt Prophete, sed etiam extra eundem Populum, sicut fuit Job. Ipsorum enim corda eadem mandabatur Mediatoris Fide.* Quo fit, ut omnino inexcusabiles sint Hebræi, qui, licet per Legem Mosaicam, & vaticinia Prophetarum majorem de venturo Messia notitiam postea habuerint, pertinaciter pliusquam adamantina Jelum Christum, verum Messiam, in quo Moyses, & Prophetarum fuerunt ad amissum omnia adimpleta oracula, agnoscere detestantur. Unde cum reputare in animo solo (ut verbis Sulpicii Severi) lib. 1. Historiz Sacre) Populum, seu Hebræum, tot beneficiis Dei obligatum, tot cladibus, cum peccatis, societatem, expertumque & misericordiam, & severitatem Dei, nequaquam emendatum; & cum semper veniam erroris acciperet, semper peccat post veniam; nihil mirum videri potest, Christum ab his non esse receptum, cum jam in dies ab initio routes in Domino rebelles deprehenduntur, magisque mirum est, illis seipsum peccantibus, nunquam Dei, si quando eum imploraverunt, deesse clementiam.

D. In illo Vaticinio Patriarchæ Jacobi: *Non auferetur sceptrum de Juda, & Dux de femore ejus, donec veniat qui mittendus est, & ipse erit expectatio Gentium.* In hoc, inquam, vaticinio Jacobi probe intelligo, promitti adventum Messie, quando Sceptrum Regium fuerit ablatum & Juda; sed quandocumque illa vera contigerit, prius me latet.

M. Sunt quidam periti Theologi, & Scripturæ Sacre Interpretes, qui asserunt, in hoc vaticinio Jacobi promitti venturum Messiam, quando & Tribus Juda Sceptrum esset ablatum, adeo ut illud Jacobæum Oraculum: *Non auferetur Sceptrum de Juda, & Dux de femore ejus, donec veniat qui mittendus est* &c. ad solam Tribum Juda restringi debeat cum exclusione Leviticæ, Beniamiticæ, & aliarum Tribuum. Sed pace illorum

Theologorum, & Scripturæ Sacræ Interpretum dixerim, huic sententiæ calculum meum adjicere non posse. Primo, quia compertum habemus ex Scriptura Sacra, plures extitisse Gentis Judaicæ Duces ac Principes a *Jacobi* vaticinio usque ad Christum, Servatorem nostrum, qui ex Tribu Juda non fuerunt oriundi. *Mosys* namque & *Josue*; qui post egressionem Israelitarum ex Ægypto, præfuerunt Populo Judaico, suam ex Tribu Juda originem non ducebant, sed *Mosys* erat de Tribu *Levi*, *Josue* vero de Tribu *Ephraim*. Inter *Judices* postea, qui post *Mosym*, & *Josue*, apud Judeos summa potestate præditi erant, duo tantum fuerunt orti e Tribu Juda, videlicet *Othniel*, & *Abesai*. Secundo, tempore, quo Judæi in Captivitatē Babylonicam fuerunt abducti, Sceptrum e Tribu Juda ablatum est in *Jechonia*, & *Sedecia* Regibus. Post laxatam vero Captivitatem Judæorum Respublica formam Aristocratæ assumpsit, ita ut Judæi nunquam amplius regia, & absoluta imperandi forma potius sint, utpote qui Perfarum Monarchiæ primū subditi fuerunt, deinde, postquam *Alexander Magnus*, Macedo, *Darium Codomannum*, & Perfarum simul Imperium delevisset, & omnem hujus gloriam ad Græcos transulisset; Judæi Græcis paruerunt, idest Asiæ minoris, & Ægypti Regibus servierunt, donec tandem a Romanis devicti sub jugum missi sunt. Porro, per totum illud temporis intervallum, quod a soluta Captivitate Babylonica fluxit usque ad Christum Dominum, nullos Duces habuerunt Judæi e Tribu Juda oriundos, sed summa rerum erat penes Summos Pontifices, qui Pontificum potestas per Assamoneos, in Ordine Sacerdotali constitutos, firmata est usque ad tempus *Herodis*, qui devicto *Antigono*, genus Assamoneorum penitus extinxit, & Regnum Judææ a Senatu Romano obtinuit. Cum igitur a laxata Captivitate Babylonica usque ad Christum, hoc est, per quingentos, & amplius annos Sceptrum e Tribu Juda fuerit ablatum, stare nullo modo potest sententia illorum, qui *Jacobi* de venturo Messia vaticinium, *Non auferetur Sceptrum de Juda* &c. restringunt ad solam Tribum Juda, exclusis aliis Tribubus.

D. Quo pacto igitur vis esse intelligenda hæc *Jacobi* vaticinii verba: *Non auferetur Sceptrum de Juda, & Dux de femore ejus* &c.? videtur quippe mihi, quod sola hic indiget Tribus Juda, exclusis aliis Tribubus.

M. Ut huic *Jacobæo* vaticinio de venturo Messia visa constet veritas, necessum est, ut hæc priora verba, quibus constat: *Non auferetur Sceptrum de Juda*, non limitentur ad solam Tribum Juda, exclusis aliis Tribubus, sed potius referantur ad totam Gentem Judaicam, adeo ut sensus sit, non ablatum iri Sceptrum e tota Gente Judaica, donec veniat Messias. Hac autem sensu admittit *Jacobi* vaticinii interpretatio, proclive est demonstrare, Judæos a tempore, quo a Patriarcha *Jacobo* editum est hoc vaticinium, usque ad *Herodem*, alienigenam, qui a Senatu Romano Judææ Regnum obtinuit, & quo adhuc in Judæa regnante natus est *Jesus Christus*, verus Messias,

semper habuisse e Gente sua Judaica, seu ex genere suo, & ex aliqua Tribu Duces, Reges, ac Principes, qui toti Populo Judaico cum summa rerum potestate præfuerunt. At enim, post mortem Patriarchæ *Jacobi* in Ægypto, Judæi Ducem habuerunt *Mosym*, qui eos e captivitate Ægypti liberavit. Post obitum *Mosyis*, Judaico Populo præfuit *Josue*, qui illum in terram promissam, seu in terram Chanaanem introduxit. *Josue*, in regimine Populi Judaici successerunt alii Duces, quos e genere suo ortos Judæi appellaverunt *Judices*, qui summa apud Gentem Judaicam potestate potiebantur. Post *Judices*, habuerunt Judæi Reges, & Regia dignitas, seu potestas permansit in Tribu Juda, & in familia Davidica usque ad captivitatem Babylonicam. A tempore autem captivitatis Babylonicæ Judæi habuerunt Duces item ex genere suo, seu Principes exercitus, qui ipsis reducibus, & proprio solo, laxata captivitate, restituti præfuerunt: His Ducibus suffecti sunt Pontifices, dicti *Assamanei*, seu *Machabæi*, qui pariter e Judæorum genere erant oriundi, & quibus Republicam Judaicam gubernandi onus incumbbat. Denique, hanc supremam Republicæ administrandæ potestatem conservaverunt Pontifices, seu Assamanei, usque ad *Herodem*, qui, licet non esset ex Gente Judaica, sed alienigena, utpote genere Idumæus, devicto tamen *Antigono*, ultimo Assamoneorum Rege, Regnum Judææ obtinuit a Romanis. Quo tempore, cum Judææ Regnum ad *Herodem*, alienigenam transierit; natus est *Jesus Christus*, verus Messias, juxta Patriarchæ *Jacobi* vaticinium: *Non auferetur Sceptrum de Juda*, idest, de tota Gente Judaica, donec veniat, qui mittendus est, & ipse erit expectatio Gentium. Hoc pacto intelligendum, & explicandum esse Patriarchæ *Jacobi* de venturo Messia vaticinium censent sancti Patres, & Scriptores Ecclesiastici, *Justinus*, Martyr, in Dialogo cum *Triphone*, *Athanasius* in lib. de Incarnatione, *Eusebius* lib. 8. Demonstrationis Evangelicæ, *Crisostomus* Homilia 77. in Gen. *Ambrosius* in libro de Benedictionibus Patriarcharum, cap. 4. *Augustinus* lib. 18. De Civitate Dei cap. 45. *Theodoretus* quest. 100. in Genesim, alique sancti Patres, qui istam vaticinii *Jacobi* interpretationem suo calculo approbaverunt. Huic igitur tam cano, tamque venerando totius Antiquitatis consensui assensum præstare debet.

D. Prono capite veneror antiquos illos sanctos Patres, eorumque sententiæ lubentissime subscribo; sed necdum fecisti satis difficultati, quam mox iussuavi. Videtur quippe mihi, hæc verba vaticinii Patriarchæ *Jacobi*: *Non auferetur Sceptrum de Juda*, pertinere dumtaxat ad Tribum Juda, exclusis aliis Tribubus. Alioqui si prædicta verba spectent totam Gentem Judaicam, non video certe quid peculiare de filio suo, *Juda*, Patriarcha *Jacobus* prædixerit, dum, antequam moreretur, suam ei benedictionem largitus est. Errantem legimus cap. 19. libri Genesim Patriarcham *Jacobum*, iam morti proximum, convocasse omnes filios suos, hisque singulis viritum, speciatim, ac distin-

de

Ne benedixisse, atque prædixisse, quæ ipsis, eorumque posteritati deinceps obventura erant. Quæ cum ita sint, longe verosimilius mihi videtur, hæc verba vaticinii *Jacobi*: *Non auferetur Sceptrum de Juda*, restringenda esse ad solam Tribum Judæ, exclusis aliis tribubus Israeliticis.

M. Non ita est, sicut sentis. Quamvis enim hæc benedictio, seu prædictio *Jacobi* morientis: *Non auferetur Sceptrum de Juda* &c. toti Genti Judaicæ, seu cæteris Tribubus Israeliticis competat, attamen *Jude*, filio Patriarchæ *Jacobi*, peculiariter accommodari debet, & ejus Tribum magis spectat, quam cæteras Tribus. Primo, in eo quod soli filii Judæ, seu viri e Tribu Judæ orti, a *Davide* usque ad captivitatem Babylonicam; hoc est, per annos circiter quingentos, Regnum in Gente Judaica obtinuerint, idque sub *Davide* , & *Salomone* florentissimum. Secundo, in eo quod, post captivitatem Babylonicam, cum ad aliam Tribum, distinctam a Tribu Juda, suprema potestas in Gente Judaica transierit, nihilominus universus Populus Israeliticus a *Juda* nomine sortitus sit, tumque primum Israelitæ ceperint cognominari *Judæi* . Tertio, in eo quod eodem tempore, quo suprema in gente Judaica potestas penes Pontifices, seu *Assanatos* erat vendenda, Regio tamen ipsa, qua Regnum continebatur, tota, aut maxima ex parte ad sortem Tribus Juda pertinere debebat. Quarto, in eo quod Tribus Juda, sive in castris ponendis, sive in ordine offerentium, sive in divisione terræ Chanaan, cæteris Tribubus præstantia quadam, & excellentia singulari præire debebat. Postremo, in eo quod Jesus Christus, verus a Patriarcha *Jacobo* promissus Messias, ex sola Tribu Juda, & non ex aliis Tribubus Israeliticis proditus erat. Propter has, & alia rationes, quæ legi possunt apud *Eusebium* lib. 8. de *Demonstratione Evangelica* , jure optimo dici potest, hanc benedictionem, seu prædictionem Patriarchæ *Jacobi* , fuisse quidem omnibus Tribubus Israeliticis communem, peculiari tamen ratione, ad Tribum *Jude* pertinuisse. Conside etiam, si velis Dissertationem, quæ in *Tractatu de Mysteriis, & annis Christi* , a me Romæ recens edito, ordine septima est, in qua evinco, hoc Patriarchæ *Jacobi* Vaticinium: *Non auferetur sceptrum de Juda, donec veniat qui mittendus est, & ipse erit expectatio gentium*, fuisse revera impletum in ortu Jesu Christi, veri Messie, illudque ab omnibus Judæorum argutiis, & cavillis vindico.

D. Sufficit mihi hæc, quam de Patriarchæ *Jacobi* vaticinio dedisti, brevis explanatio. At nunc duo dubia hæc levis momenti, ne quid dissimulem, circa eundem Patriarcham *Jacobum* subeunt animum meum, quæ mihi solvas velim. Primum Dubium est, an revera mentius sit *Jacobus* , quando, usus consilio matris suæ *Rebeckæ* , paternam benedictionem, loco *Esau* fratris sui primogeniti, accepit, dicens patri suo *Isaac* : *Ego sum filius tuus primogenitus Esau*; quod tamen probe sciebat esse falsum. Alterum Dubium istud est: Num Patriarcha *Jacobus* injusta fraude deluserit socerum suum *Labanum* , dum post simulatum quatuordecim

annorum pacta cum illo mercede, gregem suum per virgas ex parte decorticas, siquæ varias, quas bestiis inter bibendum, calente venire, objiciebat, copiosa pecudum accensione multiplicavit cum evidenti dispendio gregis soceri sui *Labani* , uti narrat *Moyses* cap. 30. lib. *Genesis* . His duobus Dubiis rogo te, ut breviter facias satis.

M. A duobus istis, quæ proposuisti, Dubiis nunc paucis verbis me expedio, & ad primum dico, Patriarcham *Jacobum* , si literaliter Scripturæ sensui inhæreamus, vix, ac ne vix quidem a mendacio posse excusari, dum paternam benedictionem loco *Esau* , fratris sui primogeniti, consilio matris suæ, accepit. Id luculenter colligi posse videtur ex capite 27. libri *Genesis* , ubi primo narratur, *Jacobum* non modo dixisse se esse primogenitum, sed etiam disertis verbis professum fuisse, se esse *Esau* , idque respondisse patri suo *Isaac* , de persona *Esau* , non de solo jure primogenituræ querenti, & benedictionem *Esau* , non autem *Jacobo* dare volenti. Deinde, legitur eodem in capite, *Jacobum* , vulgares cibos offerentem patri suo *Isaac* , idest, duos hædos, quos non in sylvis venatus erat, sed in stabulo conquisitos & electos a matre coquendos, ac parandos attulerat, ipsum rogasse, ut de ipsius venatione comederet, quod certe (si solus attendatur literalis verborum sensus) a fraudis, & mendacii crimine excusari non potest. Denique, ibidem legitur *Jacobum* , accepta benedictione, statim a patre suo *Isaac* , fraudis ac mendacii fuisse insimulatum. *Esau* quippe lugenti, & graviter de surrepta sibi a fratre suo *Jacobo* benedictione querenti, respondit, pater, *Jacobum* venisse fraudulenter, & benedictionem suffuratum fuisse. *Venit germanus frater tuus fraudulenter, & accepit benedictionem tuam* . Hæc, inquam, si juxta literalem dumtaxat sensum expendamus, *Jacobum* mentiturum fuisse haud obscure significabunt. At, si ad sensum verborum *Jacobi* mysticum, seu figuratum, ut par est, assurgamus, Patriarcham *Jacobum* ab omni fraude, & mendacio poterimus excusare, sicut illum tam vere, quam pie excusant sancti Patres, *Augustinus* lib. 1. *Contra Mendacium* cap. 2. *Theodoretus* quæst. 81. in *Genesim* , *Gregorius M.* Homilia vi. in *Ezechielem* , *Isidorus Hispalensis* , *Venerabilis Bedæ* , *Rupertus* , quorum agmen claudit *S. Thomas* , qui 2. 2. qu. cx. Art. 3. in responsione ad 3. Argumentum his verbis agit *Jacobi* vindicias: *Jacob dixit, se esse Esau primogenitum Isaac, quia videlicet primogenita illius de jure ei debebantur. Usus est autem hoc modo loquendi per spiritum Prophetie ad designandum mysterium, quia videlicet minor Populus, scilicet Gentilium, substitutus erat in locum primogeniti, scilicet Judæorum* . Quam rationem excerptit *S. Thomas* ex jam citato libro primo *S. Augustini contra Mendacium* cap. decimo. Huic itaque sanctorum Patrum, & gravissimorum Theologorum sententiæ, qui *Jacobum* a mendacio excusant, constanter adherere debes, illumque penitus repudiare errorem quorundam recentium molliorum Theologorum, qui, licet saterentur, *Jacobum* non fuisse mentitum, ajebant tamen, illum am-

phibolia, seu verbis ambigax, ancipitique significationis, necnon mentis restrictione ulum fuisse abique peccato. Quin, quod magis mirari debeas, hunc amphiboliarum ulum adeo licitum, & innoxium esse audacter pronuntiabant molliores illi Theologi, ut non puderet eos asserere, Deum ipsum, Patriarchas, aliosque viros sanctos interdum amphibolis, mentisque restrictionibus fuisse usos. Sed, apage hunc errorem Deo, & Sanctis tam injuriam, sinceritati, ac simplicitati Christianæ (quam tantopere commendat Christus cap. 5. *Matthæi* vers. 37. dicens: *Sit autem sermo vester: est, est, non: quod autem his abundantius est, a malo est.*) omnino oppositum, societatis humanæ pestem, & occultandæ veritatis pessimum artificium, uno verbo, sæpius fulguritum, & vaticinis protritum fulminibus.

Venio nunc ad alterum, quod proposuisti, Dubium, an Patriarcha *Jacobus* injusta fraude delusit socerum suum *Laban*, quando singulari usus artificio gregem suum multiplicavit, cum gravi iactura, quam inde passus est *Laban*? Quod quidem Dubium, ut clarius diluere possim, observare debes, *Jacobum*, postquam per quatuordecim annos *Labano*, socero suo, nullo recepto præmio, gregem ipsius pascendo, famulatus fuisset, tandem exiguum mercedem ab illo poposcisse, ut videlicet quidquid ex ovibus unius coloris deinceps nasceretur variegatum, idest, variis distinctum coloribus, ad se pertineret. Annuit *Laban*, futuri artificii, quo *Jacobus*, ipsius gener, ulurus erat, omnino inficius. At, cum subdolis, & rapax *Labani* animus, quem multis experimentis per quatuordecim famulatus annos probe perspectum habebat *Jacobus*, non sponderet pacti fidem, nec mercedis acceptæ securitatem, usi notabili coloris discrimine, & loci intervallo peculium suum, a reliquo *Labani*, soceri sui, grege fecerneret, ideo *Jacobus* segregavit oves, & capras discolors, sibi oves, & capras unius coloris pascendas servavit, ne, si *Labanus*, præter opinionem suam, gregem *Jacobi* auctum, & multiplicatum videret, furta & rapinas clamitaret. Aderat tempus, quo Deus injuriam, & damna a *Labano* per quatuordecim annos illata *Jacobo*, qui totius spei, ac fiducia suæ anchoram nunquam non in remuneratione divina collocaverat, facire constituit. Monet ut itaque *Jacobus* a Deo de artificio, quo præmia, toleratis laboribus digna, cum fœnore consequi debebat, cumque non ignoraret *Jacobus*, quanta vis esset imaginationis in variando facta, & quam facile ea moveretur ab errore externo, speciatim in bestiis, quarum sensu cum speciebus corporeis artius connexa est, quales fœtus nasci oportebat, tales oculis conscientium obijciendæ arbitratur. Nec visa commodior via, ut rem ad optatum exitum perduceret, quam si virgulta ex arboribus, quarum color artificium adiuvabat, recens resecta, cortice æternis intervallis detracta, variegata, in conchis, vel alveis, aqua limpida plenis, reponerentur, ut qua aviditate potum fœcibus, ea species objecta oculis inter bibendum hauriret bestia, quas forte cum imaginibus marium lascivientium, & adhæ-

rentium commixtas, ex aqua, tanquam ex speculo naturali, oculus, alias vagus, & instinctu potius, quam consilio, in objecta quæque raprus, ut solet esse oculus bestiarum, ad hoc unum tempore generationis raptus facilius perciperet, & firmius imaginationi imprimeret, unde insignita, & impressa informatio fœtus eodem tempore conceptum imbueret. Non desuit *Jacobo* successus, quoties usus est isto artificio, quod fuisse naturale sola vi imaginationis, nullo interveniente miraculo, ad quod citra ullam necessitatem recurrunt nonnulli, contigisse facile crediderim. Vis siquidem phantasia, seu imaginationis, solet in coitu esse maxima, & fœtus similitudinem visam fortiter inprimit, sicut bene multis experimentis constat, quibus falsi convincitur systema Cartesianorum, aliorumque modernorum Philosophorum, qui docent, belluas esse mera autoritâ, arcanis rotulis & ælæteris infasæ contexta, omni cognitione, vita, vi imaginatrice, alique sensationibus tam internis, quam externis prorsus destituta. Sed istud recentiorum Philosophorum systema hic impugnare locus non est. Quare, Dubii a te propositi explicationi dumtaxat insistent, breviter hic ostendam, *Jacobum*, in eo, quo usus est, artificio, injusta fraude non delusisse socerum suum *Labanum*. Et primo quidem, *Jacobus* iuste ac licite usus est eo artificio, quia illud ab Angelis in somnis doctus erat, ut testatur ipsemet *Jacobus* cap. 31. v. 11. libri *Genesis*, hic loquens: *Dixit Angelus Dei ad me in somnis: Leva oculos tuos, & vide universos masculos ascendentes super faminas, variis, maculosos, atque resperfos. Vidi enim omnia que fecit tibi Laban. Secundo, hoc alibi & dolo usus est, titulo iustæ compensationis, quia per viginti annos servierat *Labano*, & tamen iustam laborum suorum mercedem ab eo, ut pote homine avaro, extorquere necdum poterat, sicut ipsemet queritur cap. 21. v. 40. & seq. libri *Genesis*, dicens: *Die nocteque æsin urebar & gelu, fugiebatque somnus ab oculis meis, sicque per viginti annos in domo tua (idest, soceri Laban) servivi tibi, quatuordecim pro filiabus, & sex pro gregibus tuis; immutasti quoque mercedem meam decem vicibus.... Forsitan modo nudum me dimisisses. Adjiciissem meam, & laborem manuum mearum respectu Deum, & arguit te heri. Denique, Laban promiserat *Jacobo* dotes filiarum *Rachelis* & *Lia*, quas ei uxores dederat, & quas tam indotatas reliquit, quemadmodum ipsemet testatur c. 31. v. 14. lib. *Genesis*, his verbis: *Respondendum Rachel & Lia: Numquid habemus residui quidquam in faciliatibus & veritate domus patris nostri? nonne quasi alienas reputavit nos, & vendidit, comedique pretium nostrum? His, & aliis ejusmodi rationibus probant Scripturæ Sacre Interpretes *Jacobum* non injusta fraude delusisse socerum suum *Labanum*, quando ad augendum gregem suum, & ad se redimendum ab injusta vexatione, novo isto commento, seu artificio usus est.***

D. Jam sciebam, *Liam* & *Rachelem* esse filias *Labani*, & uxores Patriarchæ *Jacobi*. Sed earum

HISTO-

Historia, quam legi in libro Genesis, duos mihi iniecit scrupulos, quos mihi eximas velim. Narratur quippe cap. 29. huius libri, *Liam*, quæ erat filia *Labani*, natu maior, obtempèrassè patri suo, quæ illam concubia nocte introduxit in lectum *Jacobi*, eamque sufficit in locum *Rachelis*, quæ vere cum *Jacobo* erat matrimonio iuncta, non vèto ejus soror *Lia*. Quæro igitur, an peccaverit *Lia*, quæ obsecuta patris consilio, dormivit, remque habuit cum *Jacobo*, cui tamen nondum nupta erat? Deinde capite sequenti, sed trigésimo ejusdem libri Genesis, legitur, quod *Ruben*, filius *Lia*, reperit mandragoras, quas matri *Lia* detulit, dixitque *Jacobi*: Da mihi partem de mandragoris filii tui. Dic, fodes, quid sibi velint illæ mandragoræ, quibus tantopere delectabatur *Rachel*, & qua virtute polleret?

M. *Liam* peccasse, dum parenti suo morem gerendo, intrusit sese, loco *Rachelis*, in lectum *Jacobi*, & cum ipso carnalem copulam habuit, cui tamen nondum nupta erat, in consensu est apud omnes Scripturæ Sacræ Interpretes. Consensit quippe *Lia* in stuprum, immo adulterium, a quo *Jacobus*, hujus facinoris plane nescius, jute optinio excusari debet ob facti ignorantiam invincibilem, quæ putavit, se non cum *Lia*, sed cum *Rachele*, quæ ei vere nupta erat, congressum carnalem habuisse. Hinc est, quod *Jacobus* mane expurgatus, & videns *Liam*, loco *Rachelis* subrogatam, sic fœcerum suum, hujus strophæ, seu potius facinoris, auctorem allocutus est: Quid est quod facere voluisti? nonne pro *Rachele* servivi tibi? quare imposuisti mihi? Potuit autem facile *Laban* decipere generum suum *Jacobum*, & in ejus lectum *Liam*, loco *Rachelis*, intrudere, quia mos olim vigeat, ut virgines, dum nubebant, in tenebris, verecundæ causâ, mariti thalamum adirent. At, si peccavit *Lia*, parentis sui diserto audiens, gravius sane peccatum admisit *Laban*, quippe qui filiam suam *Liam* ad hoc facinus induxit. Tentavit quidem *Laban*, se, prætextu consuetudinis, ab hoc crimine purgare, genero suo *Jacobo* respondens: Non est in loco nostro consuetudinis, ut minores (supple sorores) ante tradamus ad nuptias. Genesis c. 29. Sed fictus ille erat consuetudinis prætextus, quem obtendebat *Laban*. Nam si revera obtulisset aliqua loci consuetudo, non debuisset *Laban* publice illud solemne convivium nuptiale, cujus meminit Scriptura Sacra eodem in capite libri Genesis, celebrare, quasi uxorem *Jacobo* daturus *Rachelem*, quam omnes sciebant esse natu minorem. Sed de hoc primo, quod proposuisti, Dubio, hæcenus satis dictum sit. Quod spectat alterum Dubium, videlicet quid per *Mandragoras*, quas *Ruben* invenit, & detulit ad matrem suam *Liam*, qualque tantopere expetivit *Rachel*, intelligendum sit? fateor ingenue, me in explanatione hujus Dubii hæzere ad aquas, & quæ mihi vadam tentandum sit, profus nescire. At enim, in primigenio Textu Hebræo cap. 30. libri Genesis legitur, *Ruben* detulisse *DUDAIM* ad matrem suam *Liam*. Lepitur etiam in Textu Hebræo cap. 7. libri Canticorum: *Dudaim dederunt odorem suum*. Sed quid per *Du-*

daim intelligendum sit? Hoc opus, hic labor est, relique difficillima, ac multum & sæpe quæsitâ, quæ crucem fixit Scripturæ Sacræ Interpretibus, eosque coegit in varias abire sententias. Quapropter ipse, antequam aperiam, quid in tanta rerum obscuritate, tantisque clarissimorum virorum opinionibus longe diversis, ac inter se pugnantibus, probabilius sentiam, varias præmittam opiniones, in quas Scripturæ Sacræ Interpretes, virique doctissimi: in hujus vocis *Dudaim* interpretatione distrahuntur. Alii existimant, *Dudaim* esse certos quosdam flores & fructus agrestes, orientales in locis mense Maio maturescere, coloris, odoris, & saporis gratissimi, eoque nomine multum amabiles. Alii autem, *Dudaim* esse Lilia; alii Narcissum; alii Tuberâ. Alii putant *Dudaim* esse pomâ, quæ Arabice nuncupantur *Mauræ*, & quæ sunt dulcissima, gustuque gratissima, & hæc sententiam tuetur Cl. Vir, exoticarum Linguarum peritissimus, *Blasius Carophylus in Dissertationibus Misseellaneis*, Dissertatione tertia. Alii docent, *Dudaim* esse *Mandragoras*. Alii denique *Difficultate* oppressi, ajunt, quid fuerint *Dudaim* in specie? non liquere, ac subinde in hujus vocis explicatione bonas horas collocari non debere. Hæc sunt discrepantes circa notionem *Dudaim* Sacræ Scripturæ Interpretum opiniones, quas inter huic, utpote communiiori, adhareo, quæ vocem hæc *Dudaim* pro *Mandragoris* accipit. Sic enim omnes Paraphrastæ, tam Græci, quam Chaldei, Syri, & Arabes, vocem illam *Dudaim* pro *Mandragoris* accepturam. Editio etiam vulgata, a qua discedere nefas est, illam *Dudaim* Hebræicam vocem, quæ duntaxat duobus in locis Sacræ Scripturæ reperitur (scilicet cap. 30. libri Genesis, & cap. 7. Cantici Canticorum) accipit pro *Mandragoris*, ut videte est in Editione vulgata cap. 30. v. 14. Libri Genesis, ubi hæc habet: *Egressus autem Ruben tempore messis triticeæ in agrum, reperit Mandragoras* (In Textu Hebræo legitur vox *Dudaim*). Similiter in Editione vulgata cap. 7. v. 13. libri Cantici Canticorum hæc leguntur: *Mandragora dederunt odorem* (In Textu Hebræo habetur vox *Dudaim*). Cum igitur omnium Paraphrastarum, & vulgati nostri Interpretis unus consensus & conspiratio, sit in accipienda voce illa Hebræica *Dudaim* pro *Mandragoris*, eorum interpretationi lubens subscribo. Monitum tamen te obiter velim, ut caveas a genuino errore, in quem circa ejusmodi *Mandragoras* impeerunt aliquot Scriptores. Quidam enim sunt, qui asserunt, *Mandragoras* vim habere dandi mulieribus fecunditatem, & ideo, *Ruben* illas detulisse ad *Liam*, matrem suam, & ad *Rachelem*, ut non solum earum amenitate, & flagrantia delectarentur, verum etiam ut ab illis acciperent fecunditatem. Quod quidem tam falsum est, quam quod maxime. Nam primo, quid scire poterat *Ruben*, adhuc puellus, *Dudaim*, sive *Mandragoras*, fecunditatem comparare, & fertilitati adversari? Deinde, legitur in sacris Literis, fœminas fuisse consecutas fecunditatem precibus Deo factis, sicut de *Sara*, uxore

Abra-

Abrahami, & de aliis manifestum est, sed nominatim de *Lia* & *Rachele*. Ait enim Scriptura, loquendo de *Lia* cap. 30. v. 17. libri Genesim: *Es exaudivit Deus preces ejus: concepitque & peperit filium*. Et versu 22. ejusdem capitis libri Genesim, *Moyse* hæc de *Rachele* scribit: *Recordatus quoque Dominus Racheli, exaudivit eam, & aperuit vulvam ejus; quæ concepit, & peperit filium*. Tertio, soli Ethnicis gloriabantur, fecunditatem, vel sterilitatem adhibitis quibusdam medicamentis procurari posse. At illo Ethnicorum errore laborasse *Liam* & *Rachelem*, easque sancto viro *Jacobo* sociatas, id sibi persuasisse, & fecunditatem a *Mandragoris* se accepturas putasse nulla ratione fit verosimile, maxime, cum Patriarcha *Jacob* agere ferenti *Racheli*, quod infocundum esset, eique dicenti: *Da mihi liberos, alioquin moriar*, statim iratus respondit: *Nam pro Deo ego sum qui privavi te fructu ventris tui?* Quibus verbis palam innuit *Jacobus*, mulieres, quæ sunt steriles, non debere fecunditatem a medicamentis querere, sed illam a Deo, suis precibus, postulare. Nulla ergo vis inest *Mandragoris* mulieribus sterilibus accersendi, seu dandi fecunditatem, sed tantum, ut docent Medici, *Mandragoræ* possint quadantenus fecunditatem juvare. Scribit enim *Plinius* lib. 25. cap. 13. semen *Mandragoræ* potum purgare seminarum uterum, indeque fieri, ut ad conceptum præparetur. Alter error, quem perinde cavere debes, in eo sitis est, quod nonnulli, post *Dioscoridem* & *Theophrastum*, affirmant, *Mandragoras* vim habere philtri amoris, unde inferunt, *Rachelem* *Mandragoras* fororis suæ *Lia* ideo expetivisse, ut hoc pacto amorem viri sui *Jacobi* magis in se accendere ac inflammare posset, quemadmodum olim Ethnicis, ad amorem foeminarum sibi conciliandum, philtris amatoris uti solemne fuisse, docent Scriptores Prophani. Sed apage hunc errorem. Tantum enim abest, ut *Mandragora* vim habeat Philtri apti ad provocandum amorem, quin potius sit genus herbe soporiferæ, propter innatam, quam habet, frigiditatem, quo fit, ut sive olfactu, sive in poculo somnifera sit, & libidinis impetum cohibeat, sicut (post *Plinium* lib. 25. cap. 13.) docent periti Scriptores Botanici, qui de *Mandragora*, ejusque vi, ac proprietatibus tractarunt, quos inter præsertim legi debet *Mathiolus*, qui luculentissimos in *Dioscoridem* edidit Commentarios. Præterquam quod, incredibile est, *Liam* & *Rachelem*, quarum preces ad habendam prolem Deus, ut inquit Scriptura Sacra, exaudivit, voluisse pagano ritu uti *Mandragoris*, philtri gratia, quo amorem mariti *Jacobi* ardentius erga se excitarent.

„ (a) In tanta de *Dudaim* ambiguitate aliquid mihi lucis rei obscuræ affundendum suscipio. Inter eos, qui hac de re disputant, minus probanda mihi videtur aliquorum opinio, qui *Dudaim* fructum esse fecunditati promovendæ aptum censent; nec enim ajunt, Auctor facer mentionem hic de illis habuisset, ubi de fecunditate *Lia* sermonem instituit, nisi *Dudaim* fructus esset ad fecunditatem utilis. At si nunc primum inventi sunt *Dudaim*, quomodo medi-

„ cus ejus usus tunc resciri poterat? Hic ergo commemorantur ab Historicis, quasi per parergon, vel præter rem. Oportet autem extitisse dein Israelitis frequentes, & celebres ad usum. Viderint nunc Docti, num deseri aliquid possit traditioni apud Christianos Terræ Sanctæ receptæ, qui hoc nomen dant quibusdam leguminibus crescentibus inter frumenta, quæ simile aliquid habent nostris cicericibus; cum præsertim leguminum flores in Palæstina grate oleant, ac proinde congruere his leguminibus possint, quæ de *mandragoris*, seu *Dudaim* legitimus Cant. VII. 13. *Mandragoræ* (Hebr. *Dudaim*) desiderant odorem suum. Vid. Shaw Voyag. tom. 2. pag. 66. Convenit etiam hiæc tempus, quo *Ruben* *Dudaim* invenit, tempus scilicet messis triticæ, nam, ut superius animadverti, legumina hæc inter sata frumenti crescent.

D. Id pace tua dixerim, non mihi incredibile videtur. Sulpicior, enim, *Rachelem* Idololatriæ culticæ fuisse, eamque a teneris annis in adibus paternis per educationem, & institutionem, culturæ Idololorum assuevisse. Id non obscure colligitur ex c. 31. libri Genesim, ubi facer Scriptor *Moyse* narrat, *Rachelem*, una cum viro suo *Jacobo*, e paternâ domo fugientem, furripuisse *Idola* patris sui *Laban*, non alio certe fine, quam ut ea coheret, superstitiois, & Idololatriæ studio. Si ergo *Rachel* Idololorum cultui fuit addicta, incredibile non est, eam, Ethnicorum morem secutam, *mandragoris*, philtri amatorii gratia, usuri fuisse, ut ætiori vinetulo amorem mariti sui *Jacobi* fidei vinciret.

M. Non inficiandum eo, esse quosdam Sanctos Patres, & Scripturæ Sacre Interpretes, quibus visum est, *Rachelem*, in adibus patris sui *Laban*, Idololorum cultoris, educatam, superstitionum & Idololatriæ studiofam fuisse, eamque idcirco, e domo paternâ fugientem, compositis facinris Deos penates, seu *Idola* patris sui *Laban* (in scio viro suo *Jacobo*) infermis, eaque secum furto sustulisse. Sic censent S. *Joannes Chrysostomus* Homilia 57. in Genesim, *Rupertus* lib. 7. Comment. cap. 42. noster *Cajetanus*, & *Olesler*. At, *Rachelem* ab Idololatria vindicant non solum omnes ferme Scripturæ Sacre Interpretes, verum etiam plures Sancti Patres, nimirum S. *Basilus* Homilia 12. in principium *Libri Proverborum*, Sanctus *Gregorius Nazianzenus* Oratione 42. & *Theodoretus* quæsi. 90. in Genesim, iisque rationibus ducuntur, quæ rem plane conficere videntur. At enim primo, verosimile haud videtur, *Jacobum*, Patriarcham sanctissimum, voluisse matrimonium inire cum *Rachele*, ejusque sorore *Lia*, si quæ utraque fuisset revera Idololorum cultrix; ea quippe illicita matrimonia Israelitarum cum infidelibus detestati sunt sancti Patriarchæ *Abrahamus*, *Isaacus*, ac subinde *Jacobus*, qui sanctitate morum conspicuus, semper instituit vestigiis Majorum suorum. Secundo, Deus preces, quas *Rachel* & *Lia* ad obtinendam prolem fuderunt, gratas habuit, ut ait Scriptura Sacra; quod argumentum est, eas non fuisse Idololatriæ tenebris immerfas, quia, sicut ait *Apostolus*: *Sine Fide impossibile est placere Deo*. Postremo, ipsamet *Rachel*

ebel sat superque ostendit, se non esse Idolorum cultricem, quando *Labano*, patre suo, tentorium ipsius, ad quaerendam Idola sua, ingresso, illa *festinans* (inquit Scriptura Sacra, Genes. cap. 31.) *abscondit Idola subter stramenta*, idest, sub clientellis *Camelarum*, & *sedit desuper*, & ne parenti suo, qui ad inveniendam Idola sua omnes angulos cum magna sollicitudine, perscrutabatur, assurgere cogeretur, simulavit, se laborare fluxu menstruorum, ideoque prae infirmitate assurgere non posse. Non est autem verosimile, *Rachelem*, si fuisset Idolorum cultrix, voluisse ea tam indecenter, tam irreverenter & abiectione tractare. Sed quorum igitur dices *Rachel* Idola patris sui suspirata est, si non esset Idololatricae dedita? Huic quaestioni multifariam respondent Scripturae Sacrae Interpretes. Abstulit *Rachel* Idola patris sui, vel quia timuit, ne patris illa aspiciendo, & per illa augurando, cognosceret suam & mariti *Jacobi* fugam, quam tamen volebat esse occultam; vel ut parenti Idola colendi occasionem adimeret; vel denique (quod ipse probabilis censo) quia ejusmodi Idola ex pretiosa materia erant constata, quae *Rachel*, intentione compensandae dotis, quam ei parens promiserat, & iniuste non dederat, sibi vindicavit, eaque iusto titulo retinere posse sibi persuasit. Haec autem *Labani* Idola, hebraice dicta *Teraphim*, erant statuae, seu figurae, aut imagines, humanam formam habentes, ut patet ex lib. 2. Regum cap. 19. v. 13. Hac etiam voce Hebraica *Teraphim* proprie utitur Scriptura Sacra ad designandas illas statuas, quae opera Daemonum responsa dabant, ut videre est c. 18. v. 18. lib. *Judith* cap. 21. v. 21. *Ezechielis*, & cap. 10. v. 2. *Zachariae*.

D. Potestne *Judas*, qui Patriarchae *Jacobi*, & *Lia* filius fuit, excusari a peccato, dum *Thamar*, nurum suum, concupiscit, quam tamen non nurum suum, sed scortum fuisse meretricem esse putabat? Audivi quippe nuperime virum quendam eruditum, qui in publico cœtu asserbat, scortationem fuisse licitam Israelitis ante Legem Mosaicam, idque se evincere posse putabat exemplo *Jude*, qui cum *Thamar*, quam meretricem esse credebat, scortatus est.

M. Priusquam tuae difficultati faciam satis, historiam *Juda* cum *Thamar* congressus, sicut refertur cap. 38. libri Genes. paucis describam, ex qua manifeste patebit, nec *Judam*, nec *Thamar*, a peccato posse ulla pacto excusari. *Judas*, sicut in superiori Colloquio jam observavimus, inconsulto patre suo *Jacobo*, matrimonium iniit cum muliere *Chananza*, ex qua tres filios suscepit, videlicet *Herem*, *Onanum*, & *Salam*. Primogenito filio suo *Her*, uxorem dedit nomine *Thamar*. Sed, cum *Her* esset vir nequam in conspectu Domini, & ideo ab illo occisus, voluit *Judas*, ut *Onanus*, suorum filiorum alter, *Thamar*, jure Levitatus, uxorem duceret, ad suscitandum semen fratri suo defuncto: *Ingrudere*, inquit ei, ad uxorem fratris tui, & sociare illi, ut suscites semen fratri tuo. Ille, seu *Onanus*, sciens non sibi nasci filios, introiens ad uxorem

fratris sui, *semen fundebat in terram*, ne *liberi*, fratris nomine, nascerentur; & ideo percussit eum Dominus, eo quod rem detestabilem faceret, cap. 38. v. 8. 9. & 10. lib. Genes. Mortuo *Onano*, iussit *Judas* tertio filio suo *Sela*, ut *Thamar* acciperet uxorem ad suscitandum, jure itidem Levitatus, semen fratri suo *Onano* defuncto. At, cum *Sela* adhuc aetatem haberet intempestivam matrimonio, coacta est *Thamar*, ei desponsata, expectare donec *Sela* in aetate matrimonio idoneam firmamque adoleveret. Tandem, promissis non stante *Juda*, eoque non dante *Thamar* jam adultum *Selam* maritum, quem ei promiserat, & ex jure Levitatus tenebatur; hanc nimiam dilationem aegre ferens *Thamar*, morae impatiens, & habende prolis percipienda, induit personam scorti, & meretricis specie atque habitu *Judam*, socerum suum, ad libidinem incitavit, a quo, postquam pro futuro concubitu accepisset arrhabonem, seu annulum *Jude*, armillam, & baculum, quem prae manibus tenebat *Judas*, sese ei prostituit, duosque ex uno coitu concepit filios, *Phaen* & *Zaram*. Haecenas descripsi breviter Historiam *Juda* cum *Thamar* congressus. Nunc ostendendum mihi incumbit, scortationem non fuisse licitam Israelitis ante Legem Mosaicam, ac subinde nec *Judam*, nec *Thamar* posse a peccato fornicationis excusari. Et primo quidem, scortationem non fuisse Israelitis licitam ante Legem Mosaicam docet Scriptura Sacra cap. 24. lib. Genes. ubi, postquam *Moyser* narravit cruentam eadem Sichemitarum, factam a *Simone*, & *Levi*, filiis Patriarchae *Jacobi*, in ultionem stupri fororis suae *Dina* inducit *Jacobum* objurantem filios suos his verbis: *Turbastis me, & aiosum fecistis me Chananeis & Pherezis, habitatoribus bujuri terre*. Cui paterna objuratori consensum responderunt *Simone* & *Levi*: *Numquid ut scorto abui debueret forore nostra? Quod certe responsum (si scortatio Israelitis ante Legem Mosaicam licita fuisset) plane futile esset ad excusandam crudelissimam illam stragem, qua *Simone* & *Levi*, ob stuprum forori suae *Dina* illatum, omnes ad unum Sichemitas interfectione deleverunt. Ut quid enim hi duo filii *Jacobi*, ira & furore perciti, tot tragédias excitassent, totque homines per summam immanitatem & perfidiam trucidassent, si tam temporis, id est, ante Legem Mosaicam, scortatio Israelitis licita esset? praeerea, si eum istud historicum de scortatione *Juda* cum *Thamar*, dum narrat Scriptura Sacra cap. 38. lib. Genes. aperte declarat, scortationem non fuisse Israelitis licitam ante Legem Mosaicam. Ibi quippe legitur, quod cum *Thamar* uteretur, post tres menses a furto cum *Juda* concubitu intunesceret, nuntiavit ei *Juda*: *Fornicata estis Thamar, nurus tua, & videtur uterus illius intunescere*. Quem nuntium audiens *Judas*, sceleris atrocitate percussus, in eam tulit duram sententiam: *Produce eam ut comburatur*. Attamen, dum *Thamar* duceretur ad poenam, & mississet ad *Judam*, socerum suum, dicens: *De viro, cujus haec sunt, concepi, cognosce cujus sit animalis*, &c.*

& amilla, & baculus. Hæc cum audisset *Judas*, sententiam, quam tulerat in *Thamar*, revocavit, eamque ab indicta pœna liberam pronuntiavit. Quis autem credat, *Judam* in *Thamar*, fornicationis ream, & quam ipse prægnantem esse sciebat, tam gravi pœna animadvertere voluisse, illamque ultricibus flammis addici jussisse, si tum temporis, hoc est, ante Legem Mosaicam, scortatio, seu fornicatio, Israelitis licita fuisset? Denique, fornicatio non ideo mala est, quia Lex Mosaicæ prohibita est, sed ideo Lex prohibita est, quia per se & intrinsece est mala. Quo fit, ut non potuerit esse licita Israelitis ante Legem Mosaicam. Id confirmare non pigebit egregio S. *Thomæ* ratiocinio 2. 2. Quæst. cliv. Art. II. ubi inquit, *utrum fornicatio simplex sit peccatum mortale?* Sic autem hanc quæstionem solvit. Respondendo dicendum quod absque omni dubio tenendum est, quod fornicatio simplex sit peccatum mortale. Ad hujus autem evidentiam considerandum est, quod peccatum mortale est omne peccatum, quod committitur directe contra vitam hominis: Fornicatio autem simplex importat inordinationem, quæ vergit in nocuum vitiæ ejus, qui est ex tali concubitu nasciturus. Videmus enim in omnibus animalibus, in quibus ad educationem prolis requiritur cura matris & famine, quod in eis non est vagus concubitus, sed matris ad certam faminam, unam, vel plures, vel pates in omnibus avibus. Secus autem est in animalibus, in quibus sola femina suscipit ad educationem factus, in quibus est vagus concubitus, ut patet in canibus, & hujusmodi aliis animalibus. Manifestum est autem, quod ad educationem hominis non solum requiritur cura matris, a qua nutritur, sed multo magis cura patris, a quo est instituendus & defendendus, & in bonis tan interioribus, quam exterioribus promovendus. Et ideo contra naturam hominis est, quod utatur vago concubitu; sed oportet quod sit concubitus matris ad determinatam faminam, cum qua permaneat, non per modicum tempus, sed diu, vel etiam per totam vitam. Et inde est, quod naturaliter est maribus in specie humana sollicitudo de certitudine prolis, quia eis imminet educatio prolis. Hæc autem certitudo tolleretur, si esset vagus concubitus. Hæc autem determinatio certe fræmine, matrimonium vocatur, & ideo dicitur esse de jure naturali. Ex quo S. *Thomæ* ratiocinio facile colligitur, fornicationem esse peccatum mortale; primo, quia est contra bonum procreationis. Fornicator quippe in coitu non intendit generationem prolis, sed effreni duntaxat libidini suæ vult indulgere. Secundo, fornicatio est contra bonum nutritionis, educationis, & instructionis prolis. Denique, fornicatio est contra divinam Ordinationem, quæ ab exordio Mundi fuit, & est, ut una uni conjungatur. Dixit enim Deus *Adamo*, primo omnium hominum parenti: *Quamobrem, relinquit homo patrem suum, & matrem, & adheret uxori suæ, & erunt duo in carne una, sive, ut habet Textus Hebræicus, in carnem unam*, quia vir & mulier, qui eo junguntur actu, qui ad generis humani propagationem a natura est destinatus, una caro esse debent, idest, ita sibi æcta necessitudine adhaerere, ut se amare, fidem

sibi mutuo datam servare, & omnes amoris reciproci vices, communi convictu, perpetuo contubernio, bonorum & malorum communione, inter se alternare debent, ut unam carnem, seu in unum & idem corpus coaluisse videantur. Qui ergo se carnali copula jungunt, nec una caro esse volunt, hoc est, per conjugium, perpetuumque contubernium sociari nolunt, hi profecto non solum non utuntur medio ad generis humani propagationem legitimum, verum etiam divinum Institutum violant, primordialeque de Matrimonio Legem, non Mosaicam dumtaxat, sicut perperam sibi persuasit *Joannes Maribus*, Scriptor Anglus, qui inter cætera opinionum portenta, quæ efflute illum non puduit, ausus est asserere in suo *Canone Chronico* pag. 17. ante Legem Mosaicam *Hebrais* innuptis licitum fuisse corporis copiam pro libitu facere. Qui error ex his, quæ hæcenus diximus, abunde confutatus manet. Cum igitur scortatio, seu fornicatio, non fuerit Israelitis ante Legem Mosaicam licita, sicut jam offendimus, aperte sequitur primo, *Thamar*em, quæ data opera se meretricem simulavit, & meretricia specie atque habitu *Judam*, focerum suum, ad libidinem provocavit, seque ei prostituit, a peccato excusari nullatenus posse. Sequitur secundo, peccasse itidem *Judam* cum *Thamar* congressum, quippe qui petulant libidine incensus, ad eam accessit, quam putabat meretricem, & illicitæ voluptatis fruitionem pactus, nefarie libidini suæ frenâ laxavit. Hinc S. *Thomæ*, loco mox a te laudato, sic respondet tertio, quod sibi proponit, argumento: *Judam autem necessarium non est a peccato excusare, quia etiam auctor fuit venditionis Joseph*.

D. Nimis morosum profecto te exhibes censorem, dum *Thamar*em a fornicationis peccato excusari haud posse asseveras. At, si ipse hac in causa arbitretur, ac iudex sederem, a peccato eam liberam incunctanter pronunciarem, ob rectam, quam habuit, intentionem, dum ad suffragandum *Judæ*, foceris sui, concubitu impulsus est. Nec enim furtivum istum concubitum expetivit *Thamar*, ut libidini indulgeret, sed quia marito, seu *Sela*, sibi promisso, & suo debito fraudata fuit a *Judâ*, foceris suo, & quia etiam ardenti flagrabat desiderio ex *Abrahami* stirpe, quæ a Deo benedicta erat, suscipiendi prolem. Quis autem inficari potest, hanc fuisse bonam intentionem, rectum ac pium consilium? Cum igitur multi, quos consului, Theologi, nonnullas actiones excusant, quæ sine hac intentione scilicet jure culparentur, non video sane, cur *Thamar*em, cum bona intentione, pique consilio operantem in concubitu, quem habuit cum *Judâ*, a peccato fornicationis eximere nolis?

M. Recta illa intentio, piumque consilium, quod *Thamar* indulta est ad suffragandum *Judæ*, foceris sui, concubitu, non potest illam a peccato fornicationis excusare propter duplicem rationem, quam hic subijcio. Prima hæc est: Duplex non bonorum officiorum genus distinguit S. *Thomæ* Quod-

Quodlibeto 9. Art. xv. Aliud suapte natura, sive, ut loquuntur Theologi de Schola, intrinsece malum, & nullis additis circumstantiis emendabile. Tale est, Ex.gr. stuprum, seu fornicatio. Aliud est non bonorum officiorum genus, quod quidem in malum est propensum, & sua sponte inordinatum, sed tale tamen, ut quibusdam adhibitis circumstantiis, possit illis inordinatibus exui, imo laudabile fieri, quale est quod a S. Thoma ibidem commemoratur exemplum illius, qui propter maximas quasdam Ecclesie utilitates retineat plures Præbendas. Hoc factio solidissimo in Doctrina morali S. Thome fundamentum, fateor ultra illas actiones, quæ non sunt suapte natura, idest, intrinsece malæ, sed duntaxat propendunt in malum, nonnunquam fieri licitas, non sola & voluntaria directionis intentione, sed ex additis circumstantiis, quibus ad bonum reflectuntur, sicut conceptis verbis docet Angelicus Doctor, loco mox a me citato. At, actionem, quæ est intrinsece mala, qualis est fornicatio, posse adhibitis circumstantiis, vel solo bonæ intentionis flexu evadere bonam, hoc est, quod nego ac pernè non solum cum S. Thoma, sed etiam cum S. Augustino, qui lib. contra Mendacium cap. 7. hæc habet: *Interfisi quidem plurimum, quia causa, quo fine, qua intentione quid fiat. Sed ea, quæ constat esse peccata, nullo causa bonæ obtenta, nullo quasi bono fine, nulla vel bona intentione faciendū sunt.* Altera ratio, quæ probat recti finis intentionem, quam habuit Thamar, non posse eam a fornicationis peccato excusare, hæc est, quia docent Theologi, recti finis intentionem opus, quod ex genere suo malum est, moraliter bonum non efficere, cum moralis bonitas non solum hauriatur ex bonitate finis, verum etiam ex bonitate objecti & circumstantiarum, & bonum ex integra causa, malum vero ex quocumque defectu censeatur; aliqui gravissima peccata homicidium, furtum, duellum, sacrilegium, &c. quæ quæ propter bonum finem perpetraret, puta ad impediendam eleemosynam, ad tuendum honorem, ad vitam servandam, ad publicum aliquod bonum consequendum, facili negotio excusari possent, sicut ea excusare tentantur nonnulli moderni moliores Theologi, qui per directionis intentionis methodum, quam excogitarunt, amplissimam aperuissent viam ad excusandas excusationes in peccatis, nisi Ecclesie horrendas laxitates, ac corruptelas, quas in doctrinam moralem invenerunt, proscrispisset. Est igitur bona fuerit intentio, rectumque desiderium suscipiende prolis, quo Thamar flagrabat; prolem tamen ex furtivo Iuda, soceri sui, expectere, turpe fuit & execrandum flagitium, quia, sicut dicit S. Augustinus lib. 22. contra Faustum cap. 62. *Melius sine filiis remaneret (Thamar) quam sine iure matrimonii mater fieret.* Scio quidem Iudam, cum facti Thamaris veritatem exploratam habuisset, seque feceris participem esse intellexisset, hæc verba protulisse: *Iussior me esse, idest, Thamar.* Non me latet etiam quoddam Ecclesie Doctores, S. Crisostomum Homil. 62. in Genesim, S. Ambrosium lib. 3. Comment. in

Evangelium S. Luca, & Theodoretum quæst. 95. in Genesim, excusare intentionem & consilium Thamaris, quæ non impulsu libidinis, sed amore suscipiende prolis, furtivum concubitum Iudæ, socero suo, concessit. Verum, ut candide fatear, nihil inde ad excusandum Thamaris factum extundi, seu elici potest; primo, quia Iudas non dixit de Thamar, quod esset se ipso sanctior, aut castior, sed tantum quod esset se ipso Iussior, quod certe verissimum est, Iudas enim promissa & pacta sua minime servaverat, & iniuste impediēbat, ne Thamar prolem ex Sela, quem maritum ei promiserat, & dare tenebatur, susciperet. Secundo, Iudas, his verbis: *Iussior me est*, innuere duntaxat voluit, Thamarē, quæ ejus concubitus appetierat, non turpis libidinis causa, sed honesto suscipiende prolis desiderio impulsam, minus esse ream, quam ipse revera erat, qui turpis ardore libidinis flagrans ad Thamarē accesserat; sed illam infonem nequaquam pronunciavit. Sic verba hæc Iudæ interpretatur S. Hieronymus in libro Traditionum Hebraicarum in Genesi: *In Hebræo, inquit sanctus ille Doctor, habet; Justificata est ex me, (seu Thamar) non quod iusta fuerit, sed quod comparatione illius (seu Iudæ) minus mali fecerit, nequaquam vixit ad turpitudinem, sed liberis requirendo.* Poltremo, Thamarē, ob illud honestum, quod habuit, suscipiende prolis desiderium, nulla foeda libidine conspiratum, excusant mox citati Ecclesie Doctores, eam tamen non absolvent, quia hæc Thamaris intentionis honestas in actionem ex se & intrinsece malam refundi non potuit, eamque efficere bonam, tametsi actionis malitiam minuerit, & a tanto, non a toto, ut post sanctum Thomam docent Theologi, eam excusaverit.

D. Referendo superius historiam Iudæ concubitus cum Thamar observasti, Iudam, tres habuisse filios, Herem, videlicet, Onanum, & Sela, primogenito filio Heri nuptam esse Thamarē, sed, eo mortuo, absque prole, Onanum, alterum Iudæ filium, uxorem, jure leviratus, duxisse Thamarē, viduam fratris sui Her demortui absque liberis; denique, demortuo itidem Onano absque prole, Sela, qui erat tertius Iudæ filius, eodem jure leviratus, uxorem accepisse Thamarē, viduam, ut suscitaret semen fratri suo Onano; qui e vivis abierat nullis procreatis liberis. Jam probe scio, jux leviratus in eo situm esse, quod frater demortui fratris sui sine prole uxorem viduam ducere tenebatur, eique suscitaret semen, seu prolem, quæ fratri defuncti stirpem propagaret. Quæ de re Moyses cap. 25. Libri Deuteronomii v. 5. specialiter tulit Legem, his verbis conceptam: *Quando habitaverint fratres simul, & unus ex his absque liberis mortuus fuerit, uxor defuncti non nubet alteri, sed accipiet eam frater ejus, & suscitabit semen fratris sui.* Hanc, inquam, de Leviratu Legem a Moysē institutam esse scio. Sed inde emergit difficultas, quam mihi in præsentia expedias velim. Dicas enim, fodes, quomodo fieri poterit, ut hanc de Leviratu Legem, cujus auctor ac conditor fuit Moyses, notam

habe-

habere & observare poterint *Judas*, alique Patriarchæ, qui ante Legem Mosaicam vixerunt?

M. *Judas*, alique Patriarchæ, qui ante promulgationem Legis Mosaicæ vixerunt, prædictum jus Levitatus per specialem divinam revelationem notum habuerunt, & observant, ut constat jam adducto exemplo filiorum *Jude*. Voluit quippe Deus triplici potissimum de causa, ut jus Levitationis, quo fratres defuncti fratris absque prole uxorem viduam ducere tenebatur, & fratris semen excitaret, seu prolem, que ejus familiam propagaret, observaretur a sanctis Patriarchis, qui vixerunt ante legem Mosaicam, primo, ne familiarum Israelitarum numerus minueretur, & ne hereditates Tribuum ac familiarum promiscue confunderentur, quo accidisset, si viduæ alienis viris auspissent, bona enim sua in exteris familias transivissent. Deinde, hoc jus Levitatus voluit Deus ut Patriarchæ, etiam ante Legem Mosaicam observarent, quo jus primogenituræ, additæque ei benedictio in familia continuarentur ad præfigurandum Messiam, qui (ut inquit Apostolus in Epistola ad Romanos cap. 8. v. 29.) est *Primogenitus in multis fratribus*. Denique voluit Deus, ut Patriarchæ, qui vixerunt ante Legem Mosaicam, observarent jus Levitationis, quod postea per Legem *Moyseis* possetis sancendum, & præscribendum erat, quò Hebræi, Majorum suorum excitati exemplo, jus illud Levitationis, moremque ducendi uxorem fratris sine liberis defuncti, in Lege Mosaicâ præceptum, promptius ac facilius observarent. Non clam me est, *Joannem Marthanum*, vanis conjecturis indulgentem, ausum fuisse asserere, Patriarchas ante Legem Mosaicam mutatos fuisse ab Ægyptiis hoc jus Levitatus, seu morem ducendi uxorem fratris absque prole defuncti; eumque ad tam inauditi hæcenus paradoxii probationem citare quamdam Legem ab Imperatore *Zenone* latam (quæ extat lib. 5. *Justiniani Codicis*, Tit. vi. L. viii.) in qua laudatus Imperator narrat, quosdam Ægyptios idcirco mortuorum fratrum conjuges sibi matrimonio copulasse, quod post illorum mortem mansisse virgines dicebantur, ideoque districte in hac Lege inhibet *Zeno* Imperator, ne quis, ad exemplum Ægyptiorum, hujusmodi nuptias contrahere præsumat. At, hæc *Marthani* probatio quam jejuna, quam sublesta & frigida sit, nemo est, qui statim non videat. *Zeno* siquidem Imperator non ait, receptum hunc apud Ægyptios morem; & ex jure, patriæ instituto ab illis observatum, ut defunctorum conjuges, sibi matrimonio conjungerent, sed solum ait, id sollempne duxtaxat fuisse quibusdam Ægyptiis: *Licet quidam Ægyptiorum*, sunt ipsissima verba *Zenonis* Imperatoris. Præterea, mos ille, qui apud quosdam Ægyptios invaluerat, uxores fratris defuncti sibi matrimonio sociandi, eo duxtaxat casu locum habebat, quo reortuus frater non convenisset cum sua conjuge, idest, matrimonium cum ea non consummasset: adeo ut post matris mortem virgo permanens dicebatur. At, dispar omnino fuit, ac longe lateque discrepans Juris Levitatus ratio apud Hebræos, quia, juxta jus Levitatus,

quod fuit in usu apud Hebræos ante Legem Mosaicam, quodque postea sancitum est in Lege Mosaicâ, matrimonium conjugum jam supponebatur consummatum, & frater uxorem fratris absque liberis demortui ducere obstringebatur ad suscitandum defuncto fratri semen, & ejus hereditatem una cum benedictione primogeniti in familia conservandam. Postremo, Imperator *Zeno* imperare cepit anno cccclxxv. Quo pacto igitur *Marthanus* ex ea recentiori *Zenonis* Lege, sibi, aliisque persuasit, ut jus Levitatus ante *Jude* Patriarchæ tempora, & ante Legem Mosaicam apud Ægyptios ibi invaluisse, ibique obtinuisse? Ad summum ex ea Imperatoris *Zenonis* Lege colligi potest, Ægyptios jus Levitatus, aliosque Hebræorum ex Lege Mosaicâ ritus mutatos esse, eosque, Imperante *Zenone* adhuc observasse. Cæterum, Patriarcham *Judam*, jus Levitatus e more Ægyptiorum in familiam suam recepisse, sicut commissit *Marthanus*, tam falsum est, quam quod maxime, cum *Judas* id temporis, idest, quando filius ejus *Onanus* jure Levitatus, matrimonium inivit cum *Thamar*, uxore fratris sui *Her*, defuncti absque liberis, necdum in Ægyptum profectus esset, nihilque negotii, societatis, & consuetudinis adhuc habuisset cum Ægyptiis, sicut convenit inter omnes Scripturæ Sacre Interpretes, quamvis in assignanda hujus historię *Jude* & *Thamaris* epocha non una sit apud illos sententia. Alii namque putant, hanc *Jude*, & *Thamaris* historiam contigisse ante venditionem *Joseph*. Alii vero existimant, hanc *Jude*, & *Thamaris* historiam contigisse post venditionem *Joseph*. Sed, ut ut sit de illius historię epocha, quam certe ac præcise non designat, & definit Scriptura Sacra, in confesso est apud omnes, hanc historiam *Jude*, & *Thamaris* contigisse, antequam Patriarcha *Judas*, una cum patre suo *Jacobo* ingrederetur in Ægyptum, eique aliqua cum Ægyptiis intercederet consuetudo. Faceat itaque *Marthanus*, qui facilius oleum ex pumice extendere potuisset, quam ex memorata *Zenonis*, Imperatoris, Lege elicere, jus Levitatus, seu morem, quo fratres tenebantur uxores fratrum absque liberis defunctorum sibi matrimonio copulare, jam apud Ægyptios ante Patriarchæ *Jude* tempora, hoc est, ante Legem Mosaicam invaluisse.

D. Cum de venditione *Joseph* mox mentionem feceris, obsecro te, ut mihi exponas, quale sit nomen, quod *Pharao*, Rex Ægyptiorum, postquam somniorum suorum a Patriarcha *Joseph* explicationem accepisset, imposuit eidem Patriarchæ *Joseph*? Legi siquidem in Scriptura Sacra, *Pharaonem* vertisse nomen *Joseph*, & vocasse eum Lingua Ægyptiaca, Salvatorem Mundi: *Dixit Rex ad Joseph: Ego sum Pharao, absque tuo imperio non movebit quisquam manum, aut pedem in omni terra Ægypti: vertitque nomen ejus, & vocavit eum lingua Ægyptiaca, Salvatorem mundi*, Genes. cap. 41. v. 44. & 45. Velim igitur scire, an nomen Patriarchæ *Joseph* a *Pharaone*, Rege Ægyptiorum, imposuit vere in Lingua Ægyptiaca significet *Salvatoris*?

M. Ta-

M. Tarnetii, ut candide fatear, Linguam Ægyptiacam prius ignorem, & eam nequidem a lumine salutaverim, nihilominus (ne ad aquas omnino hæterem videar) referam hic breviter quid circa etymologiam Ægyptii nominis, quod Patriarchæ Josepho indidit Pharaon, Ægyptiorum Rex, sentiant viri eroditi. Dein eam, que mihi magis aridet, sententiam, quamque tu tenere debeas, indicabo. Dudum quaerunt Scripturæ Sacre Interpretes, utrum nomen, quod Josepho Patriarchæ impoluit Rex Pharaon, Salvatore Mundi significet, an vero revalidatorum arcanorum, seu absconditorum repertorem. *Lyranus*, Lingue Hebraice peritissimus, daturus huius Ægyptii nominis etymon, hæc scribit: *In Hebraeo*, inquit, sic dicitur, & vocavit Pharaon nomen Josephi Zaphnath Pahanah, quod in Hebraica Lingua significat occultum revelans, secundum quod dicunt Hebræi & Hieronymus, Et est conveniens ipsi Josepho, qui revelavit ea, que erant alia occulta, ut patet per predicta. Utium autem idem nomen in Lingua Ægyptiaca, significet Salvatore Mundi, nescio, nisi quantum dicit translatio nostra, seu vulgata editio quia Lingua Ægyptiaca penitus ignoro. Macenus *Lyranus*, qui censet, nomen Patriarchæ Josepho a Rege impolitum significare hebraice Revalidatorum occultorum, sed non Salvatore. In eandem *Lyrani* interpretationem abeunt *Oleaster*, & *Joannes Gregorius* in notis & Observationibus in loca aliquot Scripturæ Sacræ cap. 16. & aliqui periti Rabbini. At, ista nominis Josepho a Pharaone impoliti interpretatio non probatur doctissimo Patri *Guillelmo Bonjour*, Ordinis Eremitarum S. Augustini, qui Romæ anno MDCCXCVI. eruditam Dissertationem edidit De nomine Patriarchæ Josepho a Pharaone impolito, in qua omnigeno antiquitatis argumento, multique perdoctis observationibus, ex antiquissimis Lingue Ægyptiacæ fontibus hauritis, probat, nomen Patriarchæ Josepho a Pharaone impolitum significare in Lingua Ægyptiaca SALVATOREM. Sed præcipue Cl. ille Scriptor sententiam suam aluit ex vetustis Nummis & Inscriptionibus De Serapide, quem tanquam Deum colebant Ægyptii, & in ejus simulacro quidam sancti Patres, Patriarcham Josephum adumbratum esse tradiderunt. In his namque Inscriptionibus Serapide appellatur Servator, ut patet ex ista de Serapide Inscriptione, quæ extat apud Græterum pag. 85. num. 3.

DEO
INVICTO
SERAPIDI
SERVATORI

Est etiam vetus Inscriptio de Iside, individuum Serapidis comite, quamque Ægyptii invocabant tanquam Deam salutis in memoriam salutis per Servatorem Josephum latæ. Hæc autem Inscriptio, Isidi Salutari nuncupata, extat apud Græterum pag. 83. num. 15.

SÆCULO FELICI.
PHISIAS SACERDOS.
ISIDI. SALUTARIS.
CONSECRATIO.

Advertit tamen eruditus *Guillelmus Bonjour*, imperitum Sculptorem Isidi Salutaris mendose fuisse pro Isidi Salutari.

D. Age nunc, & indica, si placeat, quemnam ex his, quas mox adduxisti, de nomine Patriarchæ Josepho a Pharaone, Ægyptiorum Rege, impolito, interpretationibus, sit probabilior, & cui adherere debeam?

M. Vera & genuina nominis Patriarchæ Josephi impoliti interpretatio ea est, quæ Josephum fuisse a Rege Pharaone appellatum SALVATOREM MUNDI statuit. Hæc enim interpretatio apprime consona est Editioni vulgatae, quæ, ut antea dixi, cap. 41. lib. Gen. v. 45. hæc habet: Et vocavit (seu Pharaon) eum (idest, Patriarcham Josephum) Lingua Ægyptiaca SALVATOREM MUNDI. Porro, ab Editione Vulgata, quam Oecumenicum Concilium Tridentinum authenticum declaravit, & Ecclesiæ usui consecravit, discodere nefas est. Præterea, hanc interpretationem suo calculo probant sancti Patres *Augustinus* & *Hieronymus*, quorum prior lib. Quæst. super Gen. quæst. 125. ait: Hoc nomen interpreti dicitur, occulta revelavit, ex illo utique, quod somnia (Josephus) Regi aperuit. Ægyptiaca vero Lingua Salvatore Mundi perhibent isto nomine appellatum, quibus verbis palam innuit S. Augustinus, non solum sibi, sed & pluribus aliis probata fuisse ejusmodi interpretationem: Ægyptiaca vero Lingua Salvatore Mundi perhibent isto nomine appellatum. Idipsum quoque tradidit S. Hieronymus lib. Traditionum Hebraicarum in Genesim, ubi hæc habet: Licet Hebraice hoc nomen absconditorum repertorem sonet, tamen quia ab Ægyptio ponitur, ipsius Lingue debet habere rationem. Interpretatur ergo sermone Ægyptio Zaphnath Phangæ, sive, ut septuaginta transferre voluerunt Θεοῦ Σωτῆρα ὁ Σαῦτορ Μονδίου, eo quod orbem terræ ab imminente famis exordio liberavit. Auctoritas autem S. Hieronymi hac in re præsertim magni ponderis esse debet, quippe qui Linguam Ægyptiacam apprime callebat. Epistolæ enim, quas S. Pachomius, Cornelius, & Syrus Ægyptio sermone ul se ultro citroque scribebant, Latine ille fecit, simplicitatem sermonis Ægyptii imitatus, sicut ipse testatur Præfatione in Regulam S. Pachonii: Ajunt, inquit, Thebæi, quod Pachomius, Cornelius & Syrus, qui usque hodie ultra centum & decem annos vivere dicitur, Angelus lingue mystice scientiam dederit, ut scriberent sibi, & loquerentur per alphabetum speciale, signis quibusdam & symbolis absconditis sensus involvens: quas nos epistolæ, ita ut apud Ægyptios, Græcæque leguntur, in nostram linguam vertimus, eadem, ut reperimus, elementa ponentes, & quæ simplicitate Ægyptiæ sermonis imitati sumus, interpretationis fides est, ne viros Apostolicos, & totos gratiæ spirituales sermo Rhetoricus imitaretur. Cum igitur S. Hieronymus Lingue Ægyptiacæ faceret petitus, debet

C

omni

omni procul dubio esse testis locupletissimus, omnique exceptione major, significationis vocabulorum hujus linguae, hisque omnibus Scripturibus praefendus est, qui, nulla Aegyptii sermonis ratione, aut notitia habita, nomen *Josephi*, a *Pharaone*, Aegyptiorum Rege, inpositum *Revelatorem arcanorum* interpretantur.

D. Ex his, quae in nostro primo Colloquio in Historiam tertiae Mundi Aetatis de habitatione Israelitarum in Aegypto narrasti, satis compertum habeo, tribus potissimum rebus hanc habitationem insignitam atque nobilitatam fuisse. Primum enim *Josephus* eo tempore universam Aegyptum summo cum imperio, & secundus a Rege gubernavit, eoque superfluit omnia prospera & laeta fuerunt Hebraeis. Deinde, post mortem *Josephi* per insignis & admiranda fuit multiplicatio Hebræorum, quamvis durissima servitute ab Aegyptiis opprimerentur. Demum eorum liberationem atque exitum ex Aegypto tot & tanta tunc a Moysè edita prodigia illustrem ac mirabilem reddiderunt. Hæc, inquam, ex his, quæ de habitatione Israelitarum in Aegypto narrasti, satis comperta & explorata habeo. Sed nonnihil difficultatis patior circa stirpis Israeliticae multiplicationem in Aegypto. At enim, certum est septuaginta tantum animas, ut loquitur Scriptura Sacra, seu septuaginta duntaxat Israelitas familie Patriarchæ *Jacobi* descendisse in Aegyptum, & habitationem Israelitarum in Aegypto fuisse tantummodo ducentorum & quindecim annorum; atqui tamen, quando Israelitæ profecti sunt in Aegypto, fuere (sicut legitur lib. Exodi cap. 12. v. 37.) sexcenta armatorum milia, nec cum in numerum venerè pueri, aut mulieres, fortasse nec calones, nec lux, sed solum illi, qui propriis militum loco poterant censeri. Qui igitur, amabo te, fieri potuit, ut ex tam paucis Israelitis, qui in Aegypto ingressi sunt, tam exiguo tempore, tantus hominum proderit numerus?

M. Nonnulli Scriptores, ut ab hac, quam proposuisti, difficultate sese expediant, ajunt, Israelitas mansisse in Aegypto per quadringentos triginta annos, ac subinde mirum non esse, si per tantum temporis intervallum in hunc immensum, qui percreverint, quando egressi sunt ex Aegypto. Verum, hanc sententiam jam falsè convicimus in nostris Colloquiis in Historiam secundæ Mundi Aetatis, ubi, explicando hæc verba, quæ Deus (cap. xv. lib. Genesis) dicit *Abrahamo*, in Chanaanæ Regione jam habitanti: *Scito prænosces quod peregrinaturus sis semem tuum in terra non tua, & subiciens eos servituti, & male tractabunt eos annis quadringentis*, ostendimus, per terram non suam, tum terram Chanaanem, tum Aegyptum designari, adeo ut anni Hebræorum peregrinationis, quam Deus eo loci futuram prædixit *Abrahamo*, duas in partes æquales distribuendi sint, & ducenti quindecim peregrinationi eorum in terra Chanaan, ducenti vero & quindecim alii anni peregrinationi eorum in terra Aegypti sint assignandi. Quod quidem, ut magis hujusce rei pateat veritas, duobus momentis

hic confirmare non pigebit. Primo, hæc quadringentorum & triginta annorum summa ad servitutem Aegyptiacam referri citra errorem non potest, quia generationes, quas toto eo tempore, quo Israelitæ manserunt in Aegypto, percreverint *Moyse*, id minime patiuntur. *Caath* liquidem filius *Levi* cum patre suo, & avo *Jacobo* descendit in Aegyptum (Gen. cap. 46. v. 11.) *Amram* autem filius *Caath*, pater fuit *Moyse*. Quis autem tam bonus, ut credat, unam, vel duas generationes per 430. annos ætate protendi potuisse? Præterea, 430. annos peregrinationis Hebræorum, de qua loquitur Scriptura Sacra, putandos esse non ab ingressu Israelitarum in Aegyptum, sed ab eo tempore quo Deus dixit *Abrahamo*: *In semine tuo benedicentur omnes Gentes*, concursus est omnium Scriptorum, cum Græcorum, tum Latinorum, necnon peritorum Rabbiorum sententia. Veteres solum hæc ponam Scriptores Græcos, quales sunt *Eusebius* in Chronicis, *Epiphanius* in *Anacoreto* cap. 12. *Chrysostomus* Homil. 37. in *Genesis*, ut de *Cedreus*, *Zonara*, & juniorum alii fideam. E Latinis vero laudabo *S. Hieronymum* Comment. in Cap. 3. Epistol. ad Gal. *S. Augustinum* cap. 16. libri 16. *De Civitate Dei*, & quæli. 47. in *Exodo*, *Severum Sulpicium* lib. 1. Sacra Historiæ, ut nihil dicam de moderatiorum Scripturæ Sacrae Interpretum copia, quorum hic catalogum tectere nimis longum foret. Denique, inter Judæos huic sententiæ aperte suffragatur *Josephus* lib. 2. Antiquitatum Judaicarum cap. 5. ubi conceptis verbis, ait, Hebræos profectos fuisse ex Aegypto anno, post Patriarchæ *Jacobi* migrationem in Aegyptum, ducentesimo quinto decimo. *Josephum*, Hebræum, in hoc computo ducentorum & quindecim annorum habitationis Hebræorum in Aegypto, sequuntur *R. Levi Ben Gerson*, *R. Salmon*, & Rabbini in *Seder Olam*. Huic igitur tot Scriptorum, in eandem sententiam conspirantium, calculo adherere debemus, planeque cum illis astruere, initium quadringentorum triginta annorum peregrinationis Hebræorum, cuius mentionem facit Scriptura Sacra, non esse ascendendum ab ingressu Populi Israelitici in Aegyptum, sed a tempore promissionis a Deo factæ *Abrahamo*: *In semine tuo benedicentur omnes Gentes*, ita ut Israelitæ una cum *Abrahamo*, *Isaac*, & *Jacobo* peregrinati sint in Terra Chanaanæ per annos ducentos quindecim & deinde habitaverint in Aegypto per alios ducentos & quindecim annos. Sed, si ita sit, inquires, quo pacto fieri potuit, ut ex septuaginta illis animabus, seu Israelitis, qui cum Patriarcha *Jacobo* ingressi sunt in Aegyptum, proderit, intra spatium ducentorum & quindecim annorum, ingens illa & stupenda Israelitarum multitudo, quæ prævaleret Aegyptiis; tamque gravem metum conciret *Pharaoni*, Aegyptiorum Regi, ut obstrictibus mandaret, ut quoties masculi apud Hebræos nascerentur, eos interficerent? Huic difficultati tuæ respondebo cum *S. Augustino* in libro *Questionum in Genesis*, quæli. xlvii. Hic (ccxv. annis) quantum multiplicari potuerint Hebræi, si fecunditas hominis consideretur, adjuvante illo, qui eos voluit multiplicari,

plicari, reperietur, non esse mirum, quod in sexcentis milibus podium egressus est populus. Et latius, ut obiter dicam, si tres filii Noemi, Semus, Chamos, & Japhethus a Diluvio usque ad divisionem terræ, sed dispersionem hominum, quæ facta est anno circiter centesimo nonagesimo secundo a Diluvio pares fuerint procreandis hominibus; qui ad Turrim Babylonianam struendam, diversaque condenda Regna salutare potuerunt, sicut ostendimus in nostris Colloquiis in Historiam secundæ Mundi ætatis; quidni credibile erit, potuisse Israelitas intra spatium ducentorum & quindecim annorum ita sobolescere ac multiplicari in Aegypto, ut in numerum sexcentorum millium hominum armatorum, divina maxime favente ac fecundante benedictione, excreverint, quando sunt egressi ex Aegypto? (a):

(a) „Quamvis tanta Hebræorum in Aegypto intra adeo breve temporis spatium multiplicatio in Deum auctorem referenda est, multum tamen loci naturam in rem illam contulisse credibile efficit auctoritas veterum profanorum Scripturum. Aristoteles hist. anim. lib. vii. cap. iv. *Sæpe & plerisque in locis geminos (pariunt mulieres) quomodo modum in Aegypto.* Strabo lib. xv. *interdum mulieres Aegyptiæ quatergeminos pariunt.* Plinius lib. vii. cap. lxi. *trigenimus nasci certum est; supra, inter offensa dicitur, præterquam in Aegypto, ubi fæstius potu Nilus; & paulo post: in Aegypto sæpius una partu simul gigni, antequam sit Troglus.* Columella de re rust. lib. lxi. cap. vii. *Aegyptiis, & Afris gemini partus familiares, ac pene fulminis sunt.* Vide & Paulum Juriscon. in l. 3. ff. si pars hereditatis &c.

D. Dixisti, si bene memini, in superiori Colloquio, Regem Pharaonem, ab obstrictibus Hebræis, quibus ipse præceperat, ut puerulos Hebræorum, recens ex utero materno egressos interficerent, officio mendacio fuisse delusum. Quæro nunc, quodnam fuerit istud officium obstrictum Hebræarum mendacium? & an revera fuerit peccatum?

M. Illud officium obstrictum Hebræarum mendacium, in hoc situm est, quod hæc obstrictæ timantes Deum, & nolentes obtemperare crudeli Mandato Regis de matundis maribus Hebræorum, irato Pharaoni responderunt: *Non sunt Hebrææ, sicut Aegyptiæ mulieres: ipsæ enim habent obstrictandi scemiam; & priusquam veniant ad eas, pariunt.* Exodi cap. i. sublit autem Scriptura Sacra ibidem: *Et quia timerunt obstrictæ Deum, edificavit eis domos.* Dubium non est, quin obstrictæ illæ mentitæ sint, non quidem animo fallendi, sed misericordiam præstanti, sed nullo modo mentiendam est. Unde cum Scriptura Sacra dicit, eas a Deo fuisse mercede donatas, respondet S. Augustinus lib. Contra Mendacium num. 32. alias cap. 15. *Non ideo fallam, quia mentitæ sunt, sed quia in homines Dei misericorditer fuerunt. Non est itaque in eis remunerata fallacia, sed benevolentia; benignitas mentis, non iniquitas mentientis.* Et inferius num. 34. alias cap. 17. *Sed dicit aliqui: ergo obstrictæ illæ melius fecissent, si nullam misericordiam præstitissent?*

Immo vero illæ mulieres Hebrææ, si essent tales, de quilibet quærimus, utrum sis aliquando mentiendam, nec aliquid falsi dicerent, & sedita ministeria de parvulis occidendis liberrime recusassent. Sed, inquit, ipsæ moreverunt. At vides quid sequatur: moreverunt enim caelestis habitationis incomparabiliter ampliore mercede, quam domus illæ, quas sibi fecerunt in terra, esse potuerunt: moreverunt futura in æterna felicitate, mortem præposita pro innocentissima veritate. Huic doctrinæ Sancti Augustini non solum subscribit Sanctus Thomas, ejus fidelissimus discipulus, sed tota ei constanter adheret sanctioris Ethicæ Schola, quæ omne mendacium in quocunque casu, omnem fictionem, aut dissimulationem, vel restrictionem mentalem, vel quælibet verborum accipitis significationis usum, quo decipi possint homines, & candor Christianus infici, fas penitus interdicat, & damnat.

D. Cum istud officium mendacium, ab obstrictibus Hebræis prolatum, a peccato excusari non debere censas, non excusabis itidem opinor, a peccato Israelitas, qui vasa aurea & argentea, cæteramque divitem Aegyptiorum suppellectilem, quam mox ex Aegypto discessuri ab illis mutuati tenerant, fraudulenter abstulerunt, suffurti sunt, suumque in usum vendicaverunt?

M. Non ita est, sed potius cenfeo, Israelitas, qui Aegyptiorum bona suam in usum vendicaverunt, non peccasse. Primo, quia Deus, qui omniam bonorum Dominus est, voluit, ut Israelitæ, qui multis injuriis vexati durique ac iniquis laboribus, absque ulla mercede, fuerant ab Aegyptiis tempore captivitatis oppressi, terrenis bonis locupletarentur, quibus Aegyptii, densissimis Idololatriæ tenebris immergi, ad superstitionem falsorum suorum Numinum in injuriarum Creatoris præposuere abutebantur. Præterea, id confirmari potest exemplo Patriarchæ Jacobi, qui, ut superius dicebamus, dum peculiari ius artificis gregem suum auxit, non peccavit, nec injuria fraude socerum suum delusit; tum quia hujusmodi artificium Jacobus a Deo edoctus est per Angelum: Tum quia etiam nullam, post tot annorum simulatum, nihil mercedis acceperat Jacobus a socero suo Labano. Tum quia denique, Patriarcha Jacobus nihil sibi sumpsit, quod non deberetur: sed arte providit, ne quæ conventionis vasa erant, a socero sibi contra ius eriperentur. Et sane, quam alienus fuerit Jacobus a surripientiis soceri bonis ex pacto sibi non debitis non aliunde melius dici potest, quam ex ipsius verbis: Ecce enim quam hoc a Labano, socero suo, exprobratum indigne ferat: *Quam ob culpam meam, ob quod peccatum meum sic exarsit pot me, & servatus es omnia suppellectilem meam? Quid invenisti de cunctis substantiis domus tue?* Genes. cap. 31. v. 36. & 37. Cave tamen, ne putes, me hic patrocinari vellem Doctrinæ recentis Scriptoris Baconii, qui in sua Summa morali pag. 213. & 214. festæ Editionis, quam præ manibus teneo, hæc de simulis bona dominorum occultâ compensatione surripientibus, habet: *Famuli, qui de stipendiis suis queruntur, possunt ea au-*

gere, tantum ex bonis domini sibi corradentes, quantum sufficit ut suis laboribus merces responderet? Possunt omnino aliquando id licite facere; velut si tam inopes operam suo domino locantur, ut quodvis pretium ab eo acciperent coacti sint: deinde si vulgo ob similia officia famuli majori mercede conducantur. Cave, inquam, ne putes, hanc *Baonii* doctrinam illicitam, perniciosam, divinæ, naturalis, humane Legi contrariam, omnibus familiis pestiferam, fovendique domesticis furtis accommodatam, me hic approbare velle, a qua tam alienus sum, quam qui maxime. Nec enim jus est famulis in Domini, seu heri, bona, qui pactis non deest: nec Deus illis, itidem ut Israelitis, bonorum domini possessionem adjudicavit. Quocirca, lubentissime subscribo censuræ, quam doctrinæ *Baonii* furtum famulis concedentis, duæ præstantissimæ Facultates, Parisiensis neppure & Lovanienfis jure optime inusserunt. Parisiensis Censura anno MDCXLI. in *Baonium* lata sic habet: *Falsa est & periculosa, & domesticis furtis viam aperiens. Censura Lovanienfis* his verbis concepta est: *Hæc assertio falsa est, naturam hominis de se pronam ad malum precipitantem in sortis, ac domesticam pacis perturbantem, eo vel potissimum quod ista compensatio ipsorummet famulorum & famularum judicio relinquatur.*

D. Si *Baonii*, aliorumque ejusdem farinae Cassularum, qui puritatem Doctrinæ moralis Christianæ variis corruptelis & laxitatibus depravarunt, detesteller doctrinam, ipse, ut ingenue dicam, non minus odi & execror quosdam Scriptores prophanos, qui Sacram Historiam de exitu Israelitarum ex Aegypto, eorumque Institutis ausi sunt multis fabulis & insulis figmentis interpolare, dicitantes, liberationem Judæorum ex Aegypto non fuisse a Deo per *Moysem* potenti virtute miraculose, sed potius Judæos, quos ajunt, fuisse agmen hominum, qui impetigine, seu scabie & lepra in Aegypto erant infecti, per ignominiam, & ne pœlis illa ad plures ferperet, e tota Aegypto esse expulsos, una cum *Moyse*, eorum Duce, qui itidem scabiem & viriliginem patiebatur. Hos inter Scriptores, unum, quem nunc penes me habeo; proferam *Cornelium Tacitum*, qui Historiarum lib. v. cap. 3. & 4. hæc habet: *Plurimi Auctores consentiunt, orta per Aegyptum tæbe, que corpora sœdare, Regem Ochoirim, aïto Hammonis Oraculo, remedium petentem, purgare Regnum, & id genus hominum, ut irrisum Deis, alias in terras evocare jussum. Sic consensum collectissime vulgus, postquam variis locis reliction sit, ceteris per lacrymas torpentibus, Moysem, unum exilium, monuisse, ne quæm Deorum hominumque opem expellerent, ab utrisque deserti: sed sibiimet, ut Duci caelesti, crederent, primo cujus auxilio crederent, præsentis miseriae populiisset. Assensere, atque omnium ignari fortissimum iter accipiunt. Sed nihil eque quam inopia aquæ fatigabat. Jamque baud procul exito, totis campis procederant: cum grex asinorum aggressus, e pastu in æmptem nemore opacum concessit. Secutus *Moyse* conpulsi uteribidi soli, largas aquarum venas aperit. Id leuamem: & continuo sex dierum iter emensi,*

*septimo pulsus cultoribus, obituere terras, in quibus Ubi & Templum dicata sunt. Moyser, quo sibi in posterum gentem firmaret, novus ritus, contrariisq; ceteris mortalibus indidit. Propheta illis omnia, que apud nos sacra. Rursus concessa apud illos, que nobis incesta. Effugiem animalis (seu asini) quo monstrante, errorum fœmine depulerant, penetrari sacrate, &c. Hæc & alia id genus ibidem scribit *Cornelius Tacitus*, quem non pudet, veram, quam texit *Moyser*, eximis Israelitarum ex Aegypto, totiusque Gentis Judaicæ Historiam putidius mendacis interpolare. Sed cum *Cornelius Tacitus* longe post tempora *Moyse* vixerit, scire vellem an ejusmodi figmenta proprio Marte procuderit, aut ex antiquioribus Scriptoribus ea hausit?*

M. Isthæc male confarctata figmenta hanst *Cornelius Tacitus* ex antiquioribus Scriptoribus Ethnicis, videlicet ex *Manethone* in Aegyptiacis, *Chevretonne*, *Lysimachio*, sed potissimum ex *Apione*, Grammatico Alexandrino, qui sub Imperatoribus *Tiberio*, *Cajo*, & *Claudio* vixit, quemque *Iosephus*, Hebræus, data opera duobus libris perdoctæ confutavit, Gentisque Judaicæ Historiam ab illius Ethnicis Scriptoribus mendaciis, & calumniis egregie vindicavit. Non is certe ego sum, qui velim singulas hic inferere rationes, quibus *Iosephus* illorum male feriatum Scriptorum deliramenta retellit; id enim longius me abduceret; sed tantum brevier referam præcipuas *Iosephi* rationes, quibus tres insignes calumnias horum Scriptorum Ethnicorum, qui odio plusquam vatinianno Gentem Judaicam prosequerantur, facili negotio dispunguntur. In primis, fictum est, Judæos, dum egressi sunt ex Aegypto, scabiæ, lepræ, aliisque generibus morborum laborasse, sicut calumniauit isti Scriptores; nam si his morbis languisset vera Judæi, quo pacto, quæso, tantum iter agere, suisque vincendis hostibus pares esse possissent? Apagæ fabulam tam crasso filo contextam. Alteri calumnia, quam isti Scriptores inferunt *Moyse*, dicentes, eum fuisse Aegyptium, Sacerdotem Heliopolitanum, nomine *Ozarsiphum* vocatum, & lepra infectum cum aliis ex Aegypto fuisse pulsum, ac tandem illorum exulum Ducem factum, mutasse nomen suum, & deinceps *Moysem* ab istis exulibus, qui fidem ei obtrinxerant, appellatum esse: hæc, inquam, atroci calumnia, sic respondet *Iosephus* lib. 1. contra *Apionem*: *Quod vero bujus calumniam, seu lepræ, corpus experti habuit Moyse, ipsius discepta indicant. Leprosi enim & oppidis & vicis interdixit, ut foris in lacero vestitu agant, & eum, qui eos attingit, aut sub idem sectum succersisset, pro impuro habet. Quis etiam, si eo morbo laborari, & in pristinum statum restitui constringat, præscriptis certis purificationes, mundationes, & fontanarum aquarum lavacra, & omnium pilorum abrasiones, mulisque & variis sacrificiis peractis, tum demum sanctam Urbem adeundam. Adque contra par erat, qui talem calamitatem, seu lepram, expertus esset, providentiam aliquam ac humanitatem exhibere simili infortunio pressis. Non solum autem de leprosis sic Leges dicit* (*Moy-*

(Moyſes) ſed ne nimia quidam corporis parte mutilatus ad ſacrorum curam admiſſus. Sed etiam ſi Sacerdoti tale aliquid accidiſſet, honore eum privari. Quomodo igitur verifiſimile eſt, illum haec adverſus ſemetipſum cum opprobrio ſuo damnoque uuliſſe Leges? Quin & nomen valde incredibiliter mutaviſſe. Oſarſipb enim (inquit Apion) vocabatur. Hoc ad tranſmutationem ſervi quadrat. Verum autem nomen ſignificat ex aqua fervatum Moyſem, nam aquam Egyptii Moy vocant. Tertia denique & horribilis calumnia de capite aſini a Judæis in Templi Hieroſolymitani penetralibus conſecrato, ſua ſponte concidit. At enim, ſi Judæi caput aſini in Templo conſecraſſent, illudque venerati fuiſſent, Idololatriæ cultores exiſtiſſent. Et tamen Cornelius Tacitus, qui, loco a me citato, hanc de capite aſini conſecratio Judæis impingit calumniam, ultro fatetur, Judæos ad Idololatriam & ſuperſtitioſo cultu Imaginum peccatis abhoruiſſe, Deumque dumtaxat adorari: Judæi, inquit, mente ſola, namque Numen intelligunt, ſummum illud & æternum, neque mutabile, neque interitum. Igitur nulla ſumma ſacra urbis ſunt, neque Templis ſunt.

Non Regibus hæc adulatio, non Caſaribus honor. Quomodo igitur credibile eſt, Judæos, qui, teſte ipſomet Cornelio Tacito, Idololatriam ſummopere averſabantur, voluiſſe caput aſini in Templo Hieroſolymitano conſecrare? In hac itaque terribiliſſima conſignanda calumnia non ſibi conſtat Cornelius Tacitus, & antiqui Scriptores, ex quibus illam exiſtiſſet, nullam proſus meretur fidem, tum quia fuerunt Ethnici, & Gentis Judaicæ inſenſituri hoſtes; tum quia etiam certiffime conſtat, eos multis fabulis ac male conſuſis mandacis Hiſtoriam Sacram interpolari; tum quia denique, æſtu paſſionum abrepti, nullam de rebus Judæorum ſcribentes, veritatis rationem habuerunt, & quod caput eſt, animum ad ſcribendum appulerunt longe poſt tempora Moyſis, qui primus eſt omnium Gentium Scriptor, atque divina revelatione & inſpiratione Sacram Hiſtoriam literis conſignavit.

D. Quod Scriptores Ethnici Sacram Hiſtoriam de exitu Iſraelitarum ex Aegypto fabulis & putidiſſis mendaciis inſalcaverint, mirari certe non ſubit, voluerunt namque ſtupenda illa prodigia, quæ Deus in hac mirabili Iſraelitarum liberatione per Moyſem patravit, quæque Genti Judaicæ, cujus erant inſenſiſſimi hoſtes, maximum deus conciliabant, negare, & ad Sacræ Hiſtoriz veritatem occultandam, fabulas de induſtria rationis ſciintilla apparet. At, illud maxime miror, quod Joſephus, qui erat Gentis Hebrææ, & Antiquitarum Judaicarum peritiſſimus, incertum habeat, an Mare Rubrum, per quod Hebræi, ex Aegypto egreſſi, ſiccis veſtigis tranſierunt, naturæ viribus per æſtum maritimum, ſeu fluxum & refluxum, diviſum ſit, an hæc Maris Rubri diviſio facta ſit Dei, ſupra naturæ Leges operantis, poteſtate, ſicque miraculo adſcribenda? Sic enim (locum mihi nuperrime indicante viro erudito) legi apud Joſephum lib. 2. Antiq. Jud. cap. 7. Nemo autem, inquit Joſephus, mirari debet

Hiſt. Vet. Teſt. Tom. II.

tanquam incredibilia, ſi prius hominibus, & ad maliſſimam rudibus, de ſalute periclitantibus, via per mare paſſus, ſive Dei voluntate, ſive ſponte naturæ: Quandoquidem heri & nudiſtrenti Alexandri ductu Macedonibus Pamphylium Mare ceſſiſſet, & aliam viam non habentibus illac iter aperuiſſet, cum Deus ejus opera ad deſtruendum Perſarum Imperium uti decreviſſet: Id quod omnes teſtantur, qui res eſſas illius Regis ſcripto prodiderunt. Hanc Joſephi de inſigni illo miraculo, quod in Maris Rubri diviſione, & Iſraelitarum tranſitu contigit, præpoſteram dubitationem ferre minime poſſum.

M. Sunt nonnulli Scriptores, qui Joſephum excuſant, quod ad captum Ethnicorum, quibus ſcribebat, ſeſe attemperando, in ſpeciem dubitare videatur, an diviſio Maris Rubri in tranſitu Iſraelitarum aut viribus naturæ, ſeu fluxui & refluxui Maris, aut potius omnipotentis Dei, ſeu miraculo ſit adſcribenda? Joſephus tamen certiffime in diviſione Maris Rubri, & Iſraelitarum tranſitu agnoviſſe inſigne, quod contigit, miraculum, colligunt illi Scriptores ex his, quæ ibidem narrat Joſephus: Ut vero, inquit, ad extremum liſtus ventum eſt, tum Moyſes ſumpta virga Deum in auxilium ſupplex invocavit. Et poſtquam deſcripſit orationem, quam Moyſes, tanto in diſcrimine conſtitutus, fudit ad Deum, hæc pergit: Hæc precatus (Moyſes) Mare virga percussit: Quo ictu repente ſciffum, & retroſum ſe recipiens, nudum ſolum Hebræis ad fugam caſpelandam reliquit. Denique narrans Joſephus, Aegyptios ſibi quoque eundem eventum pollicitos fuiſſe, ait: Verum ſpelliſtis hæc opinio, neſcientes non quorundam talem viam eſſe, ſed Hebræorum tantum.... Ergo cum jam univerſus Exercitus ingreſſus eſſet, reſpondit iterum Mare, & Aegyptios fluctibus involvit. Ex hac Joſephi narratione quidam Scriptores colligunt, eum in diviſione Maris Rubri, & tranſitu Iſraelitarum, miraculum agnoviſſe. At, ipſe hanc Joſephi excuſationem admittendam non eſſe judico. Primo quia, ut dem Joſephus agnoviſſe illud miraculum, attamen illud proponit, non tanquam rem indubitam, ſed potius illius judicium permittit aliorum arbitrio, dicens: Sed de his, ut cuique libet, ita ſentiat. Debiſſet autem Joſephus referre illud miraculum tanquam extra omnem dubitationis aleam poſitum, quia Scriptura Sacra pluribus in locis diſertiſſimam de illo mentionem facit. Quædam hic laudare abunde ſufficiat: Tu autem eleva virgam tuam, (ait Deus Moyſi cap. 14. lib. Exodi) & extendes manum tuam ſuper Mare, & divide illud, ut gradientur filii Iſrael in medio Mari per ſiccum. Et Lib. Sapientiz cap. 10. Tranſiſtis illos per Mare Rubrum, & tranſverſus illos per aquam nimiam, inimicis vatem illorum deſerſit in Mare. Item cap. 5. lib. Judith v. 12. Fugientibus his, ſeu Iſraelitis; Deus Celi Mare aperuit, ita ut hinc inde aqua quaſi murus ſolidaretur, & iſti pede ſiccò ſundum Maris perambulando tranſierunt. Denique, ut alia non minus luculenta Scripturæ loca præternitam, dicitur Pſalmo 135. Qui diviſiſti Mare Rubrum in diviſiones, & adduxi Iſrael per medium ejus;

C 3

Et

Et excessit Pharaonem, & virtutem ejus in Mari Rubro, quoniam in aeternum misericordia ejus. Hæc sane locupletissima Scripturæ testimonia omnem de eo miraculo dubitandi locum adimunt. Quorsum igitur Josephus istud miraculum, velut rem incertam & dubiam Ethnicis proponit? Præterea, suam Josephus de illo miraculo dubitationem confirmat exemplo *Alexandri Magni*, cui Pamphylum Mare cessisse, & Macedonibus liberum permisisse aditum ait. Quod tamen oppido falsum & fabulosum esse testatur *Plutarchus* in *Vita Alexandri M.* Alii vero (post *Strabonem* lib. 14. *Geographiz*) asserunt, *Alexandrum Magnum* non transivisse per medium Mare, sed per Montem duntaxat, qui, affluente Mari, cooperus aquis esse solebat, tranquillo tamen pelago, discooperus; reciprocò autem Maris æstu intercepto *Alexandrum M.* ejusque milites magnam subsidis discrimen, adeo ut in aqua, umbilico tenus, iter facere cogerentur. Porro, istum *Alexandri M.* transitum, nihil simile admirabili transitui Hebræorum per Mare Rubrum habuisse, nemo est, qui statim non videat. Denique, quemadmodum *Josephus* jure optimo a viris eruditus culpatur, quod Prophetarum vaticinia, quibus prædicitur adventus Jesu Christi, veri *Messæ*, sacrilega adulatione detorserit ad Imperatorem *Vespasianum*, cujus benevolentiam aucupari volebat; ita ipse existimo, debere vitio verti *Josepho*, quod miraculum, factum in transitu Israelitarum per Mare Rubrum, velut incertum & dubium retulerit, ut sese accommodaret ad captum Ethnicorum, qui miraculis, quæ in sacra Historia leguntur, nullam fidem dabant. Ex his, quæ hæcenus dixi, debes colligere primo, transitum Hebræorum per Mare Rubrum non refluxui Maris, quem observaverit *Moyse*, rerum naturalium peritissimus, esse tribuendum. Refluxus siquidem Maris pervia duntaxat littora Maris facit, sed medium Mare pervium & siccum facere non potest. Israelitæ autem, ut legere est in Historia sacra, per medium Mare, siccis vestigiis transierunt. Præterquam quod, incredibile omnino est, hunc fluxum & refluxum Maris Rubri (si quis unquam fuit) soli *Moyse* fuisse notum, & neminem ex aula Regis *Pharaonis*, neminem e numerosissimo ejus exercitu, neminem Aegyptiorum, qui maritimas plagas incolebant, ullam horum fluxus & refluxus Maris notitiam habuisse. Si enim aliqui inter Aegyptios hunc maritimam æstum, seu fluxum & refluxum Maris, perspectum & exploratum habuissent, confestim Regem *Pharaonem*, ejusque exercitum de evidenti, quod imminabat, periculo monuissent, & Rex, ab illis monitus, se cum toto exercitu fossitem & incolumem servasset. Quod cum factum haud fuerit, sed potius contrarium acciderit, signum est, hunc præteritum æstum maritimum, seu fluxum & refluxum Maris Rubri latuisse Aegyptios, ac subinde omnino scitum esse, eique prodigiosum illum per Mare Rubrum Israelitarum transitum tribui minime posse. Addo etiam cum *Julio Scaligero*, apud Criticos sacros in cap. xv. libri Exodi pag. 304. non potuisse *Moysem* (tametsi Mare Rubrum habuisset fluxum, & refluxum) in

siccò una cum Israelitis transire næstum refluxionis occasionem. Hæc sunt perdocti illius Scriptoris verba: *Erythraeo* seu *Mari Rubro*, tantus est æstus, ut oleres Sacrarum Litterarum temere mentis sint, *Moysem* in sicco transivisse, næstum refluxionis occasionem. Quod tamen fieri non potuit; propterea quod ad Syres usque, quod intimo in recessu jaceret, Mare aperit litus illud, neque nunquam regressus ita nudat, ut inferiores partes, quæ transierunt Hebræi, sua descensione aperiat. Secundo, colligere debes, falsum esse, & Scripturæ Sacræ penitus contrariam opinionem quorundam Hebræorum, qui pertendunt, Israelitas, *Duce Moysæ*, non totum Mare Rubrum transivisse, id est, non ab uno littore Maris ad aliud oppositum litus transivisse, immo ne aditæ quidem medium Mare, sed illos duntaxat circuire velisio quum rupem, per Mare aliquanto intervallo protensam, eoque ducto illo intra Mare circuitu, seu semicirculo, demum ad litus, unde progressi fuerant, rediisse. Sic opinantur quidam Hebræi, quos inter censetur *Aben-Esra*. Sed hæc opinio, seu potius istud recutitorum figmentum (cui *Tostatus*, Episcopus Abulensem, voluisse suffragari mirantur viri eruditi) aperte adversatur his, quæ superius laudavi, Scripturæ testimoniis, ex quibus consucante meridiano sole clarius patet, Israelitas non circuisse Mare Rubrum, sed per medium Mare transivisse. Si autem queras, quomodo fieri poterit, ut tot Israelitarum millia, per spatium quatuor, aut ad summum quinque horarum, transierint totum Mare Rubrum, quod latissime patet, & ex Topographorum commensuratione vix horis viginti quinque trajici potest? Respondebo ipse, observari ab iisdem Topographis, Mare Rubrum in summo suo capite esse adeo angustum, ut eo loco, quo a *Moyse* tractum est, vix fex miliaribus pateat. Præterquam quod, Deus robustas Israelitis ad fugiendum inseruit, suppeditavitque vires, & insequentium Aegyptiorum metus eis addidit alas, illosque compulsi maturare gradum, ut ab uno littore Maris usque ad aliud litus oppositum festino pede se conferrent. Sed de transitu Israelitarum per Mare Rubrum satis dictum sit. Nunc velim breviter observes, illud Mare, quod nos *Rubrum* vocamus, appellari ab Hebræis *Mare Suph*, nec ideo nuncupari *Rubrum*, quod illius aquæ rubeant (sicut multis Scriptoris per errorem obrepit) sed quia id nominis huic Mari impositum est ab *Erythro* Rege, ut testis est *Q. Curtius* lib. 8. *Mare*, inquit, quæ alluitur, ne colore quidem abhorret a cæteris. Ab *Erythro* Rege conditum est nomen, propter quod ignari rubere aquas credunt. Et lib. 10. ait: *Rubrum Mare* non a colore undarum, ut plerique credunt, sed ab *Erythro*, Rege, appellari. *Erythrus* quippe Græce significat *Rubrum*, non secus ac nomen *Edom*, quod idem Mare accepit olim ab *Esau*; ejusque posteris, Regionem *Idemzæm* incolentibus, Hebræice significat idem *Rubrum*. Circa hanc Maris Rubri etymologiam cum *Q. Curtio* consentiunt *Strabon* lib. 16. *Plinius* lib. 6. cap. 27. *Pomponius Mela* lib. 3. cap. 8. *Agatharchides* Editionis

nionis Oxon. pag. 2. *Philoftratus* lib. 3. cap. 19. *Arrianus* in libro Rerum Indicarum pag. 579. quos citat reccus Scriptores *Humphrydus Prideaux*, Tom. I. *Hiftoriae* Judaeorum, quam Gallico * idiomate concinnavit. Addit quoque *Q. Curtius*, in Insula quadam illius Maris non procul a continente columnam eminere, istius Regis *Erythri* monumentum, literis ejus gentis scriptam. Testatur etiam *Brodeus* in *Miscellaneis* lib. 3. cap. 9. se a multis viris & nautis, qui, tempestatibus acti, in Mare Rubrum fuerant ejeti, audivisse, Mare illud *Rubrum* appellatum, non discrepare, quantum ad aquae colorem, ab Oceano nostro. Si plura de transitu Hebraeorum per Mare Rubrum scire desideres, lege Dissertationem, quam eo de argumento *Augustinus Calmet*, Benedicticus, praefixit suo Commentario literali in lib. Exodi.

D. Cum horam, quam Colloquiis nostris praefigere soleamus ad finem vergere videam, praestat, ut quidquid adhuc superest temporis, id totum nunc impendamus in explanandis his omnibus, quae spectant Pascha, quod Judaei, sicut antea observasti, jussu Moyses, celebrant proutque discederent ex Aegypto. Et primo, si placet, incipiamus ab hujus nominis *Paschae* etymologia. Explica igitur quid tibi velit istud Paschae nomen? & qua die Judaei Pascha celebrant in Aegypto?

M. *Paschae* nomen Chaldaicum est: ab Hebraeis appellatur *Pesach*, a Latino Interprete dicitur *Passus*, sed Latine significat *transitus*, ut videre est in nostra Vulgata Editione cap. 12. v. 11. & 12. libri Exodi: *est enim Passus (id est transitus) Domini, & transibit per terram Aegypti nocte illa, percutiensque omne primogenitum in terra Aegypti ab homine usque ad pecus*. Ad reficiendam itaque singulis annis memoriam insignis illius beneficii, quo Angelus vastator, nocte transiens, omnia Aegyptiorum primogenita trucidavit, & solis pepercit Hebraeis, qui portas aedium suarum tinctas habebant sanguine Agni, Paschae celebratam instituit Moyses in Aegypto, cumque Israelitae essent in proxima itinere, & illa ipsa nocte ex Aegypto profecturi, iussit eis Moyses, ut succinctis lumbis, calceatis pedibus, & cum baculo in manu, qui viatorum habitus est, Agnum Paschalem cum festinatione comederent, sicut legitur cap. 12. v. 11. libri Exodi. Hic autem modus celebrandi Pascha, seu Agnum Paschalem manducandi, peculiaris fuit hinc primo Paschati, quod Hebraei peregunt in Aegypto; nam deinceps non accincti, sed discincti, non stantes, sed sedentes, non raptim, viatorum instar, sed lente, & pacate Agnum Paschalem comederunt Hebraei, eumque morem secutus est Christus Dominus, dum pridie quam pateretur, discumbens cum Discipulis suis, supremum Pascha celebravit. Explicata breviter causa, cur Deus per Moysen iussit Hebraeis, ut primum excederent ex Aegypto, Pascha celebrarent, & deinceps hanc Paschae celebratam perennem beneficiorum memoriam quotannis observarent,

nunc praefigere debemus diem, qua Hebraei in Aegypto Pascha peregunt, seu Agnum Paschalem immolant, & manducaverunt. Haec autem statuta dies Paschae, seu immolationis & comestionis Agni Paschalis in Aegypto, fuit dies decima quarta primi mensis ad vespem, sicut legitur cap. 12. v. 3. l. Ex. *Decima die mensis huius tollas unumquodque agnum per familias & domos suas*. Et v. 6. *Et servabis eum ad quartam decimam mensis huius, immolabitque eum multitudo filiorum Israel*. Et cap. 23. v. 5. libri Levitici: *Mense primo, quarta decima mensis ad vespem Passus Domini est*. Porro, primus mensis anni apud Judaeos ille est, qui partim mensibus nostris Martio, & Aprili respondet; quique ab ipsis appellatur *Abib*, seu *Nisan*, & a quo ducitur Veris initium. Quamvis enim mensis *Abib*, seu *Nisan*, esset antehac apud Hebraeos septimus anni, attamen, post eorum ex Aegypto professionem, pro primo mense anni in rebus sacris haberi coepit, Deo ita iubente, cap. 12. v. 2. libri Exodi: *Mensis iste vobis principium mensium: primus eris in mensibus anni*. Ad vespem itaque diei decimae quartae mensis *Nisan* Pascha in Aegypto celebrant, seu Agnum Paschalem comederunt Hebraei, Per vespem autem diei decimae quartae, intelligi non debet prior vespere; quae initium erat diei decimae quartae, sed posterior vespere, in quam dies decima quarta delinebat, ita ut Hebraei, juxta Legis Moisaice praecipitum, Pascha peragere, seu Agnum Paschalem mactare dumtaxat possint a meridie diei decimae quartae in secundis vespere usque ad occasum solis; postea vero id agere sit eis a Lege prohibitum. Hinc Iesus Christus, qui fuit Legis observantissimus, ultimum suum Pascha celebravit, seu Agnum Paschalem comedit die a Lege statuta, seu die decima quarta in secundis vespere, seu ineunte die decima quinta, quae erat prima dies Azyorum, sicut testantur sacri Evangelistae, *Matthaeus* cap. 26. v. 17. *Marcus* cap. 14. v. 12. & *Lucas* cap. 22. v. 7. Tractatus Dissertationem decimam nonam Tractatus, quem edidi, *De Mystris, & annis Iesu Christi, Servatoris nostri*, ubi omni argumentorum genere ostendi, Christum Dominum anno, quo mortuus est, ultimum Pascha peregisse, seu Agnum Paschalem cum Discipulis suis comedis die ipsa a Lege praefixa, seu die decima quarta in secundis vespere, non vero die decima quarta in primis vespere, sicut nonnullis Scriptoris perperam visum est.

D. Hebraeos, antequam discederent ex Aegypto, Pascha celebrasse, seu Agnum Paschalem comedisse die xiv. in secundis vespere, agre admodum mihi persuadere possum. Legi etenim capite 12. libri Exodi, & apud Iosephum, Hebraeorum, lib. 2. Antiq. Jud. cap. 6. Judaeos profectos fuisse ex Aegypto, illucescente die xv. mensis *Nisan*. At, si Judaei, antequam discederent ex Aegypto, Agnum Paschalem comedissem in posteriori vespere diei 14. mensis *Nisan*, vix intelligi posset, nedum explicari, quo pacto omnes Hebraei, intra tam angustum

C 4 sum

* Immo Anglicè; sed ab alio versa est in Gallicum, & ab ipso approbata.

flum temporis spatium, quod fluxit a posteriori vespéra diei 14. mensis *Nisan*, usque ad diluculum diei 15 ejusdem mensis, poterint sese ad iter accingere, vasa aurea, & argentea, variamque suppellectilem mutuari ab Ægyptiis, & tandem congregari, in eundemque convenire locum (erant enim, ut superius observasti sexcenta millia peditum armatorum, præter senes, mulieres, parvulos, & promiscuum vulgus Ægyptiorum, qui Judaica Religione initiati Iudeos comitari voluerunt). Id autem eo difficultius creditur esse, quod *Moses*, sicut legitur eodem in capite libri *Exodi*, districtè inhibuisset, ne ullus Hebræorum egressoretur *osium domus suæ usque mane*. Longe itaque mihi verosimilius esse videtur, Hebræos in Ægypto Agnum Paschalem immolasse, & comedisse in posteriori vespéra diei 13. mensis *Nisan*. Hoc enim semel posito, habuerunt Hebræi (postquam in Ægypto Agnum Paschalem manducarunt) diem integre, seu diem decimæ quartæ spatium, ut possent sese ad iter præparare, dona ab Ægyptiis mutuo accipere, quibus acceptis, illucescente die 15. ejusdem mensis *Nisan*, ex Ægypto, compellente Rege Pharaone, profecti sunt, seque itineri dederunt. Hæc conjectura, quam ultro fateor, me in cætu quorundam virorum eruditorum paucis abhinc diebus audivisse, an tibi probetur, scire vehementer desidero.

M. Hanc conjecturam, quam a viris eruditissimis accepisse profiteris, certe meo calculo probare haud possum. Primo, si Hebræi, antequam excederent ex Ægypto, Agnum Paschalem comedissent in posteriori vespéra diei 13. mensis *Nisan*, debuissent Judæi post exitum ex Ægypto, singulis recurrentibus annis Agnum Paschalem comedere eodem in posteriori vespéra diei 13. mensis *Nisan*, cum certo certius sit ex Scriptura Sacra, Iudeos debuisse post egressionem ex Ægypto comedere Agnum Paschalem eodem menſe, eodem die, eadem hora, qua Judæi in Ægypto Agnum Paschalem manducarunt: *Habebitis autem hanc diem in monumentum, & celebrabitis eam solemnem Domino in generationibus vestris cultu sempiterno*. *Exodi cap. 12. Immolabis Pascha vespere ad solis occasum quando egressus es de Ægypto*, cap. 16. lib. Deuteronomii. Atqui tamen compertum omnibus, atque exploratum est, Iudeos, post professionem suam ex Ægypto, semper ad nostra usque tempora Agnum Paschalem comedisse non in posteriori vespéra diei 13. mensis *Nisan*, sed in posteriori vespéra diei 14. ejusdem mensis, quando videlicet incipit apud Iudeos Festivitas Azyorum, & tenentur ex præscripto Legis in hac posteriori vespéra diei decimæ quartæ mensis *Nisan*, abstinere in integrum a pane fermentato, & velci dumtaxat pane Azymo. Hæc igitur perennis, & nunquam interrupta Iudeorum consuetudo, argumentum est: Patres eorum, antequam discederent ex Ægypto, non manducasse Agnum Paschalem in posteriori vespéra diei 13. sed in posteriori vespéra diei 14. mensis *Nisan*, qua die Judæis pane fermentato velci ex Legis præcepto nefas & illicitum omnino est. Et sane, modus ille, quo, sicut superius observavimus, Hebræi in Ægypto Agnum

Paschalem manducarunt, aperte ostendit, illos in Ægypto Agnum Paschalem comedisse non in posteriori vespéra diei 13. mensis *Nisan*, sed in posteriori vespéra diei 14. ejusdem mensis. At enim, Hebræi in Ægypto Agnum Paschalem comederunt, non menſe accumbentes, sed stantes, pedibus calcatis, accinctis renibus, baculum præ manibus tenentes, more illorum, qui parati sunt ad ingrediendum iter. Non fuisset autem necessarium, ut Hebræi in Ægypto tam festinanter concederent Agnum Paschalem, si revera illum manducassent in posteriori vespéra diei 13. mensis *Nisan*, quandoquidem, facta hac hypotesi, Agni Paschalis conſectio in Ægypto præcessit integra die & amplius Iudeorum professionem ex Ægypto, quæ solum contigit illucescente die 15. mensis *Nisan*, in quam apud Iudeos incurrit Festivitas Azyorum. Ex modo itaque, quo Hebræi in Ægypto Agnum Paschalem comederunt, facile colligitur, illos non manducasse Agnum Paschalem in posteriori vespéra diei 13. mensis *Nisan*, sed in posteriori vespéra diei 14. ejusdem mensis, hoc est, in pervigilio eorum professionis ex Ægypto. Denique, universa Ecclesiæ Latina docet contra Græcos, in pane Azymo, & non fermentato confici debere Eucharistiam, quia Christus Dominus, ultimum Pascha peragendo cum Discipulis suis, eam instituit post conſectionem Agni Paschalis, in posteriori vespéra diei 14. mensis *Nisan*, a qua die incipiebat Festivitas Azyorum, ac subinde vespere erat Judæis tunc uti pane fermentato, sed poterant tantum comedere panem Azyum. Si ergo Hebræi manducarunt in Ægypto Agnum Paschalem in posteriori vespéra diei 13. mensis *Nisan*, dicendum erit, Christum fuisse transgressorem Legis, quando anno, quo mortuus est, Agnum Paschalem comedit in posteriori vespéra diei 14. a qua incipiebat prima dies Azyorum, sicut testantur tres Evangelistæ, superius a me laudati; tenebantur enim Judæi ex Legis præscripto Agnum Paschalem comedere eodem menſe, eadem die, eademque hora, qua Hebræi illum manducarunt in Ægypto. Christum autem Dominum fuisse transgressorem Legis soli recutiti effutire possunt, tamque execrabilem blasphemiam audire horrent Christianorum aures. Quod si dicatur, Christum Dominum, anno, quo ex hoc mundo migravit ad Patrem, Agnum Paschalem cum suis Discipulis comedisse non in posteriori vespéra diei decimæ quartæ mensis *Nisan*, sed in posteriori vespéra diei decimæ tertiz ejusdem mensis; tunc improbanda esset praxis universæ Ecclesiæ Latine, quæ contra Græcos Schismaticos statuit: ideo Eucharistiam non in pane fermentato, sed in pane Azymo confici debere, quia Christus, pridie quam moreretur, supremum Pascha cum Discipulis suis peragendo, manducavit Agnum Paschalem in posteriori vespéra diei 14. mensis *Nisan*, a qua die apud Iudeos incipiebat prima dies Azyorum; & obstringebantur abstinere omnino a pane fermentato; quæ Lex de abstinentia a pane fermentato non obligat Iudeos in posteriori vespéra diei 13. mensis *Nisan*,

Nisan, cum ab hac die initium non haberet prima dies Azymorum, effluere illis integrum ac licitum per totam illam diem decimam tertiam comedere panem fermentatum: sed illos tantum obligabat in posteriori vespere diei 14. mensis *Nisan*, a qua die auspiciabatur Festivitas Azymorum, & Judæis incumbabat obligatio vescendi pane Azymo, omni ex ædibus suis repudiato & ablegato penitus pane fermentato. Si igitur Christus anno, quo in Crucem actus est, Agnum Paschalem comedisset in posteriori vespere diei 13. mensis *Nisan*, Sacrosanctam Eucharistiam, quam in ultima Cœna instituit, consecrasset in pane fermentato, & non Azymo, siquæ preferenda esset praxis Græcorum Schismaticorum, in pane fermentato Eucharistiam consecrantium, praxi totius Ecclesiæ Latine, quæ Eucharistiam dumtaxat conficit in pane Azymo, & non in fermentato; quod tamen nemo Catholicus dicere audeat. Ut igitur Ecclesiæ Latine, Eucharistiam in pane dumtaxat Azymo consecrantis, praxi sua constet veritas, dicendum est, Hebræos, antequam discederent ex Ægypto, Agnum Paschalem immolasse, & manducasse in posteriori vespere diei decimæ quartæ mensis *Nisan*, ac subinde Christum Dominum, qui erat Legis observantissimus, Agnum itidem Paschalem, anno quo mortuus est, comedisset cum Discipulis suis in posteriori vespere diei 14. mensis *Nisan*, & Sacrosanctam Eucharistiam in pane Azymo consecrasse. Sed dicis: *Quomodo fieri potuit, ut in Ægypto innumeralibus illa Judæorum multitudo (erant enim, ut ait Scriptura Sacra, sexcenta milia hominum armatarum, non computatis aliis) potuerit intra tam angustum temporis spatium, quod fluxit a posteriori vespere diei 14. mensis *Nisan* usque ad diluculum diei 15. ejusdem mensis, quo Judæi egressi sunt ex Ægypto, sic se preparare ad iter, opulentam ab Ægyptiis mutuari suppellectilem, congregari ex diversis locis, & in unum convenire locum, ad professionem a Moysse destinatam? At, difficultatem istam nullo negotio superabis, si advertas, Hebræos in Ægypto fuisse a Moysse aliquot retroactis diebus admonitos, ut sese ad iter prepararent. Legimus quippe cap. 12. Exodi, Moyssem præcepisse Judæis, ut unusquisque decima die mensis *Nisan* (hoc est, quinque circiter diebus, priusquam Judæi excederent ex Ægypto) tollerent Agnum per familias & domos: Decima die hujus mensis (ait Moyses Hebræis in Ægypto) tollas unusquisque Agnum per familias & domos suas & servabis eum ad quartam decimam mensis hujus (scilicet *Nisan*) immolabisque eum multitudini filiorum Israel usque ad vespertam. Potuerunt itaque Hebræi, quinque diebus ante professionem suam ex Ægypto moniti a Moysse, facile se preparare ad iter, & angustias etiam, si quæ fuerunt, temporis, diligentia supplere. Adde etiam, Hebræos in Ægypto hac nocte, qua Angelus omnia Ægypti primogenita interfecit, servatis tantum Hebræis, quorum ades rubebant sanguine Agni, domi suæ conclusos non remansisse; quamvis enim Moyses prohibuisset Hebræis, ne quis egrediretur ostium domus suæ, ulque mane, ubi tamen ex*

comploratione Ægyptiorum intellexerunt Hebræi, omnium Ægypti primogenitorum eadem ab Angelo exterminato esse factam, omni abiecta cunctatione ex ædibus suis abiierunt eruperunt, & in locum a Moysse indictum certatim convolarunt, urgentibus præsertim Ægyptiis, tot inopinatis cladibus attritis.

D. Nondum satis intelligo; cur Moyses instituerit hanc Festi Azymorum solemnitatem, & cur etiam hic Azymorum Festus inciperet dumtaxat a posteriori vespere diei 14. mensis *Nisan*, non vero a posteriori vespere diei 13. ejusdem mensis, sicut mox observasti.

M. Hunc Azymorum Festum eo potissimum sine instituit Moyses, ut Judæi fixam jugiter haberent recordationem insignis illius beneficii, quo Angelus vastator omnes ad unum Ægypti primogenitos occidit, sed salvos & incolumes reliquit Hebræos, quorum postes tincti erant sanguine Agni, quique ab Ægyptiis expulsi, cito & absque mora sese itinere accingere debuerunt, nec per temporis angustias expectare potuerunt, donec panis esset fermentatus, sed (ut ait Scriptura Sacra, cap. 12. Exodi) *conspersam farinam coaruerunt, & fecerunt subcineritios panes Azymos*. Ut igitur tanti beneficii, quod Hebræi a Deo acceperant, sensum ex eorum animis nulla obliteraret ætas, Moyses hanc Azymorum instituit Festivitatem, sanxitque Legem, qua deinceps Hebræi obstringebantur per septiduum abstinere a pane fermentato, & comedere dumtaxat Azymos. *Septem diebus, inquit Moyses, erunt Azyma, in die primo non erit fermentum in domibus vestris*. Solemnitas autem primæ diei Azymorum incipiebat a posteriori vespere diei 14. mensis *Nisan*, quia Judæi festos suos dies ab occasu Solis ad alium occasum ducebant, adeo ut noctem sequentem, & diem crastinum ad noctem usque exclusive complecterentur, juxta illud Lib. Levit. cap. 17. *A vespere usque ad vespertam celebrabitis Sabbata vestra*. Per Sabbata autem quælibet festa, maxime vero solemnia, intelliguntur. Cum igitur prima dies Azymorum, quæ erat apud Judæos solemnis, semper incideret in diem 15. mensis *Nisan*, ejus proinde festivitas incipiebat a posteriori vespere diei 14. ejusdem mensis. Quemadmodum autem primus Azymorum dies apud Judæos Festus solemnis est, ita & septimus dies, quia, sicut in primo Azymorum die ex dura captivitate Ægyptiaca in libertatem afferti sunt Hebræi, ita in septimo Azymorum die, Pharaon, Ægyptiorum Rex, qui furens animi, quo angebatur tot hominum millia Regno suo & potestate decedere, eos cum ingenti exercitu insequutus est, videntem Mare Rubrum Populo Israelitico, cedentibus in latera aquis, velut in continenti, iter pervium fecisse, Mare, qua patebat, ipse ingressus, mox relabentibus aquis, cum omni exercitu, curribus, armis, & instrumentis, oppressus ac delentus fuit.

D. Quid typice præfigurabat, seu significabat Agnus iste Paschalis, quem Israelitæ, jubente Moysse, comederunt, priusquam discederent ex Ægypto?

M. A.

M. Agnus iste, quem Israelitæ comederunt atque egresserentur ex Aegypto, præfiguravit Jesum Christum, Salvatorem nostrum, quem sub Agni typo Propheta & Apostoli adumbrarunt, quique, quamdiu vixit, mansuetudine, modestia, patientia, fuit Agno revera similis. Hanc similitudinem inter Agnum Paschalem, quem in Aegypto immolarunt Hebræi, & Jesum Christum, quem Hebræi pariter morti tradiderunt, facile percipies ex variis, quos hic subijciam, typis ac figuris. In primis, sicut in Aegypto hi homines, qui postea ædium suarum tinctos non habebant sanguine Agni Paschalis, fuerunt ab Angelo exterminatore vita mortali privati: sic illi omnes, qui sanguine Christi non sunt aspersi, æternam mortem incurrunt. Israelitæ, post mactationem Agni Paschalis, excussa captivitate Aegyptiaca, libertatem recuperant, & in terram promissam ingressi sunt, Jesus Christus per effusionem sanguinis sui redemit nos a captivitate diaboli, cui eramus antehac mancipati, nobisque aditum fecit ad Regnum Cælorum, quod antea omnibus per peccatum originale erat occultum. Israelitæ, post mactationem Agni Paschalis discesserunt ex Aegypto onusti spoliis Aegyptiorum: Jesus Christus per mortem suam expoliavit Principes & Potestates, traduxit confidenter, palam triumphans illos in semetipso, sicut ait Apostolus Paulus, Epist. ad Colos. c. 2. v. 15. Agnum sine macula Israelitæ immolarunt in Aegypto: Jesus Christus appellatur a S. Petro Epist. 1. c. 1. v. 19. *Agnus immaculatus*, idest, ab omni peccato immunis. Et S. Paulus Epist. ad Hebræos cap. 7. v. 26. loquendo de Christo, ait: *Talis enim decebat, ut nobis esset Pontifex, sanctus, innocens, impollutus, segregatus a peccatoribus...* qui per Spiritum Sanctum semetipsum obtulit immaculatum Deo. Agnum Paschalem Israelitæ in Aegypto immolarunt in medio mense Nisan; eo ipso tempore, quo immolatus est Jesus Christus, Agnum Paschalem in Aegypto immolavit universa multitudo filiorum Israel: Jesum Christum, verum Agnum, qui tollit peccata Mundi, morti addixerunt Sacerdotes, Scribæ, Pharisei, & universus Judaicus Populus. Agnum Paschalem in Aegypto Israelitæ festinanter comederunt, calcatis pedibus, baculos in manibus pestantes, & ad iter expediti, sicut superius observavimus: Jesus Christus intra paucas horas proditus, captus, ad varia Tribunalia, videlicet, *Anna, Caiphe, Pilati, & Herodis* ductus est, damnatus, flagellatus, & in Monte Calvarie actus in Crucem. Postremo, ut mittam alios typos: sanguis Agni Paschalis in Aegypto, domorum foribus aspersus, Israelitis signum salutis, & libertatis fuit: Jesu Christi sanguis pretium & causa salutis, atque libertatis omnium hominum est. Hos typos, quibus Agnus Paschalis, in Aegypto immolatus, adumbravit Jesum Christum, perpendens S. Augustinus Tractatu 50. in Joannem, ait: *Illā celebratio umbra erat futuri: Quid est umbra futuri? Prophetia Christi pro nobis passuri, ut transiret umbra & lux veniret, & transiret significatio, & veritas teneretur. Habebant ergo Judæi Pascha in umbra, nos in luce. Quid enim*

opus erat, ut eis Dominus præciperet, per ipsum festum diem occidere, nisi quia ille erat, de quo prophetatum est: sicut ovis ad immolandum ductus. Hinc inter Rabbinos, Rabbi Bechai, cujus testimonium profert doctissimus Josephus de Voisus in suis Annotationibus in cap. 4. Partis 2. Pugionis Fidei, nostri Raymundi Martini, discrete asserit, Redemptionem novissimam, quæ in fine dierum heri debet per Messiam, fore similem Redemptioni Aegyptiacæ: *Quippe, inquit ille Rabbini, hæc due, redemptiones, similes sunt inter se, & traditio Prophetarum est, redemptionem nostram fore similem redemptioni Aegyptiacæ in multis rebus: præstantiorem tamen futuram, majoremque in cordibus futuram Dei notitiam.* Sed de Agni Paschalis immolatione in Aegypto facta plura impræsentiarum dicere non vacat, quia, ne longius, quam par sit, præiens nostrum prorahamus Colloquium, cæteras quæstiones, quas multi Interpretes & Commentatores Scripturæ Sacræ, alique viri eruditi, prolixè tractare solent, nimirum de loco, ubi post exitum Israelitarum ex Aegypto mactari, & immolari debebat Agnus Paschalis? De Agni Paschalis sacrificii Ministris, de Conviviis Agni Paschalis; & denique de Ritibus sacrificii, & convivii Agni Paschalis: Has, inquam, quæstiones, quæ ad Legem, quam Moyses, post egressionem Israelitarum ex Aegypto, instituit ac promulgavit, pertinent, opportunius dirimemus in nostra Colloquiis in Historiam quartæ Mundi Aetatis, ubi de Lege Moisaica, juxta ordinem Historiæ Sacræ, data opera differemus. Nostrum itaque hic claudo Colloquium. Tu vero, carissime Discipule, honestissimo, suavissimoque Sacrarum Litterarum studio, ac virtutis amore animum tuum domi recreare, & refocillare satage. Si enim (ut spero) amore virtutis, & jubi Scripturæ Sacræ studio contempseris cætera Mundi bona, te innocuum, purum, castum, integrum, & incorruptum servabis: intelliges nihil præter Sacrarum Litterarum studia esse dulce; nihil, præter Dei cognitionem, habere amabile: Verbo dicam, sanctioribus deditus studiis, animum tuum efferes altius ad gustandam divinam excellentiam, reliqua vero Mundi bona, quæ supremo tandem gustu amara evadunt, tanquam infirma, momentanea, corruptibilia fæco, & juniora papiionibus volantibus, reliques, fugies, contemnes, abjicies, ac conculcabis, contentus te ipso, & Scripturæ Sacræ lectione, quæ per se tam dulcis, tamque jucunda est, ut incredibiles amatoribus suis afferat voluptates. Vale igitur, & hæc, ad tuos lares reverfus, sedulo meditare, ut inde ad Museum nostram poltridie doctior ac sapientior regrediaris.

COLLOQUIUM III.

In quo referuntur Patriarcharum tertie Mundi *Ætatis* præcipua Gesta & Scripta, quæ Jesum Christum, verum Messiam, vel adumbrant, vel vaticinantur, idemque in putandis annis Patriarcharum ejusdem *Ætatis* accurata stabilitur Chronologia.

DISCIP. I N Patriarchis Abrahamo, ejusque filio Isacco, viris sanctimonia vitæ clarissimis, multa fuisse, & divinitus dicta & pie gesta, quæ referantur ad Jesum Christum, verum Messiam, in quem crediderunt, & venturum sperarunt, certissime jam scio. Novi etiam, Patriarcham Jacobum, filium Isaaci, suis, quæ retuli, præclare gestis præfigurasse Jesum Christum, eumque venturum præmanciasse insigni isto vaticinio: *Non auferetur sceptrum de Juda, & Dux de femore ejus, donec veniat qui mittendus est, & ipse erit expectatio gentium.* Genesis cap. 49. Quocirca, in hoc Colloquio, ne actum agere videamur, de gestis trium illorum Patriarcharum, Abrahami, Isaaci, & Jacobi, sermonem instituere non debemus, sed sat superque sufficiat, cæteros tertie Mundi ætatis indicare Patriarchas, qui, vel typum Jesu Christi egregius suis factis gesserunt, vel suis Scriptis eum venturum prædixerunt.

M. Inter Patriarchas tertie Mundi ætatis, nullus est, mea quidem sententia, qui evidentiùs Jesu Christi, Servatoris nostri, typum gesserit, quam Josephus, filius Patriarchæ Jacobi. At enim primo, cum Josephus, præ fratribus suis, a patre Jacobo plus diligeretur, fratrum sibi constavit invidiam, odiumque concivit: Idem contigit Jesu Christo, cujus Doctrinæ repugnarent Judæi, eumque, quandiu vixit, pariter insectati sunt, conviciis prociudendo, incessendo diceris, argutis cavillando, fodicando actiones, miracula eludendo. Præterea, somnia Patriarchæ Josephi, quæ summam ei dignitatem protendebant, in Jesu Christo fuerunt adamussim implera. Nam Jesus Christus a suis fratribus fuit adoratus, nec allegorice tantum, sed revera Sol, Luna, & reliquæ stellæ eum, tanquam supremum omnium rerum Dominum agnoverunt. Advenienti Josepho, mortem fratres meditantur: *Venite, inquit, occidamus eum.* Veniente per Incarnationem ad homines Jesu, dicunt Judæi: *Morte turpissima condemnemus eum.* Venditur Josephus a fratribus suis, viginti, vel, ut alii putant Scripturæ Sacræ Interpretes, triginta nummis, rebus Ambrosio, & Augustino: Jesus Christus a Juda proditore triginta quoque nummis venundatus est. Cruenta Josephi tunica, ad patrem Jacobum, cruentam mortem Jesu Christi significat. Apud Pharaonem, Præpositum Cubiculariorum Pharaonis, Ægyptiorum Regis, servit Josephus: Jesus Christus, ut inquit Apostolus *semetipsum exinanivit formam servi accipiens.* Josephus, carcere clausus, duos inter reos, alteri mortem, alteri salutem, & libertatem vaticinatur, eumque orat, ut suæ pristinæ dignitati restitutus illius meminerit: Jesus Christus, actus

Cruci inter duos latrones, unum condemnat, alteri in extremis veniam petenti æternam felicitatem spondet, cum ab eo rogaretur, ut Regnum adeptus, memor ipsius esset: *Memento mei, dum veneris in Regnum tuum.* Ad Josephi in Ægypto nutum frumenta populis vendebantur, ut ait Moyses: Jesus Christus panem & escas populis esurientibus non semel subministravit. Ipse palam proficitur se esse panem vitæ, panem vivum, qui de Cælo descendit, & eum, qui venerit ad ipsum, non amplius esuriturum, & qui panem hunc manducaverit, non moriturum. Josephus fratribus suis fuit causa salutis, ideoque sic eos allocutus est: *Pro salute vestra misit me Deus ante vos in Ægyptum. Præmissaque Deus, ut reservemini super terram,* Genesis cap. 45. v. 5. & 7. Nec solum suos fratres, & Ægyptios, sed exterar quoque gentes fame laborantes sublevavit, & Salvator Mundi, a Pharaone, Ægyptiorum Rege, dictus est: Hæc autem omnia mirum in modum quadrant in Jesum Christum, qui revera fuit *Salvator totius Mundi.* Fratres suos dimittens Josephus, præceptum hoc dat proficiendis: *Ne irascimini in via,* Genesis cap. 45. v. 24. Jesus Christus, a Discipulis suis abiturus ad patrem suum, eis potissimum pacem reliquit: *Pacem relinquo vobis, pacem meam de vobis,* Evang. Joannis capit. 14. v. 27. Rex Pharaon jubet Ægyptiis, ut coram Josepho in genua procumbant, vult insuper, ut tota Ægyptus ab ipso pendeat, sitque Josephus alter a Rege: Deus exaltavit Jesum Christum, & donavit illi nomen, quod est super omne nomen, ut in nomine Jesu omne genuflectatur, sicut ait Apostolus Epistolæ ad Philipp. cap. 2. v. 9. Denique de Josepho sic fatur moriens Patriarcha Jacobus: *Filius accersens Joseph, filius accersens.* De Christo Domino testimonium perhibens Joannes Baptista, ait: *Operes illum (seu Jesum Christum) crescere,* Evang. Joannis cap. 3. v. 29. Cujus incrementi in Christo figura itidem fuit lapis ille, qui (sicut scribit Prophetæ Daniel, c. 2. v. 35.) *Factus est mons magnus, & implevit universam terram.*

D. Incredibiliter me delectant isti typi, quibus antiqui Patriarchæ Jesum Christum venturum adumbrarunt. Video siquidem, ejus modi typos ac figuras admirabili concordia, & concentu quadrare cum vita Jesu Christi, quanti quatuor Evangelistæ accurate descriperunt, & cum exploratissima rerum multo post gestorum historia, ac subinde Jesum Christum, quem Deus tot typis ac figuris, longe ante ejus adventum, delineari ac præfigurari voluit, esse illum ipsissimum Messiam, quem post peccatum Adami, ad liberandum genus humanum se aliquando missurum promiserat, quemque tot ardentibus votis Patriarchæ omni voce expectarunt. Perge itaque, si placet, alios indicare sanctos ac præstantes viros, qui in tertie Mundi ætate typum Christi Domini gesserunt.

M. Summe patientiæ, quam Christus Dominus inter dira acerbitatibus sæ Passionis tormenorum supplicia exhibuit, imaginem tibi dabo patientissimum post hominum memoriam Jobum, quem Patriarcharum tertie Mundi ætatis temporibus, & ante Moysen vixisse colligo ex ipsius Hi-

sto.

floria, descripta in libro, qui *Jobi* nomine insignitur: At enim, in tota illa *Jobi* historia ne minimum quidem sit verbum de *Legē Moisaica*, & de Prophetis: nulla extat admirabilium Dei operum sive in longo in Terram Chanaan itinere, sive in Aegypto, sive in Deserto, mentio. Quod quidem argumento est, *Jobum*, & ejus amicos, ad illum consolandum accesserant, ante *Moyse* tempora vixisse; nec enim credibile est, *Jobum*, ejusque amicos, si *Moyse* posteriores fuissent, voluisse hæc omnia tam alio prætermittere silentio. Præterea, in eadem historia legitur, *Jobum* solum esse offerre sacrificia; quod certe licitum dumtaxat fuit ante *Legem Moisaicam*; nam post promulgationem *Legis Moisaicæ* solis Sacerdotibus Aaronicis, sive his, qui erant a Tribu *Levi*, sacrificia in Templo offerre fas erat. Pluribus encomiis *Jobum*, tanquam virum eximia patientia præditum, celebrant sancti Patres, videlicet *Origenes* Hom. 4. in *Ezechiele*, *Tertullianus* cap. 74. lib. de *Patientia*, *Cyprianus* in lib. de *Bono Patientie*, *Hieronymus* Epist. 103. *Basilii* Hom. 4. de *Gratiarum actione*, *Augustinus* Serm. 105. de *Tempore*, *Gregorius M.* præfat. in *Librum Jobi*, ubi ait, *Jobum* non tantum loquendo, sed etiam patientiando, Christum prophetasse, & venturi cum suo corpore Redemptoris typum insinuasse. Alludit autem *S. Gregorius M.* ad celebre istud vaticinium, quod *B. Jobus* viva fide in Verbum Divinum, carne indutum, animatus, cap. 19. libri, qui ejus nomine insignitur, protulit, dicens: *Scio quod Redemptor meus vivit, & in novissimo die de terra resurrecturus sum, & rursum circumdabor pelle mea, & in carne mea videbo Deum meum, quem visurum sum ego ipse, & oculi mei conspiciunt eum, & non alius. Reposita est hæc spes mea in sinu meo.* Prophetæ *Ezechiel* cap. 14. suæ Prophetiæ, *Jobum* cum *Noë*, & *Daniele* laudat, atque Catholica Ecclesia *Jobum* veneratur ut sanctum, ejusque meminit Martyrologium Romanum die x. mensis Maji, *Mémologium* Græcorum octavo Idus ejusdem mensis. De patria, e qua oriundus est *Jobus*, seu an *Idumæum*, vel *Chananzum* fuerit? non convenit inter sanctos Patres, & Scripturæ Sacre Interpretes. Probabilius tamen est, illum fuisse natione *Idumæum*, quia *Jobus* habitavit in terra *Hus*, ut constat ex libri *Jobi* exordio, videlicet cap. 1. vers. 1. ubi hæc leguntur: *Vir erat in terra Hus, nomine Job, & erat vir ille simplex, & reclus ac timens Deum, & recedens a malo.* Porro, Terram *Hus* sitam fuisse in *Idumæa* scribit *Hieronymus* Prophetæ, cap. 4. *Threnorum*: *Gaude, inquit, filia Edom, quæ habitas in Terra Hus.* Edom autem est in *Idumæa*, quæ est vicina *Arabiz*. Hinc viri Geographi periti, Terram *Hus*, patriam *Jobi*, collocant ad Orientem in Scenitide *Arabiz*, cui a Septentrione *Melopotamia*, & *Euphrates* fluvius: ab ortu *Babylonia* & *Chaldaea*, ab occasu *Syria*, & *Palaestina*; a Meridie *Arabiz* felicit *Montana*. Addo etiam quod amici *Jobi*, qui ad illum consolandum venerant, scilicet *Eliphaz Themanites*, *Baldad Suabites*, & *Sophar Naamatites*, vel *Idumæi* fue-

runt, vel *Idumæi* finitimi, sicut docent periti Scripturæ Sacre Interpretes.

D. Jobum fuisse genere *Idumæum*, non ita facile assentiri. Erat enim *Jobus*, sicut patet ex eo, quod mox laudasti, Scripturæ Sacre testimonio, *vir simplex, ac timens Deum* &c. *Idumæi* autem Ethnicorum Religionis addiiti fuerunt usque ad tempora *Joannis Hircani*, Judæorum Pontificis atque Regis, qui *Idumæos* armis domuit, adiegitque, ut, accepta circumcissione, ad Judæos aggregarentur. Credibile igitur non est, *Jobum*, qui supremi Numinis notitia pollebat, suos natales debuisse *Idumæz*, quæ in summa veri Dei ignoratione versabatur, & Idolorum atque superstitionum tenebris erat infuscata.

M. Idumæi, qui ab *Esau*, primogenito Patriarchæ *Jacobi*, originem ducunt, per certum aliquod tempus sincerum Dei cultum retinuerunt; sed postea in Idololatriam prolapsi, ex ea dumtaxat emerferunt, quando a *Joanne Hircano*, Judæorum Pontifice, victi, jugum subire, & Nationi Judicæ subdi cœperunt, juxta illud Scripturæ Sacre: *In Idumæam extendam calcamentum meum, mibiique alienigenæ subditi facti sunt.* At, *Jobus* ortus est in *Idumæa*, eo tempore, quo in illa vigeat veri Dei cultus, sicut non obscure innuere videtur Scriptura Sacra cap. 36. libri *Genesis* v. 31. 32. & 33. ubi hæc scribit *Moyse*: *Reges autem, qui regnaverunt in Terra Edom, antiquam habebant Regem filii Israel, fuerunt hi: Bela, filius Beer, nomenque urbis ejus Denaba. Mortuus est autem Bela, & regnavit pro eo JOBAD filius Zare de Bosra: Idem repetitur lib. 1. Paralipomenon cap. 1. v. 43. & 44. Septuaginta vero Interpretes in ea clausula, quam libro *Jobi* attexuerunt, & quæ reperiuntur in omnibus Cæcilibus Græcis, docent, hunc *Jobad*, qui, teste sacro Scriptore *Moyse*, fuit secundus Rex *Idumæorum*, & Pronepos *Esaui*, eundem esse cum *Jobo*. Sic enim ajunt *Jobad*, qui vocatur *Job*, habitavit in finibus *Idumææ* & *Arabiz*, & accepit uxorem *Arabissam*. Si igitur juxta hanc clausulam, libro *Jobi* a lxx. Interpretibus adtextam, quamque antiqui Scripturæ Sacre Interpretes, & speciatissimi Patres, genuinam agnoscunt, iste *Jobad*, qui fuit pronepos *Esaui*, & Rex *Idumæorum* secundus, idem sit ac *Jobus*, plane compertum erit, *Idumæos* adhuc veri Dei cultores extitisse, quando in *Idumæa* natus est *Jobus*. Quis animi credat, *Idumæos*, qui veri Dei Religionem ab *Esau* acceperant, tam cito ab ea defecisse, ut regnante in *Idumæa* *Jobad*, qui fuit pronepos *Esaui*, secundus *Idumæorum* Rex, & idem omnino ac *Jobus*, Idola coluerit? Probabilius itaque est, *Idumæum*, quando in ea natus est *Jobus*, veri Dei adhuc cultorem fuisse. Hic autem obiter velim observare, Deum, qui *Jobum* elegerat, ut hereticæ patientiæ exemplar fidelibus præberet, atque Jesu Christi, qui vere fuit vir dolorum, insignis typus esset, nomen *Jobi*, huic sancto viro imponi voluisse: *Job* quippe (ait *S. Gregorius M.* cap. 8. Præfationis in *librum Jobi*) interpretatur dolens. Quo nimium dolore vel Mediatoris Passio, vel sanctæ Ecclesiæ labor exprimitur, quæ multiplici presentis vite fa-*

higations cruciatur. Et hinc etiam est, quod Deus voluit, ut *Jobus*, qui, sicut constat ex ipsius historia, antehac potentissimus & opulentissimus erat, adverso fortunæ casu jactatus, egestatem, calamitatem, dolorem, derelictionem, aliaque hujusmodi subiret miseria, qui in his typum gereret Christi Domini, quo, ut nemo nescit, in Passione sua a Cognatis, a Discipulis, & ab ipso Patre suo derelictus est, atque Judæorum furori permisus.

D. Nunc gessit animus audire historiam *Jobi*, qui fuit typus Christi, Mediatoris & Redemptoris nostri.

M. *Jobus* fuit inter omnes Orientales, seu Arabes, vir magnus, admirabilis, & ubique per Orbem terrarum celebratus. Pietatis athleta, per omnia genera certaminum transivit, simulque, devicto Diabolo, innumera erexit trophæa. Hic fuit opibus inclutus, sed postea pauper gloriosus & contemptibilis, septem liberorum, & trium filiarum pater & orbis. Hic versatus est in aulis regalibus, sed idem fuit in sterquilino. Hic fuit in splendida veste, sed post illam, in mortui tinearum. Hic possedit multa ministeria, sed idem sustinuit multas contumelias familiaribus, in ipsum insurgentibus, ab uxore insultante, a tribus amicis, *Elyphaz Themanite*, *Baldad Subite*, & *Saphir Naamathite*, qui trium Idumææ finitimarum urbium reguli erant, & ad illum consolandum venerant, ei conviciantibus, & afflictio afflictionem addentibus. Omnia *Job* prius velut e fonte effluabant, pecuniarum copia, potentie magnitudo, gloriæ accessio, pax & securitas, honores & obsequium, corporis sanitas, & filiorum opulentia, nec erat in his quidquam molestum. Aderant illi divitum cum securitate, prosperitas stabilis, argue optimo jure: Deus enim undique illum vallaverat; sed post illa omnia recesserunt, moxque innumera tempestates immigrarunt in domum illius; omnes, inquam, ac sibi invicem succedentes, ac perpetue, denique supra modum, supra quem credi, & oratione exprimi potest. Siquidem universæ facultates ei actutum ereptæ sunt, famuli, liberique præmatura violentaque morte oppressi sunt, ad mensam, & ipso in convivio maculati. Tum uxor, ad pietatem ejus substantiam a malo spiritu subornata, in illum armabatur, suasque machinas admovit viro jussu. Famuli porro & amici, partim exasperant in faciem ejus, quemadmodum ait ipse: *Non perpererunt faciem meam conspuere*: partim irruerunt in eum, & ex ædibus suis ejectus est, ac deinceps in sterquilino vitam egit. Vermium fontes ex ipsius corpore scatebant, membra ejus sanguine undique diffluebant & sanie, quam, accepta testa, abstergebat ipse sibi factus carniex, dolor dolorem excipiebat, & cruciatus, intolerabiles, & nox die molestior, & dies nocte terribior, scit ipse dixit: *Quam obdormiero, dico quando erit dies? quando surge, rursus dico, quando erit vespere?* Plenus dolorum sum a vespere usque ad diluculum. Omnia præcipitia, omnia scopuli, nec est illius qui consoletur, qui insultent innumeri. Attamen *Jobus* in tanta tempestate, tantisque fluctibus adeo

intolerandis constitit adversus omnia generoso & impavido proflus animo. Honorum jacturam, liberorumque funera æquo animo tulit, in has voces erumpens: *Dominus dedit, Dominus abstulit, sicut Domino placuit, ita factum est: sit nomen Domini benedictum.* Ulcera foedissima, quibus Diabolus permittente Deo, ipsum a plantæ pedis usque ad verticem afflixerat, non minori patientia tulit. Uxoris, in eum sævientis, proterviam his verbis redarguit ac compescuit: *Quasi una de stultis mulieribus locuta es: si bona suscepimus de manu Dei, mala quare non suscipiemus?* Trium amicorum, quos mox memoravi, convicia, & imprecationes æqua mente toleravit, nec unquam vinci potuit, ut præ doloris impatientia aliqua in parte peccaret. Quo factum est, ut, post hanc diuturnam, & sæculis inauditam patientiam, Deus non solum pristinam incoluntiam reddiderit patientissimo *Jobo*, verum etiam universa, quæ amiserat, restituerit, & duplo majora addiderit. Finem vivendi scit *Jobus* anno ætatis suæ ducentesimo decimo septimo. Hic est Electorum triumphus, ut nec in adversa fortuna despondeant animum, nec in rebus prosperioribus insoleant. Talis fuit B. *Jobus*, qui, sicut ait *Severus Sulpicius* lib. 1. *Historiæ Sacre*, eo illustrior fuit, quod neque opibus integris, quibus prædixus erat, corruptus, neque amissis depravatus est. Hoc dum audis, charissime Discipule, nec pauperate deiciaris, nec divitiis jactemescas, sed in rerum mutatione animum immutabilem, sibi que semper constantem retine, quia si stelle, quæ sunt in Cælis perpetuoque lucent, identidem nonnullum recipiunt mutationem: si Sol & Luna interdum deficiant, extreme profecto demeritæ est, terrena pro stabilibus fixisque ducere. Meditare sæpius hæc S. *Joannis Chrysostomi* verba in *Oratione quinta adversus Judæos*: sed quid dicis? ait eloquentissimus Doctor, affligit te, premittitque corporis morbus? Atqui nondum tanta passus es, quanta beatus ille *Job*, immo ne minimam quidem partem malorum illius. Siquidem, postquam interisissent greges & armenta cum ceteris omnibus, in prædam abductus est, & puerorum totus chorus, eaque omnia uno die peracta sunt, ut non modo natura calamitatum, verum etiam perpetuitas depicere possit aëlium: Post hæc omnia, vultus accepit letale, vidit vermes toto undique corpore scatentes, nudusque sedit in sterquilino, publicum iis, qui aderant, spectaculum, ille jussus, ille pius, ille ab omni malo opere abstinent. Nec hic quidem erat malorum finis, sed dolores addebantur diurni pariter ac nocturni, novaque quedam & admirabilis illius fames oppugnabat: probra quotidiana, scemata, risus, & in somnis terrores, cogitationum perpetua quedam consiliatio. Atqui uxor consilium dedit, ut ab his omnibus malis liberaretur, ita loquens: Dic aliquod verbum adversus Dominum, ac morere. Dic, inquit, blasphemiam, & ab urgentibus malis liberaberis. Quid igitur? Num subvertit sanctum illum virum mulieris consiliis? immo contrarium fecit, magisque sibi sumpsit alas, sic ut etiam increparet uxorem. Potius enim dixit, majoribus affici, cruciatuque doloribus,

innumeraeque perpeti mala, quam blasphemiam illarum malorum relaxationem consequi.

D. Nisi me praeconuisses, *Jobum*, fuisse a Deo electum, ut typum gereret Jesu Christi Salvatoris nostri, qui in Passione sua diris tormentis excruciat, a Cognatis, a Discipulis, & ab ipso Patre derelictus est, atque Judaeorum furori permixtus, vix ac ne vix quidem huic historiae *Jobi* assensum praeberem possem, meumque inducere in animum, hunc virum potentissimum & ditissimum ad illam extremam egestatem fuisse reductum, eumque, in sterquilino sedentem, omni humano subsidio ita esse destitutum, ut saniem, ex ulceribus suis fluentem, testa ablergere cogeretur. Id mihi creditu difficile, & supra fidem historiae esse videtur.

M. Quod a *Jobo* ad extremam semel egestatem reducto, omnes cognati, & amici alienati, sint, nec incredibile, nec tam mirum videri debet. In hoc siquidem *Jobus* eandem nausus, & expertus est sortem, quae accidit multis, qui, toto eo tempore, quo illis arrisit fortuna, abundarunt amicis, sed adverso fortunae statu, dum e florenti illo statu fuerint dejecti, consilium ab illis deserti sunt. Quis inter Reges potentior *David*? & tamen legimus in Libris Regum, *Davidem*, relictum, & proditum a suis, & totius pene Regni conspiratione expositum ad mortem tempore conjurationis Absaloniticae. Possem alia id genus congerere exempla, quae statui *Jobi* in extrema calamitate derelicti fidem conciliare possent, praeterim fraudinximus Scripturam Sacram, quae diserte nos monet, Deum consilii Diabolo in omni *Jobi* bona, & corpus potestatem, ea tamen Lege ut ipsi mortem non inferret. Legimus etiam in Libro *Tobie* cap. 2. vers. 12. & seq. Deum permisisse tentationem *Jobi*, & cecitatem *Tobie*, ut, postea daretur utriusque eximiae patientiae exemplum: Hanc autem tentationem ideo permisit Dominus evenire illi, (seu *Tobie*) ut posteris daretur exemplum patientiae ejus, sicut & sancti *Job* . . . Nam sicut beato *Job* insultabant Reges, ita parentes & cognati ejus (seu *Tobie*), qui, permittente Deo, cecus evaserat) irridentes vitam ejus, dicebant: ubi est spes tua, pro qua elemosynas, & sepulturas faciebas? Credibile igitur est, Diabolum potestatem sibi a Deo concessa, & antiquo nequitiae suae negotio usum, gravissima damna, pluresque morbos beato *Jobo* intulisse. Sed quoniam fuerint illi morborum species, quibus *Jobus* a Diabolo fuit afflictus, incertum est, cum hujusmodi morbos clare & speciatim non exprimat Scriptura Sacra, nec nobis liceat in ea curiosius inquirere, quae Deus silentii spatio obsecra esse voluit. Doctissimus tamen *Augustinus Calmet*, Ordinis *S. Benedicti*, in Dissertatione quam praefixit Commentario literali in Librum *Jobi*, consuet cum nonnullis modernis Scriptoris, *Jobum* a capite ad talos fuisse percussum lepra, quam non discrepasse putat ab eo morbo, quem nunc Neapolitani appellant *Morbum Gallicum*, & versa vice Galli vocant *Morbum Neapolitanum*. At, utrum eruditus ille Scripturae Commentator suis conjecturis rem plane confecerit, judicandum relinquo peritis Medicis, quibus ex officio incumbit, naturas & differentias morborum,

quos constituant corpora, examinare, discutere, ac definire.

D. Habetne historia *Jobi* certos veritatis characteres, qui eam omni ex parte indubitatum reddant?

M. Historia *Jobi* certos habet verae historiae characteres, quos inter tres dumtaxat hic recensebo. In primis antiqui Patres, quos superius laudavi; de veritate historiae *Jobi* nunquam dubitarunt, sed potius eximium illum & sanctissimum Heroem praeclaris elogis celebrarunt, & Christianis ceu patientiae exemplar in adversis imitandum proposuerunt; immo Ecclesia cum Graeca, tum Latina B. *Jobo*, tanquam admirandae patientiae viro, exhibet cultum, ut videre est apud *Joannem Basilenum* in Tomo Sanctorum Veteris Testamenti ad diem 10. mensis Maji. Praeterea, haec *Jobi* historia describitur in libro, qui *Jobi* nomine insignitur, quem librum non solum Hebraei in sacrorum Voluaminum Canonem referunt, sed etiam ei sacram & divinam auctoritatem asserunt ac vindicant Summi Pontifices *Innocentius I.* in Epistola ad *Exuperium* Tolosanum Episcopum, *Gelasius* Papa, in Concilio Romano lxx. Episcoporum, omnes sancti Patres, cum Graeci, tum Latini, & plura Concilia, videlicet Chathaginense III. Synodus quinta generalis, in qua damnatus est *Theodorus Mopsuestenus*, qui inter alios, quos effusiebat, errores, historiam *Jobi* tanquam fabulosam explodebat, insuper Concilium Tridentinum Sessione 4. ubi liber *Jobi* sacrorum Librorum Veteris Testamenti Canonem accensetur. Denique Historia *Jobi*, quae legitur in libro hujus sancti viri nomine inscripto, hos habet veritatis characteres, quibus a fabulosa historia plane secernitur. Auctor quippe illius libri *Jobi*, non solum illius sancti viri proprium nomen adscribit, sed etiam ejus uxorem, & terram, cujus incolae fuit, designat, liberorum ejus numerum, ac bona, quae possidebat, singulatim recenset, indicat etiam nominatim populos, qui bona ipsius diripuerunt, amicorum, qui illum adierunt, numerum, nomina, patriam exprimit, sermones, quos invicem contulerunt, accurate refert, postremo, ingens praemium, quod *Jobus* pietatis, ac patientiae suae merito a Deo consecutus est, restitutum sanitate, auctas opes, & numerofam prolem oculis Lectoris subjicit lacer libri *Jobi* Auctor. Quae omnia esse verae historiae luculentissima argumenta ultro fatebitur, quisquis erit aequus rerum aestimator. Non me fugit, *Iosephum*, Hebraeorum in Antiquitatibus Judaeorum veratissimum, alto silentio historiam *Jobi* praetermisisse. At, ex eo *Iosephi* silentio perperam Haeretici occasionem arripiunt, hanc *Jobi* historiam, ceu fabulosam repudiandi: tum quia multa, ad historiam sacrum spectantia, a *Iosepho* de industria aut omissa, aut interpolata fuisse demonstrat clarissimus D' *Andilli* in sua Opera *Iosephi* Versione Gallica; tum quia etiam *Iosephus* gentis suae dumtaxat Judaicae historiam concinnandi provinciam susceperat, ad quam cum nihil conferre posset haec historia *Jobi*, qui ex Populo Hebraeo oriundus non erat, eam ideo silen-

silentio transiit. Addo etiam, *Iosephum* una cum *Iudeis* admittente viginti duos libros in Canone Veteris Testamenti, adeoque ipsum sacram & divinam auctoritatem tribuisse libro, qui nomine *Jacobi* inscribitur, ejusque continet historiam, alioquin si hunc librum pro sacro non habuisset, viginti tantum & unum libro *Iosephus* reposuisset in Canone sacrorum librorum Veteris Testamenti. Cui igitur *Iosephus* librum *Jobi* in Canonem sacrorum librorum Veteris Testamenti retulerit, necesse prorsus est, ut historiam *Jobi*, eo in libro exaratam agnoverit, tanquam veram, sinceram, & divinam auctoritate munitam. Unum tamen est, ne quid dissimulem, quod Heterodoxi ad nauseam usque opponere solent, ut omnes historiarum *Jobi* fidem adimere, eamque, ceu fabulosam, rejicere possint. Dissimulant enim, in historia *Jobi* multa offendi, quae fabularum loco haberi debent, ejusmodi sunt concilium Angelorum, qui ipsemet Deus praesuit, colloquium Satanae cum Deo, variae quaestiones Diabolo factae a Deo, responsiones Diaboli, & aliae, id genus narrationes, quae aperte fabulas olent. Verum, hanc Haereticorum objectionem facili negotio elidere, ac exsultare poteris, si semel advertas, in historia *Jobi* non omnia in sensu literaliter esse accipienda, sed quaedam in sensu literaliter, quaedam in sensu figurato intelligi debere. In sensu literaliter sumenda sunt ea, quae in historia *Jobi* narratur de persona *Jobi*, de illius summis animi corporisque doloribus a Diabolo, ita permittente Deo, ei inflicti: de jactura bonorum, & liberorum, de colloquiis ejus cum uxore, & amicis, de illius eximia pietate, & heroica patientia, de recuperatione bonorum, de restituta sanitare, de auctis opibus, de numerosa prole, quam a Deo accepit in premium invictae patientiae suae. Haec, inquam, in sensu literaliter accipienda sunt; in sensu autem figurato intelligi debent ista, quae in eadem *Jobi* historia narrantur de concilio Angelorum, cui praesuit Deus, de colloquio Dei cum Diabolo &c. Sed propter illas figuratas locutiones, quas saepius usurpat Scriptura sacra, in dubium revocari debere historiam *Jobi*, soli haeretici affirmare possunt, qui contempta Ecclesiae Catholicae auctoritate, ac despecto Spiritu Sancto, in Libros Sanctos impune grassantur, atque pro nutu & arbitrio suo, quos volunt, recipiunt, quos vero nolunt, dictatoria auctoritate & Catalogo Librorum Sacrorum temere expungunt.

D. Necdum indicasti nomen Auctoris libri, qui sub nomine *Jobi* proflat, & in quo descripta est ipsius historia.

M. De Auctore libri, qui *Jobi* nomine insignitur, non una est omnium Scriptorum Ecclesiasticorum sententia. Quidam hunc librum ab ipso *Jobo* scriptum esse putantur, eo potissimum ducti argumento, quod *Iobus* cap. 19. v. 23. illius libri haec dicat: *Quis mihi scribatur, ut scribantur sermones mei? quis mihi det, ut exarentur in libro, stylo ferreo, & plumbi lamina, vel ceste sculptantur in siliice?* Sed quid aliud ex his *Jobi* verbis colligi possit, quam vehemens desiderium, quo

optabat, ut historia sua, & sermones conscriberentur, certe non video. Præterquam quod, si *Iobus* esset revera legitimus parens libri, qui ejus nomine inscribitur, *Moyse*, qui *Jobo* fuit posterior, non esset primus omnium Gentium Scriptor, & tamen *Moysem* esse primum Scriptorem omnium Gentium, constans est omnium sanctorum Patrum sententia. *Jobo* itaque adscribi haud debet liber, qui ejus nomine praefert. *Codex* Praefatione in *Iobum*, censet, hunc librum, qui *Jobi* nomine inscribitur, esse genuinum ejusdem *Idemae* Prophetae factum, vel a Propheta *Isaia* fuisse scriptum, *Hugo Grotius*, Praefatione Comment. in *Iobum*, asserit, libri *Jobi* Auctorem Regibus *Davide*, & *Salomone*, recentiorum esse. *Friedericus Spanhemius* cap. 13. *Historiae*, quam concinnavit, *Jobi*, opinatur, historiam, quam nunc habemus, *Jobi*, constata esse a quodam Hebraeo. Alii denique, librum, in quo describitur historia *Jobi*, adjudicant *Moyse*, qui ex Aegypto fugere coactus, eo quod Aegyptium insultantem Hebraeo calce interemisisset, & raptum occultasset fabulo, secessit in eam Arabiae partem, quam incolebant *Madianitae*, & in eo secessu *Madianiticum*, dum summo perfrueretur otio, scripsit librum, seu historiam *Jobi*, ut Hebraeos, suos Gentiles, in Aegyptiaca servitute gravissimis laboribus & afflictionibus oppressos, propositis heroicis patientiae exemplo solaretur, & ut ipsi ad aspectum *Jobi*, qui in rebus adversis, æquam semper mentem servavit, addicerent fortiter, ac constanter tolerare asperitiam servitutem. Ad hanc postremam sententiam, quae eruditiorum virorum, cum veterum, tum recentiorum suffragiis probatur, lubens ipse accedo. Obiter tamen velim advertas, *Moysem*, in eo conscribendo libro, qui *Jobi* nomine insignitur, omnia, quae ad historiam, seu ad vitam, mores, calamitatem, & prosperitatem *Jobi* pertinent, soluta oratione narrasse: verba vero *Jobi*, amicorum interlocutiones, ejusdemque responsiones metricis numeris illigasse: quo fit, ut hic liber partim prosa, seu soluta oratione, partim versibus sit concinnatus. Nihil autem deperit historiarum veritati, sive prosa describitur, sive metris illigetur numeris, cum certum sit, *Lamentationes Jeremiae*, *Librum Psalmorum*, *Canticum Moyse*, *Canticum Deborah*, & *Baruc*, aliaque Cantica legi in Scriptura Sacra, quae sunt versibus illigata, & quae tamen divina pollere auctoritate nullus inficias se audeat. Leges Disertationem De poetice Hebraeorum, quam *Augustinus Calmer*, *Monachus Benedictinus*, praefixit suo Commentario literaliter in librum *Exodi*.

D. Nunquam profecto, pace tua dixerim, adducar ut credam, *Iobum*, in sterquilinio jacentem, ejusque uxorem, & amicos, qui cum ipso interloquebantur, carmina, poetarum more, ex tempore fuisse; nam, præterquam quod, id difficile & insolens fuisset, non congruere certe hic Poetice loquendi modus infelicissimo huic statui, ad quem redactus erat *Iobus*, non tam homo, quam putridum cadaver. Ut quid ergo *Moyse*, quem dicit esse Auctorem libri, qui *Jobi* nomine inscribitur, inducit sanctum illum virum poetice

poetice loquentem. Addo etiam stylum, quo in conscribendo Pentateucho usus est *Moyſes*, esse facilem, pervium, familiarem, & omnino alienum a stylo poetico, quo liberum *Jobi* partim exaratus esse mox innuit. Quae styli diversitas haud obscure probare videtur, *Moyſem* non esse Auctorem libri *Jobi*.

M. Nullus dubito, quin *Jobus*, ejus uxor, & amici patrii & familiari sermone in suis interlocutionibus uti fuerint. At, *Moyſes*, qui *Jobi* historiam descripsit, stylum adhibuit poeticum, sententiarum plenum, illamque, ut populares suos Hebraeos, in Aegypto captivos, ad patientiam, & ad malorum tolerantiam extimularet, novis additis ornamentis condecoravit, ut in hoc *Jobi* libro verborum collocatio, sententiarum digestio, Dialogi compositio, Interlocutorum dispositio, & distinctio, figurarum concinnitas, & reliquis sermonis ornatus *Moyſes*, hujus libri Auctori, tribui debeat. Quod si aliquid grandius sonare videtur liber *Jobi*, crebrioribus distinctus luminibus ac sententiis, quam sit Pentateuchus, a *Moyſe* exaratus: *Memineris* (inquit Illustrissimus *Daniel Huetius*, Episcopus Abrincensis, in sua *Demonstratione Evangelica*, Propositione IV.) hunc *Jobi* librum fuisse a *Moyſe* scriptum, cum florentibus annis vigeret felix pia mentis calor; *Pentateuchum* vero ab eodem *Moyſe* esse scriptum, cum per senectam jam etate ignea vis animi defecisset, insertis in Hymnis, seu Canticis, quae in *Pentateucho* occurrunt, ad sublime & magnificentum dicendi genus splendide assurgat *Moyſes*. Si autem queras, quo pacto *Moyſes*, Hebraeos, & in Aegypto natus habere potuerit notitiam historiae *Jobi*, hominis Arabis, & eorum adversae fortunae casuum, quos vir ille iustus patientissime in Arabia toleravit? Respondeo, *Moyſem* in seculo suo Madianitico, ubi per quadraginta annos versatus est apud focerum suum *Jethro*, cuius filiam, *Sephoram* videlicet, sibi matrimonio junxit, facile historiam *Jobi*, hominis Arabis, & inter suos clarissimi, ex vulgi sermone discere potuisse. Madianitis quippe Arabica Gens est, Syrorum & Idumeorum vicina. Quid igitur mirum, si *Moyſes*, in Arabia degens, historiam *Jobi*, hominis Arabis, & inter suos spectatissimi, notitiam habuerit, maxime, cum hac historia paulo ante contigerit, quam *Moyſes*, fugiens ex Aegypto, in Regione Madianitarum secesserit, essetque apud Madiuitas lipius ac torporibus notissima. In hoc diuturno seculo suo Madianitico, *Moyſes*, propter congressum, quem cum exteris habuit, patriam, seu Hebraicam, loquelam (quod ceteris hominibus, qui peregrinas diu incolunt Regiones, usu venire solet) inquinavit, & hic est, quod in *Jobi* libro, quem in hoc suo seculo Madianitico conscripsit, occurrant Arabismi, Syriaismi, uti notatum est a S. Hieronymo, nonnisi quum etiam Chaldaismi. At, postquam *Moyſes*, relicto suo seculo Madianitico, ad suos populares, seu Hebraeos, reversus est, loquelam suam Hebraicam excolere ac perpolire sategit, omnesque sordes, quas congressus exterorum ei asperserat, ita absterxit, ut quando ad scribendum *Pentateuchum* animum

appulit, majorem adhiberet Linguae Hebraicae castitatem ac munditiam. Sed he historia *Jobi* satis dictum est. Nec enim otii & instituti nostri est, in levibus ac futilibus, quas contra liberum *Jobi* proponunt Haeretici, diluendis objectionibus anxie laborare ac desudare. Consule, si plura desideres Illustrissimum *Danilem Huetium* in sua *Demonstratione Evangelica*, propositione quarta.

D. Cum Deus selegerit *Moyſem*, ut esset dux & Legisator Gentis Judaicae, & qua proditorus erat Messias, facile mihi persuadeo, hunc Judaeorum Legislatorem gessisse typum Jesu Christi, veri Messiae. At, quia Judaei hanc similitudinem, quae *Moyſem* inter & Jesum Christum intercescit, obstinatis animis negant, debes nunc paucis commemorare, quo pacto *Moyſes* rebus praclare gestis Jesum Christum, Salvatorem nostrum, adumbravit?

M. Non solum *Moyſes* rebus, quas praclare gessit, typum gessit Jesu Christi, sed etiam in *Pentateucho*, quem edidit, multis oraculis eum venturum sole clarius praenuntiavit. Traeta fuisse ea de re *Eusebius* cap. 2. lib. 3. *De Demonstratione Evangelica*, ubi data opera accuratam & luculentam instituit comparationem *Moyſem* inter & Jesum. Sed, quia nimis longum esset integrum *Eusebii* sermonem hic inferre, summa illius, (cum Illustrissimus *Daniel Huetius*, Abrincensis Episcopus, in sua *Demonstratione Evangelica*, Propositione IV.) sequar vestigia. In primis, *Moyſem*, statim ab ortu, nefario *Pharaonis*, Aegyptiorum Regis, Edicto morti additum, parentes a letho ei parato subdlexerunt: *Jesum* nascentem, ab *Herode* Rege, ad mortem sollicito quaesitum, parentes, fugientes in Aegyptum, ab imminente morte, quam immanissimus ille Tyrannus ei inferre moliebatur exemerunt. Deinde Principem ac Dacem Hebraeorum *Moyſem* constituit; *Jesum* Dacem ac Dominum omnium hominum declaravit Deus, dicens: *Pestula a me, & dabo tibi gentes, hereditatem tuam, possessionem tuam terminos terrae. Psalmus 2. Moyſes* se a Deo missum, magnis approbavit miraculis; *Jesús* se a Deo missum stupendis confirmavit prodigiis. *Moyſes*, Hebraeos ex Aegypto in servitutem vindicavit in libertatem: *Jesús* homines, Demum omnium mancipatos vinculis, libertate donavit. *Moyſes* Hebraeos per Desertum ad Terram promissam introduxit: *Jesús* hominibus per vitae hujus angustias ad caelestem patriam, Ducem se praebuit. *Moyſes* nutu mare fudit & exfecat, *Jesús* saevientes ventos frangat, & tempestas fluctus distis sedat. *Moyſes* Hebraeos trans mare salvos ducit & incolomes: *Jesús* Christus, fluctibus suspensus, graditur super mare, & *Petro*, Discipulo suo, idem posse concedit. *Moyſes* Hebraeos, *Jesús* homines ab Idolorum cultu avertit. *Moyſes* Hebraeis, *Jesús* univerſo generi humano Leges sanxit. *Moyſes* Hebraeos, traiecit Mari Rubro, Aegyptiorum tyrannidi subduxit; *Jesús* hominibus per Baptisma jugum Demum detraxit. *Moyſes* Deum inter & homines concilia-

ciliatorem se gessit : *Unus mediator Dei & hominum Homo Christus Jesus*, ait Apostolus Paulus Epist. 1. ad Timoth. cap. 2. Fuit *Moyſes* cum Domino per quadraginta dies & totidem noctes, panem non comedit, & aquam non bibit, sicut legitur cap. 34. v. 28. lib. Exodi : *Jesus*, cum ieiunasset quadraginta diebus, & quadraginta noctibus, postea esurivit, sicut narrat Evangelista *Matthæus*, cap. 4. v. 2. *Moyſes* precepit Hebræis, antequam egredierentur ex *Agypto*, ut Agnum Paschalem comederent, & omnes, quorum ades illius Agni sanguine non rubebant, fuerunt ab Angelo exterminato occisi in *Agypto* : *Jesus Christus*, sicut offendimus sub nomine superioris nostri Colloquii, fuit verus Agnus Paschalis immolatus ab Hebræis, cum ex hoc Mundo ad Patrem esset transiturus, & omnes, qui ejus sanguine non sunt aspersi, æternam morte peribunt. Serpentem æneum exaltavit *Moyſes* in Deserto, ut spectatus ab ægris afferret remedium : *Jesus* fuit exaltatus, seu in Crucem aëtas, ut omnis, qui credit in eum, non pereat, sed habeat vitam æternam, Joannis c. 3. v. 14. *Moyſes* splendidi facie descendit de monte : *Jesus* consensio cum tribus Apostolis monte, transfiguratus est ante eos, & resplendens facies ejus sicut sol, Matthæi cap. 17. Esurientibus Hebræis coturnices & manna de Cælo, & aquam de rupe sitientibus Deus per *Moyſem* in Deserto largitus est : *Jesus* turbæ in Deserto famæ languenti, cibos non semel suppeditavit, & aquam vitæ se gratis daturum pollicitus est. Septuaginta viros de Senibus Israelitici Populi Magistros ac Duces constituit *Moyſes*, cujus & spiritum cum illis communicavit Deus : *Jesus* Discipulos septuaginta duos quoqueversus dimittit, doctrinæ suæ præcones, & spiritus suo aflatos. *Mariam*, lepra labantem, sanat *Moyſes* : hominem *Jesus*, eodem morbo affectum, illico sanitati restituit. Denique *Moyſes* duodecim exploratores misit in Terram Chanaan : *Jesus* duodecim Apostolos misit in universam terram. Hos igitur typos, quibus *Moyſes*, Judæorum Legislator præfiguravit *Jesus Christum*, Salvatorem omnium hominum, si attento animo perpendas, fateberis ultro, *Moyſem* inter & *Jesus*, summam intercedere similitudinem. Quo fit, ut Apostolus Paulus Epist. ad Hebræos cap. 11. Fidem, quam *Moyſes* habuit in *Jesus* Christum venturum, his verbis maxime commendat : Fide *Moyſes* grandis factus negavit, se esse filium filie Pharaonis : magis eligens offitium cum Populo Dei, quam temporales peccati labores iunctionatorem : & majores divitiis æstimas thesaurum *Agyptiorum* impropeiorum Christi. Aspiciebant enim in rememorationem. Fide reliquit *Agyptum*, non veritus animositate Regis : Invisibilem enim tantquam videns sustinuit, fide celebravit Pascha, & sanguinis effusionem, ne qui vastabat primæverum, tangeret eum.

D. Perplacet mihi hæc, quam delineasti, similitudo *Moyſem* inter & *Jesus* Salvatorem nostrum, addiderim tamen ipse, *Moyſem* in hoc etiam figuram fuisse *Jesus* Christi, quod *Moyſes* virorum omnium manifestissimus prædictetur : *Jesus* vero, qui nobis protulit Legem Gratæ & Cha-

Hist. Pet. Test. Tom. 11.

ritatis, mississimus fuit, totus ad bene de omnibus merendum compositus, nihilque prius & antiquius habens, quam ut sui Discipuli ejus mansuetudinem emularentur : *Discite a me*, inquit illis, quia mitis sum & humilis corde, & invenietis requiem animabus vestris : jugum enim meum suave est, & onus meum leve, Matthæi cap. 11. v. 29. & 30. Sed nunc pergamus ulterius, & ea studiose perquiramus oracula, quibus *Moyſes*, prophetico aflatu spiritu, *Jesus* Christi, veri Messie, prænuñciavit adventum.

M. Quod quinque libri *Moyſis*, qui Pentateuco continentur, apertas, manifesta quoque completantur de *Jesus* Christi, veri Messie, adventu propheticas prædictiones, id toto capite annuo, ac breviter hic demouſtro. Oracula librorum *Moyſis* alia ipse dixit, alia jam fusa prolidit sacris Literis & posteritati propagavit. Lapsam narrans *Moyſes* protoparentum exhibet Deum prænuñciantem, venturum mulieri filium, per quem ipsa caput serpentis conbaret Genes. cap. 3. v. 15. Si loquar de Abrahamo, de Isaac, de Jacobo, quæ & quantæ de *Jesus* Christi, veri Messie, adventu prædictiones erunt mihi recensende ex Libris Moſis : Cap. 12. lib. Gen. v. 3. dixit Dominus ad Abrahamum : Et benedicetur in te universa cognatio terre. Et cap. 22. ejusdem libri v. 18. Deus iterum dixit Abrahamo : Et benedicentur in semine tuo omnes gentes terre. Eandem promissionem fecit Deus Isaac, Gen. cap. 26. v. 4. fecit & Jacobo, cap. 28. v. 14. ejusdem Libri Genes. Ipse Jacobo moriturus, benedicens filiis suis, & quæ singulis erant futura, prædixit. Prædictiones has refert *Moyſes* in libro Genes. cap. 49. Præcipua est, quæ pertinet ad *Jesus* Christum, verum Messiam, quæque his verbis concepta est : Non auferetur Scipitrum de Juda, & Dux de femore ejus, donec veniat qui mittendus est, & ipse erit expectatio Gentium. Mirto alia vaticinia, quæ *Moyſes* retulit. At, prætermittere nec possum, nec debeco insigne vaticinium, quod *Moyſes* cap. 18. lib. Deuteronomii v. 15. de *Jesus* Christo protulit, dicens : Propetiam de gente tua, & de fratribus tuis, sicut nunc, suscitabit tibi Dominus Deus tuus : ipsum audies. Quod *Moyſes* vaticinium S. Petrus, jam tunc nascente Christianismo, objecit Judæis, in ea, quam ad illos habuit, Concione, quæ lenitur cap. 3. Act. Apostolorum, ubi exponens quæ de *Jesus* Christo locutus est Deus per eos Sanctorum suorum a saculo Prophetarum, sic estatur : *Moyſes* quidem dixit : Quoniam Prophetam suscitabit vobis Dominus Deus vester de fratribus vestris, tanquam me, ipsum audietis juxta omnia quæcumque locutus fuerit vobis. Idem *Moyſes* vaticinium objecit Judæis S. Stephanus cap. 7. v. 37. ejusdem libri Act. Apostolorum, dicens : Hic est *Moyſes*, qui dixit filiis Israel : Prophetam suscitabit vobis Deus de fratribus vestris, tanquam me ipsum audietis. Hoc Moſaicum Oraculum de *Jesus* Christo intelliendum esse negabat olim Julianus, Apostata, Imperator, quem invisibis arguen-

D

is

f

tis confutavit S. Cyrillus Alexandrinus libro VIII. contra hunc Imperatorem Apostatam. Eusebius vero lib. 3. *Demonstrationis Evangelicæ* cap. 2. probat, hoc Mosaicum Oraculum non de *Jesue*, non de *Davide*, non de *Jeremia*, vel de aliis Prophetis, sicut Judæi perperam commentabantur, sed de uno Jesu Christo esse intelligendum: *Nim*, inquit, *ex iis*, qui post *Moysem* existerunt *Propheta*, *Esaias*, *exempli gratia*, aut *Jeremias*, aut *Ezechiel*, aut *Daniel*, aut alius quipiam de ceteris duodecim, Legum Auctori *Moyse* confusus exiit! Nequaquam. Sed ex illis tandem quis unquam *Moyse* similia effecit? Numquam poteris dicere. Sed quisque illorum a primo ad novissimum quoscunque instituebant ac docebant, ad ipsam *Moysem* remittebant, atque Populum in hoc reprehendebant, quod *Moyse* Legem non servasset, sed contra illam fecisset, neque illam ad quiddam aliud hortabantur, nisi ad ea firmiter tenenda, que in *Legem Moyse* posita sunt. Nullum igitur horum illi similem dixeris. Quemnam igitur aliam *Moyse* similem futurum canit Oraculum illud, nisi *Salvatores*, & *Dominum nostrum Jesum Christum*? Denique, cum Inter Samaritanos exorta esset controversia, & quidam inter illos conferent, hunc Prophetam, quem post se missum iri prædixit *Moyse*, esse *Dofthem*, seu *Doftheum*, quidam vero alii putarent, *Jesum Navæ*, seu *Josuem*, filium *Nun*, successorem *Moyse*, fuisse illum Prophetam; S. *Eulogius*, Episcopus Alexandrinus, ad dirimendam illam controversiam, quæ plebem Samaritanam in contrarias factiones distrahebat, frequentem Synodum Alexandriæ coegit, utramque damnavit sententiam, & *Jesum Christum* hoc vaticinio a *Moyse* prænuntiatum esse definivit, sicut refert *Photius*, Opera Sancti *Eulogii* recensens Codice CCXX. Bibliotheca suæ, ubi hæc habet: B. *Eulogius*, discussis quæ ab utraque parte afferbantur, & utraque erroris, a veritate procul remoti, convulsa, illum a *Prophetis* prædictum *Messiam*, ex *Scripturis Sacris* docuit esse *Dominum nostrum Jesum Christum*, verum *Deum*; illos vero gravissimo errore laborasse: Hos quidem, quod *Jesum Navæ* illum Prophetam prænuntiatum fingerent; illos vero, quod *Dofthem*, seu *Doftheum* impium portentofo comminiferentur. Atque ita Concilium solvit. Hæc itaque prædictio *Moyse* de venturo post se *Propheta* soli *Jesu Christo* accommodari potest, & in ipso exitum habuit. Similiter, hæc promissio, quam scribit *Moyse* a Deo factam *Abrahamo*: *Et benedicentur in semine tuo omnes Gentes terræ*, manifesto completa est in *Jesu Christo* de semine *Abrahæ*, vero *Messia*, vero *Christo*, in quo benedicti omnes Gentes non nunc prænuntiatus, sed quod tunc prænuntiatus est, nunc videmus, sicut ait S. *Augustinus* cap. 41. libri duodecimi contra *Fausum*, Hæreticum *Manicheum*. Postremo, in *Christo* nostro evidentissima luce clarescent (ut rursum utar verbis ejusdem *Augustini* capite mox sequenti ejusdem libri) illa *Patriarchæ Jacobi* verba, quæ *Moyse* cap. 49. libri *Genesis* refert: *Non auferetur Sceptrum de Juda*, & *Dux* de femore ejus, donec veniat qui mirandus est, & ipse erit expectatio Gentium; quia *Jesus Christus*, cujus Re-

gnum spirituale conquaveris per omnes Gentes parat, venit his temporibus, quibus ablatum est Sceptrum de *Juda*. Negari igitur haud potest, libros *Moyse*, Pentateuco comprehensos, multa eaque aperta & luculenta de *Jesu Christo* venturo complecti Oracula, quæ vel ipsemet *Moyse* fudit, vel ab aliis jam fusa literis consignavit, & ad posteritatem transmissit. Hinc *Philippus* volens *Natumalem* trahere ad *Jesum Christum*, dixit ei: *Quem scripsit Moyse in Lege, & Propheta, invenimus Jesum, filium Joseph a Nazareth*, *Joannis* cap. 1. v. 45. *Christus* etiam *Dominus* incredulitatem *Judeorum* increpat his verbis: *Nolite putare, quia ego accusatus sum vos apud Patrem: est qui accusat vos Moyse, in quo vos speratis. Si enim crederetis Moyse crederetis forsitan & mihi: de me enim ille scripsit*. Ex his de venturo *Jesu Christo* Oracula, quæ in Pentateuco, & in singulis *Prophetarum* libris passim continentur, argumentum validissimum sumpsi *Apostolus Paulus* ad tuendum coram *Agrippa*, *Roge*, & *Festo*, *Judeæ* *Præfide*, causam suam, dicens: *Usq[ue] in hodiernum diem* *pro*, *testificans* *mirari* *aque* *majori*, *nihil* *extra* *dicens*, *quam* *ea*, *quæ* *Propheta* *locuti* *sunt*, *futura* *esse*, & *Moyse*, *si* *passibilis* *Christus*, *si* *primus* *ex* *resurrectione* *mortuorum*, *lumen* *annunciatus* *est* *Populo* & *Gentibus*. *Act. Apost.* c. 26. v. 22. & 23. Nihil isto argumentandi genere est magis in uso apud *Apostolos* & *Evangelistas*, quorum *Scriptis* constituntur fundamenta *Fidei*. Nihil apud sanctos *Patres* est receptius, nihil *Christianis* plausibilis, nihil ad frangendam *Judeorum* perverciaciam efficacius, sicut fule ostendi in *Traclatu*, quem publicam in lucem emisit: *De Vita, Mysteriis, & annis Jesu Christi, Servatoris nostri*.

D. Quo tempore, & quibus characteribus *Moyse* scripsit Pentateuchum?

M. Probabilis ipse cum *Theodoro* *Questione* prima in *Genesis* cenfeo, *Moysem* scripsisse Pentateuchum post exitum *Israelitarum* ex *Aegypto*, & post *Legem* a *Deo* ei datam in monte *Sinai*: Characteres autem, quibus in scribendo Pentateuco usus est *Moyse*, fuerunt *Hebraici*, idest, iidem plane, ac characteres, quibus olim utebatur *Chanaan*, quorum Regionem diu incoluerunt *Hebræi*. *Augustinus Calaneo* in *Dissertatione*, quam præfixit suo *Commentario* *literali* in *librum Genesis*, asserit, *Moysem* scripsisse Pentateuchum characteribus *Aegyptiacis*, qui non discrepabant a characteribus, qui erant in uso apud *Chananæos*. Certe, *Pentateuchus Moyse* *Samaritanus*, qui adhuc extat, quemque antiquissimum esse affirmant *Origenes*, *Julius Africanus*, *Eusebius*, *Dionysius Tarsensis*, *Cyrillus Alexandrinus*, & *Procopius Gazænsis*, descriptus est his antiquis *Chananæorum* characteribus, sicut testantur viri eruditi. Observat enim *Jesephus Scaligerus* in *Dissertatione* de *litteris Judaicis*, seu *Græcorum*, characteres *Græcos* ad exemplum characterum *Samaritanorum* esse formatos; antiquissimam vero esse *litterarum* *Jonicarum* originem, utpote profectam a *Phœnicibus*, seu *Chananæis*. Hunc *Penta-*
teu-

teuchum *Moyſis* Samaritanum, antiquiſſimis Chanaanorum characteribus exaratum, doctiſſimus *Joannes Morinus*, Congregationis Oratorii Presbyter, hiſce poſtreims temporibus evulgavit, eumque in Heptapſi Pariſienſibus, & in Polyglottiſ Bibliis inferitis perſoſctis Diſſertationibus illustravit. His Hebraicis, ſeu antiquis Chanaanorum characteribus deſcriptum Pentateuchum *Moyſis* conſervantur Judæi uſque ad captivitatem Babyloniam, ſed, durante captivitate Babylonica, cum Judæi Lingue Hebraicæ, & modò antiquos formandi characteres Hebraicos eſſent penitus oblii, *Eſdras*, qui, ea laxata captivitate, ſacros libros a mendis, quæ in eos irrepreſerant, repurgavit, mutatis antiquis characteribus Hebraicis ſuſſicit characteres Chaldaicos, quibus nunc utuntur Judæi, & eorum Biblia hiſce characteribus Chaldaicis deſcripta leguntur.

D. Cum *Moyſes* ſcripſerit dumtaxat Pentateuchum poſt exitum Iſraelitarum ex Aegypto, & Legem ei datam in monte Sinai, intempeſtively a te nunc poſſularem notiſiam rerum, quas in hoc Pentateucho *Moyſes* complexus eſt: de his quippe commodius ſuo loco, hoc eſt, in Colloquiis noſtris in Hiſtoriam quartæ Mundi ætatis ſermonem inſtituimus. Verum, quia probe ſcio, eſſe quoddam incredulos, & omnis Religionis oſores, quos perſicilla fronte non pudet antiquitatem, & ſacram Pentateuchi *Moyſis* auctoritatem aut negare, aut ſaltem in dubium revocare, plurimi mea intereſſe video, generales quaſdam circa antiquitatem, & divinam Pentateuchi auctoritatem habere notions, quo facilius, ſi quos aliquando nancifcar ejuſmodi incredulos, eorum petulantiam retundere poſſim. Primum igitur a te percontor, an *Moyſes* ſit Auctor totius Pentateuchi? Audivi enim, eſſe quosdam intempeſtantioris Critices viros, qui licet fateantur, *Moyſem* eſſe Auctorem totius Legis, quæ ad bene conſtituendam Rempublicam Judæorum deſcripta eſt in Pentateucho; pertendunt tamen, *Moyſem* non eſſe Auctorem Hiſtorie, quæ leſitur in Pentateucho, maxime in libro Genetiſ, ſed eam a quodam Scriba, poſt obitum *Moyſis*, conclamata fuiſſe dicunt. Quod ſane antiquitati Pentateuchi *Moyſis* haud parum derogare mihi videtur.

M. In hunc errorem, fateor, non multis abhinc annis impetgit *Richardus Simonius*, qui in ſua *Hiſtoria critica Veteris Teſtamenti* Capitibus primo, ſecundo, & tertio ſupponit, in Republica Judæorum fuiſſe publicos Scribas, Prophetæ dono inſignes, quibus auctoritate publica demandabatur provincia res memorabiles, ſuis temporibus geſtas, in literas referendi, non ſecus ac ſolis Hierophantia apud Ægyptios, ſolis Chaldeis apud Babylonios, ſolis Magis apud Perſas, ſolis Gymnoſophiſtis apud Indos, ſolis Literatis apud Sinas, ſolis Pontificibus apud Romanos, juſ ex officio & auctoritate publica incumbere res ætatis ſue memorabiles literis mandare. Hac autem ſemel facta ſuppoſitione, ait *Richardus Simonius*, Hiſtoriam, quæ leſitur in Pentateucho *Moyſis*,

fuiſſe ſcriptam ab aliquo Scriba, divino tamen Prophetiæ ſpiritu aſſiato, qui, poſt mortem *Moyſis*, a Republica Judæorum ſcribendis Judaicæ Gentis Annalibus deſtinatus, ex veteribus Diariis aliorum Scribarum qui *Moyſis* temporibus coævi fuerant, & res ſub illo geſtas ſuſius deſcripſerant, excerptiſ Hiſtorie monumenta, eaque in ordinem digeſſit, ac ſummatim perſtrinxit, ſicut nunc leguntur in Pentateucho. Hoc eſt novum *Richardus Simonii* Syſtema, quod nulla efficaci ratione, nulla alicujus pondetiſ conjeſtura, nullo antiquitatiſ monumento ſaltim, immo, expreſſis ac diſertis Scripturæ Sacre, & ſanctorum Patrum teſtimoniis, quæ *Moyſis*, ceu vero ac legitimo parenti, integrum Pentateuchum aſſerunt ac vindicant, omnino oppoſitum, ab omniſbus viris eruditis ſuit expoſitum atque conſutatum, idque jure optimo. Nam, etiamſi fatear libentiſſime, ſacros conſcribendi libros poteſtatem non fuiſſe promiſſe omnibus in Republica Hebræorum permiſſam, ſed, ut ait *Joſephus* lib. 1. contra *Apionem*, datum fuiſſe ſolummodo Prophetis antiquiſſima, quidem & veteriſſima ſecundum inſpirationem ſacram a Deo cognoviſcentibus, alia vero ſuorum temporum, ſi cui ſunt facta, palam conſcribendis; contendo attamen, illos Prophetas, quibus in Republica Hebræorum ex officio & auctoritate publica concedebatur facultas conſcribendi libros ſacros, & de quibus eo loci mentionem facit *Joſephus*, non alios fuiſſe a *Moyſe*, a *Joſue*, & a cæteriſ aliis ſacris Scriptoriſbus, qui, divino aſſati ſpiritu, libros Scripturæ ſacre, quos nunc habemus, extarant. Quo ſit, ut nunquam in Republica Hebræorum extiterit illi Scribæ, Prophetie dono illuſtræ, quos *Richardus Simonius* aſſerit, a *Moyſe*, a *Joſue*, & a cæteriſ aliis ſacrorum Librorum Scriptoriſbus fuiſſe plane diſtinctos, & ad illos ſpectaſſe, res memoria dignas, ſuis temporibus geſtas, in literas referre, vel ex veterum Scribarum Diariis hiſtoricam collectionem excerptare, in ordinem digerere, atque compendioſe deſcribere. Horum ſiquidem publicorum Scribarum, quos in Republica Hebræorum a ſacrorum Librorum Scriptoriſbus diſtinctos commentus eſt *Richardus Simonius*, ne apex quidem in Scriptura Sacra, & in tota retro antiquitate temporum ne minimum quidem occurrat veſtiſgium. Quocirca, hoc rocen a *Richardo Simonio* de publicis illis in Republica Hebræorum Scribis excogitatum ſyſtema, tam inſirmiſ nixum radicibus, corruere necesse eſt. Scriptiſ itaque *Moyſes* Legem ad bene conſtituendam Rempublicam Hebræorum, & auctor etiam eiſ Hiſtorie, quæ Pentatecho continetur, & quam ipſe a creatione Mundi ad ſua uſque tempora perduxit. Quod ſi queras, quorſum *Moyſes*, qui Legem daturus erat Hebræis, Hiſtoriam a creatione Mundi, & res præclare geſtas a Patriarchis ante, & poſt diluvium voluerit in Pentateucho deſcribere? hanc ipſe proferam rationem, quam mihi ſuppeditat *Eufeſtus* lib. 7. *Præparationis Evangelicæ* cap. 7. ubi hæc habet: *Moyſes*, eximius ille Theologus, atque ex Hebræis Hebræus ipſe procreatus, cum patriæ Genetiſ hiſtoriam accurate, ſi quiſquam alius, ſciret, præſco-

præcorum Hebræorum vitas, quæ sacris Legibus, cuspidem quasi proximi loco, viam munirent, posterorum memoria commendare voluit, nulla inquam oblivione delendas. Iis porro non ea tantum, quæ divinitus acceptarant beneficia, verum & nonnullum præterea, qui omnem cum divinitate pietatis sensum abiecerant, mores simul ac pœnas intexuit: status iis, qui Legibus suis instituendi essent, genus id cognitionis apprime necessarium futurum, ut eos & ab improborum imitatione deterretes, & ad confelandam proborum exempla stimularer. Tanti etiam erat, uti eos non lateret, majorem quidem suorum quam plurimos, antequam ab sese Leges scripte late essent, recta cuius rationis manum secutos, ad summam Religionis, ac divini cultus laudem pervenisse, qui, quod & divini Numinis amicitia, & Prophetia munere præstitissent, immortalis apud hæc memoria viverent. Quibus autem Leges præscriberet, eos cum Antiquioribus illis esse generis ac sanguinis communionem conjunctos, eoque verum esse, ut qui hominum Deo carissimorum ac virtutis amantissimorum nepotes essent, iidem Majorum quoque suorum pietatis emulos se atque imitatores exhiberent, atque in beneficium, ac premium, patribus a Deo concessorum, partem, ac societatem venire omni opte, studioque contenderent.

D. Jactabant olim Gentiles antiquitatem Deorum suorum, Historias illorum, necnon perve-
tusta ab eis prolata Oracula: optarem igitur scire primo, an superstitione Gentilitatis Deorum Historiæ antiquiores sint ea Historia, quam Moyses in Pentateucho descripsit? Secundo, quale extet discrimen Oracula horumque Deorum inter, & Oracula, quæ de adventu Jesu Christi, veri Messie, a Moyses in Pentateucho fusa fuisset, superius ostendisti?

M. Fabulosam plane esse superstitione Gentilitatis Deorum antiquitatem, ipsemet Gentiles tantisper eruditi ingenue professi sunt tempora, quibus Dei Gentium floruisse dicuntur, fabulosa nuncupantes. Præterea, omnis historia Gentilium longe posterior est sacra Historia, quam Moyses describit in Pentateucho, quando quidem Moyses est primus Scriptor omnium Gentium, non solum Persarum, & Græcorum, sed etiam Ægyptiorum, Chaldeorum, & Assyriorum, ac subinde multo antiquior est Philosophis, Historicis, Oratoribus, & Poetis, qui apud Gentiles clauerunt, quique ex libris Moysis bene multa hauserunt, suisque libris inseruerunt. Denique, Historia, quam Moyses describit in Pentateucho, revelationem mûndo coævam habet, & res mirabiles narrat, videlicet de summo omnium conditore Deo, de Religione, seu de cultu, Deo debito, de origine, natura, & conditione primi hominis innocentis, de illius statu post peccatum, de ejus miseriis, de adventu Liberatores, seu Messie. Nihil aliud spirat hæc Historia, quam sanctitatem, justitiam, pietatem, uno verbo, exprimit quidquid purioris, & sublimioris virtutis nomine continetur. Contra vero, Gentilium Historia nihil horum omnium habet, quibus vera, antiqua, & sancta internoscitur Religio, sed potius, tota quanta est, scatet erroribus, innume-

ris antilogiis, nentiis, anilibus fabulis, vitiis, turpissimisque Deorum moribus, & obscenis amoribus sedatur, quibus ad flagitiosam vitam, & ad effreni libidini indulgendum excitantur mortales. Nec tantum Historia Gentilium narrat, sed & laudat spurcissimos amores Deorum, quos inter, ut memini, me alius in Colloquiis observasse, Bæbeus temulentus fuit, Marii homicida, qui etiam cum Venere adulterum commisit, Mercurius fur ac nebulosus, qui nihil aliud ad famam sui reliquit, nisi memoriam fraudum suarum. Quid omnium horum pater Jupiter, qui, ne parum videretur, si in expugnanda sœminarum pudicitia maculatus esset, etiam sexui suo injuriam fecit? Præterea, ut castus tuis auribus parcam, obscenitates Venus, omnium libidinibus prostituta, non Deorum tantum, sed & hominum; quibus tamen horrendis vitiis, & flagitiis Deorum amoribus non puduit Poetas varis figuris & coloribus venulatem, & leporem carminibus suis adlere. Apagæ ergo hanc Deorum Historiæ fabulosam antiquitatem. Quod spectat vero Deorum Oracula, quæ Ethnicis plenis buccis in suis historiis jactare solent; dico, ea ficta, ambigua, & falsa omnino fuisse, tum quia ejusmodi Oracula collimabant ad lucrum, cui inhæbant callidissimi Sacerdotes, qui hæc arte ambigua fundendi Oracula insigniter locupletati, delusi populi ora oblineabant, atque marsupia, mille fraudulentis adhibitis artibus, emungebant. Tum quia etiam, illa oracula tendebant ad bella & negotia secularia felicius administranda, ut nimirum tumultuantes populos a gerendis bellis avocarent, vel specioso divinx promissionis obtentu, ad bella redderent acriores; sed præcipue ea Deorum Oracula tendebant ad nefariam populorum animis superstitionem inflandam, ac magis magisque fovendam, & ad alios pessimos fines, quos sibi præstinebant sceleratissimi superstitione gentilitatis Sacerdotes, qui populo plus æquo credulo fucum faciebant. Hinc Lactantius lib. 2. Divin. Instituit. cap. 17. eleganter probat, hæc Deorum Oracula nihil aliud fuisse, quam illusiones & fallacias Demonum. Hinc Cicero, Ethnorum licet Religioni additus, lib. 2. de Divinatione, hæc, quæ sua ætate circumferebantur, Oracula deridet, partim ut falso conficta, partim ut casu vera, partim ut ambigua responsa Sacerdotum, incautam & simplicem plebem decipientiam. Hinc Lucianus, tumetis Religionis Christianæ insensissimus hostis, qui sub Imperio Hadriani, hoc est, secundo Ecclesiæ sæculo, vixit, Deorum prædictiones & oracula false ridet, insæciatur, & ludibrio habet, ut videre est in ejus Dialogis: De Deorum Consilio: De Jove Tragædo: De Jove consultato, ut jam de ejusdem Scriptoris aliis Deorum Dialogis nihil in præsentia dicam. Quæ cum ita sint, facile nunc judicare potes, quantum falsa illa Deorum oracula dissent a veris vicinias, quæ de Messia, seu de Jesu Christo venturo, Moyses in Pentateucho fudit, quæque publicis monumentis, tot sæculis ante eventum oculis omnium exposita sunt, ut suo tempore imple-

implenda, sicut revera in Jesu Christo, vero Messia, fuisse omni ex parte impleta tam clare nunc cernimus, quam radii solares in meridie cernuntur. Rejctis itaque falsis oraculis, & fabulosa Deorum Historia, constanter profiteri debemus, Historicam, quam *Mosys* descripsit in Pentateucho, esse antiquissimam, ac divina pollere auctoritate: Cui etenim (sicut apposite ait. S. Augustinus lib. 18. De Civitate Dei cap. 40.) melius narranti preterita credamus, quam qui futura prædixit, quæ præsentia jam videmus, nam & ipsa Historicorum inter se dissimulant copiam nobis præbet, ut ei potius credere debeamus, qui divina, quam tenemus, non repugnat veritati.

D. *Mosyem* esse primum omnium Gentium Scriptorem, & ex ejus libris Gentiles Philosophos, Historicos, Oratores, & Poetas multa deorsum se, excerptisse, suisque Operibus inseruisse, mox insinuasti. Sed quia inde, ut mihi videtur, maxime adstruitur Pentateuchi *Mosy* antiquitas, rogo te, ut quod obiter de *Mosye*, primo omnium Gentium Scriptore, dixisti, nunc plenius confirmes, & in clariori luce reponas.

M. *Mosyem* esse primum omnium Gentium Scriptorem, ac subinde antiquiorem prophanis Scriptores, Philosophis, Historicis, Oratoribus, Poetis, & Legum Latonibus, hoc argumento evinci potest: certissime constat, omnes Gentium Scriptores Troje excidio recentiores esse, & omnes Gentiles Philosophos, Historicos, Oratores, Poetas, & Legum Latores posteriores esse *Cyro*, Persarum Rege, quo regnante, *Solus*, Atheniensis, & septem Graeci Sapientes floruerunt. Atqui *Mosy* temporibus *Cyri*, Persarum Regis, multo antiquior est, immo multis sæculis ante Troje excidium vixit, ac scriptis *Mosy*, negari igitur non potest, *Mosyem*, esse primum omnium Gentium Scriptorem, multoque antiquiorem prophanis Philosophis, Historicis, Oratoribus, Poetis, & Legum Latonibus. Eo argumento antiquitatem *Mosy* supra omnes Scriptores prophanos demonstrant sancti Patres, & Scriptores Ecclesiastici, nimirum S. *Iustinus*, Martyr, in Parænesi, & in secunda Apologia, *Tertullianus* cap. 19. Apologetici, *Tatianus* Oratione adversus Gentem, ab *Eusebio* laudatus lib. 10. *Preparationis Evangelicæ* cap. 11. *Clementis Alexandrini* lib. 1. *Stromatum*, *Julius Africanus* lib. 2. *Chronographiæ*, *Lactantius* lib. 4. *Divin. Institutionum* cap. 5. *Eusebii*, Episcopus Cæsariensis lib. 10. *Preparationis Evangelicæ* cap. 9. & 14. & S. *Augustinus* lib. 18. De Civitate Dei, cap. 27. Advertere tamen debes, *Isidum Africanum*, *Tatianum*, *Clementem Alexandrinum*, aliosque Auctores, *Eusebio* antiquiores, affirmare, *Mosyem* fuisse coævum *Inacho*, Regi Argivorum; *Eusebio* vero, Episcopo Cæsariensem, disserre etatem *Mosy* ad tempora *Cecropis*, Atheniensium Regis, qui Rege *Inacho* trecentis annis recentior fuit. Verum, etiam si standum esset, circa etatem *Mosy*, calculo *Eusebii*, semper tamen verum esset, *Mosyem* omnium Gentium Scriptores antiquitate superare, quia nullus vel Græcorum, vel externarum Gentium Scriptores profani potest, qui sit Rege *Ce-*

crope antiquior. Sed ipse sententiam *Julii African*, *Tatiani*, *Clementis Alexandrini*, aliorumque Scriptorem *Eusebio* antiquiorum, suffragiis munitam, quæ *Mosyem*, temporibus *Inachi*, Regis Argivorum, fuisse asserit, probabiliorē esse cum *Georgio Syncello* in sua *Chronographia* pag. 67. & 68. existimo. Quod si ita se habeat, plane consequitur, nullum, non tantum apud Græcos, sed etiam apud Ægyptios, aliasque Barbaras Gentes, extitisse Scriptorem ante *Mosyem*. Ægypti siquidem (sicut observat S. *Augustinus* libro xviii. De Civitate Dei cap. xxxvii.) gloriabantur, se ab *Iside* literas ad scribendum accepisse, cum ante *Isidem* literas nullas haberent, nisi Hieroglyphicas. *Isis* autem fuit filia *Inachi*, Regis Argivorum, ab Ægyptiis post obitum in Deam consecrata. *Mosyem* autem fuit Rege *Inacho* floruisse, & Israelitas ex Ægypto eduxisse, non solum tradunt Scriptores Ecclesiastici, mox a me laudati, sed etiam insensus Christianæ Religionis hostis *Porphyrius*, illoque longe antiquiores Scriptores prophani, *Hellenicus*, & *Philostratus*, qui res Atticas, *Cæsar*, & *Thalys*, qui res Syriacas literis mandarunt. *Mosyem* itaque primum omnium Gentium Scriptorem esse, extra omnem dubitationis aleam apud omnes esse debet, nec minus certum est, antiquos Philosophos, Poetas, Historicos prophanarum Gentium legisse libros *Mosy*, & ex iis multa deorsum se, quæ etiamnum in eorum libris leguntur, sicut lato, eleganti, & erudito calamo probat illustrissimus *Daniel Huetius* in sua *Demonstratione Evangelicæ* Propositione iv. unde pauca hic delibabo. Et primo quidem, antiquos prophanarum Gentium Philosophos legisse libros *Mosy*, multaque ex illis excerptasse, & in suam doctrinam derivasse asserunt *Clementes Alexandrinus*, lib. 5. *Stromatum*, & *Eusebius* lib. 8. *Preparationis Evangelicæ*, præsertim de *Platone*, qui ideo *Mosyem* Atticum fuit appellatus. Philosophum etiam *Pythagoram* multa ex libris *Mosy* suffuratum esse testatur *Hermippus*, *Pythagoræ*, quod etiam de *Aristotele* asserit *Clementis*, *Peripateticus*. Unde S. *Cyrillus*, *Alexandrinus*, *Platonem*, & *Aristotelem* fures appellat, quod multa e *Pentateucho Mosy* deprompserint, & in suos libros convulsarint. Tradunt insuper *Aristæas* in libro de LXX. Interpretibus, & *Iosephus*, Hebræus, lib. 12. Antiqu. Jud. cap. 2. *Theopompum* mente fuisse privatum, & *Theodetem* oculorum usum divinitus esse orbatum, quod nonnulla e sacris Voluminibus deplorata Descriptionibus suis attexere ausi fuissent, sed agnito demum & correcto errore, fuisse utrumque laniati restitutum. Secundo, libros, a *Mosye* conscriptos, lectos fuisse a Philosophis, Poetis, aliisque Ethnicis Scriptores, ex eo maxime patet, quod isti Scriptores sacras Historias, in *Pentateucho Mosy* descriptas variis modis in suis libris interpolant. Hujus plagii & interpolationis pauca ex multis hic subiiciam exempla. Quæ de rerum creatione scribit *Mosy*, in Carminum Orphicorum Auctor, *Hesiodus*, in sua Theogonia, *Ovidius* lib. 1. *Metamorphoseon*, *Virgilius* *Egloga* 6. & lib. 6. *Æneidos* ex-

perimunt. Paradisum terrestrem *Plato* describit in *Jovis* hortis, sicut observant *Origenes* lib. 4. contra *Celsum*, & *Eusebius* lib. 11. *Preparationis Evangelicae* cap. 13. Serpentis tentatoris, lapsusque *Adami* & *Eve* Historiam *Plato* interpolavit, sicut probat idem *Euseb.* cap. 14. Diluvii, & *Arce* Noeticæ Historiam interpolavit *Berosus*, *Abydenus*, *Alexander Polyhistor*, *Lucianus* in Dialogo *De Dea Syria*, *Hieronymus* *Aegyptius Molo*, & *Nicolaus Damascenus*, sicut referunt *Iosephus*, Hebræus, lib. 1. contra *Apionem*, & lib. 1. Antiqui Jud. 5. *Eusebius* lib. 9. *Preparationis Evangelicæ* cap. 12. & *S. Cyrillus* lib. 1. contra *Julianum*. Turris Babel, & confusions linguarum meminit *Abydenus*, rerum Assyriarum Scriptor, uti refert *Eusebius* lib. 9. *Preparationis Evangelicæ* cap. 4. Alodidarum fabulam ex Historia Turris Babel derivatam docet *Origenes* lib. 4. contra *Celsum*. Incendii Sodomitum mentionem faciunt *Diodorus Siculus* lib. 19. *Strabo* lib. 16. *Tacitus* lib. 5. Hist. *Solinus*, juxta *Salmafii* Editionem, cap. 36. *Abrahami* Historiam, quam *Moyſes* fuisse describit in libro *Genesis*, legunt *Berosus*, *Hecataeus*, & *Nicolaus Damascenus*, teste *Iosepho* lib. 1. Antiqui Jud. cap. 8. ubi *Berosus*, & *Nicolaus Damascenus* verba refert. *Hecataeus* vero justum de *Abrahamo* volumen scripsisse tradit. *Ejusdem* Patriarchæ *Abrahami* meminere *Eupolemus*, *Aripanus*, & *Molo*, quorum testimonia, ab *Alexandro Polyhistor* relata, leguntur apud *Eusebium* lib. 9. *Preparationis Evangelicæ* capitibus 17. 18. & 19. Patriarchæ *Jacobi* meminerunt *Theodorus* lib. 6. *Judei*; & *Alexander Polyhistor*, mentionem quoque fecerunt Patriarchæ *Josephi*, ut videre est apud *Eusebium* lib. 9. *Preparationis Evangelicæ* capitibus 17. & 23. ubi eorum testimonia refert. Historiam *Moyſis*, & exitus Israelitarum ex *Aegypto* interpolant, variisque fientis insularum *Mantibo*, *Cheremonius*, *Lysimachus*, & *Apion* Grammaticus Alexandrinus, quos erudite refellit *Iosephus*, Hebræus, libris, quos edidit contra *Apionem*, sicut jam observavimus sub finem primi nostri Colloqui in Historiam hujusce tertie Mundi ætatis. Denique, ex *Mosaicis* Libris Theologiam, & complures variarum Gentium Leges ac Ritum manasse, præter *Passum* & *Bocbartum*, eruditissimè ac verisimilissimè conjecturis evincit illustrissimus *Daniel Huetius* in sæpe laudata sua Demonstratione Evangelica, ubi Phœnicum Theologiam ex *Moyſis* libris præfuisse probat *Propositi* 4. cap. 3. Idem de *Aegyptiorum* Theologia demonstrat clarissimus ille Auctor cap. 4. Græcos *Mosaicam* Doctrinam infinitis fabulis obduxisse probat Doctissimus illius Præfati capite octavo. Omnem Romanorum Theologiam ex libris *Moyſis*, velut e fonte, haustam fuisse ostendit cap. 9. Si plura hac de re scire aveas, Leges Demonstrationem Evangelicam doctissimè Præfatis *Danielis Huetii*, qui hoc argumentum cæteris uberius, feliciter, & elegantius tractavit, ornavit, exhaustit, a capite tertio *Propositionis quartæ* usque ad caput undecimum. Ipse vero, qui brevitati consulo, hujus argumenti de lætæ & interpolata ab Scriptoribus prophetis sacra *Moyſis* Historia, fidem facere volui aliquot dumtaxat adductis exemplis

ex hac reconditoris eruditionis *Sylva* selectis.

D. Antiquos Superstitiosæ Gentilitatis Philosophos legisse libros *Moyſis*, & ex illis multa excerptisse, atque in suam doctrinam derivasse non ita facile mihi persuadere possum. Primo, quia antiqui Ethnici Philosophi Linguam Hebræicam non callebant. Quomodo igitur feri potuit, ut lætissimi libros *Moyſis* Hebræice exaratos? Præterea, *Judei* abhorrebant omnino a commercio, & societate Gentilium, eos pro immandis habebant, adeo ut ex eorum contactu putarent, se immunditiam contrahere, & hinc est, quod *S. Petrus* cap. 10. *Act. Apostolorum* v. 28. ait: Vos scitis, quomodo abominatum sit viro *Judeo* conjungi, nec accedere ad alienigenam. Cum igitur *Judei* nihil negotii, commercii, & societatis haberent cum Gentilibus, eorumque consortia fugerent, verosimile non videtur, illos Legem *Mosaicam*, qua, secundum Deum, nihil pius, sanctius, & augustius habebant, voluisse exteris, seu viris a Religione Judaica extorribus, communicare, eisque liberam permittere potestatem legendi libros *Moyſis*, & his multa delibandi.

M. Antiquos Philosophos, aliosque Scriptores Ethnicos, quamvis a Judaica Natione essent Religione, patriæ, moribus, ac Legibus omnino sejuncti, notitiam librorum *Moyſis* habere potuisse, multis momentis ostendi potest. Primo, quia Scriptura Sacra testatur, *Judeos*, cum *Palæstinam* armis subegerunt, ex Ethnicis plerisque servasse incolumes, velut *Gabaonitas*, *Jebusæos*, aliosque, cum quibus *Judei* promiscue commixti didicerunt opera eorum. In hoc igitur communi victu, & continua societate, quam *Judei* habebant cum Ethnicis, potuerunt cum illis libros *Moyſis* communicare. Nec solum ex ea societate *Judeorum* cum Ethnicis, post devictam *Palæstinam*, sed etiam ex frequenti accessu quamplurimum Profelytorum, qui ex omnibus Mundi Regionibus ad *Judeorum* Religionem, Ritumque confluebant, vero quam simillimum esse probatur, libros *Moyſis* ad exterarum Gentium notitiam pervenisse. Præterea, *Judei* non sic intra angustos *Palæstinæ* fines continebantur, ut cum exteris nullam communicationem, nullamve commercium haberent. Immo potius, frequens illis cum Phœnicibus, propter loci vicinitatem, intercedebat commercium. Reges etiam *Juda*, videlicet *David*, *esuj*, quoque filius *Salomo* commercium habuerunt cum *Hiram*, Rege *Tyri*, cum *Regina Saba*, cum Regibus *Hethæorum*, & *Syriæ*, & cum *Aegyptiorum* Rege, cujus filiam duxit uxorem *Rex Salomon*, aliaque ex Gentibus filias sibi matrimonio copulavit, scilicet *Sidonias*, *Moabitæ*, *Ammonitidas*, *Idumæas*, & *Hethæas*, quo sensim sine sensu cor illius depravarunt, eumque ad cultum Idolorum impulerunt. Potuerunt itaque Ethnici beneficio frequentis illius commercii, quod habuerunt cum *Judeis*, notitiam sibi comparare librorum *Moyſis*, eoque legendi facultatem. Tertio, post *Alexandri Magni* Expeditionem in *Asiam*, jam tunc frequens *Judeos* inter, & Græcos vivebat commercium, quia

tum temporis. Iudæi Imperio Græcorum subditi erant. Post etiam *Alexandri Magni* obitum, *Ptolemaeus Lagi*, Ægyptiorum Rex, invasit Hierosolymam, niagnum Iudæorum numerum abduxit in Ægyptum, eosque jure Alexandrinæ Civitatis donavit. Græci igitur Ethnici cum Iudæis simul habitantes facile *Moyfis*, ejusque librorum notitiam affeque potuerunt. Adde etiam, fieri haud potuisse, quin libri *Moyfis*, quorum exemplar singuli Iudæi penes se habere tenebantur, in Ethnicorum potestatem, & cognitionem venirent, quando omnes ad unum Iudæi a *Nabuchodonosore*, Assyriorum Rege, in captivitatem Babyloniam abducti sunt. Sed dicis: *Ethnici Philosophi Græce tantum Lingua periti erant, quo pacto igitur libros Moyfis, hebraice scriptos legere potuerunt?* At, numquid, amabo, Poetæ, & Philosophi Ethnici, qui excellenti ingenio præditi erant, potuerunt intra brevissimum tempus sufficientem Linguæ Hebraicæ consequi notitiam, ut libros *Moyfis* intelligerent, & secundum verborum saltem sensum intelligerent? Præterquam quod, non desunt viri eruditi (quos inter, religione, meritis, doctrina, virtute, ac dignitate, eminet illustrissimus *Daniel Huetius* in sua *Demonstratione Evangelica*, Propositione 4. cap. 12.) qui censent, ante Expeditionem *Alexandri Magni* in Asiam extitisse librorum *Moyfis* Versionem Græcam, vetustiore Versione illa Græca, quæ postea, regnante in Ægypto *Ptolemeo Philadelpho*, a lxx. Interpretibus adornata est. Huic sententiæ adspiciuntur *Clementis Alexandrinus*, lib. 5. *Stromatum*, & *Eusebius*, lib. 13. *Preparationis Evangelicæ* cap. 12. Libros etiam *Moyfis* ante *Ptolemeum Philadelphum*, Ægyptiorum Regem, jam Lingua Græca fuisse donatos, asserunt *Aristeus* ab *Eusebio* laudatus lib. 8. *Preparationis Evangelicæ*, c. 5. & *Demetrius Phalereus* in Epistola, quam scripsit ad mox citatum *Ptolemeum Philadelphum*, Ægyptiorum Regem, quamque referunt *Iosephus* lib. 12. *Antiq. Jud.* cap. 2. & *Eusebius* lib. 8. *Preparationis Evangelicæ* cap. 3. Hac autem semel admissa sententia de Græca librorum *Moyfis* Versione, quæ sit vetustior Versione Græca lxx. Interpretum, facile percipitur, antiquos Græcos Philosophos, Poetas, & Historicos, ope illius vetustioris Versionis Græcæ, libros *Moyfis* læsitare, & plura ex his haurire potuisse, etiam si Linguæ Græcæ essent dumtaxat periti, & in summa Linguæ Hebraicæ ignoratione versarentur.

D. Moysem esse primum omnium Gentium Scriptorem, eumque veteres Ethnicos Philosophos, Poetas, Oratores, & Historicos antiquitate superare, jam probe intelligo. At, cum Athei, alique viri increduli, non tantum negent antiquitatem librorum *Moyfis*, verum etiam mordicus pertendant, eos divina non pollere auctoritate, obsecro te atque obtuler, ut præcipua argumenta, quibus viri eruditi revelationem, inspirationem, & divinam librorum *Moyfis* auctoritatem contra Atheos, atque incredulos probare solent, hic in medium proferre non graveris.

M. Multa superent, & eaque firmissima, argumenta, quæ libris *Moyfis* divinam asserunt ac

vindican auctoritatem. Primum argumentum petitur ex innumeris miraculis, & stupendis prodigiis, quæ a *Moyse*, Dei auctoritate munito, edita fuisse, jam observavimus; casusmodi sunt repentina mors omnium Primogenitorum in Ægypto tam pecudum, quam hominum (exceptis Israelitis,) Converge aque fluminum in linguam; tenebræ densissimæ omnibus Ægyptiis offusæ: Mare Rubrum virga *Moyfis* divitum; Israelitarum per medium ejus siccis vestigiis trajectio; Pharaonis, Ægyptiorum Regis, exercitus submersio, columna nubes & ignis, quæ Israelitarum viæ dux erat, & alia quam plurima prodigia, quæ in mirabili Israelitarum ex Ægypto liberatione patravit *Moyse*, non clanculum, sicut factitare solent impostores, sed in propatulo, viditibus Ægyptiis, & coram oculatis testibus sexcentis & amplius Israelitarum millibus. Horum miraculorum veritatem probat non solum perpetuus consensus Iudæorum, qui illa religiose susceperunt, & ad eorum memoriam posterorum animis altius insigendam instituerunt Sacramenta, Sacrificia, Cæremônias, Solemnitates, & alia id genus monumenta, quæ etiamnum sedulo retinent & observant; verum etiam, eandem miraculorum *Moyfis* veritatem confirmant *Moyfis* vitæ integritas, candor, modestia, styli, orationisque simplicitas ex quibus præclaris istius Iudæorum Legislatoris dotibus, facile intelligitur, eum non ita fuisse comparatum, ut falsæ ac sceleris vellet venditare miracula. Alioqui fuisset *Moyse* post homines natos imprudentissimus, si, jaciendo Reipublicæ Judaicæ fundamenta, persuadere voluisset, Israelitas e captivitate Ægyptiaca liberatos esse stupendis prodigiis, quorum falsitatis tam Israelitis sibi consciis fuissent, quam Ægyptiis, apud quos *Moyse* prædicta prodigia edita esse narrat. Nihil etiam gloriæ & auctoritatis ex fictione & falsitate illorum miraculorum sibi conciliare poterat *Moyse*, sed potius odium, invidiam, contemptum, & indignationem Ægyptiorum sibi conflasset, omnem fidem sibi apud Israelitas abrogasset, nullumque Judaicæ Reipublicæ, quam fundabat, incrementum, sed ultimam cladem ac ruinam attulisset. Alterum argumentum de divina auctoritate librorum *Moyfis* desumitur ex historia & doctrina, quam complectuntur, & ex sanctissimis Legibus ac Præceptis, quæ in illis continentur. Historiam nobis exhibent libri *Moyfis* ex divina revelatione professam, humano generi cœviam, ab ipso Mundi exordio congruis instrumentis dispensatam, & ad nos usque mirabili Dei providentia tot inter ac tantas rerum perturbaciones & vicissitudines temporum integram ac illibatam jugiter conservatam, in qua verba non ornant res, sed ipsa rerum magnitudo mentem *Moyse* & verba supra humanum modulum rapit, ita ut eloqui simpliciter respondeat Scriptori *Moyse*, qui cum nec astutus esset, nec ullius neclende ac concinnande fraudis capax, Historiam non stylo exquisito & affectato, non in verborum delectu, & in apta rerum collo-catione posito, sed simplici, & ad rudiem caput accommodato, scripsit, rerum tamen, qua-

refert *Moyſes*, inagnitudo tribui debeat Deo, qui per *Moyſem* loquebatur, qui ejus mentis impreſſit illuſtrationem & cognitionem rerum, quas literis mandare debebat, ejus voluntatem movit inſpirando, excitando, & ſpeciali aſſultu impellendo, ut fideliter & conſtanter eas literis conſignaret, ejus manui ſingulari aſſenſu aſſuit, ne rem pro re conſcriberet, denique ſic illum direxit, ut nulum vel minimam errorem, ſive qui mentiendi profeſſor, ſive qui memorie lapſu, vel alio quovis humano defectu inter ſcribendum obrepere poſſet, iis, quæ divinitus ei revelata aut inſpirata erant, immiſceret. Doctrina etiam, quam exhibent libri *Moyſis*, eſt omni humana inventione ſublimior, & purioribus naturæ ac rationis circa Religionem principiis maxime conſentanea, utpote quæ Dei in creatione Mundi omnipotentiam magnificat, ſimulque declarat ejus erga homines, quos condidit aſſectum, & ineffabilia ſummæ ipſius charitatis viſcera, æterna indicat bona, quæ Deus colentibus ſe præparavit, & quo pacto Deus a nobis in charitate, in ſanctitate, in juſtitia, & in omni bonitate ſit colendus; Sanctiſſimæ itidem Leges, & optima Præcepta recte vivendi, ad Deum tendendi, eique adhaerendi in liberis Moſaicis traduntur, & in iis docentur omnes virtutes, quæ veræ ac perfectæ eſſe haud poſſunt, ubi non eſt vera Religio. Et tane, ſi Lex Moſaica cum Gentium prophetarum Legibus, ſi mores & Inſtituta Judæorum olim ſecundum illa viventium, cum Ethnico- rum moribus componantur, maniſeſto patebit, Legem Moſaicam eſſe divinam. Nam, præterquam quod Ethnici, per inextricabiles Idololatriæ tenebras oberrantes, & in ſentina omnium vitiorum immerſi, plures Deos admitterent, beſtiis, rebusque vitæ expertibus cultum deferrent, ac pro Diis colerent, eorum inſuper Sacra, ſicut ipſemet fatetur *Porphyrus*, Scriptores Ethnici, in libro quem edidit: *De abſtinentia ab uſu animalium*, plena erant crudelitate, Deos ſuos humano ſanguine ubique ſerme placabant (quem barbarum morem nec Græcorum, nec Romanorum mores ſuſtulerunt.) Nihil ſpirabant Gentiles niſi ultionem, vindictam, arma, bella, ſtrages, incendia. Nullam apud illos atrociora inſamiam habebant, Gladiatorium mutux dilanationes licite & honoris loco ducebantur, erantque publica populo- rum oblectamenta: exponere fiberos ſuos, eoſque Demonibus immolare, mæſtare, ſacrificare quotidianum: concubitus marium cum maribus exemplis Deorum ſuorum impune ac palam defendebant. Prætermitto turpiſſimos mores, quibus, ut videre eſt apud *Eufebium* lib. 6. *Præparation. Evangelicæ* cap. 10. Perſæ, Bactri, Parthi, Armeni nuptiarum honeſtatem, & jura contaminant, atque inſandam libidinem approbant. Porro, hæc crimina, hos nefandos variarum prophetarum Gentium mores damnat Lex Moſaica, eaque ad bene ſanctique vivendum præcepta præſcribit, ut multi Scriptores Ethnici Judæos, in hac Legge inſtitutos, ob morum integritatem, encomiis celebrant, ſicut probant *Joſephus*, Hebræus, in liberis contra *Apionem*.

& *Eufebius* lib. 10. *Præparation. Evangelicæ*. Tertium argumentum, quo probatur, libros *Moyſis* divinam habere auctoritatem, petitur ex his vaticiniis, quæ de venturo Meſſia aut ab aliis ſuſa, aut a ſe prolata refert *Moyſes* in ſuo Pentateucho, quæque in Jeſu Chriſto, vero Meſſia, poſt multorum ſæculorum myriades, adimpleta fuiſſe ſuperius offendimus, Præſidio autem futuri evidens eſt divinx auctoritatis argumentum: *Idoneum opinor teſtimonium divinitatis veritatis divinationis*, inquit *Tertullianus* cap. 20. *Apologeticæ*. Quantum de divina librorum *Moyſis* auctoritate argumentum ſuppeditant Jeſus Chriſtus, & ejus Apoſtoli, qui *Moyſis* Scripta laudant ad doctrinæ, quam hominibus prædicarunt, confirmationem: *Amen amen dico vobis*, (inquit Chriſtus cap. 5. *Matthæi*) *donec tranſeat celum & terra, jota unum, aut unus apex non præteribit a Legge, donec omnia ſiant*, &c. quibus verbis Chriſtus Dominus Legem *Moyſis*, id eſt, totum *Moyſis* Pentateuchum; etiam quantum ad minima, quæ in eo continentur, ſacra, divina, & inſallibilè pollere auctoritate palam declarat. Poſtremo, ut mittam cætera de divina Librorum *Moyſis* auctoritate argumenta, certum eſt, libros *Moyſis* ſemper a Judæis, quos olim Deus ſingulari protectione, innumerique beneficiis dignatus eſt, & quibus etiam credidit eloquia ſua pro ſacris ac divinis habitos fuiſſe, & etiamnum haberi, tametiſi in liberis *Moyſis* multa de adventu Meſſiæ extent vaticinia, quæ in Jeſu Chriſto, vero Meſſia, fuiſſe adimpleta apertiffime demonſtrant Chriſtiani. Hinc S. *Auguſtinus* cap. 46. lib. 18. *De Civitate Dei*, appellat Judæos *Capſarios Chriſtianorum*, qui libros noſtros circumſerunt, ut cum *Pagani* non credunt, quæ nos de Chriſto prædicitæ eſſe dicimus, mittamus eos ad inimicos fidei noſtræ Judæos, qui libros noſtros circumſerunt, in quibus eadem habentur, quæ nos prædicamus. Et Concione 1. in *Psalmum* 58. hæc habet idem *Aquilinus* Doctor: *Diſperſi ſunt Judæi, teſtes iniquitatis ſuæ, & veritatis noſtræ. . . ſi aliquando Pagani dubitaverit, cum ei dixerimus Prophetias de Chriſto, quarum evidentiam obſtupuiſci, & admirari putaverit a nobis eſſe conſcriptas, de Codicibus Hebræorum probamus, quia hoc totum ante prædictum eſt. Videte, quomodo de inimicis noſtris alios conſundamus inimicos. Judæos etiam S. Thomas Lectione 2. in Cap. 9. *Epistolæ* ad Rom. vocat capſarios noſtros, cuſtodientes libros, a quibus fidei noſtræ teſtimonium perhibetur. (a)*

(a) De divinitate Pentateuchæ quanvis nemo dubitat Chriſtianus, ita tamen contra Atheos, & libertinos diſſerem. Toto jam Mundo in diverſa abeunt, & in opinionibus de Deo, ejusque cultu varias, ac plane inter ſeſe oppoſitas diſtracti populi, res ipſa poſtulat, ut Deus ipſe ſigno aliquo publico, de quo nemo ratione utens ambigere poſſet, quid de ſe credi, & qua demum ratione coli demonſtraret. Ad Abrahamum uſque & inde ad Moyſem elegiſſe ſe ejusdem Patriarchæ, & ex eo Jacobi ejus filii familiam, qui depoſitum fidei, & cultus religioſi crediderit miraculis, &

intima cum illis familiaritate sua comprobavit. Ita quæ a fide in ea familia servata aberrabant gentes, a recta deflexisse via satis exploratum esse poterat. Ita res constitit, quoadusque familia illa inter paucos continebatur. Auso vero in immensum ejus familie populo, quod in servitute Egyptiaca contigit, cum ejus pomaria plurimam dilatare necessitas postularet, alio plane consilio utendum Deo fuit; neque enim miracula amplius adhibenda illi erant, nisi voluisset ita prodigia illa dilatare ut sub oculis populi late per provincias dispersi multiplicarentur; alioquin portiones illæ populi quæ a loco ubi offensa edebantur, plurimum dislabant, non ita facile credidissent narrantibus. Nullo vero negotio melius res conficit poterat, quam scripture libri, in quo duo continerentur, nempe præteritorum narratio historica, ne eorum memoria excideret, intelligentes homines Judaicum populum esse illum, quem Deus veræ religionis custodem perpetuum elegerat; & leges, quas Deus ab ea gente servari volebat. Huic verolibro divinam auctoritatem conciliari oportuit; alioquin quæ credidisset homini, præsertim de rebus adeo supra fidem testanti? Rationi huic meæ adde firmam Judæorum omnium retro sæculorum persuasionem, quæ divina inspiratione scriptum Pentateuchum tenet; atque tunc demum intelliges nihil esse cur de re hac, de qua agimus, dubitari merito possit.

D. Legem Moisaicam veros divinæ auctoritatis characteres habere, solide quidem probasti, optarem tamen, ut modo explicares quædam Apostoli Pauli testimonia, quibus, ut nuperrime audiavi, abutuntur nonnulli, ut Legis Moisaicæ elevent auctoritatem, doceantque, illum suis umbris, figuris, ac terroribus hypocritas, & vilia dumtaxat mancipia fecisse, atque cupiditates irritasse potius, quam coercuisse. Ait enim Apostolus Epistolæ ad Galatas cap. 4. v. 9. ceremonias Veteris Legis esse infirmas & egena elementa. Epistolæ ad Romanos capit. 4. v. 15. *Lex enim iram operatur*. Epistolæ 2. ad Corinth. cap. 3. v. 6. idem Apostolus de Legge Moisaicæ, ait: *Littera occidit, Spiritus autem vivificat*. Et versu sequenti appellat Legem Moisaicam, *administrationem mortis*. Denique, Epistolæ ad Hebræos cap. 7. v. 18. hæc scribit: *Reprobatio quidem sit præcedentis mandati propter infirmitatem ejus, & inutilitatem; nihil enim ad perfectum adduxit Lex*. Explica igitur, si placet, hæc Apostoli Pauli testimonia, quæ prima fronte, ut libere dicam, auctoritati & utilitati Legis Moisaicæ haud parum derogare videntur.

M. Ad germanam exponendam Apostoli Pauli mentem, variæ possunt testimoniorum, quæ laudasti, asserti interpretationes. In primis, Apostolus non ait, Legem Moisaicam esse per se *administrationem mortis*, seu per se impellere ad peccatum, & irritare cupiditates, sed tantum ex occasione. Lex enim Moisaicæ ad peccatum per se non impellebat, sed ex occasione dumtaxat, quia cupiditas, occasione accepta ex Legge indicante

maliciam peccati, magis excitabatur & irritabatur. Loquitur enim his in locis Apostolus Paulus non de omnibus indiscriminatim Judæis, sed tantum de illis, qui carnales erant, quique dum metu pure servili servabant externa Legis præscripta, se pro justis arroganti supercilio venditabant, cum revera non servarent Legem, interiorum madentes vitii, & id, quod totius Legis caput erat, negligentes. Hanc esse genuinam Apostoli Pauli mentem patet ex ipsius Epistola ad Romanos cap. 7. ubi hæc habebat. *Nam peccatum, occasione accepta per Mandatum, seu per Legem, seduxit me, & per illud occidit. Itaque Lex quidem sancta, & Mandatum sanctum, justum, & bonum*. Non damnat itaque Apostolus Legem Moisaicam, quam potius fatetur esse bonam, justam, & sanctam, sed perstringit vitium quorundam carnalium Judæorum, qui, occasione accepta cognitionis peccati per Legem, excitabantur, stimulante cupiditate, ad peccandum, vel qui perfectioni Legis non respondebant, vel qui Legge abutebantur contra scopum & finem Legis, vel qui non distinguebant id, quod temporaneum esse debebat in Leve, ab eo, quod in ea debuit esse perpetuum. Præterea, Apostolus Paulus in his, quæ citasti, locis, vel solum ostendit, Legem Moisaicam non habuisse ex se vim conferendi veram justitiam, seu dandi gratiam sanctificantem. Hinc Epistolæ ad Galatas cap. 3. v. 11. ait: *Quoniam ex Legge nemo justificatur apud Deum, manifestum est, quia justus ex fide vivit, Lex autem non est ex fide*. Rursus ibidem v. 21. inquit: *Si enim data esset Lex, quæ posset vivificare, vere ex Legge esset justitia, sed concludit Scriptura omnia sub peccato ut promissio ex fide Jesu Christi daretur credentibus*. Et ad Romanos cap. 5. dicit: *Quia ex operibus Legis non justificabitur omnis caro coram Deo, per Legem enim cognitio peccati*. Id igitur discriminis est, juxta Apostolum Paulum inter Legem Veterem, seu Moisaicam, & Legem novam, seu Evangelicam, quod Lex Veteris præcipiebat tantum, non promittebat, nec vi sua gratiam dabat, ut impletur amore, quia per eam non dabatur Spiritus Sanctus, qui est principium amoris. Lex etiam Vetus jubebat, non ex se juvabat, peccatum puniebat, non ex se tollebat; exigebat, non dabat; onerabat, non roborabat; erat Lex timoris, non amoris, multaque, propter Hebræorum cordis dritiem tolerabat, quæ erant imperfecta, sicut libellum repudiî, polygamiam, potnam talionis, &c. Ast, Lex Nova, seu Evangelica, & præcipit, & promittit, & jubet, & roborat; exigit, & adjuvat, dat quod exigit, seu spiritum non servitutis in timore, sed adoptionis filiorum Dei, ut ait Apostolus Epistolæ ad Romanos cap. 8. indeque Lex Nova appellatur Lex amoris: *Hæc est* (inquit S. Augustinus cap. 17. libri contra Adimantum) *brevisissima & aperissima differentia duorum Testamentorum, timor, & amor; illud ad hominem veterem, hoc*

hoc ad novum hominem pertinet. Explanata sit superque Apostoli Pauli mente, nunc duos e diametro oppositos, circa Legem Mosaicam errores, oculis tuis subjiciam, a quibus petinde cavere debes. Primus error est *Pelagii*, ejusque Discipulorum, qui, Legem Mosaicam nimium extolentes, asserbant, iustos, qui vixerunt ante Legem Evangelicam, iustitiam, seu morum sanctitatem, & salutem eternam fuisse consecutos non per fidem in Christum venturum, sed vi Legis Mosaicæ, quæ gratiam sanctificantem eis conferebat: *Agnoscebas hæresim vestram* (sic Pelagianos alloquitur S. Augustinus lib. 2. Operis imperfecti contra Julianum:) *definitis enim Pelagius, quod non ex fide Christi antiqui vixerunt iusti.* Sed hic Pelagianorum error proscriptus est in Synodo Diofantana, & ab Apostolo Paulo c. 2. v. 16. Epist. ad Galatas fuit præfatus his verbis: *Scientes autem quod non justificatur homo ex operibus Legis, nisi per fidem Jesu Christi: Et nos in Christo Jesu credimus, ut justificemur ex fide Christi, & non ex operibus Legis; propter quod ex operibus Legis non justificabitur omnis caro.* Et v. 21. ejusdem capituli: *ait: Non abjicio gratiam Dei. Si enim per Legem iustitia, ergo gratis Christus mortuus est.* Alter error, circa Legem Mosaicam, eorum est, qui docent, Legem Mosaicam ad irritandas magis cupiditates, quam ad illas coercendas idoneam fuisse: Deum illos omnes, qui sub Lege Mosaicæ vixerunt, reliquisse in impotentia observandi Legem. Denique, *Moslem*, Prophetas, Sacerdotes, & Doctores Legis Mosaicæ nullum Deo dedisse filium, sed solum effecisse mancipia per timorem. Hujus erroneæ doctrinæ præcipui assertores ac patroni fuerunt *De-fiderius Erasmi*, & *Paschasius Quesnellus*, quorum prior nonnullas protulit Propositiones, quas hic inferam cum Censura, quam sacra Facultas Parisiensis in eas tulit die 17. mensis Decembris anni MDXXVII. & quæ extat Tomo IX. ejusdem Erasmi Operum postremæ Editionis Lugduni Batavorum anni MDCCVI. a pag. 815. usque ad pag. 954. Alter vero Scriptor, seu *Paschasius Quesnellus*, aliquot itidem circa Legem Mosaicam propositiones, quas hic etiam referam, docuit, quæ a *Clemente XI.* Pontifice Maximo, in Constitutione, quæ incipit, *Unigenitus Dei Filius*, quæque data est die 8. mensis Septembris anni MDCCXIII. proscriptæ sunt. Ordinar autem a Propositionibus Erasmi, quarum prior hæc est:

Cum Lex terrorem incuteret potius quam amorem, quid supererat, nisi posteaquam per Legem didicerunt homines se peccatis obnoxios, nec potuisse ab his temperare; simulque scirent Dei severi Vindicis, iudicium neminem posse effugere, nisi sui trepidarent, horrerent, ac desererent. Quis autem amare potest, quem horret? Hæc propositio, quæ inter multas Erasmi Propositiones a sacra facultate Parisiensis confixas est ordine 24. excerpta est & Paraphrasi Erasmi in cap. primo, Evangelii Sancti Marci.

Censura sacre Facultatis Parisiensis.

Hæc propositio inmensa, homines Veteris Legis non potuisse vitare peccata, & magis induci per Legis cognitionem ad desperationem, quam ad amorem, est injuria Legi & Legislatori Deo. Tradidit enim Dominus Legem, non per quam perirent homines, sed justificarentur (idest, illi, qui habentes fidem in Christum venturum, Legem observabant) juxta illud Apostoli: (*Ad Rom. cap. 7.*) *Lex quidem sancta & Mandatum justum.* Et illud Levitici: (*Levit. c. 18.*) *Custodite Leges meas atque judicia, quæ faciens homo, vivet in eis. Neque enim Deus ad impossibile obligavit per Legem Mosaicam, cum non possit esse injustus.*

Propositio secunda, quæ in Censura Facultatis Parisiensis est ordine 25. excerpta est ex Paraphrasi Erasmi in cap. 1. Evangelii S. Marci.

Lex Mosys umbris, victimis, ac terroribus fecit Hypocritas.

Censura facultatis Parisiensis.

Hæc propositio rursus Legi Mosaicæ contumeliosa est, & ipsi Deo, qui hujusmodi umbras, victimas, & ceremonias Legis instituit; quæ sua institutione ad bonum inducebant, & veritatem figurabant Novæ Legis.

Propositio tertia, quæ in Censura Facultatis Parisiensis est ordine 26. deprecata est ex Paraphrasi Erasmi in caput 6. Epist. ad Romanos.

Lex cupiditates irritabat, potius quam coercerat.

Censura Facultatis Parisiensis.

Hic non convenienter usus est Scriptor officio Paraphrastæ. Quandoquidem Lex de se potius coercerat cupiditates, quam irritabat. Non enim data est Lex a Deo ad incitandum homines in peccata, sed ad cohibendum: alioqui non esset sancta neque justa.

Hic Erasmi Propositionibus, a sacra Facultate Parisiensis anno MDXXVII. damnatis, affines sunt aliquæ Propositiones Quesnelli circa Legem Mosaicam, quas una cum aliis ejusdem Scriptoris Propositionibus Clement XI. Summus Pontifex, anno MDCCXIII. dixit in sua Constitutione, quæ incipit: *Unigenitus Dei Filius*, &c.

Propositio Quesnelli, quæ, inter centum & unam Propositiones, a Clemente XI. damnatas, est ordine sexta:

Diferimen inter sanctus Judaicum & Christianum,

mum, est, quod in illo Deus exigit fugam peccati, & implementum Legis a peccatore, relinquendo illum in sua impotentia: in isto vero Deus peccatori dat quod jubet, illum gratia sua purificando.

Hæc Quæsnelli Propositio, quatenus asserit, homines, qui erant sub Lege Mosaicâ, relictos fuisse a Deo in impotentia observandi Legem, coincidit cum prima Propositione *Erasmi*, qui itidem docebat, homines, sub Lege Mosaicâ, peccatis obnoxios, non potuisse ab illis se temperare, & ideo fuit jure merito damnatus a sacra Facultate Parisiensi, quia, ut ait celeberrima illa Academia in sua Censura: *Neque enim Deus ad impossibile obligavit per Legem Mosaicam, cum non posset esse injustus. Porro, injustus fuisse Deus, si illis imponendo obligationem adimplendi Legem Mosaicam, eos tamen reliquisset in impotentia observandi Legem, hoc est, si non eis contulisset, vel saltem, non obtrulisset gratiam, qua præcepta Legis Mosaicæ ipsi redderentur possibilia.* Quamvis certum sit, Deum multis carnalibus Judæis, qui gratiis illis, sibi à Deo collatis, vel oblati, quibus Legis Mosaicæ præcepta reddebantur eis possibilia, propria malitia & cupiditate resistebant, justo judicio denegasse ulterius auxilium, seu per se efficax, necessarium ad actualem observationem præceptorum Legis Mosaicæ, quodque Deus ex se paratus erat illis conferre, nisi illi, propria malitia & dominante cupiditate, gratiis illis sibi à Deo collatis, vel oblati, quibus præcepta Legis Mosaicæ reddebantur eis possibilia, obicem & impedimentum data opera posuissent. At, in hac denegatione auxiliorum per se efficacium, respectu quorundam carnalium Judæorum, non est constituendum discrimen inter fœdus Judaicum & Christianum, quemadmodum *Erasmus* & *Quæsnellus*, persuadere voluerant. Nam Deus etiam Christianis, qui sunt in statu Legis gratiæ & Evangelicæ, quique gratiis illis à Deo sibi vel concessis, vel oblati, per quas præcepta Legis Evangelicæ redduntur eis possibilia propria malitia & æstuante cupiditate reluctantes, justo judicio denegat gratias per se efficaces ad actualem observationem præceptorum Legis Evangelicæ necessarias, quas tamen Deus de suo bonus, ut inquit *Tertullianus*, paratus esset illis conferre, nisi ipsimet sua malitia & effervescentis cupiditatis vitio obdicerent illis gratiis, quas Deus ipsis largitur, vel offert, & per quas sunt eis possibilia præcepta Legis Evangelicæ. Et isti sunt, qui, sicut ait Scriptura Sacra, *rebelleris fœcis Iamini*, & dicunt Deo: *Recede a nobis, scientiam tuam tuum volumus.* Jure itaque optimo utraque *Erasmi* & *Quæsnelli* propositio damnata est, quia, ut docet Sanctus *Thomas* 1. 2. quæst. 98. artic. 2. ad 4. Quamvis *Lex Veteris non sufficeret ad salvandum homines, tamen aderat aliud auxilium a Deo hominibus simul cum Lege per quod salvari poterant, scilicet fides Mediatoris, per quam justificati sunt antiqui Patres* Et sic Deus non desidebat hominibus, quin daret eis salutis auxilia.

Altera Quæsnelli Propositio, quæ inseritur cum & unam Propositiones, a Clemente XI. præscripta, est ordine sexagesima quinta.

Moses, Propheta, Sacerdos, & Doctores Legis mortui sunt, absque eo quod ullum Deo dederint filium, cum non efficerent nisi mancipia per timorem.

Hæc Propositio Quæsnelli iusta de causa Vaticano proposita fuit fulmine. Una quippe est omnium sanctorum Patrum sententia, Moysen, Prophetas, Sacerdotes, & Doctores Veteris Legis, expressam & explicitam habentes fidem in Jesum Christum, verum Messiam, ac Liberatorem a Deo promissum, pertinuisse ad Ecclesiam Christi, & jam non nomine, sed re ipsa fuisse Christianos. Ecce igitur non Deo dederunt, antequam morerentur, ullum filium, & non effecerunt nisi villi mancipia per timorem? Præterea, constat Moysen & Prophetas, qui Jesu Christi, veri Messie, prædixerunt adventum, induxisse multos Israelitas, qui jam per Legem cognoscebant se esse peccatores (Per Legem enim, ut inquit Apostolus in Epist. ad Romanos *cognitio peccati*) ut intelligerent, sibi opus esse Salvatorem, seu Jesu Christo, in eum crederent, ejus adventum ardentibus votis & precibus desiderarent, atque sicut docet S. *Thomas* loco mox a me laudato in responsione ad 3. Argumentum, *recurrerent ad auxilium gratiæ ejus.* Quis autem dicat, ejusmodi Israelitas, sic a Moysæ, & Prophetis inflectos, per fidem, quam habebant, in Christum venturum, iustitiæ dono præditos, adeoque jam pertinentes ad Ecclesiam Christi, fuisse tamen villi dumtaxat timoris mancipia; & non vere filios, Christo Salvatori nostro, per fidem & charitatem adherentes. Fateor quidem ultro, Legem Mosaicam non habuisse vim justificandi, sed dico, illam eo tendisse, ut Judæi, cognoscentes per Legem se esse peccatores, suæ infirmitatis consilii sibi-bique diffusi, ad gratiam confugerent, operam Salvatoris, a quo solo sanari, & veniam peccatorum consequi poterant, implorarent. Non secus ac si Medicus alicui ægroto, qui sibi sanus videretur, prescriberet, ut quotidie mille passus ambularet, eo fine, ut statim ac virium suarum imbecillitatem cognoverit, Medico se curandum ac sanandum committat. Addo etiam, hanc Propositionem Quæsnelli in eandem recidere sensum, quem habet superior inserta *Erasmi* Propositio, a sacra Facultate Parisiensi præscripta, hisque verbis concepta: *Lex Moysi umbris, victimis, ac terroribus fœcis hypocrisis.* Si plura desideres, leges S. *Thomas* lectione 8. in cap. 3. Epistolæ Pauli ad Galatas, ubi explicat, quo pacto Lex Mosaicâ non obicit gratiæ, nec sit contra promissa Dei, sed fuerit Pædagogus noster in Christo, sicut ait Apostolus *Paulus*. Præcipuum dumtaxat rationem, qua niritur Angelicus ille Doctor, hic describam: *Lex, sunt verba S. Thomæ, obsequitur promissis Dei in generali quantum ad duo. Primo, quia manifestat peccata, Epist. ad Rom. cap. 3. Per Legem cognitio peccati.* Deinde, quia manifestat infirmitatem

humana.

humanam, in quantum bono non posset vitare peccatum, nisi per gratiam, quae per Legem non datur. Et sicut ista duo, scilicet cognitio morbi, & impotentia infirmi multum inducunt ad querendum Medicum: ita cognitio peccati & propria impotentia inducunt ad querendum Christum. Sic ergo Lex obsecuta est gratiae, in quantum praebeuit cognitionem peccati, & experientiam propriae impotentiae. Et ideo dicit Apostolus, SCRIPTURA, id est, Lex scripta, CONCLUSIT, id est, tenuit inclusos Iudeos SUB PECCATO, id est, ostendit eis peccata, quae faciebant, sicut ait Apost. cap. 7. Epistol. ad Romanos: concupiscentiam nesciebam &c. Item Lex conclusit Iudeos sub peccato, quia, veniente Lege, sumserunt occasionem peccandi, ut ait Apostol. ad Rom. cap. 11. Conclusit Deus omnia in incredulitate, &c. Et hoc ideo, ut homo quaereret gratiam. Et ideo dicit Apostolus: UT PROMISSIO, id est gratia reposita, daretur non solum Iudeis, sed omnibus credentibus, quia illa gratia poterat liberare a peccatis, & hoc gratia est ex fide Jesu Christi. Quid, fides, hoc egregio S. Thomae ratiocinio ad stabilendum discrimen, quod intercedit Iudaicum fœdus inter & Christianum, clarius ac solidius dici potest?

D. Hoc nunc S. Thomae ratiocinium, ad constituendum discrimen, quod est fœdus Iudaicum inter & Christianum, instat omnium argumentorum esse debet, planaque sufficit ad refellendos errores, quorum mox meministi, & in quibus oppugnandis insudarunt, ac multum operæ nuperime posuerunt aliquot Theologi. Missis igitur Erasmi, & Quesnellii circa discrimen, quod est fœdus Iudaicum inter & Christianum, erroribus; nunc sub finem hujusce nostri Colloquii, in quo generatim de Moyse, de Lege, quam dedit Hebraeis, quorum subinde Legislator fuit, & de libris, quos conscripsit, sermonem habuimus, unum dumtaxat proponam Dubium, quod spectat integritatem quinque librorum Moysis, videlicet *Genesis, Exodus, Leviticus, Numerorum, & Deuteronomii*, qui Pentateuco continentur. Cum enim isti libri fuerint exarati a Moyse, qui, sicut superius ostendisti, omnes Gentium Scriptores, Philoſophos, Poetas, Oratores, & Historicos, antiquitate superavit, scire vellem, an, & quomodo hi libri Moysis in tam longa sæculorum serie, ac tanta vicissitudine temporum puri & integri ad nos pervenerint? vel an temporum injuria, & odio Iudeorum in Christianos, fuerint data opera corrupti & interpolati, in his præsertim vaticiniis, quæ a Moyse ad adventu Jesu Christi, veri Messie, fusa esse, paulo ante demonstrasti?

M. Sunk, sat scio, nonnulli moderni Scriptores, qui asserunt, quemdam famulum apud Iudeos Rabbium, dictum *Akibab*, qui sub *Hadriano*, Imperatore, seu in secundo Ecclesiæ vivebat sæculo, de industria ex Chronologia Patriarcharum, qui vixerunt ante & post Diluvium, expansisse mille ac quingentos ferme annos. Quæ facta annorum detractio, ajunt illi Scriptores, accidit, ut Chronologia Patriarcharum primæ & secundæ Etatis, quæ extat nunc in Pentateuco Moysis, seu in libro *Genesis*, sit corrupta, &

contrafluor mille & quingentis annis calculo lex. Interpretum. Verum, quia hanc modernorum Scriptorum sententiam tam in Colloquiis nostris in historiam primæ & secundæ Etatis, quam in Dissertatione quinta Tractatus, quem edidi, *De Myſterio & annis Jesu Christi*, pluribus momentis, falsi convinci, supervacaneum omnino esset in ea opere consutanda hic diutius immorari. Contra igitur alios quosdam recentiores itidem Scriptores probandum breviter suscipio, Iudeos nec voluisse unquam adulterare libros Moysis, nec potuisse etiam illos corrumpere, tametsi ex malitia, vel odio in Christianos perciti, id sacrilegii, attentare voluissent. Et sane, Iudeos nunquam voluisse contaminare libros Moysis patet ex duplici potissimum capite. Primo, quia eadem vaticinia, quæ de venturo Messia, cecinit Moyses; vel jam ab aliis fusa retulit in suo Pentateuco, quæque Apostoli & sancti Patres priorum Ecclesiæ sæculorum citarunt ad probandum Jesum Christum esse verum Messiam a Moyse prædictum, hæc, inquam, de venturo Messia vaticinia reperiuntur etiamnum pura, integra, & illibata in Pentateuco Moysis. Nec ea vaticinia in dubium revocant Iudei, tametsi, ne fateri cogantur, Jesum Christum, quem in Crucem egerunt, esse verum Messiam, a Deo in libris Moysis promissum, sese misere torqueant, atque in omne latius sese vertant, quo illis vaticiniis tenebras offundant, illaque sinistris, detortis, ac violentis adhibitibus interpretationibus eludere possint. Si ergo dixerint aliqui, inquit S. Hieronymus Commentario in cap. 6. *Matth.*, post adventum Domini Salvatoris, & predicationem Apostolorum, libros Hebræos fuisse falsatos, cachinnum tunc non potero, ut Salvator, & Evangeliste, & Apostoli testimonium protulerim, ut Iudei postea falsari erant. Præterea, Iudeos major librorum Moysis tenebat Religio, quam ut illos vel ex malitia, vel ex odio Christianorum depravare voluerint. Sic enim S. Justinus, Martyr, in suo Dialogo cum Tryphone, Iudeo, de mutilatione Scripture Sacre, cujus Auctores fuerant Principes Iudeorum, inducit eundem Tryphonem, his verbis respondentem: *Incredibilis videtur res illa, incredibilis, inquam, profecto videtur, horribiliter siquidem est Viuli fabricatione, quam in terra deserta facere manus experti (Iudei) aut liberis Mœdonibus, aut Prophetarum ipsorum occasione.* Eandem erga omnes libros sacros religionem omnium Iudeorum animis infudisse, ita ut millies potius mori, & membratim disciperi maluissent, quam ut his quidpiam adderent, aut dederent, testantur *Iosephus & Philo*, Heerzi: idque facile colligitur ex libris, quos Iudei eviderunt, ut libros sacros ab omni errore servarent immunes, præsertim ex insigni illo Opere, quod *Massorim*, id est, *Criticam Sacram*, appellant, fuitque admatum a peritissimis Scholæ Tyberiadis Rabbini, ut puram Scripturæ Sacre lectionem possent semper Iudei sanctam custodire, & ex libro *Sopherim*, seu *Scriptarum*, in quo pene innumera traduntur præcepta, ad rectam sacrorum librorum descriptionem necessaria, ne quid videlicet vel levissimi erroris in eos temporum injuria obrepere possit, sicut videre est apud

Joan-

Joannem Morinum, Congregationis Oratorii Presbyterum, cap. 6. *Exercitationis* 12. lib. 2. de *Hebraei, Graecique Textus sinceritate*, apud etiam *Richardum Simonium*, ejusdem Congregationis Presbyterum, in *Disquisitionibus Criticis*, & apud *Vvaltonum* in *Apparatu Biblico*, Proleg. 8. qui de hoc libro *Sapientum* late ac erudite tractarunt. Hac igitur si expendantur momenta; liquebit profecto, Judæos nunquam voluisse libros Moysis, alioque Scripturæ Sacre libros, quos penes se habebant, corrumpere, sed illos potius a tam immani scelere vehementer abhorruisse, nihilque tam cordi accuræ semper habuisse, quam ut libros Moysis, quem, ceu Legislatorem suum, summa veneratione prosequerentur, alioque libros sacros, quos suo Canoni adscriptos habebant, summa adhibita diligentia ad seram usque posteritatem intactos atque illibatos transmittent. Sed, ut dem, voluisse Judæos, odio in Christianos impulsos, mutilare libros Moysis, contendit tamen, illos tam sacrilegium consilium executioni mandare nunquam potuisse. Primo, quia incredibile prorsus est, Judæos, qui, post Urbis Hierusalem destructionem, factam a *Tiro*, filio *Vespasiani*, Imperatoris, per totum, qua late patet, Orbem fuerunt dispersi, in depravationem librorum Moysis, & aliorum Scripturæ concordibus votis & animis ita conspirare potuisse, ut nullus tam execrando scelere intercedere, nullus reclamare ausus fuerit, præsertim cum apud Judæos essent variae Sectæ, videlicet Rabbanistarum, Karaitarum, Samaritanorum, Phariseorum, Sadduceorum, qui sese mutuo & implacabili odio insectantes, buic sacrisse Codicum sacrorum interpolationi consentire renuissent. Secundo, Christiani, qui hanc Judæorum in violandis sacris Codicibus temeritatem facile rescire potuissent ab illis Judæis, qui, teste *Eusebio* in *Hist. Eccles.* a Judaismo ad Christianismum, confugiebant, confestim in Judæos insurrexissent, palamque ostendissent ex illis Exemplaribus Hebraicis, quæ penes se habebant, vel in suis Bibliothecis asservabant, sacros Codices interpolatæ Judæorum manu fuisse aut ex malitia, aut ex invidia, vitiatos, adulteratos, & mutilatos. Quod tamen nunquam fecerunt Christiani, sed potius, ut antea dicebamus, Judæos tanquam Scripturæ Sacre librorum caparios nostros, & fidissimos custodes, laudant. Tercio, nulla ratione verosimile sit permisisse Deum, ut Judæi falsarent, & immutarent libros Moysis, alioque Scripturæ Sacre Codices, quos a sacris Scripturis exarari voluit, ut ex his fontibus omnes Gentes, depulsa Idololatriæ caligine, salutaris Sapientie haurirent aquas, & veræ Religionis documentis imbuerentur. Addo etiam, sanctum Hieronymum, in nova, quam lucubravimus, Scripturæ Sacre Versione, Textum Hebræum, velut incorruptum, esse sectatum, & Patres Concilii Tridentini authenticam declarasse, suoque calculo appro-

basse Editionem vulgatam, quæ ad amissum responderet Textui Hebræo, tam in *Pentateucho* Moysis, quam in aliis sacris Veteris Testamenti Libris. Ceterum, quamvis ipse constanter doceam, Judæos summopere semper cavisse, ne quis error *Pentateuchum* Moysis, alioque sacros Veteris Testamenti Libros progressu temporis pervaderet, ac subinde Textum Scripturæ Sacre originarium, videlicet Hebraicum, in bis, quæ ad idem & mores spectant, esse etiamnum purum, integrum, nullaque labe contaminatum; non inficior tamen, vel temporis injuria, vel Scribarum negligentia irrepisse in Textum Hebræum *Pentateuchi* Moysis, & aliorum Veteris Testamenti Librorum, errata quædam & leviora menda, sicut post *Bellarminum*, & *Melchiorum Canum*, evincit *Vvaltonus* in *Apparatu Biblico* ad *Biblia Polyglotta* *Londoniensis*, Prolegom. 7. Non eo etiam incias, fuisse multos Rabbinos, qui ineptas planque nugatorias tradiderunt Scripturæ Sacre interpretationes, immo & aniles fabulas proprio Marte excogitasse, quæ postea *Talmudi* tam *Babylonico*, quam *Hierosolymitano* insertæ fuerunt. At sinistras illas interpretationes, vanaque commenta & deliria, cum Rabbini in sacros Codices non intruissent, nulla ratione dici posse existimo, eos de industria, & ex odio Christianorum in sacrorum Codicum depravationem certatim conspirasse. Hac, quæ hactenus diximus; de antiquitate, revelatione, veritate, integritate, & auctoritate Librorum Moysis, necnon de discrimine, quod est Legem Moisaicam inter & Legem Evangelicam, tibi abunde sufficere debent ad habendam generalem notitiam Librorum & Legis Moysis; specialem vero notitiam rerum, quæ contingunt in *Pentateucho* Moysis, vel quæ complectitur *Lex Moisaica*, dabimus, auxiliante Deo, in nostris Colloquiis in *Historiam* quartæ Mundi *Ætatis*.

D. Plene, juxta ac dilucide, in hoc Colloquio retulisti Patriarcharum tertię Mundi *Ætatis* Gesta, necnon eorum Scripta, in quibus Jeshu Christi, veri Messię, adventum prædixerunt. Superest nunc, ut, sub finem nostri Colloquii, annos Patriarcharum tertię Mundi *Ætatis*, quæ incipit a vocatione *Abramæ*, & protenditur usque ad professionem *Israelitarum* ex *Ægypto*, juxta accuratorem Chronologiam, digerat ac disponas, atque eorum Gesta, compendiose descripta, juxta feriem Chronologicam annorum a creatione Mundi referas.

M. Tunc utilitati consulens, Tabulam Chronologicam hic subiiciam, in qua annos & gesta Patriarcharum, qui vixerunt in tertia Mundi *Ætate* usque ad exitum *Israelitarum* ex *Ægypto*, connectam cum annis Mundi, qui interfuxerunt a vocatione *Abramæ*, a qua initium ducit tertia mundi *Ætas*, usque ad *Israelitarum* ex *Ægypto* professionem, in qua eadem Mundi *Ætas* finem habet.

TABULA CHRONOLOGICA,

In qua Anni & Gesta Patriarcharum, qui vixerunt in tertia Mundi Etate, conneſſuntur cum annis Mundi, qui effluxerunt a vocatione Abrahami, a qua tertia Mundi Etas ſumit exordium, uſque ad Iſraelitarum ex Aegypto egreſſionem, in qua deſinit eadem Mundi Etas.

Ab anno a creatione Mundi
MMLXXXIII.
quo conſigit vocatione Abrahami,
& cepit tertia Mundi Etas,
uſque ad annum a creatione Mundi
MMXCIV.

Ab anno a creatione Mundi
MMXCIV. uſque
ad annum Mundi
MMCXLVIII.

Anno a creatione Mundi
MMCLVIII.

Anno a creatione Mundi
MMCLXVIII.

Anno a creatione Mundi
MMCLXXXIII.

Ab anno a creatione Mundi
MMCCXLV.
uſque ad annum Mundi
MMCCCLII.

Patriarcha *Abrahamus* anno a creatione Mundi 2083. annos natus ſeptuaginta quinque, vocatus eſt a Deo, & exiit ex *Haran*, eique promiſit Deus, naſciturum ex ipſius ſemine *Meſſiam*, & daturum illi Terram *Chanaan*, in quam reſiſta cognatione ſua, juſſu Dei venit cum *Sara*, uxore ſua, & *Loth*, fratris ſui filio. *Loth* a patruo ſuo *Abrahamo* ſeparatur, & ſeſe recepit in urbem *Sodomæ*. Venit poſtea *Abrahamus* in *Hebron*. Quatuor Reges ſuperat. A *Melchiceſedech* benedicitur. Renovavit Deus promiſſionem *Abrahamo* de prole, eique juſſit, ut carnem ſuam, & omnis maſculini ſexus, circumcideret in ſignum Foderis, quod cum eo pepigit. Futuram poſteritatis ſue annorum 400. peregrinationem, ſervitutem, & affliſionem (hoc eſt, per ducentos, & quindecim annos in Terra *Chanaan*, & per ducentos, & quindecim alios annos in Aegypto) a Deo docetur. *Loth*, nepos *Abrahami*, ab Angelo *Sodomis* ereptus, ac ſolpes, & incolumis e *Sodomorum* urbe evalit, antequam, ob neſariam ſuorum incolarum libidinem, hæc civitas igne cæleſti conſumpta eſſet. Uxor autem *Loth*, quod contra Angeli præceptum, muliebri curioſitate ducta, reſpexiſſet poſt ſe, conſeſtim verſa eſt in ſtatuum ſalis.

Abrahamus anno a creatione Mundi 2094. ex *Agar*, ancilla ſua, quam in uxorem duxerat, genuit *Iſmaelem*, a quo originem habent Populi, dicti *Iſmaelita*. Sed hunc filium, una cum matre *Agar*, jubente Deo, domo ſua expulſit *Abrahamus*, poſtquam ei, centeſimum annum agenti, anno a creatione Mundi 2108. ex *Sara*, ipſius conjuge, natus eſt, juxta divinas promiſſiones, *Iſaacus*, ex cujus ſemine prodiurus erat *Meſſias*. Hunc filium *Iſaacum* annos natum viginti quinque, Deus, volens *Abrahami* explorare fidem, & obedientiam, imperavit ei, ut maſtaret anno a creatione Mundi 2133. Sed dum *Abrahamus* ad filii ſui *Iſaaci* maſtationem ſeſe accingeret, jamque ad eum immolandum gladio armatam manum extendere, ab Angelo prohibitus eſt ne faceret. *Sara*, uxor *Abrahami*, & mater *Iſaaci*, e vivis exceſſit anno a creatione Mundi 2145.

Abrahamus, anno Mundi 2148. filio ſuo *Iſaaco*, nato annos quadraginta, uxorem dedit, nomine *Rebeccam*, filiam *Bathuelis*, qui ex *Nachore*, fratre *Abrahami*, ortum ducebat.

Rebecca, poſt viginti annos ſterilitatis a contracto matrimonio cum *Iſaaco*, enixa eſt gemello partu *Eſau*, & *Jacobum* anno Mundi 2168. Quibus in utero ipſius, antequam naſcerentur, colluſtantibus, *Rebecca*, mater, a Deo, quem conſuluerat, reſponſum accepit, duarum diſſidentium Gentium Auctores ex ipſius utero prodituros.

Abrahamus, centum ſeptuaginta quinque annos natus, mortuus eſt in ſenectute bona anno Mundi 2183.

Jacobus, filius *Iſaaci*, fratri ſuo, majori natu, ſuadente matre *Rebecca*, benedictionem patris *Iſaaci*, ſenio jam caligantis, ſubripuit anno Mundi 2245. & hac de cauſa, ut iram fratris ſui *Eſau*, quam in ſe concitaverat, declinaret, fugam arripuit, & ad *Laban*, avunculum ſuum, fratrem videlicet *Rebecca*, ſeſe contulit. Quo in itinere vidit in ſomnis ſcalam ſtantem ſuper terram, & cacumen illius tangens cælum, Angelos quoque Dei aſcendentes, & deſcendentes per eam. Appulſus *Jacobus* domum *Labani*, poſtulavit ab eo *Rachelem*, filiam ejus, ut eam ſibi matrimonio copularet. Annuit quidem *Laban*, ſed, per fraudem loco *Rachelis*, nocte in lectum

Jacobi

Jacobi submisit *Liam*, sororem *Rachelis* natu maximam, quam uxorem ducere coactus est *Jacobus*, qui postea tamen, *Rachelem*, quam impense diligebat, in uxorem accepit, & ex utraque sorore, atque ex earum ancillis, nimirum ex *Bala* & *Zelpha*, quas itidem sibi matrimonio junxit, suscepit duodecim mares filios, qui fuerunt Patriarchæ duodecim Tribuum *Israël*.

Beneficia, quibus *Deus Jacobum*, toto eo tempore, quo apud *Laban* sorcerum suum, mansit, curam ipsius gregis habendo, abunde cumulavit, moverunt invidiam *Laban*. Quo factum est, ut *Jacob* ex ædibus *Laban*, una cum uxoribus suis, & prole, & gregibus capessiverit fugam. In itinere luctatus est cum Angelo, & prævaluit, indeque dictus *ISRAEL*, hoc est *prævalens Deo*, cujus personam referebat ille Angelus. In patriam quoque revertens *Jacobus*, fratrem suum *Esau*, quem obvium in itinere habuit, munerebus, obsequiis, & officiis placavit.

Simeon & *Levi*, filii Patriarchæ *Jacobi*, ob raptum, & stuprum illatum vi sorori suæ *Dinæ*, omnes ad unum *Sichemitas* injuste trucidant. *Rachelem*, dilectam conjugem suam, *Jacobus* amisit, quæ in partu, id est, postquam enixa esset *Beniaminum*, & vivis sublata est. Filii Patriarchæ *Jacobi*, ægre admodum ferentes, quod *Josephus*, frater, esset carior patri, in eum insurrexerunt, eumque per summam perficiam venderunt mercatoribus, a quibus ductus est in *Ægyptum*, ibique servivit *Putiphari*, Præposito Cubiculariorum *Pharaonis*, *Ægyptiorum* Regis. *Josephus* natus erat annos septemdecim, quando captivus fuit asportatus in *Ægyptum* anno a creatione Mundi 2276. *Isaacus* pater *Jacobi*, annos natus centum octoginta, mortuus est anno Mundi 2288. *Josephus* in *Ægypto* serviens *Putiphari*, de vi illata pudicitie uxoris heri sui ab eadem uxore, cujus libidini constanti animo obstitit, falso accusatus, in carcerem conjectus est, in quo postquam per triennium mansisset, seque sagacem somniorum interpretem probasset, in Aulam *Pharaonis*, annos natus triginta, accitus est, ut interpretaretur somnium istius *Ægyptiorum* Regis anno a creatione Mundi 2289. hoc est, 13. annis, postquam venditus a fratribus suis, ductus est in *Ægyptum*. Declaravit autem *Josephus* somnio Regis *Pharaonis* portendi, fore post septem annos fertiles, tamem, quæ per totidem annos erat duratura. Rex *Pharao*, fidem habens verbis *Josephi*, curavit, ut per spatium septem fertilium annorum ingens undequaque colligeretur frumentum copia, & huic negotio, totiusque Imperii *Ægyptiorum* regimini *Josephum* præfecit. Post transactos septem fertilitatis annos, ubi obrigerunt anni steriles, quoniam aliis in Regionibus non suppetebat frumentum, & maxima grassabatur fomes, coacti sunt fratres *Josephi* descendere in *Ægyptum*, quos primum, ceu viros sibi omnino ignotos, & *Ægypti* exploratores excepit *Josephus*, sed tandem se illis manifestum fecit, patremque suum cum tota familia ad se in *Ægyptum* accersivit anno a creatione Mundi 2298. Habitat autem *Jacobus* in *Ægypto*, seu in Terra *Gessen*, & possedit eam, & multiplicatus est nimis, & in ea vixit annis septemdecim; natusque annos centum quadraginta septem, mortuus est anno a creatione Mundi 2315. Moriens Patriarcha *Jacobus*, celebre edidit vaticinium de tempore, quo oriturus esset *Messias*, quod in *Jesu Christo* fuit omni ex parte adimpletum. *Josephus* etiam, filius Patriarchæ *Jacobi*, postquam in *Ægypto* præfuisset annis 80. migravit ex hac vita anno a creatione Mundi 2369. cum expleisset centum, & decem annos vite sue. Posterius autem Patriarchæ *Jacobi*, sic in *Ægypto* propagati sunt, ut, post ducentos, & quindecim annos, per quos manserunt in *Ægypto*, pluviam sexcentum mille numerarentur animæ, prognatæ e familia *Jacobi*, qui in *Ægyptum* cum septuaginta dumtaxat animabus advenerat. Hæc *Israelitarum* in *Ægypto* multiplicatio invidiam *Ægyptiorum* illis conflavit, & defuncto *Ægyptiorum* Rege, cui *Josephus* placebat, tam duram servitutem deinceps experti sunt *Israelitæ*, ut, labentibus annis, Rex *Ægypti*, *Pharao* dictus, ferale

Ab anno a creatione Mundi
MMCLXII.
usque ad annum
MMCLXXII.

Ab anno a creatione Mundi
MMCLXXII.
usque ad annum
Mundi
MMDXIII, quod
Moyses *Israel* eduxit *Ægypto*

ferale promulgarit Edictum, quo jubebat, ut omnes Hebræorum pueruli; recens nati, projicerentur in flumen, ne ad ætatem adultam pervenire possent. Tunc in Ægypto anno post obitum *Joseph* sexagesimo quarto, anno autem a creatione Mundi 2433. natus est *Moyser*, ita appellatus, quod ex aquis, quibus a parentibus fuerat expositus, educus sit ministerio filię Regis Ægyptiorum. *Moyser*, ubi adolevisset, Aulam Regiam, in qua fuerat educatus, contemnens, fugit in solitudinem, ubi a Deo, qui cum in rubo ardenti alloquebatur, iussus est Populum Hebræum ex Ægypto liberare. Hoc Dei Mandatum *Moyser*, una cum fratre suo *Aarone*, in virtute multorum prodigiorum significavit *Pharaoni*, Ægyptiorum Regi, a quo tamen, utpote in malo maxime obdurato, nonnulli post decem plagas, quas Deus per *Moysem* toti Ægypto inflixit, Hebræi tandem aliquando dimissi sunt, ut eo properarent, quo illos per *Moysem* vocabat Deus. Prædie autem quam ex Ægypto proficiscerentur Hebræi, iussit illis *Moyser*, ut mactarent Agnum, ejusque sanguine aspergerent ostia sua. Angelus exterminator, qui noctu cunctas Ægyptiorum domos pervadens, omnes eorum primogenitos interfecit, ab Israelitis, quorum domos sanguis Agni distinguebat, omnino abstinuit. Sic nos Christiani pretioso sanguine Jesu Christi, qui verus est agnus immaculatus, servamur ab æterna morte, & per aquas Sacramenti Baptismi, quibus mergitur peccatum, ad vitam migramus æternam.

Moyser, annos natus octoginta, Israelitas ex Ægypto eduxit, atque in libertatem vindicavit anno a creatione Mundi 2513. A vocatione vero *Abrahami* 430. Israelitas, Duce *Moyse*, ex Ægypto profectos, Rex *Pharao*, mutato consilio, insecutus est, ut illos servituti denuo manciparet, & sicut eleganter ait *Sulpitius Severus* lib. 1. *Historia Sacra*: *furens animi, quo angebatur, ille Rex, tot hominum millia Regno, & Potestati decedere, exercitum prope educit: jamque eminus arma signaque, & portenta patentibus late campis acies viscebantur, cum Hebræis, metu trepidis, & Calum aspèctantibus, Moyse a Deo monitus, percussus virga mare discedit. Ita populo cedentibus in latera aquis, velut in continenti, iter periculum fuit. Nec cunctatus Rex Ægyptius cedentes inssequi, mare, qua patibat, ingressus; mox coeuntibus aquis, cum omni exercitu deletus est. Tunc *Moyse* incolumitate suorum, exitio hostium, virtutisque Dei exultans, Canticum Domino cecinit (quod legitur cap. xv. sacri libri Exodi) idemque omnis turba virilis ac muliebri sexus fecit.*

Anno a creatione Mundi
MMDXIII. a vocatione Abrahami
CCCCXXX.

D. Ex ea, quam hic attenuisti, Tabula Chronologica facile intelligo, a vocatione *Abrahami*, quæ contigit anno a creatione Mundi MMLXXXIII. & a qua exordium sumit terra Mundi Ætas, usque ad Israelitarum ex Ægypto profectionem, quæ occidit anno a creatione Mundi MMDXIII. & n qua definit terra Mundi Ætas, interfluxisse unos quadringentos, & triginta, per quos Deus prædixerat *Abrahamo*, posteritatis suæ peregrinationem duraturam, hoc est, posteros *Abrahami*, a tempore Vocationis illius Patriarchæ fore peregrinos in terra Chanaan per ducentos, & quindecim annos, illosque postea per alios ducentos, & quindecim annos in Ægypto manuros, tanquam peregrinos, ante quam possiderent Terram Chanaan, quæ Deus *Abrahamo*, ejusque posteris darum se promiserat, sicut memini, te jam oblitterasse contra nonnullos Scriptores, qui perperam uiderunt, Hebræos per quadringentos, & triginta

annos in Ægypto peregrinos, & afflitos fuisse. At, cum bona venia tua dixerim, hora, quæ nunc imminet prandii, nostrum huc usque protractum coijit finire Colloquium. Scis etenim celebratum a *Pin-tarcho*, Gellioque istud Cænonis dictum, ex Oratione quadam, qua diffusit *Lehem* Agrariam, quamque sic exorsus est, ut dicar, arduum esse ad *Ventrem* verba facere, qui *cæreat agribus*. Interpellante itaque fame, domum me recipio, ut post prandium possim facilius præparare ad me proximum Colloquium, in quo de Historia quartæ Mundi Ætatis, quæ ab exiit Israelitarum ex Ægypto initium habet, definitque in quarto anno Regni *Salomonis*, quo ab eodem Rege jacta sunt Templi Hierosolymitani fundamenta, disserere incipiemus: *explicio* siquidem *ventre*, sicut vulgari seruitur Adagio, *melior est consultatio*, sive ut ait *Pin-tarchus* lib. 7. *Symplosiacum*: Consultatio tum melior, cum expleveris alvum.



HISTORIA ECCLESIASTICA VETERIS TESTAMENTI, S E U

QUARTÆ MUNDI ÆTATIS,

Quæ initium habet ab exitu Israelitarum ex Ægypto, & desinit in quarto anno Regni Salomonis, quo ab eodem Rege iacta sunt Templi Hierosolymitani fundamenta.



EBRÆI, inquit eleganter *Lactantius* c. x. libri iv.

» *Divinarum Institutionum*, ex Ægypto egressi in
» solitudine multa mirabilia viderunt. Nam cum
» sitim paterentur, ictu virgæ rupe percussa, pro-
» filiiit fons aquæ, populumque recreavit. Quo
» rursus esuriente, cælestis alimenti pluvia descen-
» dit, quin etiam coturnices in castra eorum ven-
» tus induxit, ut non modo pane cælesti, sed etiam instructio-
» ribus epulis saturarentur. Pro his tamen divinis beneficiis ho-
» norem Deo non reddiderunt, sed depulsa jam servitute, jam
» siti, fameque deposita, in luxuriam prolapsi ad prophanos
» Ægyptiorum Ritus animos transtulerunt. Cum enim *Moyfes*,
» Dux eorum, ascenderet in montem, atque ibi quadraginta
» diebus moraretur, aureum caput Bovis, quem vocant *Apin*,
» quod eos signo præcederet, figurarunt. Quo peccato, ac sce-
» lere offensus Deus, impium & ingratum populum pro merito
» pœnis gravibus affecit, & Legi, quam per *Moysem* dederat,
Hist. Vet. Test. Tom. II. E » sub-

„ subjugavit. Postea vero, cum in deserta parte Syriæ confedis-
 „ sent, amiserunt vetus nomen Hebræi, & quoniam Princeps exa-
 „ minis eorum Judas erat, Judæi sunt appellati, & terra, quam
 „ incolere, Judæa. Et primo quidem, non dominio Regum sub-
 „ jecti fuerunt, sed populo, ac Legi civiles Judices præsidebant,
 „ non tamen in annum constituti sunt, sicut Romani Consules,
 „ sed perpetua jurisdictione subnixa. Tum sublato Judicum no-
 „ mine, potestas regalis inducta est. Verum, iudicibus regimen
 „ eorum tenentibus, pravas religiones sæpe susceperant, atque
 „ offensus ab his Deus, toties alienis subjugabat, donec rursus
 „ poenitentia populi mitigatus, liberaret eos servitute. Quibus
 „ verbis *Lactantius* non solum dat generalem quamdam notitiam
 „ quartæ Mundi ætatis, sed etiam ostendit, statum Reipublicæ
 „ Hebræorum aliquam subiisse mutationem in quarta Mundi æta-
 „ te, quando videlicet Deus, dando *Moyse* Legem in monte Sinai,
 „ eum constituit Reipublicæ Hebræorum Ducem, ac Principem,
 „ voluitque, ut post mortem *Moyse*, eandem Hebræorum Rem-
 „ publicam administrarent, primum *Josue*, deinde *Judices*, ac de-
 „ nique Reges. Hæc autem Reipublicæ Hebræorum status post da-
 „ tam Legem a Deo, mutatio in hoc sita fuit, quod status regimi-
 „ nis Hebræorum a vocatione *Abrahami* usque ad illorum egressionem
 „ ex *Ægypto* esset pure Theocraticus, idest, immediate pendens a
 „ Deo, quem Hebræi solum Ducem, Rectorem, ac Præsidentem
 „ agnoscebant. At, Hebræi, post professionem ex *Ægypto*, fer-
 „ re non valentes præsentiam Dei, territi videlicet fulgoribus, in
 „ quibus Deus, dando Legem *Moyse* in monte Sinai, apparuit,
 „ orarunt Deum, ut non eos alloqueretur, sed *Moyse*, tanquam
 „ Ministro, & Mediatore, uteretur. Annuit eorum petitioni Deus,
 „ tuncque *Moyse* cœpit sub Deo regere Rempublicam Judæorum,
 „ cuius status evasit Aristocraticus, & summa rerum, post Deum,
 „ penes Optimates fuit. Neque enim *Moyse* solus Rempublicam
 „ Hebræorum administravit (sicut optime observat *Carolus Sigonius*
 „ cap. v. lib. 1. *De Republica Hebræorum*) sed multis, iisque bonis
 „ & prudentibus viris, rem totam commisit, ut alii sacra, alii
 „ prophana curarent. (Ex his autem, qui operam rebus sacris
 „ dederunt, unus erat dumtaxat Pontifex, reliqui Sacerdotes &
 „ Levitæ. Qui vero rerum prophanarum curæ incubuerunt, alii
 „ consultationibus, alii judiciis vacarunt, nonnulli pacis, quidam
 „ belli studia coluerunt, ac promoverunt) omnestamen non ex ar-
 „ bitrio voluntatis, sed ex præscripto Legis suo fungî munere, in
 „ primisque judiciis & justificationes exercere constituit. Quam ob
 „ rem, etsi regimen Hebræorum cœperit esse sub *Moyse* Aristocra-
 „ ticum, attamen (uti perdocte observat *Petrus Cunnæus* cap. 1. lib.

1. De Republica Hebræorum) *Moyſes*, Rempubicam Hebræorum conditurus, quæ in terris ſanctiſſima foret, ſummam rerum poteſtatem ſupremo Numini detulit, & cum alii nomina alta, ut res fert, reperiant, ac Monarchiam modo, Oligarchiamque, & interdum Democratiam appellant: nihil *Moyſis* horum fore pro natura, atque indole intellexit tanti Imperii. Igitur regiminis quemdam modum conſtituit, quem præſignificanter *Flavius Joſephus*, Hebræus, adverſus *Apionem* vocari poſſe *Theocratiam* ait, quaſi tu ejuſmodi civitatem dixeris, cujus Præſes, Rectorque ſolus Deus ſit. Quæcumque enim gerebantur, huius geri iudicio, ac numine profeſſus eſt. Idque ita verum eſſe clare documento probavit *Moyſes*. Etenim, qui omnia ex ſe uno prudentia videbat, quique populum oratione ſectebat in omnem quam volebat partem, nullam ex tam bella, & opportuna occaſione potentiam ſibi, nullas opes, nullos honores quaſivit. Id, quod proſecto vix hominis eſſe videtur. Eſt enim inſita mortalibus Imperii cupido quædam, eaque vetus hercle admodum, & cunctis affectibus flagrantior, quam, ut ego exiſtimo, nunquam expellere e pectore ſuo *Moyſes* potuiſſe, niſi intereſſe & præeſſe rebus gerendis Deum vidiffet, cum quo in ſocietatem Regni venire extrema dementia fuiſſet. Jam vero, quo firmior Hebræorum Reſpublica foret, ita ſauxit, edixitque, ut omnia ex Lege a Deo data fierent: Legis autem non Dominos, ſed Cuſtodes & Miniſtros, eſſe voluit Magiſtratus. Hic fuit ſub *Moyſe* Hebræorum Reipublicæ ſtatus, ſub Deo, Ariſtocraticus, quem ſub *Joſue*, ſucceſſore *Moyſis*, ſub Senioribus & Iudicibus, Hebræi, poſtquam ſuas ſedes, juxta promiſſionem divinam, in Terra Chanaanæ locaſſent, conſtanter retinuerunt, donec tandem ſtudio capti regiminis Gentium, poſtularunt a Deo per *Samuelem*, ultimum Iudicem, ut daret illis Regem, dicentes: *Conſtitue nobis Regem, ut iudices nos, ſicut & univerſæ habent Nationes*, cap. 8. v. 5. lib. 1. Regum. Conceſſit Deus Hebræis Regem, tuncque ſtatum Reipublicæ Hebræorum Ariſtocraticum, in quo Lex potiſſimum cum Deo dominata erat, excepit Status Monarchicus, ſeu ſucceſſio Regum, e quorum nutu, & arbitrio, potius quam ex divinæ Legis Imperio Hebræi pendere cœperunt. Primus apud Hebræos Rex fuit *Saul*, ſecundus *David*, cui ſucceſſit filius *Salomon*, qui anno quarto Regni ſui conſtruxit Templum Hieroſolymitanum. A Rege autem *Salomone* Regnum in Familia Davidica apud Hebræos hæreditarium evaſit uſque ad Regem *Sedeciam*, qui a *Nabuchodonofore*, Aſſyriorum Rege, cum Populo Judaico captivus in Babyloniam abductus eſt. Hanc brevem iſtius mutationis, quæ in quarta Mundi Ætate contigit circa ſtatum

Reipublicæ Hebræorum notitiam præmittendam esse duxi, quo facilius ejusdem quartæ Mundi Ætatis, quæ incipit ab exitu Israelitarum ex Ægypto, & finem habet in quarto Regni *Salomonis* anno, quo jacta sunt Templi Hierosolymitani fundamenta, Historiam in tribus Colloquiis, juxta præscriptam nobis Legem, describendam aggrediamur. In primo Colloquio referemus ea, quæ Hebræis ab eorum ex Ægypto profectioe usque ad Legem datam *Moyse* a Deo in monte Sinai, & post Legem datam, acciderunt usque ad obitum *Moyse*; ibidemque explicabimus res præcipuas, quas speciatim complectitur Lex a Deo data, quæ dicitur Mosaica, videlicet Præcepta, Ritus, Sacrificia, Sacramenta, Festa, Immunditias Legales, Sacerdotum Consecrationes, & alia id genus, quæ Sacra & Religionem Hebræorum spectant. In altero Colloquio nonnulla Dubia, sive ad Legem Mosaicam, sive ad quædam facta Historica quartæ Mundi ætatis attinentia, quæ a Theologis & Scripturæ Sacræ Interpretibus proponi solent, dirimemus. In postremo Colloquio Gesta *Josue* in regimine Reipublicæ Hebræorum, *Moyse* successoris, necnon Judicium & Regum, qui præfuerunt Hebræis usque ad quartum Regni *Salomonis* annum, quo extructum est Templum *Salomonicum*, seu Hierosolymitanum, describemus, & eadem opera accuratam trademus seriem annorum, qui in quarta Mundi ætate, hoc est, ab egressione Populi Israelitici ex Ægypto usque ad quartum Regni *Salomonis* annum elapsi sunt.



C O L L O Q U I U M

P R I M U M,

In quo referuntur ea, quae Hebraei, ab eorum ex Aegypto profectioe, usque ad Legem datam Moysi a Deo in monte Sinai, & post Legem datam, acciderunt usque ad obitum Moysi, ibidemque explicantur res praecipuae, quae continentur in eadem Lege, videlicet Praecepta, Ritus, Sacrificia, Immunditiae Legales, Sacramenta, Festa, Sacerdotum Consecrationes, & alia id genus, quae Sacra, & Religionem Hebraeorum spectant.

DISCIP.



Moysem daret Legem in monte Sinai!

M. Deus Hebraeos ex Aegypto egressos, & ad ultiotiorem ripam Maris Rubri, quod siccio velligio transierant, appulsos, singulari protectione dignatus est, atque in variis, quas in Eremo habuerunt, mansionibus, donec ad Desertum Sinai pervenirent, multa, eaque stupenda, in eorum gratiam patravit miracula (a). In primis, Hebraei, postquam per triduum in Deserto Sur, sive Etham, iter egissent, castra in Mara posuere, ubi aquam quidem invenerant, sed quae, ob insitam amaritudinem, ad potum, sitinique sedandam usui esse non poterat. Quo factum est, ut aquae penuria laborantes, camque essent natura queruli, & ad murmuratorem proclives, protinus insolenti contumacia insurrexerint in Moysen, qui doctus a Deo, arboris lignum in aquam iniecit, cujus haec vis fuit, ut dulcem aquae saporem redderet. Inde digressi Hebraei, venerunt in Elim, ibique duodecim fontibus aquarum, & septuaginta arboribus palmarum repletis, confederunt. At, ubi pervenerunt ad Desertum Sin, quod est inter Elim & Sinai, rursum, ob penuriam victus, tumultuari, & murmurare coeperunt, non solum contra Moysen, ejusque fratrem Aarone, sed etiam contra ipsummet Deum, Aegypti servitium, cum satietate ventris, desiderantes. Huic tamen ingrato, & durae cervicis populo non desuit Deus. Nam, praeter ingentem coturnicum copiam, ad eorum castra vento delatam (b), paravit eis cibum exquisitissimum, juxta ac delicatissimum, qui dicitur est *Manna*, quia primum cum admiratione, & hac voce *Mambu*, id est, *Quid est hoc?* a Populo Hebraeo exceptus est. *Manna* illud non fuisse naturalem & vulgarem cibum, sed praternaturalem, miraculosum, & munus a Deo callitus missum, multis rationibus probat *Buxtorfius* in ea, quam edidit, *Exercitatione in Historiam Mannae*, quarum aliquas hic compendiose describam. Et primo quidem, *Manna* non fuisse cibum naturalem, sed miraculosum, patet ex modo, quo deplebatur, & conserbabatur. Nam, nec in terram cadebat, nec ramis arborum adhaerebat, sicut in terram cadit, vel arborum ramis adhærescit *Manna* naturale, quod

in Arabia reperiri *Josephus* Hebraeus, alique Scriptores, cum veteres, tum recentiores testantur; sed in circuitu damtaxat castrorum Hebraeorum, & non alibi, inveniebatur. In tanta porro copia deplebatur istud *Manna* quotidie, & qualibet anni tempestate, etiam in hyeme, ut innumeris Hebraeorum myriadibus alendis abunde sufficeret. Nec minus miraculosa erat hujus *Mannae* conservatio. Quamvis enim istud *Manna*, quod in agro residuum erat, servente Sole, liqueceret, attamen singulis diebus collectum ab Hebraeis, & ad castra delatum, ita durum evadere, ut mola frangeretur, vel pilo tereretur, nec igne liqueficeret, sed in tortulas conformaretur. Quin, istud *Manna*, quod in diem sequentem aservatum corrumpebatur, & vernibus scatebat, die tamen Sabbati incorruptum servabatur, & ideo Feria sexta duplum *Manna* deplebatur, quia illud Sabbato colligere non licebat, immo nullum *Manna* Sabbato, quo Hebraei quiescere debebant, in agro inveniebatur; quod sane palam ostendit, istud *Manna* non fuisse cibum naturalem, sed miraculosum. Secundo, *Manna* istud, praeter inditum sibi naturalem saporem, alium habebat in ore piorum, seu spiritualium Hebraeorum, desideris eorum attemperatum, ut docet S. *Gregorius* lib. vi. *Moralium* cap. 12. quod sane absque speciali miraculo fieri haud poruit. Addo etiam, istius *Mannae* per quadraginta annos, quibus Hebraei in Deserto errarunt, quotidianam essetiam, aperte demonstrare, *Manna* non fuisse cibum vulgarem & naturalem, sed potius praternaturalem, caelestem & miraculosum. Hinc est, quod Deus jussit, ut urna hoc *Manna* plena conservaretur in intimo Sanctuario, in perpetuum monumentum. Hoc autem Dei praecceptum fuisse supervacaneum, si *Manna* istud fuisset naturalis & vulgaris cibus. Hinc etiam sancti *Patres* docent, *Manna*, quo Hebraei per xl. annos usi sunt in Deserto, fuisse panem caelestem, & insignem figuram Christi, & corporis ejus in Eucharistiae Sacramento, ad spirituales animarum nostrarum alimoniam, quamdiu in calamitosa hujus Mundi Deserto peregrinamur, nobis dati, idque probant ipsissimis verbis Jesu Christi, de se ipso, cap. 6. Evangelii S. *Joannis*, dicentis: *Ego sum panis vitae. Patres vestri manducaverunt Manna in Deserto, & mortui sunt. Hic est panis de Caelo descendens, ut si quis ex ipso manducaverit, non moriatur.*

Hist. Vet. Test. Tom. II.

E 3

u(a).

(4) Quo potissimum in loco Israelitæ mare rubrum transierit critici omnis ætatis disputant. Juvat hic referre novam systema a D. Shaw inventum, nec invita minerva excogitatum. Mare Rubrum in fine bifidum est, relicto inter utramque extremitatem intervallo, quod a locis desertis occupatur. Utraque maris ejus lingua nomen solum obtinet, altera enim quæ Cairo propior est, appellatur sinus Heropoliticus; altera vero sinus Elaniticus. Israelitas transiisse sinum Heropoliticum scripsit iste judicat, tum quod Cairo fuerit propior, tum etiam quod tutior, natura locorum considerata, inde via ad mare rubrum Hebræis fuerit. Ibi vero transitum figit, ubi Sinus ita in arcum cogitur, ut inter utramque ripam spatium communium miliarium viginti vii intercedat. Porro moventur Israelitæ et Ramesse, seu e terra Gesen, quam auctor ille collocat in tractu Heiopolitano ad ripas Nili, qui locus non longe aberat a Memphi, nec plurimum etiam a Cairo. Jacet ibi Marsetta, ubi veteris urbis rudera quædam hodie usque conspiciuntur. Noluit Deus, ut per regionem Philistæorum, unde erat iter expeditus, viam insisterent, Exod. XIII. ea seclusa via duæ superarent aliz, quas populus teneret, alia scilicet, quæ decurrit inter latera montium inferioris Thebaidis, alia magis vergens ad Septentrionem eorum montium, quam iidem montes muniunt ad latum dextrum per plures leucas; sinistro vero adjacet desertum Atabiz Aegyptiæ, quod ventum sit ad vallem Bedeah, ubi montes illi aquilonares ingentem hiatum efficiunt. Per hanc viam ivit populus eaque deductus est in Succoth, Num. XXXIII. 5. quo nomine exprimitur tentorium collectio, quod ibi forte Arabes Beduini tentoria sua haberent. Tum venerunt in Ethan, Exod. XXXIII. 20. qui forte locus est in deserto hujus nominis, idque extenditur circa sinum Heropolitanum. Exinde vero credibile est Israelitas via plana derelicta montuosam alteram tenuisse; nam jussu a Deo sunt, ut reversi castrametarentur e regione *Fi-liabror, quæ est inter Magdalem, & mare*. Verba hæc denotant Israelitas e priori via divertisse, atque alteram tenuisse ad dexteram deserti Ethan. Ita peregrinus populus sapiebat montibus Mæc-car, & Suez; Aegyptii vero illos insequentes, fauces eorum montium occupabant, atque ita factum est, ut undique Israelitæ constringerentur; montibus scilicet ad Septentrionem, & Austrum, mari rubro ad Orientem, Aegyptiis fauces montium obsidentibus. Ad has angustias redactis unicum effugium supererat, si mare rubrum transirent, quod Deus effecit viam per maris undas aperiens. Locus igitur prodigii aliquanto inferior erat ad meridiem Suez, eidem hodie pariter ex veteri traditione nomen Arabicum Tiah-Beni-Israel, idest, iter Israelitarum.

Ibi ergo mare transgressi Israelitæ venerunt Marba, nempe in desertum, quod hodie pariter id nominis manet, & cum tridui iter jam egissent, facile stativa habuerunt in loco, quod mode

appellatur Cotondel, ubi auctori, unde hæc desumpsit, occurrit rivulus gurgulinus, idem forte, quem Moyses ligni injectione potabilem effecit. Ex Marba venerunt in Elin, qui locus est ad terminos septentrionales deserti Sin duabus leucis a Tot, & triginta circiter a Cotondel. Ex duodecim puteis a Moysè ibi repetitis novem nunc patenter supersunt, reliquis forte a turbinibus, in desertis hinc familiaribus, oppletis. Sunt ibi pariter palmarum non quidem septuaginta, quas Moyses reperit, sed in immensum multiplicatae. Jacet ibi balneum, quod Moysis dicitur, arabice Homman-Moufa. Cetera ex auctore repetas.

(6) Pigeret hic præterire annotationem quandam D. Shaw in suo itinere, de quo sepe dictum; hic enim tom. 2. pag. 92. Gallicæ editionis Hæge Comitum an. 1743. de cornutibus a Deo procuratis populo in deserto pererranti habet: hæc natura loci est, ut si cornutibus istis diu ibi perseverandum fuisset, novo miraculo a Deo providende erant visui, & tertio etiam succurrendum, ne siti perirent. Nec satis admirari possumus, quid sit providentiam cum sapientia conjunctam, qui desertis hinc locis de camelis providerit, brutis scilicet situm ad dies plures tollerantibus, & multo minori cibo utentibus, quam pro corporis habitu.

D. E. Deserto Sin profectos Hebræos, seu Israelitas, in quem locum deduxit Moyses, ut ibi castrametarentur?

M. E. Deserto Sin profectos Israelitas duxit Moyses in locum, dictum *Daphca*, ubi castrametati sunt. Deinde, e *Daphca* progressi, castra posuerunt in *Alas*, & ex *Alas* egressi, tentoria fixerunt in *Raphidim*, ubi quædam observatione digna Israelitis contingerunt, quæ hic breviter referant. In primis, Populus Israeliticus, cum aquæ penuria tentaretur, excaudat in Moysen, & ægre ab ejus exitio temperavit. Tum Moyses de vita periclitans, mandante Domino, apud locum, cui *Oreb* nomen est, petram, seu rupem, virga percussit, murmuranti populo larse scaturientis aquæ copiam fecit. (a) Secundo, post idem tempus, quo in *Raphidim* Israelitæ manebant; Amalecites irruerunt, illos incursionibus vastantes, & ad pugnam provocantes. Quocirca, Moyses, suis in prælium eductis, supremum totius exercitus Imperium Josue, filio Nuni, dedit, ipse vero, focis assumptis Aaron & Hur, spectator pugnae futurus, simul precandi Dominum gratia, in vericem montis descendit. Conserto prælio, acies dubio eventu, anticipique Marte concurrabant. Hebræi tamen vincebant, quando Moyses manus supplices in Cælum erigeret, iis aurem remissis, Amalecites, resumptis viribus, prævalebant. Quod advertentes Aaron, & Hur, opposito saxo, in quo sederet Moyses, manus ejus ex utraque parte ad occalum usque solis infuscerunt. Sic in fugam acti, fusi, prostratique sunt Amalecites, quos Josue in multam noctem cecidit. Tunc Moyses omnem victoriæ gloriam, ut par erat, soli Deo acceptam referens, ei Altare in perpetuum erexit munimentum cum hoc titulo: *Domini militatio mea*. Sancti Patres, & antiqui Scriptores, vide-

videlicet S. Iustinus Martyr, in Dialogo cum Tryphone, Iudæo, Tertullianus lib. 3. adversus Marcionem, cap. 27. Theodoret. quæst. 34. in Genesim, & S. Hieronymus in Epistola ad Fabiolam, asserunt Moysen, in monte expansis manibus orantem, dum Josue contra Amalecitas pugnabat, typum fuisse Jesu Christi, in Cruce salutis nostræ hostes vincentis. Tertio, per idem tempus, qui in Raphidim manserunt Israelitæ, Jethro, Moysi socer, cum filia Sephora, quæ Moysi nupta, proficiscente in Aegyptum viro, domi rederat, liberisque ejus, cognatis rebus, quæ per Moysen perrebantur, venit, eique negotiorum undis pene oborto sanum suggestit negotium. Auctor quippe ei fuit, ut ordines populi distribueret, & constitueret Tribunos, seu Chiliarchas, Centuriones, Decuriones, & viros quinquagenis Præfectos. Placuit Moysi prudentissimum focii sui consilium, viroque ex omnibus Israelitarum Tribubus selectos iudicis præfecit, & postquam illos constitutos Judices, ut demandata sibi Provincia sancte funderentur, adhortatus, esset perduxit Israelitas in desertum Sinai, ibique castrametati e regione montis Horeb, per annum fere integrum commorati sunt, spectatores rerum, quæ in ea statione contingerent, variare & admirabilitate cæteras, quas in aliis mansuionibus jam viderant, longe superantium.

“(a) Addendum hic censeo, in loco, ubi populus consedit, appellato Raphidim, hodie pariter spectari rupem e marmore vario, quod granitus dicitur, jacetque in medio vallis. Infirmit adeo pede solo inserta est, ut videatur ad minimum motum ruitura & extremam hujus marmoris oram attingit canale quoddam lapideum crusta quadam obductum illi perisimili, quæ per canale diu decurrans aqua interiora ejus vestit. Cernitur per hoc canale hinc inde forali quidam alii majores, aliis minores, unde emerge aquæ facile intelliguntur. Porro hæc petra est, unde Moyses aquas ad potum Israelitarum deduxit. Hanc petram itineraria plura, ac novissime D. Salve describit rom. 2. pag. 40.

D. Describere, obsecro te, res illas varietate & admirabilitate singulares, quas Israelitis in Deserto Sinai contigisse mox insinuasti?

M. Tot inter eventus, qui Israelitis in Deserto Sinai commemoratis acciderunt, eminet præsertim Legis promulgatio, a qua subinde incipimus, indicando breviter locum, tempus, & modum, quo facta est hæc Legis promulgatio; deinde, cæteros insignes perillustrabimus eventus, qui ad eandem Israelitarum in Deserto Sinai stationem referuntur. In primis, Deus, volens cum Israelitis icere fœdus, eosque sibi præ omnibus Populis adstringere, ac solum illis amorem, & singularem protectionem polliceri, iussit eis Legem, quam eis daturus erat accepturus, ut scabini quatuordecim munda- rent, & vestimentis, corporibusque ablu- rent, conjugali etiam congressu per triduum abstinerent. Sic dispositis & preparatis Israelitis, Deus dedit Legem Moysi in monte Sina, vel Sinai, in quem ascendere, vel fines illius tangere, sub poena capitis Deus Israelitis inhibuerat. Hæc autem Lex data est post quadringentos & triginta annos a vo-

catione Abrahami, die vero ab exitu ex Aegypto, & a primo Israelitarum Paschate quinquagesimo. Hinc apud Christianos manavit Festum Pentecostes, qua die (quæ fuit quinquagesima a resurrectione Christi Domini) Nova, seu Evangelica Lex fuit, per illapsum Spiritus Sancti in Apostolos promulgata, sicut notat expresse S. Leo serm. 1. De Pentecoste, ubi ait: Sicut Hebræos quondam Populo, ab Aegyptiis liberato, quinquagesimo die post immolationem Agni, Lex data est in monte Sina, ita post Passionem Christi, qua verus Dei Agnus occisus est, quinquagesimo a resurrectione ipsius die, in Apostolos, plebemque credentium Spiritus Sanctus illapsum est, ut facile diligens Christianus agnoscat, initia Veteris Testamenti Evangelicis manifestasse principii, & ab eodem Spiritu conditum sectas secundam, a quo primum fuerat institutum. Sed vide, si placet, maximum discrimen, quod intercedit inter modum, quo Lex Vetus, seu Mosaica, fuit in monte Sinai promulgata, & modum, quo Lex nova, seu Evangelica, in Cenaculo Hierosolymitano promulgata est in die Pentecostes. Lex quippe Vetus in monte Sinai prodita est, duabus Tabulis inscripta lapideis. At, in Cenaculo Hierosolymitano Nova Lex per Spiritum Sanctum inscripta est cordibus credentium. In promulgatione Veteris Legis auditi sunt validi tubarum clangores, quibus undique quatiiebatur aer. Apparuerunt insuper densissima nubes, montem Sinai operiens, ignis terribilis, flammæ, fumus, incendium, fulgura & tonitrua, tamque terrifico apparatu Lex Vetus data est, ut Populus Israeliticus, discors, obmurmurans, ac terrore percussus, prohibitus sit, ut mox diximus, attingere montem: sed in Cenaculo Hierosolymitano, ubi promulgata est Lex Evangelica, apparuit quidem ignis, non qui exureret corpora, sed qui mentes illuminaret. Auditus est etiam Spiritus vehemens, non terrorum, sed alacritatem afferens, robur & lætitiarum inferens. Discipulis Jesu Christi, qui ideo, sicut ait Scriptura sacra, erant in Cenaculo placidi, quieti, unanimisque deprecantes & expectantes adventum Spiritus Sancti. Si autem quæras causam istius discriminis, quod in modo utramque Legem, seu Veterem & Novam, promulgandi reperitur, non aliam certe assignare possum præter istam, quam tradunt sancti Patres. Lex Vetus, seu Mosaica, fuit Lex timoris, adeoque ad timorem Hebræis innoxii, dureque cervicis incutiendum, terrifico apparatu debuit promulgari: at vero, Lex Nova, seu Evangelica, cum sit Lex Gratiæ, Lex Amoris & Charitatis, promulgari debuit cum omni suavitate & delectatione, quam vera Christi pax, & Spiritus Sancti charitas cordibus credentium inspirare & inferere soleat.

D. Sed, cur, quæso, Deus hanc positivam, seu scriptam Legem, quæ appellatur Mosaica, dedit Hebræis, quibus tamen ad bene vivendum abunde sufficere poterat Lex nature, quæ a creatione Mundi semper viguit, hæretque etiamnum animis hominum penitus infixæ?

M. Duplici de causa Deus hanc Legem positivam, seu scriptam, quæ dicitur Mosaica, dedit Hebræis. Primo, quia, sicut mox observavimus,

Deus, hanc positivam Legem condendo, sœdus suum Populo Israelitico pangere voluit, atque suæ erga eum peculiaris benevolentię, prædilectionis & protectionis pignus exhibere ac monumentum, quod esset ære perennius. Secundo, Populus Israeliticus, ad quotidianam Dei beneficia minime attentus, effrenatiquæ naturæ, per primi hominis peccatum corruptæ, motibus, potius quam rationi obtemperans, a Deo sæpius avertebatur ad res creatas, & in Ducem suum *Moysem* rebellabat. Quin, depravati & in semetipsis contumeliosi, & in alios injuriosi, criminum omne genus, Gentilium more, patrabant, adeo ut, dominante in malis carnalibus Hebræis, non sœcus ac in Ethnicis, perversa concupiscentia, ferocientibus pravæ libidinis motibus, & omnino inferiori parte contra superiorem sese altius efferente, langueretur animi vis, labefactaretur libertas, contaceretur ratio. Quocirca, ut lex naturalis, quæ apud Hebræos, sicut apud reliquos Populos, per peccatum erat pene extincta, in hominum animis revivificetur, ac rationi contra cupiditatem suppetias ferret, positiva Lex, seu Scripta, quæ dicitur *Mosaica*, fuit a Deo renovanda, ut ope istius Legis *Mosaica* Hebræi se esse peccatores, & virium suarum infirmitatem agnoscere, recurrerent ad Medicum, seu ad Jesum Christum, verum Messiam & Mediatorem omnium hominum, quem Lex *Mosaica* venurum ostendebat, ipsius opem implorarent; & per fidem ab ipso impetrarent gratiam medicalem, & remissionem peccatorum, quam Lex *Mosaica* ex se dare non poterat, sicut romini, me juxta doctrinam Sancti *Thome*, Angelici Præceptoris, exposuisse sub finem tertii Colloquii nostri in Historiam tertie Mundi Ætatis.

D. Non certe a mea memoria exciderunt generales illæ notiones, quas Legem *Mosaicam* spectantes, sub finem tertii Colloquii nostri in Historiam tertie Mundi Ætatis mihi suppeditasti, & quibus te in isto, quod in Historiam quartæ Mundi Ætatis hodie jam incipimus, primo Colloquio, additurum promissisti specialem & accuratam expositionem rerum, quæ in Lexe *Mosaica* ad bene constituendam in Rempublicam Judæorum, comprehenduntur, cujusmodi sunt Præcepta, Ritus, Sacrificia, Sacramenta, Festa, Immunditiæ Legales, Sacerdotum Consecrationes, & alia ejusmodi, quæ pertinent ad Religionem Hebræorum. Sed, antequam hæc Legis *Mosaicæ* capita, quibus præcipue constat Judæorum Religio, distincte articulatinque exponas, perge, si placet, compendiosam describere Historiam rerum, quæ Hebræis, post Legem datam *Moyse* a Deo in monte *Sinai*, ulque ad finem quartæ Mundi Ætatis, contigerunt.

M. Ubi primum *Moyse* Legem sibi a Deo datam in monte *Sinai*, ad Populum Hebræum retulisset, eamque vidisset ab eodem Populo publicis acclamationibus, festivisque gratulationibus acceptam, Aram sub monte *Sinai* radicibus, sustulit duodecim titulis, seu columnis, quæ Deum inter & duodecim Israelitarum Tribus, sanctissimum sœdus significabant, erexit, nullaque interposita mora, rursus montem, in quo Dominus consisterat, conscendit *Moyse*, adhibitis se-

cum sociis *Aaron*, *Nadab*, *Abind*, & septuaginta Senioribus Israelitis. Sed, hi Deum propius intueri nolentes, locum tamen, in quo Dominus, visibili quidem specie, sed mirabili forma, & claritudine eximia stabat, viderunt. *Moyse* autem, accersitus a Domino, interiori nubem, quæ circum Dominum steterat, ingressus est, & in ea quadraginta diebus totidemque noctibus absque cibo & potu moratus, nondum construendi Tabernaculum & Arcam, Sacerdotum Ornamenta, Consecrationem, Sacrificia, cæteroque divini Cultus Ritus edoctus verbis Dei est. At, interea temporis, carnales Hebræi, diuturnioris moræ, quam in monte traheretur *Moyse* (quadraginta quippe dies apud Dominum duxerat) impatientes, compulerunt *Aaronem* ad conflandum Idolum. Imminentem tumultuantis Populi seditionem metuens *Aaron*, ex suis mulierum inauribus Vitulum aureum, ad similitudinem Ægyptiorum Deorum, confavit, confecit, & inlanti Populo, extructa Ara, adorandum proposuit, sicque semetipsum Idololatriæ crimine poluit, sicut clarius constabit ex his, quæ dicturi sumus in proximo Colloquio, in quo ea solvemus Dubia, quæ circa Historiam quartæ Mundi Ætatis tam Theologi, quam Scripturæ Sacre interpretes agitare solent. Vitulo itaque aureo furens Populus Hebræus, suiique Domini plane immemor, hostias offerre, vino, & ventri se dare, epulis, cantibus, choreis, ludo, & libidini assatim indulgere cepit. Quæ omnia iusto dolore despectans Deus, improbum populum nisi a *Moyse* fuisset exoratus, penitus delevisset. Ad castra cito reversus *Moyse*, cum duas lapideas Decalogi Tabulas, digito Dei exaratas, detulisset, populumque luxui, crapulæ, & sacrilegio deditum nactus esset, Tabulas confregit, indignam esse Gentem existimans, cui lex Domini traderetur; *Aaronem* vehementer increpuit, Vitulum aureum solo æquavit, ac in pulverem comminutum Idololatriæ propinandum exhibuit: denique, vindictam sumpturus de Idololatriæ præceptis *Moyse* Levitis, ut eos distinctis gladiis cæderent. Quo impetu quasi viginti tria nulla hominum perempta tradit nostra Editio vulgata, lib. Exodi cap. 32. vers. 28. Sed tria tantum milia virorum in hac strage cæsa fuisse legimus in Textu Hebræico, in Versione lxx. Interpretum, in Pentateucho Samaritano, in Versionibus Syriacæ & Arabicæ, in Paraphrasi Chaldaica Onkelosi, sicut observant aliqui sancti Patres, quos sequuntur Sancti *Paganius*, *Melvenda*, *Cajetanus*, alique haud pauci moderni Scripturæ Sacre Interpretes eruditi, quos percent nosse Natalis ab *Alexandro* Art. viii. Dissertationis Anticriticæ, quam edidit contra *Claudium Frassenum* Ordinis S. *Francisci*, & sacre Facultatis Parisiensis Doctorem eximium. Preterendum tamen est, quod Vulgata nostra recenset, His peractis, Religionis zelum Levitis, qui strenuus Dei miles, & gloriæ ipsius vindicæ sese præstiterant, gratulatus *Moyse* rursus ascendit in montem, ubi iteratis pro Populo Hebræo, jam resipiscentiæ & penitentię sentias permoto, precibus,

cibus, novas a Deo obtinuit Tabulas in eorum locum succedentes, quas confregit *Moyſes*. Quadraginta dies sine cibo ac potu cum Domino in monte postquam commoratus esset *Moyſes*, descendit de monte Tabulas, Decalogum digito Dei scriptum continentes, præterea, ejusque facies, propter confortium, quod proprius cum Domino habuerat, tanta claritudine renebat, ut cornua (sicut habet nostra vulgata Editio) appareret, idem, radios in modum cornuum sic emittens, ut intueri eum populus non valeret. Sed, cum mandata Dei relaturus esset, vultum, cujus splendorem ferre non poterat populus, velamento obtexit *Moyſes*, atque ita toti audienti populo Mandatorum, quæ acceperat a Deo, exactam observantiam, promptamque executionem imperavit. Tunc annuente omni populo, nec solum maximam pecunie summam, instar capitulationis indictam, solvente, sed etiam spontanea demaria, armillas, & inanes, annulos, dextralia & specula, aliæque id genus devotissimi animo offerente, Tabernaculum, Arca Fœderis, Altare, Mensa Propositionis, Vestes Sacerdotales, Candelabrum, & reliqua Instrumenta, & Vasa, quæ Sacrificia spectabant, quæque *Moyſes* in monte *Sinai* verbis Dei edoctus fuerat, in Deserto ad montem *Sinai* fabricata sunt a duobus peritis Artificibus, videlicet *Beseleel*, filio *Uri*, de Tribu Juda, & *Ooliab*, filio *Achisamech*, de Tribu Dan.

D. Priusquam de Præceptis Legis Mosaicæ, de structura Tabernaculi, Arce Fœderis, Altaris Mensæ Propositionis, & de his quæ Sacerdotes, Sacrificia, cateroque divini cultus ritus spectant, sigillatim differamus, optarem vehementissime, ut non interrupto Historiæ filo, referres hic omnia, quæ Hebræis, post acceptam Legem a Deo, contingerunt usque ad obitum *Moyſis*.

M. Jam scio, perspicuitatem cum brevitate conjunctam tibi in studio Historiæ sacræ in amore esse, quapropter id in præsentia pro virili agam, ut omnia, quæ Hebræis, post datam a Deo legem in monte *Sinai*, contingerunt memoria & scitu digna, breviter ac dilucide continuo orationis filo perstringam. Et primo quidem Hebræi, per turmas distributi, e Deserto *Sinai* profecti, continuo tridui itinere pervenerunt in Desertum *Pharan*, ubi Manne cibum, quo, ut supra retulimus, utebantur fassidentes, & tot tantisque beneficiis Dei ingrati, carnum desiderio, viles, quibus in Ægypto assueverant, dapes appetere cœperunt. Deique bonitatem graviter offenderunt. Annuit insans eorum desideris Dominus, & ut in Gentem illam induratum, sanisque consiliis semper male renitentem, severe animadverteret, immensam copiam coturnicum castris intulit, quas cum isti belluones avidè diriperent, primoribus labiis vix admotis carnibus, interibant. Sic carnales Hebræi, eo, quem desideraverant, cibo puniti sunt, & mortis poena percussis a Deo vindicæ, pravæ vis cupiditatis promeritas pœnas dederunt. Præterea, *Aaron*, frater *Moyſis*, & *Maria*, ejus soror, oblocuti sunt contra *Moyſem*, quod uxorem duxisset *Sepporam*, Gentem Æthyopiæ, seu Madianitidem. At, Deus *Aaron* & *Mariam* obtruncantes *Moyſi*, graviter increpuit, & *Mariam* lepra percussit, quæ extra

castra confestim ejecta est, & post septem dies, *Moyſe* orante, sanata rediit in castra. Tertio, Hebræis, adhuc in Deserto *Pharan* commorantibus, res accidit luculosa sane, quæ ipsis maximam intulit cladem, & *Moyſem*, atque *Aaronem* in summam vitæ discrimen adduxit. Miserat, jubente Deo, *Moyſes* e Deserto *Pharan* (cui vicina erat terra Chanaan, cujus possessionem Dominus promiserat *Abrahamo* & posteris ejus) duodecim Exploratores ex singulis Tribubus delectos, ut totam hanc Regionem Chanaanam sedulo perlustrarent. Post quadraginta dies reversi illi duodecim Exploratores, in hanc Terram missi, renunciarunt, felicem omni copia rerum, ac fertilissimam esse illam Regionem. Decem tamen ex illorum Exploratorum numero terrore ac diffidentia populi animos impleverunt, referentes se in Terram Chanaan vidisse munitas urbes, ingentibus muris oppida cincta, & terræ illius incolæ, corpore validos, & de genere Gigantum, quibus Hebræi compositi, nani, pumiliones, & locustæ viderentur. Hæc audientes Hebræos magna incessit formido, quæ statim in seditionem erupit, eo progressam, ut spreto *Moyſi* imperio, alterum Ducem sibi constituere pararent, cujus ductu in Ægyptum reverterentur. Tunc *Josue* & *Caleb*, qui inter Exploratores fuerant, populum obsecrant & obtestantur, ne Exploratoribus, formidolosa referentibus, fidem alibent. Protestantur sese una cum illis Exploratoribus hanc Terram perlustrasse, nihilque in illa metoendum reperisse, sed potius maximam rerum omnium ubertatem, & infirmas Gentium, Terram illam incolentium, vires. Denique, trepidanti populo spem faciunt auxilium Dei ac præsidium presentissimum habendi, ac subinde Hostes, contra quos dimicare debebat, præde potius quam exitio fore. Hac adhortatione nihil apud perduellum populum profecerunt *Josue* & *Caleb*, quin, nisi Deus a populo illo incredulo pœnas exegisset, & motam seditionem compeccuisset, sane multitudinis, illos lapidibus obruere volentis, furorem non evasisset. Omnes præter *Josue* & *Caleb*, ab ingressu Terræ promissæ exclusi sunt. Decem Exploratores, qui hujus seditionis auctores erant, a Deo subita morte sublati. Hebræorum exercitus ab Amalecitis & Chananæis caesus, fusus, ac dissipatus est. Circa idem tempus, homo colligens ligna in die Sabbati jussu Dei lapidibus obrutus est. *Core*, *Dathan*, & *Abiron*, contra *Moyſem* & *Aaronem* conjurantes, vivos hiatu suo terra absorbit. Nec multo post, totius populi, in tumultum prona, orta seditio est in *Moyſem* & *Aaronem*, & statim in eos catervatim mors grassata est, momentoque omnes intereptione deleti fuissent, nisi Deus precibus *Moyſi* placatus, cladem avertisset, qua jam quatuordecim hominibus millia, & septingenti perierant. Volens autem offendere Deus, quantum sibi placeret *Aaronis* Sacerdotium, illud confirmavit miraculo, quo virga *Aaronis*, aliis Principum xii. Tribuum Israel virgis permixta, floruit, & recentes edidit Amygdalas, reliquis virgis, sterilibus & exsiccis remanentibus. De-

buisset Populus Hebraeus, tot plagis & stragibus a Deo punitus, sapere, & a seditione se cohibere juxta illud tritum Adagium: *Piscator ictus sapit*. Sed longe aliter populum illum rebellem, & sapius contumacem in Deum, se gessisse sacra Historia narrat. Vix enim Populus Hebraeus, e Deserto Pharaon profectus, in Deserto Zin pervenisset, & castrametatus fuisse in *Cades*, in aperam seditionem, ob aquae penuriam, profiliit, & inopotentius in *Moysem* atque *Aaronem* debacchatus est. Tunc *Moyse*, a Deo monitus, ut petram, quae sitienti populo aquas surseret, virga feriret, semel atque iterum petram virga percussit. Qua in re a Domino notatus est *Moyse*, quod per diffidentiam non nisi iterato ictu aquam e silice eduxerit, & ob hoc peccatum, *Moyse*, ejusque frater *Aaron*, ejusdem diffidentiae conficiis, promissam Terram Chanaan non sunt ingressi, sed in ejuslimine, ut mos dicemus, mortui sunt. In hoc Deserto Zin in *Cades*, *Maria*, soror *Moyse*, mortua & sepulta est, dumque ex eo Deserto *Moyse* ducere, & Populum Hebraeum per Regionem Idumaeam educere pararet, missis ad Regem Idumaeorum Legatis, transiendi copiam rogavit, nolens, cum ea gente ob jus sanguinis, pugnare. (Erant enim Idumaei ex stirpe *Esau*, filii *Isaaci*, Patriarchae oriundi) Sed, Rege Idumaeorum transitum negante, *Moyse* in montem *Hor*, qui est in finibus Idumaeae, iter convertit, ibique exessit et vita *Aaron*, frater *Moyse*, anno ab egressione Israelitarum ex Aegypto quadragesimo, annos natus centum viginti tres. *Aaron* suscepit in summis Sacerdotii dignitate *Elezazarus*, ejus filius. In hoc itinere, quo Populus Hebraeus ad montem *Hor* tendebat, *Arad*, Gentis Chanaanorum Regem, cum valido exercitu irrupentem, & Hebraeorum transitum impedire molientem, *Moyse*, fultus Dei auxilio, debellavit, ejusque numerofum exercitum internecina clade delevit. Victores Hebraei, & ex monte *Hor* digressi, in Terra Chanaan, patribus suis a Deo promissam, se propediem ingressuros sperabant, sed spe sua, ob varias emergentes difficultates, frustrati, & in diversis stationibus tentoria figere coacti, tandem diuturnioris morae impatientes, antiquas suas de cibo, potu, tadio, & fastidio querimonias refricare, ac palam *Moyse* obtestrere coeperunt. Sed illum obmurmurationes repreperunt serpentes igniti, a Deo immisi, ac moribus venenuti insipientes, quo inflammata semel corpora, febre ardentissima corripiebantur, ac compures extincti sunt. Ceteris vero, ne eandem necem incurrerent, consuluit *Moyse*, erigendo (in typum Jesu Christi, veri Messiae, quem in Crucem egerunt Judaei) Serpentem *Aeneum*, quem dum moribus Serpentum percussi adficerent, sanabatur. Posthac, Hebraei omnes suas curas, cogitationes, & labores ad id potissimum contulerunt, ut hostes, qui in Terram promissam, seu Terram Chanaan, aditum eis praedebant, strenue debellarent, atque penitus extirparent. Et primo quidem, aggressi sunt *Sebon*, Regem Amorrhaeorum, & *Og*, Regem *Basan*, eosque numero

licet exercitu stipatos, perculerunt, devicerunt, prostigarunt, totaque illorum regione & oppidis potiti sunt. Deinde, arma verterunt in *Balaam*, Moabitarum Regem, qui contra ipsos non tam aperto Marte, quam malis artibus pugnaturus accesserat. Evocaverat ad se ille Moabitarum Rex, magna propolita mercede, *Balaamum*, quendam Mesopotamiae Ariolum, ut Hebraeis imprecaretur. Periculum advertens Ariolus, ire primum recusavit; sed tandem, promissis, aurique sacra fame incelsatus, ad *Balaam*, Moabitarum Regem, proficiscitur animo maledicendi Hebraeis. At, dum *Afinaz* insidens, iter perageret *Balaam*, ecce *Afinaz* (territa aspectu Angeli, ignito gladio armati, quem citius illa vidit quam cecus ille vates) divertit a via, sed ab hero suo, illum in viam revocare volente, verberibus confusa, rudium suum in humanum sermonem convertit dicens hero suo: *Quid feci tibi? cur percussus me? ... Propterea aperuit Dominus oculos Balaam, & vidit Angelum stantem in via virginato gladio, adoravitque eum pronus in terram*, sicut legitur cap. 22. lib. *Numerorum*. Hinc *Balaam*, licet ut morem gereret *Balaam*, Moabitarum Regi, Sacrificia praemisisset, bisque conatus esset maledicere Israelitis, spiritu tamen Dei impulsus, ter ei benedixit, & prospera quaque, ipsis auguratus, adventum Jesu Christi vaticinatus est, dicens: *Orietur stella ex Jacob, & consurgens virga de Israel*, sicut legitur cap. 24. v. 17. libri *Numerorum*. Sed, quod fidem omnem superat, idem ille vates, qui Spiritu Sancto afflatus, ter Israelitis bene precatus fuerat, tamque insigne de Jesu Christi adventu Oraculum ediderat, impium, & impurissimum suggestit *Balaam*, Regi Moabitarum, consilium, ut videlicet per Moabiticas & Medianiticas formidas ad Idololatriam & scortationem Israelitas pelliceret, hisque meretricularum illecebris ac lenociniis corruptos a veri Numinis cultu abalienaret. Placuit Moabitarum Regi iniquissimum illud *Balaami* consilium, & statim eleganti specie puellas obtulit Israelitis, quorum quam plurimi non solum cum illis scortis turpissime volutati sunt, verum etiam, conculcato divino foedere, *Baalim*, qui & *Beelphegor*, vel *Priapus* etiam dicitur, impuris, impisque mysteriis initiati sunt. Exarist subito ira Dei in illo sceleratissimos homines, iustisque Deus *Moyse*, ut cunctos Principes populi, criminis auctores, alios etiam initiatos *Beelphegor*, suspensio, aut gladio interficeret, ceteros vero scortatores Deus, immissa peste, omnes ad unum una nocte extinxit, adeo ut numerus eorum, qui vel suspensio, vel gladio perierunt, vel peste sublati sunt, fuerit viginti quatuor millium, sicut narrat *Moyse* cap. 25. v. 9. libri *Numerorum*, dicens: *Et occisi sunt viginti quatuor millia hominum*. Tunc accidit istud egregium & memorabile Phinees, filii *Elezari*, Sacerdotis, factum, quod eodem in capite libri *Numerorum* refert *Moyse*. Cum enim quidam Hebraeus libidinofus, dictus *Zambri*, excussio omni rubore, nieretricem Medianiticam, dictam *Coubi*, inspectante universo populo, in tentorium suum perduceret, & cum ea inervetunde & quasi inpropria-

patulo rem haberet, surrexit *Phineas*, pio ardore luccens, armatusque pugione irruit, & uno ictu utrunque confixit. Hic *Phineas* Zelus, quo utriusque impudice coeuntis sanguine castimoniz litavit, fuit quidem Deo gratissimus, quia tamen acerbiore pœnas promerébantur Madianitz, præcepit Deus *Moyse*, ut in eos moveret bellum, quod statim, Duce *Phineas*, gestum est, tantaque fortitudine Israelitiz, pietate, & iusta ultione luccens, adversus impurissimas illas copias pugnarunt, ut in confictu omnes Principes Madianitz, qui erant numero quinque, ceciderint cum *Balaamo* Axiolo; viri etiam omnes trucidati fuerint cum mulieribus, quæ virum noverant; solæ virginis ad triginta duo millia servatz, & una cum pueris in servitutem abductæ. Hoc pacto numerolissima ac bellicosissima Madianitarum Gens ab Israelitis uno prælio prostrata ac profligata est, ne uno quidem milite in victorum castris desiderato, nulloque impune abeunte, sed singulis, ita volente Deo, acerbissimas suæ, aut alienæ impietatis pœnas dare coactis. Tandem, his confectis, *Moyse* in monte *Nebo*, qui e Moabitidis campetribus assurgit, ascendit, ibique bene precatur populo, Legeque divina accurate commendata, diem ultimum vitæ suæ clausit anno ætatis suæ centesimo vigesimo, ab exitu Israelitarum ex Ægypto anno quadragesimo, postquam Populo Israelitico per annos quadraginta in Deserto præfuisset. Vidit quidem *Moyse* in monte *Nebo* totam Terram promissam, sed eam ingressus non est, quod, sicut jam observavimus, eo tempore quo ut sacrum feriret, & aquam produceret, ei a Deo præceptum est, post totæ virtutum suarum experimenta, discedit ac dubitaverit. Quin, sancti Patres, & Scripturæ sacræ Interpretes, tradunt, ideo Israelitas per quadraginta annos in Deserto mansisse, donec omnes, qui verbis Dei non crediderant, interirent. Exceptis enim *Iosue* & *Caleb*, nemo inter Israelitas, ultra viginti annos natus, ex Ægypto profectus, Jordanem transiit, & in Terram promissam ingressus est. Mortuo itaque *Moyse*, & sepulto in loco, qui hæcenus laevis, atque finit in tanti viri morte iustissimo Israelitarum iustis, *Iosue*, jam a Deo & a *Moyse* subiectus, Republicæ Hebræorum Imperium suscepit, vir sane virtutibus *Moyse* quam similis, cujus res præclare gestas, sicut *Judicum*, atque Regum, qui Populo Israelitico præfuerunt usque ad quartum Regni *Salomonis* annum, quo iacta sunt Tempeli Hierosolymitani fundamenta, opportunius referemus in Colloquio tertio, quod in Historiam hujusce quartæ Mundi Ætatis habituri sumus. Nunc, postquam Historiam sacram a tempore quo Deus dedit Legem *Moyse*, in monte *Sinai*, produximus usque ad obitum ejusdem *Moyse*, qui Hebræorum Legislatoris audit, debemus continentem ordine expendere in hocce hodierno nostro Colloquio res præcipuas, quæ Hebræorum Religionem, divinumque cultum spectantes, in hac Lege, data *Moyse* a Deo, speciatim continentur.

D. Anno libentissime, teque de his rebus, quæ ad Hebræorum Religionem, divinumque cul-

tum attinentes in Lege *Moyse* a Deo data, speciatim continentur, differentem pronis ac suspensis auribus aulcultabo. Optarem tamen, ut antea dissolveres Dubium, quod de morte *Moyse* superius proponebant quidam viri eruditi, asserentes, salva & inculpata fide dici posse, *Moysem* non esse mortuum, sed potius eum cum *Enoch*, septimo ab Adam Patriarcha, & cum Propheta *Elia* translatum fuisse in Cælum, indeque, appetente fine mundi, seu sæviente persecutione Antichristi, denuo venturum in Mundum cum *Enoch* & *Elia*, ut fit Christi Judici Præcursor, & tunc sœrali Edicto Antichristi morti una cum *Enoch* & *Elia*, Præcursoribus itidem secundi adventus Jesu Christi, addictum iri. Utrum igitur salva fide negari possit, *Moysem* mortuum esse, quæso te, ut me edocere non graveris.

M. Tribus potissimum momentis, quæ hic indicare abunde sufficiet, evincitur, nullo pacto posse salva fide negari *Moysem* fuisse mortuum. Nam primo, Scriptura Sacra lib. Deuteronomii cap. 32. & ultimo diserte testatur, *Moysem* esse mortuum & sepultum in Valle Terræ Moab contra Phogor, ejusque sepulchrum usque in presentem diem esse omnino ignotum. Mortuum etiam esse *Moysem* narrat Scriptura Sacra, lib. *Iosue* cap. 1. his verbis: *Et factum est post mortem Moyse, servi Domini, ut loqueretur Dominus ad Iosue filium Nun, &c.* Præterea, *Moysem* revera mortuum esse aperte tradunt antiqui Scriptores Ecclesiastici, quos inter *Origenes* Homilia XXV. in Librum *Numerorum*, & sancti Patres, videlicet *S. Gregorius Nisenus* in Libro *De Vita Moyse*, *S. Augustinus*, multis in locis, sed præcipue lib. XVIII. *De Civitate Dei* cap. XI. *S. Epiphanius* Hæresi IX. & Hæresi LXIV. quorum agmen claudet *Rupertus*, Abbas Tuitiensis, qui libro 2. in Deuteronomium cap. 22. versans data opera id genus argumenti, sic tandem concludit: *Igitur quantissimumque quis e contrario nitatur argumentis, libere confirmamus, quia sicut Aaron, sic et Moyse vere & depositione corporis mortuus sit.* Ad hæc accedunt locupletissima testimonia Historicorum Judæorum, quorum primus *Iosephus* lib. 4. Antiquit. Jud. cap. ult. hæc de *Moyse* scribit: *Mortuusque est (Moyse) ultimo anni mense, die prima mensis, qui a Macedonibus Dystrus dicitur, a nostris vero Adar. . . . Triginta diebus luxit cum populo, cui nunquam tristis quidquam accidit, quam tunc Prophetæ mors.* Alter vero Historicus Judæorum Scriptor *Philo* sub finem libri tertii, quem scripsit *De Vita Moyse*, hæc habet: *Hupsuodi fuit vita obitusque Moyse, Regis, Legislatoris, Vais, & Pontificis, sicut sacris Literis proditur.* Ex his igitur momentis, & sacris Libris, & sanctorum Patrum Operibus, atque ex antiqua & continua Judæorum Traditione depremtis, liquido constat, non posse salva fide negari, *Moysem* esse mortuum. Voluit tamen Deus, ut locus, in quo tumulatus est *Moyse*, esset omnino ignotus, ne apud Gentem Judæam, ad idololatram maxime propensam, vir adeo bene de illa meritis divinos consequeretur honores, sicut censent *Theodoreus*, Questione XLIII. in Deuteronomium,

nonium, & alii. Hinc in Epistola Canonica *Jude* Apolloli legimus, *Michael*em Archangelum disceptasse adversus Diabolum de corpore *Moyſis*, eo quod improbiſſimus ille veterator locum ſepulcræ *Moyſis* vellet Judæis pateſcere, ut contra *Dei Legem*, occaſionem Idolatriæ illis miniſtraret. Non me latet, *S. Hilarium* in cap. 20. *Matthæi* in ea ſingulari fuiſſe ſententia, quod *Moyſes* futurus ſit cum *Propheta Elia*, ſecundi adventus *Chriſti* Præcurſor; at, ex illa ſingulari *S. Hilarii* ſententia inferri minime poteſt, hunc *S. Doctorem* exiſtimaviſſe, *Moyſem* non eſſe mortuum. Fieri quippe potuit, ut *Moyſes*, tempore *Transfigurationis Jeſu Chriſti*, cui cum *Elia* interfuit, reſurrexerit, illicque ſecundum corpus & animam præſens adſuerit, ſub finem tamen mundi ſecundo moriturus regnante Antichriſto, cujus ſutorem ſanguine ſuo ſit extinguentur. Porro, *Moyſem* tempore *Transfigurationis Chriſti* reſurrexiſſe ad tempus, & in corpore apparuiſſe docere videtur *S. Joannes Chryſoſtomus* Homilia 57. in *Matthæum*, *S. Hieronymus* in capite 17. *Matthæi*, *S. Auguſtinus* Tractatu 124. in *Joannem*, & *S. Joannes Damascenus*, in Oratione *De Transfiguratione*. nihilo ſecius mihi magis aridet opinio *S. Thomæ*, qui 2. part. quæſt. 45. art. 3. ad 2. docet, *Moyſem* *Transfigurationis Chriſti* Domini adſuiſſe quantum ad animam tantum, non quantum ad proprium corpus, ſed aliud ab ipſo aſſumptum fuiſſe, ex altera materia virtute divina compactum, in eum ſane modum, quo Angeli in aſſumptis corporibus ſeſe ſpectabiles præbuerunt. Sed de morte *Moyſis* dictum faſtis.

D. Explica nunc, ſi placeat, res præcipuas, quæ in *Legē*, data *Moyſi* a Deo, ſpecialiter continentur, & in primis offende, quænam fuerit forma tabernaculi, in quo Deus ab Hebræis coli voluit, quodque, ut ſuperius inſinuaſti, extructum eſt juxta exemplar, quod Deus *Moyſi* in monte *Sinai* monſtravit.

M. Si Tabernaculi ſtructuram, partefque ſingulis, quas ſacer Scriptor *Moyſes* a capite 25. uſque ad caput 28. Libri *Exodi* accurate deſcribit, vellem in præſentia late exponere, dies proſecto me deficeret, & intra præfixos Colloquiis noſtris limites me nullo pacto continere poſſem. Strictim itaque, ſicut Hiſtoricum Eccleſiaſticum decet, Tabernaculi, in quo Deus ab Hebræis coli voluit, ſtructuram ſecundum præcipuis illius partes delineabo. Tabernaculum igitur, in quo Deus coli voluit, quodque *Sanctuarium* etiam dictum eſt, hanc formam referebat. Edificium erat inſtar Templi, fed portatilis, ex lignis conſectum, quod per partes facile compingi ac diſſolvi poterat, & in quævisque locum deſſeri. In Tabernaculo locus erat ſanctior, velo diſtinctus, qui *Sanctuarium Sanctuarii*, & *Sanctia Sanctorum* appellabatur. Ibi vero *Arca Fæderis* ſervabatur, ex lignis Setim intus & foris deaurata, coronaque aurea circumdata. Hanc Arcam Fæderis operiebant *Propitiatorium Aureum*, quod & *Oraculum* iridem dicebatur, quia inde Deus reſponſa dabat *Moyſi*, *Aaroni*, ac ſubinde Summis Sacerdotibus ipſum conſulentibus. Utrumque latus

Propitiatorii duo Cherubini aurei expanſis alis tangebant, ſeſe mutuo reſpicientes, veriſ in Propitiatorium vultibus. *Sanctia Sanctorum* Tabernaculi ſoli Pontifici ſemel in anno pervia erant, videlicet die ſeptima menſis ſeptimi, quo *Fæſtum Expiationis* celebrabatur. Præter iſtum locum, ſeu præter iſtam Tabernaculi partem, quæ dicebatur *Sanctia Sanctorum*, erat alter locus, ſeu alia eiſdem Tabernaculi pars, quæ vocabatur *Sanctia*, & quæque complectebatur *Altare Thymiamaſis*, ad cujus Altaris latus dextrum erat Candelabrum ductile de auro puriſſimo, *Lucernæ ſeptem* pariter aureis inſtructum. Ad latus vero eiſdem Altaris ſiniſtrum erat menſa, ex lignis Setim, & auro mundiſſimo circumdata, in qua, ad ſignificandum numerum duodecim Tribuum *Iſrael*, reponebantur xxi. *Panes ſacri*, qui dicebantur *Panes Propoſitionis*, & ſingulis Sabbatis mutabantur, uſibusque Sacerdotum cedebant. Denique, Tabernaculum habebat duplex Atrium, unum exterius, in quo ſtabant Laici: aliud interius, in quo erant Labrum æneum, & Altare Holocauſtorum. In Labro æneo manus pedefque abluere tenebantur Sacerdotes antequam Tabernaculum ingrederentur, & ad Altare, ut thymiama offerrent, acceſſuri eſſent. Habes nunc paucis verbis delineatam ſtructuram Tabernaculi, quod Deus in monte *Sinai* præcepit *Moyſi*, ut ædificaret in gratiam *Iſraelitarum* in Deſerto peregrinantium, ſicut perdoctæ explicat Angelicus Doctör *S. Thomas* 1. 2. Quæſt. cii. Art. iv. ad t. his verbis: *Cultus*, inquit, duo reſpicit, ſcilicet Deum, qui colitur, & homines colentes. Ipſe igitur Deus, qui colitur, nullo corporali loco clauſatur: unde propter ipſum non oportuit ſpeciale Tabernaculum fieri, aut Templum. Sed homines, ipſum colentes, corporales ſunt, & propter eos oportuit ſpeciale Tabernaculum, vel Templum inſtrui ad cultum Dei, propter duo. Primo quidem, ut ad huiſmodi locum convenientes cum hac cogitatione, quod deputaretur ad colendum Deum, cum majori reverentia accederent. Secundo, ſu per diſpoſitionem talis Templi vel Tabernaculi ſignificarentur aliqua pertinentia ad excellentiam divinitatis, vel humanitatis *Chriſti*, & hoc eſt, quod *Salomon* dicit lib. 3. Regum cap. 8. Si Cælum & Cæli Cælorum te capere non poſſunt, quanto magis Domus hæc, quam ædificavi tibi? Et poſtea ſubiſſi. Sint oculi tui aperti ſuper domum hanc, de qua dixiſti: Erit nomen meum ibi: ut exaudias deprecationem ſervi tui, & populi tui *Iſrael*. Ex qua patet, quod Domus *Sanctuarii* (ſeu Tabernaculi,) non eſt inſtituta ad hoc, quod Deum capiat quaſi localiter inhabitantem, ſed ad hoc, quod nomen Dei inhabitet ibi, id eſt, ut noſſitia Dei ibi manifeſtetur per aliqua, quæ ibi fiebant, vel dicebantur, & quod propter reverentiam loci orationes ibi fierent, magis exaudibiles ex devotione orantium. Hoc, longiſſimum licet, *S. Thomæ* teſtimonium hic inferre neceſſarium duxi, ut ſtatim intelligas, quomodo ſalutem ad putidum ſit iſtud commentum, quod *Joannes Spenerus*, Scriptor Anglus, obtrudere non erubuit, docens, Tabernaculum, in quo Deus coli voluit, non

ex Dei

ex Dei sapientia & voluntate, sed ex prophana Gentium Religione originem duxisse. Fingit enim ille audacissimus Scriptor, longe ante Moysen, Aegyptiis, aliisque Gentibus solemne fuisse, falforum suorum Numinum, seu Idolorum imagines, in thecis aut tentoriis collocatas circumferre, vel ut Deos honore singulari colerent, vel ut eos haberent indivulso viarum & periculum suorum comites. Ad hunc superstitionum Gentium morem, quem tollere non ita promptum erat, sese accommodasse Deum, & in Tabernaculo, quod ab Hebræis, quocumque vellent, asportari posset, habitare dignatum esse pertendit *Spencerus* lib. 3. *De Legibus Ritualibus Hebraeorum*, Dissertatione 1. cujus errorem invictis argumentis hic breviter confutare non abs re erit. Et r. quidem impium est dicere, Deum, quando precepit Moysi, ut fabricaret Tabernaculum portatile, in quo habitare & ab Hebræis coli volebat, sese demisse ad prophanum illum morem Gentium, quæ sunt Idolum *Moloch* in Tabernaculo portatili colebant, sicut supponit *Spencerus*. Impium, inquam est, ne quid gravius dicam, asserere Deum, qui semper Idololatricæ cultores averfatus est, atque gravissimis poenis subiecit, voluisse in his, quæ ipsius cultum spectant, se accommodare prophanis Gentium Religionibus. Deus autem præcepit Moysi ut fabricaret Tabernaculum juxta formam, quam ei in sacro monte *Sinai* ostenderat ac præscripserat: *Insipice* (inquit *Deus Moysi* cap. 25. v. 40. Libri *Exodi*) & fac secundum exemplar, quod tibi in monte monstratum est. Quibus Domini verbis concidunt due ineptissimæ *Spenceri* conjecturæ. Ait enim primo, Tabernaculi fabricam Gentis Israeliticæ voluntati & æmulationi, magis, quam Dei voluntati vel præcepto esse adscribendam. Quod tamen oppido falsum esse constat ex citatis Scripturæ sacre verbis, quibus Deus in monte *Sinai* Moysi fabricam Tabernaculi præcepit. Secundo ait *Spencerus*, Fabricam Tabernaculi ab Hebræis factam esse juxta formam, quam habebat Tabernaculum *Moloch*, Idolum Gentium. Quod etiam tam falsum est, quam quod maxime. Deus enim in monte *Sinai* præscripsit formam Tabernaculi, in quo coli volebat, eandemque formam capitibus 25. 26. & 27. Libri *Exodi* accurate descriptam habemus. At, formam Tabernaculi *Moloch* nullibi descriptam reperimus. Addo, nullum *Spencerus* certum suppetere antiquitatis monumentum, quo probare possit, morem illum Gentium, Deorum suorum Imagines in Tentoriis, aut Aediculis, seu Templis portatilibus circumferendi, esse Moysæ antiquiorem, vel eorum, cum nullus Auctor, sicut jam in nostris præsentibus Colloquiis offendimus, proferri possit Moysæ vetustior, aut ei suppar, qui rerum istarum fidem faciat. Debuisset igitur *Spencerus*, habita ratione Historiæ sacre, & Antiquitatis Moysi, ultro fateri, Tabernaculum fuisse a Moysæ fabricatum, secundum formam in monte *Sinai* a Deo ei ostensam ac præscriptam: sed postea, Diabolum, æquales divinos honores sibi arrogare volentem, Gentibus, Idololatricæ tenebris immer-

fus, inspirasse, ut Tabernacula, Tentoria, & Aediculas Numinibus suis extruerent, ac similitudinem Tabernaculi, quod, jubente Deo fabricarat Moyses. Sed, ut dicit *Spencerus*, Thecas, Tabernacula, Aediculas, seu Tempa portatilia *Molochi*, aliorumque superstitionis Gentilitatis falforum Numinum in usu fuisse apud Aegyptios, Animonitas, Moabitas, aliisque Populos Idololatrias, antequam Deus ab Israelitis coleretur (quod tamen non probavit *Spencerus*, nec ullus unquam probare poterit) inde tamen minime sequeretur, Deum, quando precepit Moysi, ut Tabernaculum, in quo ab Israelitis coli volebat, extrueret, se ad mores Gentium demisisse, & aliquam Tabernaculi *Molochi* formæ rationem habuisse: sed potius sequeretur, Deum præcepisse, ut Tabernaculum, in quo specialiter coli volebat, fabricaretur, ad extirpandam penitus Idololatriam, & Populum Israeliticum cultui suo arctius devinciendum. Nec enim Deus, ut obiter dicam, Tabernaculum fieri jussit propter hoc, quasi eo indiseret, & aliquo corporali loco claudi posset, sicut vilius est Populus Idololatriæ, qui Deos suos Templis & Simulacris adstrictos & inclusos tibi perocum persuadebant: sed Deus Tabernaculum exstrui jussit propter Judæos, ob duas rationes, quas ex sancto *Thema* mox adduxi. Ostendit etiam Doctor ille Angelicus primæ Secundæ Quæst. CII. Art. IV. ad II. non fuisse conveniens, ut Populus Israeliticus, quamdio mansit in Deserto, non habens certam mansionem, variisque bellis, quæ cum finitimis Gentibus gerere cogebatur, impeditus, edificaret Templum, in quodam loco fixum, sed convenientius fuisse, ut haberet dumtaxat id temporis Tabernaculum portatile. Hæc sunt sancti illius Præceptoris verba: *Tempore David Regis, & Salomonis, Populus ille* (seu Israeliticus) *habuit quietissimum statum, & tunc primo edificatum fuit Templum in loco, quem Deus designaverat Abraham, Genes. c. 22. ut offerret filium suum in holocaustum... Locum autem ille designari non debuit per edificationem Templi ante tempus prædictum propter tres rationes, quas Rabbi Moyses assignat. Prima est, ne Gentes appropriarent sibi locum illum. Secunda est, ne Gentes ipsum destruerent. Tertia vero ratio est, ne quilibet Tribus vellet habere locum illum in sorte sua, & propter hoc orirentur lites & jurgia, & ideo non fuit edificatum Templum, donec haberent (seu) Regem, per quem posset hujusmodi jurgium compesci. Antea vero, ad cultum Dei erat ordinatum Tabernaculum portatile per diversa loca, quasi nondum existente determinato loco divini cultus. Et hoc est ratio literalis diversitatis Tabernaculi & Templi. Ratio autem figurata esse potest, quia per hæc duo (videlicet Tabernaculum & Templum Salomonicum) significatur duplex status. Per Tabernaculum enim, quod est mutabile, significatur status præsentis vite mutabilis. Per Templum vero, quod erat fixum & stabile, significatur status future vite, que omnino immutabilis est, & propter hoc in edificatione Templi dicitur, quod non est auditus sonitus malitiei, vel securis, ac significandum, quod omnis perturbatio simulata longe erit a statu futuro. Vel per*

Ta-

Tabernaculum significatur status Veteris Legis: per Templum autem, a Salomone constructum, status Nova Legis; unde ad constructionem Tabernaculi soli Iudei sunt operati: ad adificationem vero Templi cooperati sunt etiam Gentiles, scilicet Tyrii & Sydonii. Haëlenus S. Thomas, qui a Quaestione XCIII. Primæ Secundæ usque ad Quaestionem CVI. De Veteri Lege, & de his omnibus quæ ad illam spectant, ad miraculum disserit, & orationibus Scripseris, qui eo de argumento tractant, palmam præcipuit, teste *Paulo Burgensi*, in Hispania penere & eruditione inter Iudeos magis nominis; deinde, abdicato Judaismo, Episcopatu Carthagenensi pium, postea Burgenfi, unde ortus erat, & illi nomen adhæsit, fuisse in sacram Scripturam Commentarius celeberrimo. Ille, inquam, vit, in factis Literis; & Rabbino-rum Commentariis veratissimus, testatur est, dum viveret, se Veteris Testamenti in Divo Thoma modulum desecatissimam reperisse, sequè beneficium vocationis ad Christi Ecclesiam debere illius Scriptis, unde sibi Fidei Catholice veritas illuxerat, maxime ex Quaestionibus De Veteri Lege, quas S. Thomas in Prima Secundæ doctissime pertrahat. Id obiter velim observes contra Theophilum Raynaldum, alioque nonnullos S. Thomæ æmulos obretractatores, qui ex mendo, quod oscitantia Typographorum irrepsit in Responsum ad sextum Argumentum, quod sibi proponit S. Thomas in Articulo IV. Quaestionis CII. Primæ Secundæ, ubi legitur, *Propitiatorium fuisse Tabulam lapideam*, occasionem arripunt insultandi in sanctum Thomam, quasi ignoraverit Angelicus ille Doctor, *ex auro purissimo factum esse Propitiatorium*, sicut legitur Exodi cap. 24. v. 17. & cap. 37. v. 6. ejusdem libri. Sed in hac sancto Doctori impingenda calumnia aperte illi obretractatores prodiderunt ignorantiam & malitiam suam; ignorantiam quidem, quia scire debebant, S. Thomam Lectione 1. in cap. 9. Epistolæ Pauli ad Hebræos discrete Propitiatorium appellare *Tabulam auream*; malitiam vero suam itidem demonstrant, quia non ignorabant, in antiquis & correctis summis Tripartite S. Thomæ Exemplaribus Vaticanis, & Salmanticensibus, non legi loco mox a me laudato: *quædam Tabula lapidea*; sed legi: *quædam Tabula, quæ dicebatur Propitiatorium*; ex quibus antiquis & emendatis Exemplaribus compertum facile habere poterant, hunc errorem, qui in quædam Summæ S. Thomæ Exemplaria irrepsit, alicui imperito falsatori vel oscitanti Typographo esse adscribendum, non autem S. Thomæ inveniendum. Sed, quia hac de re plura dicere non vacat, læses eruditam in hunc S. Thomæ locum mox citatum clarissimi nostri Joannis Nicolai, sacre Facultatis Parisiensis Doctoris, Annotationem, in qua Theophilus Raynaldus pro fide meritis plautino sale perbelle destruitur.

D. Eo lubentius hanc doctissimæ Joannis Nicolai Annotationem legam, quod interdum adesse soleam cætui quorundam hominum, qui eruditione quidem pollent, sed nimium mihi videntur morosi ac superciliosi Censores, quippe qui omnes promissæ Scholasticos, ne excepto quidem

S. Thomæ, Doctore Angelico, adductis labiis, conrugataque fronte carpunt, perstringunt, insectantur, afferentes eos nugis & tricis Scholæ, & vanis, futilibusque Quaestionibus innumeri, neglecto Scripturæ Sacre studio, cujus sensum nec allequantur, nec curent. Quam certe iniquam Censuram, se potius calumniam, saltem a S. Thomæ depellunt tam illa, quam mox retulisti, *Pauli Burgensi*, Scripturæ sacre peritissimi, confessio, quam doctissime illæ Quaestiones De Veteri Lege, quas in prima Parte suæ Summæ proponit ac dilucidat hic sanctus Doctor, quæque nos in Colloquiis nostris in Historiam primæ Mundi Etatis prælibavimus, videlicet de opere sex dierum, de productione primorum parentum, *Adami & Eve*, de eorum dotibus, & conditione in statu innocentie. Ex his, inquam, Quaestionibus, de quibus S. Thomas non minus docto, quam lato disseruit calamo, posset facile unusquisque uberimum in Pentateuchum, seu in quinque Libros Moysi conscribere Commentarium. Spreitis igitur viris illis hypercriticis, quibus solenne est omnia, quæ ad ipsorum salivam non sunt satis temperata, immitti virga & inofficiosa censura excipere, atque pluviam dictatoria autoritate dammare, nunc etiam atque etiam te rogo, ut cætera, quibus constabat Tabernaculum, cujus fabricam Deus imperavit Moysi, juxta mentem & doctrinam S. Thomæ explicare peras.

M. Rerum, quæ continentur in Tabernaculo explicationem, cum literalem, tum typicam, egregie admodum Primæ Secundæ Quaestione CII. Art. IV. ad Responsum sexti Argumenti dat S. Thomas, Doctor Angelicus, qui, prætermisissis aliis Scriptoribus, qui proluxas de eodem Argumento concinnarunt lucubrationes, unus instat omnium nobis esse debet. Explicationem autem literalem rerum, quæ continebantur in Tabernaculo, his verbis orditur S. Thomas: potest, inquit Angelicus ille Doctor, & horum, quibus constabat Tabernaculum, alia ratio assignari magis literalis. In Arca enim compenditum Tabulæ Legis, ad tollendam Legis oblivionem; unde dicitur Exodi cap. 28. *Dabo tibi duas Tabulas lapideas, & Legem ac Mandata, quæ scripsi, ut doceas filios Israel*. Virga vero Aaron ponebatur ibi ad comprimendam dissensionem populi de Sacerdotio Aaron: unde dicitur lib. Num. cap. 17. v. 10. *Refer virgam Aaron in Tabernaculum testimonium, ut reservetur in signum rebellium filiorum Israel*. Manna autem conservabatur in Arca ad commemorandum beneficium, quod Deus præstitit filiis Israel in Deserto; unde dicitur Libri Exodi cap. 16. *Imple Gomas ex eis, id est Manna, & custodiat in futurum retro generationes, ut viderint panes, quibus alui vos in solitudine*. Candelabrum vero erat institutum ad honorificentiam Tabernaculi: pertinet enim ad magnificentiam domus, quod sit bene luminosa. Habebat autem Candelabrum septem calamos (ut *Josephus*, Hebræus, dicit lib. 3. Antiq. Jud. cap. 7. & cap. 10.) ad significandum septem planetas quibus totus Mundus illuminatur. Altare vero thymiamatis erat institutum,

tatum, ut jegerit in Tabernaculo effretus fumus boni odoris, tum propter venerationem Tabernaculi, tum etiam in remedium foetoris, quem oportebat accidere ex effusione sanguinis, & occisione animalium. Mensa autem apponebatur ad significandum, quod Sacerdotes, in Templo servientes, in Templo victum habere debebant: unde duodecim panes superpositos, in memoriam duodecim Tribuum, iolis Sacerdotibus edere licitum erat, ut habetur *Matth. cap. 12*. Mensa autem non ponebatur directe in medio ante Propitiatorium, ad excludendum Ritum Idololatriæ: nam Gentiles in Sacris Lunæ ponebant mensam coram Idolo Lunæ, unde dicitur *Jerem. cap. 7*. *Mulierem conspersit adipem, ut faciant placantes Regine Celi (a)*. In Atrio vero extra Tabernaculum continebatur Altare Holocaustorum, in quo offerebantur Deo Sacrificia de his, quæ erant a populo possessa; & ideo in atrio poterat esse populus, qui hujusmodi Deo offerebat per manus Sacerdotum: sed ad interioris Altaris, in quo ipsa devotio & sanctitas populi offerebatur, non poterant accedere nisi Sacerdotes, quorum erat Deo offerre populum. Est autem hoc Altare extra Tabernaculum in atrio constitutum ad removendum cultum Idololatriæ: nam Gentiles intra Tempia, Altaria, constituiebant ad immolandum Idolis. Hæc est explicatio literalis, quam tradit *S. Thomas*, rerum omnium, quæ continebantur in Tabernaculo, ex qua explicatione facile confutari potest insulsum commentum *Joannis Spenceri*, qui lib. 3. *De Legibus Ritualibus Hebræorum*, Dissertatione v. ausus est asserere, *Arca Fœderis*, quæ in Tabernaculo Divinæ presentie sacratissimum Symbolum erat, originem ascendendam esse e sacris Ethnicorum Cistis, seu Arcis, & Cherubinis, qui expansis alis utrumque latus Propitiatorii tegebant, originem istidem accepisse ab Ægyptiorum simulacris, & hieroglyphicis, quæ mysticis istorum cistis erant insculpta: hoc, inquam, insulsum, & a sæculis inauditum *Spenceri* commentum facile ex ea *S. Thomæ* literalis explicatione refelli potest. At enim, ostendit primo *S. Thomas*, Deum ad suum stabiliendum cultum, & ad abolendum penitus Idololatriam, præcepisse ut fierent Tabernaculum, Arca Fœderis, cæteraque omnia quæ in Tabernaculo continebantur: quis autem cretat, Deum, ad promovendum suum apud Israelitas cultum, & ad extirpandum Idololatriam, voluisse, ut permixtæ unquam, ut sibi ab Israelitis fabricaretur Tabernaculum juxta structuram Tabernaculi Idoli *Moloch*, & in hoc Tabernaculo reponeretur Arca facta ad similitudinem mysticatum Cistiarum, seu Arcarum, quibus utebantur Ethnici, cum duobus Cherubinis expressis itidem ad formam Symbolorum, seu Simulacrorum, & Hieroglyphicorum, quæ Ægyptiis, aliisque Populi Idololatriæ addicti, suis mysticis Cistis, seu Arcis, ad Diabolum in suis falsis Numinibus colendum, inscribere solebant? Præterea, hæc explicatio literalis, quam tradit *S. Thomas*, rerum omnium, quæ continebantur in Tabernaculo, exacta est ad historicam narrationem, quam tenuit *Moyse*, qui sicut in præce-

dentibus Colloquiis ostendimus, fuit primus omnium Gentium Scriptor: at vero, *Joannes Spencerus*, ut probet morem apud Ægyptios, alioque Populos Ethnicos obtinuisse habendi Tabernacula, Cistas, seu Arcas, cum Symbolis, Simulacris, & Hieroglyphicis in honorem, & cultum falorum suorum Numinum, citat dumtaxat Auctores, qui sunt multis sæculis *Moyse* posteriores, cujusmodi sunt *Pausanias, Apulejus, Plutarchus, Theocritus, Porphyrius, Tibullus, Catullus, Valerius Flaccus, Ovidius*, ex quorum testimoniis hoc unum tantummodo extendi potest, Tabernacula, Arcas, seu mysticas Cistas, Symbola, Simulacra, & Hieroglyphica apud Ægyptios, Phœnices, Græcos, & Romanos in honorem, & cultum falorum suorum Numinum longe post Mosaicæ tempora in usu esse cœpisse, & Diabolum, qui non tantum ritus, sed corruptor divini cultus, semper extitit, fima sacratissimos, quibus Deus colebatur, æmula operatione ad Sacra falorum Numinum traduxisse, illisque Ethnicis inspirasse, ut arcas quoque, seu Cistas mysticas, arcara quedam, sed impura & magica instrumenta, simulacra, obscenas imagines, & alias id genus celares quiquilias, in suorum Numinum Sacris adhiberent, aut etiam solemnem pompam circumferrent.

(a) Ut vera fatear, rationes, quibus hæc vel illa in Tabernaculo fieri Deus jussit, adeo ignotæ sunt nobis, ut nihil congruentius asserti posse censeam, quam quod Deus ita voluerit sive ad majorem rei decentiam, sive ut commodius ea munia præstarentur, quæ agenda erant in eodem Tabernaculo; ita e. g. cum ad interiora Propitiatorii accedendum, fuisset summus Sacerdos, res poscebat, ut via recte eo ferens libera permitteretur; ideo e medio submoveri mensam, & ad latus dexteræ mandavit; nihilque ex in re esse mysterii, neque ad ritus Paganorum excludendos id a Deo mandatum judico; cum præsertim ætate *Moyse* ritum Paganicum ponendi mensam ante altare Lunæ obtinuisse ignoremus. Quod postremum argumentum contra *Spencerum* sæpius urgetur.

D. Literalis rerum, quæ continebantur in Tabernaculo, expositio *S. Thomæ*, magna quidem animi mei oblectatione auscultavi; optarem tamen ut aliam hic proferres typicam explicationem, quam tradit Angelicus ille Doctor, eandem rerum, quas continebat Tabernaculum.

M. Totæ explicatio typicæ, quam dat *S. Thomas*, rerum, quæ continebantur in Tabernaculo, ordinatur ad Jesum Christum, quem Tabernaculum, & omnia in eo comprehensa, præfigurabant. Sic enim habet Angelicus Doctor: Figuræ ratio horum omnium assignari potest ex relatione Tabernaculi ad Christum, qui figurabatur. Est autem considerandum, quod ad designandam imperfectionem legalium figurarum, diversæ figuræ fuerunt institutæ in Templo ad significandum Christum: ipse enim significatur per Propitiatorium, quia ipse est Propitiatio pro peccatis nostris, ut dicitur *Epistolæ 1. Joannis*, cap. 2. Et convenienter hoc propitiatorium a Cherubinis portatur.

tatur, quia de eo scriptum est: *Adorent eum omnes Angeli Dei*, ut haberet Epist. Pauli ad Hebræos c. 1. Ipse etiam (seu Christus) significatur per Arcam; quia Christus fuit plenus sapientia & charitate, quæ per aurum significatur. Intra Arcam autem erat urna aurea, id est, sancta anima, habens Manna, id est, omnem plenitudinem sanctitatis & divinitatis. Erat etiam in Arca virga, id est, potestas sacerdotalis, quia ipse est factus Sacerdos in æternum. Erant etiam ibi Tabule Testamenti ad designandum, quod ipse Christus est Legislator. Ipse etiam Christus significatur per candelabrum, quia ipse dicit cap. 8. Joannis: *Ego sum lux Mundi*. Per septem Lucernas, septem dona Sancti Spiritus. Ipse etiam significatur per mensam, quia ipse est spiritualis cibus, secundum illud Joannis cap. 8. *Ego sum panis vivus*. Duodecim etiam panes significabant duodecim Apostolos, vel doctrinam eorum. Sicut per Candelabrum & Mensam potest significari Doctrina & Fides Ecclesie, quæ etiam illuminat & spiritualiter reficit. Ipse etiam Christus significatur per duplex Altare, scilicet *Holocaustorum* & *Thymiomaticis*, quia per ipsum oportet nos offerre omnia virtutum opera, sive illa, quibus carnem attingimus, quæ offeruntur quasi in Altari Holocaustorum; sive illa, quæ majori mentis perfectione, per spiritualia perfectorum desideria Deo offeruntur in Christo, quasi in Altari Thymiomaticis, secundum illud Epist. ad Hebræos c. ultimo, versu xv. *per ipsum ergo offeramus hostiam laudis semper Deo*. Hæc est rerum omnium, quæ continebantur in Tabernaculo, typica, quam tradit S. Thomas, explanatio, ex qua colligere debes, res, quas in Religione Judæorum tanquam sacras, & ad cultum pertinentes, instituit Deus, collineasse in Jesum Christum, verum Messiam, qui omnes illas figuras, quibus in Veteri Lege fuit adumbratus, adimplevit, sicut fuisse commonstravi in Tractatu, quem edidi, *De Mysteriis Jesu Christi Salvatoris nostri*.

D. Quamvis in utraque Expositione, cum literaliter, tum typica rerum, quæ continebantur in Tabernaculo, tradita a S. Thomas, singularem sancti illius Doctoris suspiciam in Sacre Scripturæ interpretatione intelligentiam ac facilitatem, unum tamen in sanctissimis nostri Preceptoribus, ne quid dissimulem, utraque explicatione, ab ipso data, offendo, quod Critici hujus temporis, ad alios Scriptores carpentes promptissimi, improbare possent. Ait quippe S. Thomas, in Arca Fœderis, quæ erat in Tabernaculo, non solum reconditas fuisse Tabulas Legis, sed etiam in eadem Arca fuisse urnam, quæ habebat Manna, & Virgam Aaronis, quæ fronduerat: id autem quo pacto cum Scriptura sacra, quam nuperrime legebam, coherere possit, certe non video. Sic enim cap. 8. v. 9. l. 2. Regum legi: *In Arca autem non erat aliud, nisi duæ Tabule lapideæ, quas posuerat in ea Moyses in Horeb, quando pepigit Dominus fœdus cum filiis Israel, cum egredierentur de terra Egypti*. Et lib. v. Paralipomenon c. 5. v. 10. *Nihil aliud erat in Arca, nisi duæ Tabule, quas posuerat Moyses in Horeb, quando Legem dedit Dominus filiis Israel, egredien-*

tibus ex Egypto. Cum igitur juxta Scripturam sacram, essent dumtaxat in Arca Fœderis duæ Tabule Legis, non video sane, qua ratione poterit S. Thomas affirmare, in Arca Fœderis, præter duas Tabulas Legis, reconditas fuisse urnam, quæ habebat Manna, & Virgam Aaronis, quæ fronduerat? Hanc, quæso, dirime difficultatem, ut contra Criticos, si quos manifestar, illico paratam responsum habere possim.

M. In Arca Fœderis, præter duas Tabulas Legis, repositas fuisse urnam, quæ continebat Manna, & virgam Aaronis, quæ fronduerat, asserit quidem S. Thomas, sed post Apostolum Paulum, qui cap. 9. Epist. ad Hebræos, v. 3. & 4. hæc habet: *Post velamentum autem secundum, Tabernaculum, quod dicitur Sanctuarii, Aurum habens Thymibulum, & Arcam Testamenti circumtectam ex omni parte auro, in qua urna aurea habetur Manna, & Virga Aaron, quæ fronduerat, & Tabule Testamenti*. Viden, non solum S. Thomam, sed etiam Apostolum Paulum aperte profiteri, in Arca, præter duas Tabulas Legis, fuisse urnam, quæ habebat Manna, & Virgam Aaronis, quæ fronduerat.

D. Video quidem, S. Thomam plane consentire cum Apostolo Paulo. Ast, ut candide fatear, necundum video, nec modum reperire possum conciliandi Apostolum Paulum cum his, mox a me citatis, Scripturæ sacre locis, in quibus conceptis verbis dicitur, in Arca Fœderis fuisse dumtaxat duas Tabulas Legis: Aliquam itaque, si placeat, indica viam, qua monstrare possum, Apostolum Paulum, ejusque Discipulum S. Thomam, his a me adductis Scripturæ sacre locis minime repugnare?

M. Duplex suppetit via, seu ratio, qua ostendi potest, Apostolum Paulum ejusque Discipulum S. Thomam, nullo pacto repugnare his Scripturæ sacre locis, quæ mox in medium adduxisti. In primis dici potest, Apostolum scripsisse, urnam habentem Manna, & Virgam Aaronis fuisse in Arca, quia juxta Arcam erant, more locandi solenni Scripturæ sacre, quo aliquid in loco aliquo esse dicit, quo juxta illum est. Sic Ex. Gr. legimus in Evangelio, Christum eiecisse ementes, & vendentes e Templo, qui tamen non in ipso Templo, sed in portica Templi negotiabantur. Sic Christus Dominus crucifixus dicitur in Hierosalem, quamvis non in urbe, sed prope eam crucifixus sit. Hoc ergo sensu Apostolus Paulus scribit, urnam auream habentem Manna, Virgam Aaronis, & Tabulas Legis fuisse in Arca: Tabulas, quidem, ut intra Arcam reple inelusas: Virgam vero Aaronis, & urnam auream habentem Manna, tanquam juxta positas in Tabernaculo, id est, in capsa Arce adjacente, & lateri ejus exteriori adhzrente. In quo loco Deus cap. 31. v. 26. Libri Deuteronomii præcepit his, qui portabant Arcam Fœderis, ut reponerent Librum Genesis, dicens: *Tollite librum istum, & ponite eum in latere Arce Fœderis Domini Dei nostri, ut sit ibi contra te in testimonium*. Alia via, seu ratio, qua ostendi potest, Apostolum Paulum, ejusque Discipulum S. Thomam, non adversari his, quæ retulisti, Scripturæ sacre testimoniis, hæc est, ut dicamus, temporibus quidem Moysi, & Regis Sa-

Ieronis, solas Tabulas Legis in Arca Fœderis extirpasse, sed post *Salomonis* tempora Sacerdotes cupientes in secretiori, tutiorique asservare custodia tam urnam auream, quæ habebat Manna, quam Virgam *Aaronis*, quæ fronderat, isthæc duo monumenta in Arca, cum Tabulis Legis, reposuisse, indeque factum esse, ut *Apostolus Paulus*, huius rei non inficius (utpote qui Traditiones Majorum ad pedes *Gamalielis* probe edoctus erat) recte scripserit, hæc tria, videlicet Tabulas Legis, urnam, quæ continebat Manna, & Virgam *Aaronis*, quæ fronderat, extitisse in Arca; idemque, post *Apostolum Paulum*, docuerit *S. Thomas*, qui a doctrina illius *Apostoline* latum quidem unguem unquam defecit.

D. Quid continebant duæ istæ Tabulæ Legis, quæ, ut antea dixi, in Arca Fœderis reconditæ erant?

M. Duæ istæ Tabulæ Legis, quæ in Arca reconditæ erant, complectebantur *Decalogum*, idest, Præcepta, quæ Deus dedit *Moyse* in monte *Sinai*, quæque descripta sunt cap. 20. Libri *Exodi*, & cap. v. Libri *Deuteronomii*. In his autem decem Præceptis, quæ his duabus Tabulis erant inscripta, quæ moralia sunt, sive, quæ ad regendos mores sunt comparata, quæcumque etiam ad Legem naturalem, & immutabilem pertinent, breviter comprehenduntur, ita ut *Decalogus* proprie nihil aliud sit, nisi Lex naturalis literis consignata. Sunt autem hæc decem Præcepta isto ordine disposita.

1. Ego sum Dominus Deus tuus, qui eduxi te de Terra *Ægypti*, de domo servitutis. Non habebis Deos alienos coram me. Non facies tibi sculptile, neque omnem similitudinem Non adorabis ea, neque coles.

2. Non assumes nomen Domini Dei tui in vanum, &c.

3. Memento ut diem Sabbati sanctifices qui dies Sabbati in diem Dominicum a Christianis est commutatus, in honorem Resurrectionis Christi Domini.

4. Honora Patrem tuum & matrem tuam, ut sis longævus super terram, quam Dominus Deus dabit tibi.

5. Non occides.

6. Non machaberis.

7. Non fursum facies.

8. Non loqueris contra proximum tuum falsum testimonium.

9. Non concupisces uxorem proximi tui.

10. Non domum, non agrum, non servum, non ancillam, non bovem, non asinum, & universa quæ illius sunt.

Hæc decem Præcepta Dei, quibus constat *Decalogus*, ut memoria tue facilius mandare possis, sequentes Versus, quibus sunt inclusa, in rem tuam libenter subiiciam.

Unum cole Deum, nec jures vana per ipsum.

Sabbata sanctifices, habens in honore parentes:

Ne sis occisor, machus, fur, testis iniquus:

Alterius nuptiam, nec rem cupias alienam.

D. Ejusmodi Præcepta, contenta in *Decalogo*, & ad quæ oportet omnes actiones nostras, velut ad amissum, dirigere, jam a pæto sum edo-
Hist. Ver. Test. Tom. II.

ctus. Sed, si tibi molestum non esset, vellem ex te in præsentia discere compendiosam quidem, sed accuratam notitiam rerum, quæ his decem Præceptis, digito Dei scriptis, jubeantur, aut prohibeantur. Incipe ergo, quæso te, ab expositione primi Præcepti *Decalogi*.

M. Decem divina illa præcepta non egent interpretatione: Legis enim verba debent esse dilucida, & si quem in his requiras Interpretem, sunt complures, qui hoc abunde præstiterunt. Attamen votis tuis ut faciam satis, brevem hic tibi superscribabo notitiam rerum, quæ his decem Præceptis ad imperantur, aut vetantur. Primum itaque Præceptum est: *Non habebis Deos alienos coram me. Non facies tibi sculptile, &c.* Hoc Præcepto prohibetur, se falsis Diis, aut ulli omnino creaturæ, sive astris aut elementis, aut animalibus, aut hominibus, aut Angelis, divinus honos deferatur, omnesque Idololatriz Ritus, omnia superstitionum genera districte inhibentur. Ad hoc primum *Decalogi* Præceptum revocatur Præceptum de diligendo Deo super omnia: *Diliges Dominum Deum tuum ex toto corde tuo, & ex tota anima tua, & ex tota fortitudine tua*, lib. *Deuteron.* cap. 6. v. 5. Hoc autem Præceptum amoris Dei super omnia Judæos non minus in Veteri Lege, quam Christianos in Lege Evangelica obligabat. Quo fit, ut graviter errent nonnulli, qui, ut elevent obligationem Præcepti amoris Dei super omnia, ajunt, hoc Præceptum satis impleri, si factis externis Lex non violetur. His enim verbis, quibus istud amoris Dei super omnia Præceptum conceptum est, aclus etiam internus præcipi certissimum est, conjunctum videlicet cum externis. Hoc itaque primum *Decalogi* Præceptum violatur primo ab his, qui non dicant Deum super omnia. Secundo, ab illis, qui Solem, Lunam, ac Stellas, aut Hominem, Serpentem, Bovem, Canemve, aut horum Deorum simulacra colunt pro Deo. Denique, violatur ab istis, qui adherent variis speciebus divinationis superstitionis, quales sunt *Necromantia*, *Divinatio per Pythones*, *Geomantia*, *Hydromantia*, *Aeromantia*, *Pyromantia*, *Haruspicium*, *Astrologia judiciaria*, seu *Genethliaca*, *Aurum* per garrum avium, *Auspicium* ab earum volatu, *Omen*, *Chirromantia*, *Spatulomantia*, *Metoposcopia*, *Phyognomonia*, *Onirocritica*, *Sanationes Magice*, *Maleficia*, & alia id genus, in quibus, etiam si non sit expressa cum Dæmonibus conspiciatio, est tamen aliquod tacitum commercium, ac subinde tacita Dei abnegatio. De variis istis superstitionis divinationis speciebus leges *S. Thomam* 2. 2. Quæst. 95. Art. 3. & inter recentiores Scriptores lege tres libros, quos gallico idiomate perdoctè scripsit *Joannes Baptista Taurei*.

D. Cum in hoc primo *Decalogi* Præcepto tanta diligentia vetetur fieri Imagines & Simulacra, quomodo, obsecro te, factum est, ut hodie Tempia Catholicorum plena sint Imaginibus, Simulacris, & Reliquiis Sanctorum?

M. Judæorum Populus erat crassissimus, & ad Gentium superstitionem mire proclivis, ut ad credendum quod oculis non cernerent; ideoque Lex tot verbis eos deterret longius submovens a peri-

periculo labendi in Idololatriam. Nunc vero, postquam per Evangelicam lucem extinctus est omnis Ethnicismus, non est idem periculum. Præterea, *Moses*, ut superius diximus, ex præscripto Dei duos Cherubim aureos in Tabernaculo posuit in summis Propitiatorii partibus, & in Vasis Templi, quod exfluxit Rex *Salomon*, sicut legitur lib. 3. Regum cap. 7. erant Boam, Leonum, & Cherubim sculptiles Imagines. Rufus lib. 2. Paralipomenon cap. 3. sculptuntur Cherubim in parietibus. In Mitra Pontificis erat imago Lunæ, in ejus Veste malorum punicorum Simulacra. Non est igitur verisimile Judæis simpliciter interdictum omne genus Imaginum, sed ne more Gentium haberent simulacra, quæ proponerentur adoranda, sicut explicat S. *Thomas* 3. P. Quæst. 25. Art. 3. ad 1. ubi ait, hoc primo Decalogi Præcepto prohiberi adorationem Imaginum, quas Gentiles faciebant in venerationem Deorum suorum, & ideo præmittitur: *Non habebis Deos alienos coram me*. Et ideo in pluribus Ecclesiæ sæculis frequens fuit in Templis sacrarum Imaginum usus & cultus, ut Iconoclastæ, qui debitum eis cultum abjudicabant, easque frangebant, fuerint in secunda Nicæna Synodo Œcumenica tanquam hæretici anathemate percussæ atque proscriptæ. Concilium etiam Tridentinum sacrarum Imaginum in Templis usum atque cultum probavit & sanxit sess. 25. cap. 2. contra Lutheranos & Calvinistas, alioquin hujus furoris Heterodoxos. Idem dicendum est de Reliquiis Sanctorum, quorum corpora, quæ fuerunt Spiritus Sancti in eis inhabitantibus Tempa, colimus propter animam, quæ fuit eis unita, quæ nunc in Cælis fruatur Deo, & propter Deum, cujus in terris fuerunt Ministri, & quorum Reliquiis sæpe numero Deus illustravit miraculis, quorum testes locupletissimi, & omni exceptione majores sunt S. *Ambrosius* Epistola 85. & Sermone 94. S. *Augustinus* lib. 22. *De civitate Dei* cap. 8. & alii sancti Patres, qui hujusmodi miracula se vidisse literis prodiderunt. De cultu Reliquiis Sanctorum exhibendo leges Concilium Tridentinum sess. 25. cap. 2. S. *Thomas* 3. P. Quæst. 25. Art. 6. & Catholicos Scriptores Polemicos, qui calumiam strinxerunt in Lutheranos, Calvinistas, & alios Hæreticos, qui Iconomachorum Hæresim recoxerunt. Advertere tamen debes primo, Votum, cum sit actus Religionis, soli Deo fieri & promitti debere. Secundo, sacrificium soli Deo esse offerendum, soli Deo Tempa & Altaria esse erigenda. Hinc S. *Augustinus* lib. 8. *De civitate Dei* cap. ultimo, ait: *Sacerdos non dicit: Offero tibi Sacrificium Perre, vel Paule*, sed Deo de illorum victoriis heroicarum virtutum, quarum nobis exempla reliquerunt, adhortamur. Tempa etiam & Altaria, in honorem Sanctorum eriguntur, non ut in illis Sacrificium offeratur ipsi Sanctis, sed ut soli Deo in eorum memoriam & honorem exhibeatur Sacrificium, sicut probat S. *Thomas* 2. 2. Quæst. 85. Art. 2. & 3.

D. Ista profecto pro meo capite satis expianate differuisti. Nunc, quæ secundo Decalogi Præ-

cepto præcipiuntur, aut prohibeantur, summam, quæso, perfringe.

M. Quoniam divinæ Majestatis hoc postulat dignitas, nec non solum de ea magnifice sentiant homines, nec tantum abstineant a cultu simulacrorum, verum etiam, ne verbo parum reverentem eam dehonestent apud homines; ideo hoc secundum Decalogi Præceptum jubet, ut non assumatur nomen Dei in vanum. Non *assumes nomen Dei tui in vanum*. Nam asserendo levium verborum minuit in loquentium & auditorum animis reverentiam Numini debitam. Apud Judæos tanta erat olim veneratio divini nominis, ut mysticum illud nomen, quod *Tetragrammaton* appellant, scriberent literis non esferendis. Inter Ethnicos etiam fuerunt quidam sapientia laude celebres, præsertim *Plato*, *Menander*, *Isocrates*, *Quintilianus*, *Clinius Pythagoricus*, & alii, qui censuerunt, vel omnino a juramento abstinendum, vel gravissimis duntaxat causis, & urgente necessitate esse jurandum. Quanto igitur magis ad Evangelicam pietatem pertinet, ut Christiani nunquam nominarent Deum, nisi genua flectendo, aut aperiendo caput, aut si neurrum liceret, modica capitis inflexione & vultu reverentiam præ se ferendo. At, proh dolor! nonnulli hodie sunt Christiani, quos non puder, prava consuetudine, tertio quoque verbo addere, *per Deum*, *per mortem Dei*, &c. sicque aut animi gratia, aut per temulentiam, iracundiamve jurare, & nomen Dei in vanum assumere, cum tamen Christus Dominus cap. 5. vers. 24. Discipulis suis prohibeat juramentum his verbis: *Ego autem dico vobis non jurare omnino*. Quod tamen Christi præceptum non ita intelligendum est, quasi nusquam jurare liceat, sed cum eo temperamento id accipiendum est, ut Christianus non facile juret, non pro levi, non absque necessitate, sed juramentum pro virili caveat quantum potest. Ad quam interpretationem flecti possunt quædam duriora in speciem veterum Parrum dicta, præsertim SS. *Chrysostomi*, *Ambrosii*, & *Hieronimi*, qui juramentum omne a Christo prohibitum innuere videntur. Ut autem juramentum sit licitum, debet fieri primo cum judicio, idest, non remere, & inconsulto. Secundo, cum iustitia, idest, juramentum cadere debet super materiam iustam, licitam, & honestam. Postremo, juramentum fieri debet cum veritate, ita ut jurans arbitretur, non levi, sed gravi sultus ratione, verum esse, quod profert in juramento, alioqui esset perjurium. Has tres condiciones, seu circumstantias esse præfatas necessarias ut juramentum sit licitum, & evadat actus virtutis & Religionis probat S. *Thomas* 2. 2. Quæst. 89. Art. 3. ex Propheta *Jeremia*, dicente, *Jurabis, viris Dominus, in veritate, in judicio, & in iustitia*. Quæ cum ita sint, nescio sane, quo colore possit excusari consuetudo nunc passim jurantium in omni pene negotio. Huic certe rixæ non bene creditur, quia crebro jurando pejorare discimus. Mihi videtur, Christianos jurare tantum debere, dum cogit necessitas, aut negotii gravitas. Juravit quidem *Paulus*, sed non pro penula, aut zre, sed pro gloriæ Evan-

Evangelii. Sed satis haeclemus dictum fit de secundo Decalogi Præcepto, quo non modo perjurium, sed quælibet in Deum irreverentia prohibetur præsertim blasphemia, qua Dei Majestas, providentia, bonitas, iustitiae, aliisque Attributis derogatur, & convitiis, atque imprecationibus, Deus ipse, vel Sancti ejus laceffuntur. Prohibentur etiam hoc secundo Decalogi Præcepto infidelitas in votis, & scelus falsorum Prophetarum, atque eorum omnium qui se a Deo missos mentiuntur, & falsam doctrinam spargunt, populoque seducunt, quia, sicut illi, qui vovent quod revera implere in animo non habent, aut quod vovent, posses non implent, nomen Dei in vanum assumunt; ita Pseudo-Prophetæ, & Doctores erroris, qui peregrinas doctrinas disseminant, & alios a veri Dei cultu abducunt, nomen Dei pariter in vanum assumunt.

D. Quid jubet, vel prohibet, tertium istud Decalogi Præceptum: *Memento, ut diem Sabbati sanctifices?*

M. Istud tertium Decalogi Præceptum spectat ad cultum Dei, cui præsertim consecrat septimum quemque diem, quo totus homo, abstinens ab omni opere servili, vacat operibus latræ, hoc est, hymnis, precationibus, sacre doctrinæ, sacrificiis, elemosynis, aliisque exercitiis, quæ fidem, & charitatem erga Deum excitant, ne quis excusare possit, sibi per necessarias occupationes non esse otium colligendi animum ad ea quæ sunt pietatis. Eodem Decalogi Præcepto obviam itum est inclementiae, & avaritiæ Judæorum, quæ olim tanta erat, ut nullam relaxationem darent servis, ancillis, & mercenariis advenis. Quam Judæorum avaritiam, & inclementiam neminem non imitarentur quidam Christiani, qui die septimo, cuius Dei spectatim consecratorum, servos, & ancillas suas quiescere non sinunt, sed externis atque operibus servilibus addunt, ut inde temporale aliquod emolumentum percipere possint.

D. Quid intelligis per opus servile, quod isto Decalogi Præcepto prohibetur?

M. Per opus servile intelligo opus externum, quod quævis gratia solet exerceri, velut arare, fabricare, negotiari &c. Opus autem externum non prohibetur, quasi vitiosum sit, cum potius per se sit bonum, sed eo sine prohibetur, ut quod per se bonum est, cedat ei, quod optimum est, scilicet ut, cuius gratia præcipue conditus est homo, videretur ut cœnoscatur, veneretur, colatur, ametque Deus super omnia. Quamvis enim homo possit & debeat melius in laboribus Deum colere, & amare super omnia, vix tamen potest animum, ut par est, in Deum attollere, nisi liber sit ab his laboribus, & negotiis, quæ & tempus absumunt, & magnam animi partem sibi vindicant. Diem itaque quævis Deus hominibus indulget, ut per illud externum otium discerent animum habere a tumultibus cupiditatis feriarum, videlicet ab odio, ab ira, a crapula, ab ambitione, a libidine, & cæteris carnis affectibus. Quapropter, videntur illi Christiani, qui diem illam quietis vel somno, vel fabulis, vel

inertie dant, aut ingluvie, temulentia, aliisque peccatis contaminare audent; viderint, inquam, illi Christiani, quo pacto servant hoc Præceptum de sanctificatione Sabbati, non præstantes hoc, cujus gratia Præceptum istud proditum est a Deo, his verbis: *Memento, ut diem Sabbati sanctifices.* Sanctificare enim, est sanctis operibus diem transigere, nec ullis, Deo indignis, actionibus profanare.

D. Quorsum Deus ad id designavit diem septimum, quæ dicitur dies Sabbati?

M. Diem septimum Deus idem delegit, quia (sicut legitur Exodi cap. 31. v. 17.) *sex diebus fecit Dominus celum, & terram, & in septimo ab omni opere cessavit*, non quod Deus post Mundi fabricam, sex diebus spatio absolutam, quasi lassitudinem suam septimo die voluerit otio recreare; (apage tam crassam & indignam Deo imaginationem) sed voluit Deus, ut nos perpetuo recordaremur, quod hic Mundus ab ipso conditus sit, non ut in his, quæ hujus Mundi sunt, conquiesceremus, sed ut ex his, quæ condita sunt, agnoscentes conditorem, ad illius exemplum requiesceremus ab amore rerum visibilium; ac per fidem, vitæque innocentiam, quæ vera animi pax est, ad illam æternam quietem, quam habebimus in Cælis, properaremus. Sunt enim quodammodo tria Sabbata. Primum fuit Deus sine nobis in creatione Mundi. Secundum est nostrum per Dei beneficentiam, sed imperfectum in hac vita. Tertium est absolutum in futuro sæculo.

D. Sæpius audivi te dicentem, Mosaicam Legem, quod ad caeremonias attinet, abrogatam esse. Istud autem de sanctificatione Sabbati Præceptum maxime ex parte videtur ad caeremoniarum genus pertinere; debet ergo nunc in Legge Evangelica esse permissum antiquatum.

M. Præceptum de sanctificatione Sabbati est partim naturale & morale, & partim caeremoniale, sicut docet S. Thomas 2. 2. Quæst. 122. Art. 4. ad 1. Naturale est istud Præceptum de sanctificatione Sabbati, quantum ad hoc, quod homo certum vitæ suæ tempus determinet ad publice colendum Deum, non solum cultu externo, sed interno; & sic tale Præceptum viget adhuc in Legge Evangelica. At, caeremoniale istud Præceptum de sanctificatione Sabbati, quatenus designat speciale tempus, id est, diem hebdomadae septimam, seu diem Sabbati in signum & memoriam creationis Mundi. Quo fit ut illa caeremonia diei septimæ, seu Sabbati, cum fuerit caeremonialis, ab Ecclesia fuerit immutata in diem Dominicam, non ex vi Præcepti Legis, sed, ut ait S. Thomas, Quæst. mox a me citatæ Art. 4. in Responsione ad quartum sibi propositum argumentum, ex Confusione Ecclesiastica, & Populi Christiani consuetudine.

D. Sed cur, quæso, Ecclesia hanc diem septimum mutavit in diem Dominicam, quæ apud Judæos est prima dies hebdomadae?

M. Hujus mutationis, quam Apostolorum Autoritate factam esse docent bene multi Theologi, & Scripturæ Sacre Interpretes, duplex potest

potest asseri ratio. Prima est, ne in hoc consentientem cum Judæis, videremur, & in reliquis consentire. Hinc S. Chrysostomus miro studio deterret Christianos, ne iidem diebus jejunarent, quibus Iohanne erat Judæis jejunare. Altera ratio est, quia Deus quodammodo bis condidit Mundum, & in hoc hominem. Primum enim creavit quod non erat, utique per Filium suum Unigenitum. Dein, per eundem Filium suum incarnatum, hominemque factum, restituit quod perierat: ibi dicitur requiesisse ab omni opere condendi; hic Christus ab operibus dispensationis requiescens, domo corpore requiescit in sepulchro, velut abrogat Judaicum Sabbatum, dumque diei Dominicae diluculo resurrit immortalis, Sabbatum Evangelicum nobis commendavit, & ea de causa dies ille dicitur Dominicus, & in eo canat Ecclesiasticus Chorus: *Hic est dies, quem fecit Dominus*. Dicitur etiam *Pascha* dies, ipso vocabulo nos admonens veteris typi. Judæi, resecti Anno Paschali, transierunt Mare Rubrum: nos resecti sanguine Christi tendimus ad Terram Cælestem. Illos Agni cruor, illius postibus eorum, servavit ab Angelo exterminatore: nos Christi sanguis liberavit a tyrannide peccati. Vide, quam mire isthæc quadrent per omnia. Sed de Sabbato hic plura non dicam, cum de ejus institutione, & de illius ad Ethnicos propagata cognitione meminerim, ne haud pauca observasse in Colloquio tertio in Historiam primæ mundi ætatis.

D. Quo pacto intelligendum est istud quantum Decalogi Præceptum: *Honora patrem tuum, & matrem tuam, ut sit longævus super terram, quam Dominus Deus dabit tibi?*

M. Secundum Deum primus honor debetur parentibus, per quos Deus nobis hac vitæ munus dedit, quorum cura nos educavit, per quos nos instituit ad cognitionem Dei, summi parentis omnium, & ad charitatem ipsius evexit. Quocirca præcipit Deus, ut honoremus patrem, & matrem. Quo præcepto adstringuntur filii ad honorem, reverentiam, amorem, & gratiarum relationem, quantum fieri potest, atque necessaria vitæ præsidia parentibus insipientibus ultro impendenda. Hoc quippe officium in parentes repensatio quadam est impenditorum, molestiarum, ac laborum, quos nobis infantibus impenderant; dum mater fert ædium gestationis, parientis, munus lactandi, & nutriendi: longam item curam, quas pater tolerat, sumptus supererens, & omnem exhibens curam, ut liberi ad pietatem erudiantur. Quando igitur parentes, vel zrate defuncti, vel quodam adverso fortunæ casu dejecti, egent filiorum auxilio; tunc filii tenentur presentissimum eis asserere subsidium, quod præstant quædam animalia, seu Ciconiz, quæ parentes senio lassos velare vicissim ac fovere solent. Apud Ethnicos etiam laudatur *Æneæ*, qui patrem *Anchisen* humeris sublarum extulit ab urbis Troje incendio. Pietas enim proprie dicitur affectus in Deum, in parentes, ac patriam. Refferre gratiam iis, per quos vitam vel accepimus, vel recuperavimus, pietatis est. Bene mereri de his, qui prius de nobis bene meriti sunt, gratitudinis est. Præceptoribus autem extimam debemus gratiam, quod sicut per

parentes contingit ut vivamus, ita per hos contingit ut bene vivamus, & quemadmodum illis corporis vitam ferimus acceptam, ita his debemus animi vitam. Porro, quod de parentibus dico, pertinet itidem ad omnes, qui nobis sanguinis propinquitate juncti sunt, aut qui ea præstiterunt officia, quæ parentes pii solent sui prestare liberis. Addo denique, istud Præceptum non solum ad parentes, verum & ad Episcopos, Reges, Præceptores, Magistratus, & Heros, seu Dominos, qui servos habent, pertinere. Quibus enim jubetur rependi honor, hi eadem opera jubentur ea præstare officia, quibus magna debetur gratia.

D. Ergone longævi sunt omnes qui pie colunt parentes?

M. Longævam vitam, tanquam præmium pietatis erga parentes, promisit quidem Deus crassis Judæis, qui spe commodorum temporalium, velut infantes, alliciendi erant ad officia pietatis. Duxerit quippe habitum in Ægypto, longisque per Deserta itineribus fatigati, miro desiderio inhabant ad terram, a Deo eis promissam, lacte & melle fluentem, eoque adjectum est: *Ut bene sit tibi, & longævus sis super terram, quam Dominus Deus dabit tibi*. Verum, quamvis Deus det sæpe numero in hac vitæ præmium pietatis erga parentes, non hic tamen expectandum est illud pietatis præmium, sed in illa terra viventium. Vitam debemus progenitoribus, in quos hi grati fuerimus, æquum est, ut eo, quod accepimus, diu fruamur. Nec hi tamen falluntur promisso, quibus hic non contingit vitæ longævitas. Ant enim hoc datur, quod juxta hujus Præcepti literam promissum est, aut aliquid illi multo præstantius. Neque enim fallit, qui pollicitus vitrum, dat gemmam. Filios autem, qui non colunt parentes suos, ut par est, Deus etiam in hac vitæ punit. Nam, præter iacturam, quam faciunt, sanæ suæ, negligendæ, ac contristandæ progenitores suos; sæpe etiam fit, ut qualem quisque se præstiterit parentibus suis, tales erga se habeat liberos, nec est alia gravior homini calamitas, quam habere filios impios. Meretur autem ingratitude, ut quod immerens accepit, invitus amittat. (a)

(a) Temperare me non possum, quin illustrem do huic loco de obsequio in parentes exhibendo, asseram Canonem quandam jurisprudentiæ apud Indos receptæ. Ferunt enim apud Gentem illam filios patris sui quantumvis scelesti, ac crudelis erga eosdem, ut vel illos injuriis, & vulneribus affecerit, adhuc tamen teneri debita ejus omnia exacte solvere, nec posse etiam abrenunciata hereditate ab eo obsequio in parentem præstando sese liberare; majorem enim esse dicuntur filialem reverentiam, quam ut a parentum sævitia extendi possit. Idem pariter tenet de patre erga filios, quem nulla ratione exemptum pronunciat, ut hæreditate sua filios privet. Vide librum Gallicum *Recueil d'Observations sur les Mœurs* &c. Parisiis editum an. 1749. tom. 1. pag. 227.

D. Explica nunc, si placet, istud quantum Decalogi Præceptum *Non occides?*

M. Hoc quinto Decalogi Præcepto prohibetur Homi-

Homicidium, seu hominis occisio. Pluribus autem modis potest contingere homicidium. Calumniator pro gladio, jaculo & veneno, utitur lingua ad occidendum hominem. Avarus, dum egentem non succurrit, fame occidit. Malefice perimunt incantamentis. Maledicus ad mortem adigit. Puella, quæ ex crimine conceperunt, &c, ad vitandam infamiam, cient abortum, etsi foetus inanimatus supponatur, infanticidium committunt. Parentes etiam, qui infantes abiciunt & exponunt, tamen si aliqua prætereunte misericordia colligantur, violant quantum istud Decalogi Præceptum. Quisquis, ob sui honoris defensionem, hominem, vel clam, vel in duello, seu singulari certamine occidit, ad impietatem sibi alapam, vel calumniam, cæde proximi vindicat, homicidii reus est. Qui sibi necem consciscit, ne infamie suæ sit superstes, parat homicidium, sicut multis argumentis probat S. Augustinus lib. 1. *De Civitate Dei* cap. 17. 18. 19. 20. 21. 22. & seq. Si quis furem, pecuniam, aut quælibet alia fortunæ bona rapientem, ad hujusmodi bonorum defensionem & conservationem, occidit, homicida est, nisi sit fur nocturnus, de quo iusta supposit dubitandi ratio, an ad occidendum venerit; aut sit fur diurnus, qui se telo defendat. Denique, hoc quinto Decalogi Præcepto non tantum prohibentur cædes, sed nutritio & vis quælibet proximo illata, odium inimicorum, ira, vindicta, alique affectus, qui ad homicidium tendunt, suntque ad omnem occasionem parati ad ledendum.

D. Si nullo pacto liceat occidere, quid dicemus de bellis ac publicis judiciis?

M. In legitimis iudiciis Lex ipsa occidit, non Iudex, qui tenetur iudicare, ut docet S. Thomas, secundum allegata & probata. Lex autem a Deo est, iubens unum membrum tolli ob totius corporis incolumitatem. In bellis quoque iuste susceptis & legitime gestis, lex occidit, non homo. Cæterum Princeps, qui non necessitate, neque Reipublicæ studio, sed ob privatos affectus, bellum suscipit, violat quantum istud Decalogi Præceptum: *Non occides*.

D. Quid, si quis privatus occidat invadentem? Numquid etiam violabit quantum istud Decalogi Præceptum: *Non occides*?

M. Nemini privato, sine per Legem Mosaicam, sine per Legem Evangelicam, licet, etiam sese contra invadentem defendendo, animum habere quemquam occidendi. Sed, si quis, dum invasoris ictum avertit, hunc ense feriat, non ei verti criminali debet, quia nihil ea in re facit, nisi cum moderamine inculpate tutele, ut loquitur S. Thomas 2. 2. Quæst. 64. Art. 7. Et ideo, inquit Angelicus ille Doctor, si aliquis, ad defendendam propriam vitam, utatur majori violentia, quam oportet, erit illicitum. Ad hoc autem ut liceat capitis periculum exitio certam mortem intentantis depellere, multæ conditiones requiruntur, quas persequi non est hujus instituti. Quin, S. Augustinus, & quidam antiqui Patres existimant, eum, cui certa mors intenditur; nec ullum est effugium; non ad sui defensionem proflire, sed Dei

auxilium implorare debere; ita ut, si malit occidi, quam occidere, Christiani hominis officio egregie fungatur.

D. Quid prohibetur hoc sexto Decalogi præcepto: *Non machaberis*?

M. Hoc sexto Decalogi Præcepto prohibetur præcipue *Adulterium*, quo alterius conjugatur uxor, eodemque Præcepto vetatur omnis extra legitimum matrimonium Veneris usus, seu quilibet carnis coitus nefarius. Quod genus sunt *Fornicatio*, quam simplicem vocant, viri scilicet soluti cum soluta itidem muliere concubitus; *Supra-* *venum*, quo virginis integritas violatur, ideoque simplici fornicatione gravior est; *Raptus*, quo mulier quævis, contra suam voluntatem, ad concubitum opprimitur, vel invita abducitur; *Sacriligium*, quo quis emissum a se votum castitatis opere violat, vel cum persona Deo castitatis voto consecrata commiscetur; *Incestus*, quo quis effrazit libidine cum consanguinea, vel affini copulam habet, quibus addi debent peccata contra naturam, quæ sunt monstræ libidinis, videlicet *Mollities*, seu pollutio; *Venus mascula*, seu sodomia; & *Beshtilias*, seu coitus cum brutis animalibus. Denique, hoc sexto Decalogi Præcepto prohibentur tactus, aspectus impudici, verba obscœna, oscula libidinosa &c.

D. Multum sane mihi placet decens ille ordo sex illorum Decalogi Præceptorum, quæ hæctenus breviter explanasti. Tria siquidem prima Decalogi Præcepta pertinent ad Deum, quo nihil melius aut carius. Quantum Præceptum ad parentes, quibus secundum Deum honos debetur. Quantum ad vitam & corpus, quæ possessio unicuique carissima est. Sextum ad uxorem, quæ est una caro cum viro. Perge nunc explicare septimum Decalogi Præceptum, & indica, quid eo prohibetur.

M. Septimum Decalogi Præceptum his verbis conceptum est: *Non furta facies*, pertinetque ad externa bona, sine quibus tamen vivere haud possumus. Quocirca, qui pauperem spoliare necessariis, fur est. Qui res inventas legitime Domino non restituit, furti reus est. Qui iniquas exactiones imponunt, ingerunt, vel iusta vectigalia inæqualiter distribuunt, vel amplius exigunt, fures sunt. Iudices, qui venalia judicia exercent, munera accipiunt, vel emungunt & extorquent, ut lites in alterius partis favorem dirimant, aut prorogent, fures sunt. Qui defraudant operatorum mercedem, ut vel in longius, quam pat est, tempus solutionem ejus de industria magno eorum incommodo protrahant, furti rei sunt. Fœneratores, seu Utiarii, qui aliquid lucri supra sortem, seu summam principalem, percipiunt vi & causa mutui, fures sunt & latrones. Peculatorios, qui supplant ex arario publico; sacrilegi, qui res sacras auferunt; hi, qui abducunt aliena jumenta, aut pecudes, Plagiarii, qui abducunt aliena municipia, seu liberos; Piratæ, & prædones, qui vi ac belli specie spoliant homines, nec non illi, qui clam aliena surripiunt; hi, inquam, omnes quorquos sunt, furti crimen incurunt. Sed varia isthæc

F 3 furto-

furtorum genera nulli non sunt notissima. Alia autem sunt testiora quidem, sed non minus atrociora.

D. Dic, quæso, quænam sint ista furtorum genera, testiora quidem, sed his niox recensuisti, non minus atrociora?

M. Qui mutuum, ac commodatum, aut depositum accepit, retinetive hoc animo, ut si possit, nunquam reddat, non minus fur est, quam is, qui, effraclus scriniis, rem alienam auferit. Similiter & operarius, aut non præstans id quod pollicetur est, aut decem diebus absolvens quod poterat quinque, si mercedem integram accipit, fur est. Hi, qui monetam publicam arte reddunt deteriorum, aut gemmas fictitias vendunt pro nativis, aut simili fuso deludunt proximum, vel qui suas merces vendunt, non quanti debent, sed quanti possunt, vel qui vinum, mulat dilutum aqua, pro mero vendunt, fures pariter sunt. Idem dicendum est de molitoribus, pisciboribus, vestiariis, qui rem alienam vel subtrahunt, vel viritant. Jam vero, quid attinet dicere de monopolis, qui frumenta emunt & recondunt, ut ea, ingravescente annona, majori quo poterunt pretio dividant? Certe ejusmodi homines esse pestes Reipublicæ, & immanis furti ac rapinæ reos nemo negare potest: Breviter furtum est, quidquid cogitis restituere, si adfit facultas. Nam fur est, qui bona fama spoliatur hominem, & qui puellæ simplicem animum astu corrumpit.

D. Quid prohibetur isto octavo Decalogi Præcepto: *Non loqueris contra proximum tuum falsum testimonium?*

M. Sicut in quinto Decalogi Præcepto nomine homicidii comprehenditur omnis læsio proximi, ita in hoc octavo Decalogi Præcepto sub falsi testimonii titulo continetur noxa omnis, qua per linguam afficimus proximum. In hunc scopulum impingunt omnes, qui vel obtestando, vel adulando, vel subdolis consiliis, vel corrupta doctrina, quam disseminant, nocent proximo. Hoc etiam octavo Decalogi Præcepto non tantum vetatur falsum testimonium quod adversus proximum in iudicio profertur, sed etiam omnis omnino iudicii perversio, & corruptela, seu verbis, seu factis, seu instrumentis, facta a testibus, accusatoribus, delatoribus, reis, Iudicibus, advocatis, Notariis, Procuratoribus &c. prohibetur. Item eodem Decalogi Præcepto inhibetur calumnia, detractio, sussurratio, murmuration, famolorum, seu dentatorum libellorum conscriptio, aut divulgatio, nec non omnia mendaciorum genera, quæ nunquam licita esse, etiam si sint tantummodo iocosa & officiosa, probat invictè S. Augustinus duobus libris, quos edidit *adversus Mendacium*, a qua S. Augustini doctrina quidam moderni laxiores Casuiste deficientes, & restrictionem mentalium, anticipipie significationis verborum usum licitum esse, sibi, aliisque, ad excusandas excusationes in peccatis, persuadere volentes, a Sede Apostolica jute optimo fuerunt proscripi.

D. Duo, quæ sequuntur Decalogi Præcepta,

nonum videlicet, & decimum, non mihi videntur a præcedentibus Decalogi Præceptis discrepare. Sic enim habet nonum Præceptum; *Non concupiscis uxorem proximi tui.* Quod pertinet ad sextum Decalogi Præceptum: *Non machaberis*, quo, sicut superius dixisti, prohibetur adulterium. Similiter, decimum Decalogi Præceptum his verbis continetur: *Non concupiscis domum proximi tui, nec agrum, nec servum, nec ancillam, nec bovem, nec asinum, & universa, quæ illius sunt.* Quis autem non videt, ejusmodi Præceptum pertinere ad septimum Decalogi Præceptum: *Non furtum facies?* Ut quid ergo, quæso te, opus erat his duobus postremis Decalogi Præceptis? An non qui malum facinus prohibet, eadem opera prohibet malam voluntatem, seu cogitationem, desiderium, & concupiscentiam faciendi malum?

M. Darum est hoc ruditati Populi Judaici, qui quoniam pravæ voluntati, seu concupiscentiæ, & cogitationi faciendi peccatum non est præstituta poena per Legem Mosaicam, crediturus erat, voluntatem, seu concupiscentiam, internamque cogitationem deliberatam committendi vel adulterium, vel furtum, non esse peccatum, quia prædicta voluntas, seu interna cogitatio, apud homines est impunita, non quia non sit crimen, sed quia volubilis est hominis cogitatio, & factum probari potest, voluntas vero, seu interna cogitatio soli Deo esse cognita. Ut igitur Deus crassos Judæos ab hoc errore terraheret, postquam sexto Decalogi Præcepto prohibuit Adulterium, & septimo Furtum: tandem nono Decalogi Præcepto prohibet pravæ desideria, & nefarias cogitationes, quibus aliquis concupiscere & desiderare posset uxorem alterius. Similiter, decimo Decalogi Præcepto prohibet voluntatem, qua quis concupiscit, appetit, & inordinate desiderat habere, aut rapere aliena bona. Hinc Christus Dominus, alludens ad sinistram illam interpretationem, qua crassi quidam & carnaliter Judæi Legem corrumpebant, ait *Matth. cap. 5. v. 27. & 28. Audistis, quia dictum est antiquis: Non machaberis. Ego autem dico vobis: quia omnis, qui videt mulierem ad concupiscendum eam, qui videtur machatus est eam in corde suo.* Pravæ itaque cogitationes adulterii, furti &c. si in iis homo delectetur, vel eas, ut par est, vigili studio depellere, atque extinguere non satagat, sunt peccata, quamvis etiam ab operibus abstinere decreverit. Quam in rem extat præclara *Minutii Felicis* in *Octava* sententia, dicta contra Ethnicos: *Vos scelera admittis puniri: Apud nos, seu Christianos, & cogitare, peccare est.* Cæterum, recolere debes id, quod satis fuisse ostendimus in secundo nostro Colloquio in Historiam primæ Mundi ætatis, videlicet primos concupiscentiæ motus, qui, ratione inconsulta, & nequaquam consentiente, sed penitus invita, erumpunt, peccata non esse, ac tubinde nec habituales concupiscentiam, nec motus plane indeliberatos prohiberi duobus istis postremis Decalogi Præceptis. Equus enim (nisi fit peccati originalis expers, vel jam in patria immortalis vitæ

vitz particeps) hos indeliberatos concupiscentiæ motus, qui sunt peccati originalis appendices, non perferant? His itaque duobus postremis Decalogi Præceptis prohibetur dumtaxat, ne illis concupiscentiæ motibus assensum præstemus, & ad hoc Apostolus Paulus Epist. ad Romanos cap. 10. v. 12. nos adhortatur his verbis: *Non ergo regnet peccatum in vestro mortali corpore, ut obediatis concupiscentiis ejus.* Sed de Præceptis Decalogi si plura scire aveas, legisse Sanctum Thomam 1. 2. quæst. C. Art. 3. 4. 5. 6. 7. & 8. D. Præter decem illa Decalogi Præcepta, quæ mox exposuisti, præscribitne Lex Mosaica alia Præcepta, ad quorum observationem obstringerentur Hebræi?

M. Præter ista Decalogi Præcepta, quæ sunt moralia, seu naturalia, Lex Mosaica præscribit alia Præcepta, quorum quedam dicuntur *Ceremonialia*, & ordinantur ad cultum Dei; quedam vero nuncupantur *judicialia*, seu forensia, quæ ad ordinem & conservationem Reipublicæ Hebræorum sunt præscripta. Agemus hic primo de Veteris Legis Ceremoniis, quæ, ut docet S. Thomas 1. 2. quæst. C. Art. IV. convenienter dividuntur in Sacrificia, Sacramenta, Sacra, & observantias.

D. Incipiamus, quæso, a Sacrificiis Legis Mosaicæ, & ostende, quid isthæc Sacrificia figurent, & unde nata sit eorum origo?

M. Legis Mosaicæ Ritus omnes, tum maxime Sacrificia, Christum Dominum in Cruce mastrandum, & pro generis humani redemptione cum totius sanguinis effusione immolandum, præfigurabant, & ideo in Veteris Legis Sacrificiis mastrabatur vivum animal, ejusque sanguis effundebatur ad placandum & colendum Deum. Unde autem nata sit illa consuetudo mastrandæ vivæ animalia in laudem & honorem Dei? Respondet Joannes Spencerus, hanc consuetudinem profluxisse ex prava opinione & ruditate Gentium. Vult quippe ille Scriptor, Deum Sacrificiorum Ritus, quos Judæi in Ægypto viderant, & ab Idololatriæ didicerant, tolerasse emendatos, eosque in Republica Hebræorum in sacrationem usum evasisse. Verum, vanam esse & oppido falsam hujus Scriptoris conjecturam, tribus momentis evincere potest. Primo, quia vetustissimum non est, Deum colere, quos Ægyptii suis Idolis deferabant, sibi honores postulasse, & cuncta solemnem suam apud Hebræos cultum instituerent, non maluisse verum & novum ordinare ac præscribere cultum, quam emendare falsum, & antiquitus profanatum a viris sibi inferis, utpote Idololatriæ cultoribus. Secundo, originem Sacrificiorum altius repetendam esse quam ab Ægyptiis, patet ex præcedentibus nostris Colloquiis, ubi ex Scriptura Sacra ostendimus, ab antiquis Patriarchis, ab Abele, a Noë, ab Abrahamo, Melchisedech, Jobo, &c. oblata esse Sacrificia, quæ Deo placerent. Demque, ex fuit veteris Legis Sacrificiorum ratio, sicut constans est omnium sanctorum Patrum, cum Græcorum, tum Latinorum doctrina, ut instituta sint in symbola & typos mortis Christi. Debit ergo Deus illa Sa-

crificia ordinare, & præscribere Ritus eorum quod tamen non fecisset Deus, si Sacrificiorum origo, ut censet Spencerus, fuisset a Demoniis profecta. Non indigebat quidem Deus istis Mosaicæ Legis Sacrificiis, ut sanguinem Hircorum potaret, & manducaret carnes Taurorum. Sanguis etiam beutorum animalium pro prætere hand poterat animam peccatricem, sed representabat pretiosum Sanguinem Jesu Christi, quod vere mandati sumus. Placebant itaque Deo Veteris Legis Sacrificia, quoniam sibi fieri postulabat, sed quatenus erant signa & symbola Sacrificii, quod Christus Dominus, ejus Filius Unigenitus, ei in Ara Crucis offerre debebat, & in quem collimabant omnia Veteris Legis Sacrificia.

D. Cum varios sciam fuisse Sacrificiorum Veteris Legis Ritus, supervacaneum esset in explicandis Ritibus, cuique Sacrificio propriis, multum hic terere tempus. Abunde itaque sufficit mihi, ex a te circa Sacrificia Veteris Legis scire, quæ de omnium Sacrificiorum speciebus, & singulorum Ritibus habent facti Codices. Ex his autem, quæ mox dixisti, probe intelligo, Sacrificium in Legge Mosaica fuisse mastrationem vivi animalis, & per hanc mastrationem ostendisse Judæos, se per peccatum commiseruisse mortem æternam, a qua tantum liberari poterant, non per sanguinem animalium, quem in Sacrificiis effundebant, sed per Sanguinem Christi, quem sparsus illo animalium sanguis representabat. Sed nunc indica, quæso, quænam esset Veteris Legis Sacrificiorum materia animata, vel inanimata?

M. Materia animata Veteris Legis Sacrificiorum consistebat in animalibus, quæ Deo in Sacrificio offerebantur. Ex his autem animalibus mundæ tantum, eorumque octo dumtaxat species, Altari suo Deus admoveri jussit, videlicet Oves, Boves, Capras, Hædos, Vitulos, Columbas, Passeres, & Turtures, sicut legitur Lib. Levitici cap. 1. 2. 10. & 14. Materia vero Veteris Legis sacrificiorum inanimata erat, panis, simila, succus, vinum, sal, oleum, & thus, sicut præscriptum est Lib. Levitici c. 2. v. 1. Sacrificia, quæ ex materia animata, seu ex mundis animalibus Deo offerebantur, his ceremoniis peragebantur. Primo, immolande victimæ ad ostium dumtaxat Tabernaculi, & non alibi, offerri debebant. Secundo, quoties quis immolandum victimam suscipiebat, illam sistebat ante Altare, & maximi capiti ejus imponebat. Tercio, offerens solemnes quasdam preces eadebat. Quarto, jugulabatur animal, & proprium munus erat Sacerdotum excipere sanguinem, illum transferre, Duo offerre, & eo aspergere Altare, cæteraque subire munia. Licebat tamen hominibus alienis, id est, non Sacerdotibus, victimam pelle exuere, eandemque varias in partes dissecare.

D. Quot erant in Veteri Legge Sacrificiorum species?

M. Tres in Veteri Legge erant Sacrificiorum species. Alia quippe dicebantur *Holocausla*, alia *Pacifica*, alia denique *Propitiatoria*, sive, ut Scriptura Sacra loquitur, *pro peccato*. (Levitici c.

1. 3. 4. 5. 6. & 7. In Sacrificio, quod dicebatur *Holocausum*, tota victimam in Dei honorem, & ad recognoscendum summum ejus in res omnes dominium omnino consumebatur, & qui illud offerebant, se totos Deo addictos esse profitebantur. In Sacrificio, quod dicebatur *Pacificum*, quodque ex Bobus, Ovis, Agnis, vel Capris offerebatur, triplex fiebat divisio. Prima, scilicet adeps & sanguis, Deo adolebatur, cum cauda, renibus, & jecore. Altera pars, scilicet pectus & armus dexter, celebrant in usum Sacerdotis. Tertia, nempe caro reliqua, cedebat privatis, qui obtulerant. Postremo, Sacrificium, dictum *Propitiatorium*, sive *pro peccato*, etque per ignorantiam commissio; quadruplex erat. Primo; Pro peccato Pontificis, & in hoc immolabatur Vitulus. Secundo; Pro peccato Populi ex eodem animalium genere. Tertio; Pro peccato Principis, & tunc mactabatur Hircus. Quarto; Pro peccato Plebei, & tunc immolabatur Capra, vel Ovis. Istud triplicis sacrificii discrimen perdocte explicat S. Thomas 1. 2. Quæst. CII. Art. 3. ad 8. & in Responsione ad decimum argumentum docet, inter omnia sacrificia holocaustum fuisse præcipuum, quia totum comburebatur in honorem Dei, & nihil ex eo comeditur.

D. Quibusnam potissimum diebus Hebræi offerebant Sacrificia?

M. Diebus præcipue Festis Hebræi offerebant sacrificia. Apud autem Hebræos plura Festa erant. Primo *Sabbatum*, ita a quiete dictum, quod septima cujuslibet hebdomadæ die sanctificabatur. Hinc annus septimus, ut indicatur terræ quietem, *Sabbatum terræ*, & annus *Sabbaticus* est appellatus, & annus *Jubilæus* dictus est *Sabbatum Sabbatorum*, quia servis plenam a laboribus quietem afferebat. Alterum Festum quod Hebræi singulis mensibus celebrabant, erat *Festum Neomenie*, quod ideo, inquit S. Thomas, celebratur in novitate Lunæ; non autem in ejus plenitudine, ad evitandum Idololatriarum cultum, qui in tali tempore Lunæ sacrificabant. Quatuor insuper apud Hebræos erant Festa, quæ celebrabantur mense septimo anni, seu mense *Tisri*, qui correspondet mensi nostro Septembri, & erant *Festum clangoris Tubarum*; *Festum Expiationis*; *Festum Scopæ*, seu *Tabernaculorum*; *Festum Catus*, seu *Collectæ*. In Neomenia mensis *Tisri* Festum *clangoris Tubarum* præscriptum Deus celebrandum in memoriam liberari *Israël*, & substitui in ejus locum Arietis, cornibus dumeto hærentis, ut voluit periri Rabbi, quibus suffragatur S. Thomas. *Festum expiationis* decima die ejusdem mensis *Tisri* celebrandum instituit Deus, in memoriam Dei, Populo Israelitico, adoratorie aurei Vituli polluto, ad *Mosy* preces, propiti. Quapropter, in hoc Festo indictum erat jejunium & afflictio animarum, atque expiatio generalis peccatorum Israelitarum. Solemne illud Festum Expiationis Hircis duobus peragebatur, de quibus forte decernere debuit Pontifex, uter Deo sacrum piaculari fieri, uter in solitudine populi peccatis & maledictis onustus,

etque de causa dictus *Hircus Emisarius*, ablegari deberet? sicut legitur Lib. *Levitic* cap. 16. *Festum Tabernaculorum*, seu *Scopæ* die decima quinta mensis *Tisri*, & sex diebus sequentibus celebrandum Israelitis instituit Deus in memoriam peregrinationis Israelitarum in Deserto, & habitationis in tentoriis, & hac de causa omnes Judæi in Tabernaculis e frondibus & ramis arborum contextis, sub dio, per septem dies habitabant. *Festum Catus*, seu *collectæ*, celebrandum Deus indixit octava die Festi Scopæ, seu Tabernaculorum, & erat illius prioris Festi quasi complementum. Sed duo solemniora erant apud Judæos Festa, videlicet *Azymorum*, seu *Paschæ*, & *Pentecostes*. Festum *Azymorum* seu *Paschæ*, incipiebat a secundis Vesperis diei 14 mensis *Nisan* in Æquinoctio verno, & in secundis Vesperis ejusdem mensis comedeatur Agnus Paschalis in memoriam liberationis a servitute Ægyptiaca. *Festum Pentecostes* die quinquagesimo post Pascha celebrabatur ad offerendas primitias frugum. Eadem die quinquagesima post Pascha, *Mosy* Legem recepit a Deo in monte Sinai. Hisce septem temporalibus Festis Judæorum addunt nonnulli aliam Festivitatem, quam dicunt in Veteri Lege continuam fuisse, *Oblationem* videlicet *jugis sacrificii*. Singulis quippe diebus (sicut præceptum est lib. Numer. cap. 28. vers. 3.) immolari debebant in holocaustum sempiternum duo Agni immaculati; unus offerri debebat mane, & alter ad vesperam. Sacrificium maritimum fiebat, cum sol collustraret orientale plagam; Sacrificium vero vespertinum offerebatur ubi primum umbra porrigebatur. At, oblationem illam *jugis sacrificii* inter Festa Hebræorum locum non habuisse probabilis censeri periti Scripturnæ Sacre Interpretes.

D. Video multas fuisse apud Israelitas solemnitates, in quibus potissimum varia Deo offerebantur sacrificia. Sed nihil adhuc dixisti de Sacramentis, quæ extabant in Veteri Lege.

M. Sacramenta, quæ extabant in Veteri Lege, sunt isthæc: primo, *Circumcisio*, quæ a Deo instituta est cap. 17. libri *Genesis*, ejusque præceptum Patriarchæ *Abraham* datum, ab eoque, sive in seipso, sive in *Ismaele*, filio suo, & in servis omnibus, executioni mandatum, sicut offendimus in Collequiis nostris in Historiam secundæ Mundi Ætatis. Alterum Veteris Legis Sacramentum erat *Consecratio Sacerdotum*, cujus ritus prescribitur a Deo cap. 29. lib. Exodi. Tertium Veteris Legis Sacramentum erat *manducatio Agni Paschalis*, cujus convivium erat figura Sacro-Sanctæ Eucharistiæ. Quarto, *Oblatio Victimarum*, *Esus Panum Propositionum*, seu *aliorum Panum*, *Carniumve consecrationum*, ad Sacramenta Veteris Legis pertinebant. Denique *Purificationes* & *Lustrationes*, Sacramenta erant in Veteri Lege ad removendam divini cultus impedimenta, seu ad legales immunditias abstergendas, a Deo instituta. Immunditiæ autem legales octo præcipue in Lege recentur. Prima immundities, erat puerperæ, vel mulieris, quæ pepererat, c. 12. libri *Levitic*. Altera immunditiæ species, erat

immunditia foeminae menstruatæ, seu quæ, mense refluente, sanguinis fluxum patiebatur, sicut legitur cap. 15. lib. Levitici. Tertia immunditiae species, erat immunditia hominis contraio pene seminis fluxu laborantis, uti legitur eodem in capite Libri Levitici. Quarta immunditiae species, erat immundities concubitus conjugalis. Quinta immunditiae species, erat immundities somni, seu nocturna pollutio. Sexta immunditiae species, erat lepra. Septima immunditiae species, erat immundities funeris, ab iis contracta, qui mortuorum corpora, sepulchra, vel ossa tetigissent, aut eorum tentoria vel domos ingressi fuissent, vel exequias profecturi, sicut habetur cap. 29. lib. Numerorum. Octava immunditiae species, erat immundities contactus, quam contrahebat quicumque, qui personam, vel rem immundam, nolens licet ac fortuito, tetigisset, ut videre est in mox laudato capite libri Numerorum. De his octo immunditiarum legalium speciebus, & de variis ritibus, quibus, secundum Legem, mundari debebant, leges S. Thomam 1. 2. Quæst. CII. Art. V. ad 4. & 5. ubi Angelicus ille Doctor perdocte juxta ac copiose de his disserit.

D. Ut Divina Legis, Populo Israelitico per manus Moysis traditæ, absolutam possim habere notitiam, supersedit, ut, post præceptorum Decalogi, quæ sunt naturalia, seu moralia, & præceptorum caeremonialium brevem, sed dilucidam, quam hæcenus dedisti, explanationem; nunc sub finem nostri Colloquii pauca dicamus de præceptis ethidem Legis, quæ dicuntur *Judicialia*, seu Forensia, quæque Israelitas ordinabant ad invicem, & ad conservandam Hebræorum Republicam erant necessaria.

M. Cum præcepta judicialia, seu forensia, eo potissimum fine fuerint lata a Deo, ut ordinarent Populum Israeliticum ad invicem; ideo S. Thomas 1. 2. Quæst. CIV. Art. IV. docet, præcepta judicialia Veteris Legis distinguere juxta quadruplicem ordinem, qui in aliquo Populo inveniri potest. Primus ordo, inquit Angelicus ille Præceptor, est Principum populi ad subditos. Secundus, subditorum ad invicem. Tertius, ad extraneos. Quartus, ad domesticos, sicut patris ad filium, uxoris ad virum, & Domini ad servum. Secundum igitur quadruplicem illum ordinem distinguuntur præcepta judicialia Veteris Legis. Dantur enim in ea quedam præcepta de institutione Principum, de officio eorum & de reverentia eis exhibenda: & hæc est prima pars judicialium præceptorum. Dantur quedam præcepta spectantia populares & concives ad invicem comparatos; & hæc est secunda pars judicialium præceptorum. Dantur etiam quedam præcepta pertinentia ad extraneos, ut de gerendis bellis contra hostes, & de susceptione peregrinorum & advenarum; & hæc est tertia pars judicialium præceptorum. Dantur denique in Lege præcepta quedam atinentia ad conversationem domesticam, nempe de uxoriis, filiis, & servis: & hæc est postrema pars, seu classis præceptorum judicialium Veteris Legis. Nunc

præceptorum judicialium Veteris Legis distributionem hic indicasse sufficiat, nam si ejusmodi præcepta vellem in præsentia sigillatim explicare, dies me deficeret, & ad multam noctem nostrum potraheretur Colloquium.

D. Cum non possis omnia Veteris Legis præcepta judicialia perferere, eaque sigillatim explanare, obsecro te, ut illa saltem in genere perstringas, quo facile possim inde agnoscere, Rempublicam Hebræorum fuisse a Deo institutam, tanquam perfectissimum Reipublicæ ordinatissimæ exemplar.

M. Præcepta judicialia, seu forensia, quibus constabat Respublica Hebræorum, ad hæc revocari possunt, quæ summam hic delibabo. In primis, apud Hebræos, ad dirimendas causas & lites, quæ in eorum Republica emergere poterant, Tribunalia erant ordinaria Triumvirorum, & viginti Triumvirorum, quæ per urbes & oppida erant disposita, præter Magnum Synedrium LXXII. Judicum, quod supremum Tribunal erat, Hierosolymis constitutum. De quibus Hebræorum Tribunalibus lege librum, quem edidit *Seldenus*, de *Synedriis Hebræorum*. Judicibus districtæ a Lege prohibetur, ne munera recipiant, aut bis exccati proferant judicium. Uni testi solum adhibere haud poterant Judices, sed tribus, vel minimum duobus, qui essent probatæ & inculpatae vitæ. Nec mulierem propter levitatem, nec servum, propter animos degeneres testem esse licebat. Ad coercendam cupiditatem bonorum temporalium, cantum erat Lege, quæ dicebatur *Agarum*, ut post quinquaginta annos, sive in anno Jubilæo, agri venditi redirent ad veteres Dominos, & hoc passo frangebatur cupido impotens augendorum agrorum. Ad amoveniam omnem causam bellorum & seditionum, cohibendamque omnem avaritiam, quæ certis terminis vix ac ne vix quidem circumscribi potest; terminis terræ movere fas non erat. Adversus furtum Leges severæ late erant. Argentum furtus duplo multiplicabatur, pecudem quadruplo, bovem quintuplo. Mutuum dare ad usuram nemini Hebræorum licebat. Vestimentum, quod oppignoraverat pauper, ante Solis occasum huic reddendum erat, sicut mola, qua cibis paratur. Vitæ civium consultum erat. Nam gravi Talionis supplicio percussor puniebatur, & acerbissimis poenis animadvertebatur in eos, qui rei homicidii erant. Magnus, & qui eum consulebat, lapidabatur. Itemque blasphemus, idololatra, veneficus, parentum percussor; qui illicite concubuisse, qui prægnantis foetui nocuerat, qui carnem cum sanguine comederant; morti itidem adhibebantur. Involuntariæ cædis reus exulabat usque ad obitum Pontificis. Taurus concupeta, cæso homine, lapidabatur. Ille, cujus bestia alteri noxam fecit, remebatur damnum facere. Qui non erat par resistendo, aut solvendo, venibat. Lex lata erat adversus spadoes, qui se data opera Eunuchos reddebant, sique magnum Reipublicæ nocumentum inferebant. Virginem, quam quis contempnisset, aut violasset, debebat uxorem ducere; sed si virgo deponata, talis non fuisset reperta, ultricibus flammis adhibebatur.

tur. Mulier de adulterio suspecta, aquas, quas Zelotypia appellat Scriptura Sacra, bibere cogebatur, quas cum potasset, si revera esset adultera, in Templo marcebat: sed eadem Zelotypia aquae mulieribus de adulterio falso accusatis minime nocebat. Licebat Hebraeis plures habere uxores, & quas vellent, repudiare, dando illis libellum repudi, quod Hebraeis ad duntaxat cordis erat indultum, ne, sicut saepius fieri assolet, ab odio & ira inflammati in uxores, quarum moribus & contubernium ferre minime poterant, ferro & veneno fe ab illis divellere tentarent. Ne deficerent familiae, & ut possessiones apud cognatos faritae testae permanerent, mulierem, cujus maritus, necdum susceptis liberis, mortuus erat, tenebatur frater mariti defuncti in uxorem ducere. Si quis servum proprium servavisse percussisset, & ex eo ictu obisset, reus in iudicio fiebat. Si quis servo oculum aut dentem excussisset, servus in libertatem vindicabatur. Si quis delosum lacum non cooperuisset, pecusque in lacum cecidisset, pretium peculis domino dare debebat. Si depositum perisset, is, penes quem depositum fuerat, jurare adfinitur, nihil se dolo gisse. Si quis fe pecudi miscuisset, morti tradebatur. Praecipiebatur insuper Lex, viduam & orphanos non esse premendos; pauperem debitorem non perurgendum; Principem populi non increpandum; primogenita omnia Deo offerenda; catenam, a fera captam, non edendam; inimici pecus ad dominum reducendum; advenam benigne accipiendum; fructus septimi anni non metendos, sed egenis & pauperibus reinquendos. Sonjtes pro meritis cedebantur, videlicet diversis suppliciorum generibus, quae erant verberatio, venditio hominis rei, exilium, vivicombarium, crucifixio, seu suspensio in patibulo, potio aquarum, quae Zelotypiae dicebantur, decollatio, seu abscissio capitis, cujus unicum in sancto Joanne Baptista extat exemplum. His suppliciorum generibus addunt Rabbinii strangulationem; sed de hoc supplicii genere nullum extat in Lege statutum. Praeter haec, quae haecenus percensui, Legis praeccepta, alia data erant populo Hebraeo, quae ad allegoriam quamdam spectare videntur, sic sunt praeccepta de non coquendo Hado in lacte matris, Exodi cap. 23. v. 19. de non arando in Bove & Asino, de non induenda veste, quae lino & lana texeretur, Deuteronomii cap. 22. v. 10. & 11. de non ferendis in eodem agro diversis feminibus, Levitici cap. 19. v. 19. de non alligando ore Ecvis triturantis, Deuteronomii cap. 25. vers. 24. de rejiciendo vase, cui non erat operculum, lib. Numerorum cap. 19. v. 15. de abstinendo a contactu cadaveris, Levitici cap. 18. v. 39. & alia id generis praeccepta, quorum rationes, & allegorias cum hic explicare nimis longum esset, consultius est, ut domi tuae legas Doctorem nostrum Anglicum, qui 1.2.Q.CII. Art. VI. in his reconditis & allegorici praecceptorum rationibus explanandis nullum parem, ac secundum habet, nec unquam habiturum est. Hoc unum dumtaxat ex tot praecceptis contentis in Lege a Deo per Moysen data Populo Hebraeo, quae haecenus cursim expendimus,

velim intelligas, quam sancta, & immaculata esset illa Lex; quam bene disposita, & ordinata Respublica Judeorum, & quam puris, piisque essent Israelitarum mores, qui vitam suam ad normam illorum praecceptorum exigebant atque componebant. Qua de re si plura desideres, auctor tibi sum, ut legas Anglicum Doctorem loco mox citato.

D. Ad ades meas festinus redeo, ut me ad proximum, quod perentiae habituri sumus, Colloquium preparem, & in hac praefigida anni tempestate apricatione, aut igni calefcere possim.

COLLOQUIUM II.

In quo quaedam dubia, sive ad Legem Moisaicam, sive ad Historiam quartae Mundi Aetatis attinguntur, quae a Theologis, vel Scripturae Sacrae Interpretibus proponi solent, discutuntur, ac diluuntur.

MAGIST. D. Ubiam, quae tam Theologi, quam Scripturae Sacrae Interpretes proponere solent, spectant vel Legem Moisaicam in se consideratam, vel praeccepta, quae continent, seu praeccepta Decalogi, quae sunt praeccepta Legis naturae, & moralia dicuntur: vel pertinent ad praeccepta ejusdem Legis caeremonialia, aut judicialia, seu forensia: vel denique attingunt ad quaedam facta historica, quae in quarta Mundi Aetate contigerunt. Ut igitur dubia cum Theologorum, tum Scripturae Sacrae Interpretum, quae ad quatuor illaec capita vocantur, continent ordine dirimere possim, propono in primis ea dubia, quae spectant Legem Moisaicam in se consideratam.

D. Non proponam hic duo dubia, quae circa Legem Moisaicam movet S. Thomas 1. 2. Quaes. 98. Art. 1. & 2. quorum primum istud est: *Utrum Lex Veteris, seu Moisaica, fuerit bona?* Alterum, *an Lex Moisaica fuerit instituta a Deo?* Hae, inquam, duo dubia non proponam, quia in superioribus nostris Colloquiis, juxta doctrinam Angelici Praecceptoris, jam ostendisti primos, Legem Veterem, seu Moisaicam esse bonam, quia prohibebat omnia peccata, quae adversantur rationi, quamvis haec Lex comparate ad Legem Evangelicam imperfecta dicatur, quia vi sua gratum sanctificantem non conferebat, sed solum per Fidem in Christum Mediatorem, quem eadem Lex suis Caeremoniis, Ritibus, Sacrificiis, aliisque id generis Documentis venturum declarabat. Secundo, ostendisti, Legem Veterem, seu Moisaicam, esse a Deo institutam, quia, tota quantae est, collimat in Christum, & de eo pluribus in locis perhibet testimonium. Quo fit, ut Christus Dominus cap. ultimo Lucae, dicat: *Oportet impleri omnia, quae scripta sunt: in lege, & in Psalmis, & in Prophetis de me.* Et cap. 5. Joannis: *Si crederetis Moysi, crederetis forsitan & mihi: de me enim ille scripsit.* Porro, impossibile est ut Diabolus hanc condiderit Legem, quae homines adducebat ad Christum, verum Deum, & Redemptorem opum hominum, per quem Diabolus expellendus erat, juxta illud: *Matth. cap. 12. Si Satanas Satanae ejicit, divinum est Regnum ejus.* Nullus itaque

que dubito, quin Lex Vetus, seu Mosaica, fuerit bona & condita a Deo, ac subinde hinc duobus propemodis dubiis, quibus in precedentibus nostris Colloquiis abunde fecisti satis, Iubenti animo hic superfedebat. Tria igitur alia circa Veterem Legem proponam dubia, quae breviter solvas velim. Primum est, cur Deus Veterem Legem dedit tempore Moysi, & non alio tempore? Alterum est, utrum Lex Vetus soli Populo Hebraico dari debuerit? Tertium est, an omnibus hominibus incubuerit necessitas observandi Legem Veterem?

M. Haec tria, quae proposuisti, dubia, non meis, sed Angelici Praeceptoris nostri verbis diluam: & ad primum respondeo, conveniens fuisse tempore Moysi Legem Veterem dari, ad superbiam hominum convincendam. De dubio enim homo superbiat, scilicet de scientia & potentia, quasi ratio naturalis ei posset sufficere ad salutem. Et ideo, ut de hoc ejus superbia convinceretur, permixtus est homo regimini suae rationis absque adminiculo. Legit scripte, & experimento discere potuit, quod parebantur rationis defectum per hoc, quod homines usque ad Idololatriam, & turpissima vitia circa tempora Abrahami sunt prolapsi, & ideo post haec tempora, fuit necessarium Legem scriptam dare in remedium humane ignorantiae, quia per Legem est cognitio peccati, ut dicitur Epistola ad Rom. cap. 5. Sed, postquam homo est instructus per Legem, convicta est ejus superbia de infirmitate, dum implere non poterat quod cognoscebat, & ideo sicut Apostolus concludit cap. 8. Epist. ad Rom. Quod impossibile erat Legi, in qua infirmabatur per carnem, misit Deus Filium suum, ut justificatio Legis impleverit in nobis. Sic perdocti discuntur Doctor Anglicus 1. 2. Quaest. 98. Art. 6. ubi aliam assignat rationem, quam memini, me alibi insinuas, videlicet, necessarium fuisse Veterem Legem dari tempore Moysi, quando Lex naturalis obscurari incipiebat propter exuberantiam peccatorum: unde infert sanctus ille Doctor, quod statim post peccatum primi hominis non compebat Legem Veterem dari, tum quia homo non recognoscebat se ea (seu Legem) indigere de sua ratione confusus: tum quia adhuc dictam Legem naturam nondum erat obtenebratus per consuetudinem peccandi. Ad alterum dubium, utrum Lex Vetus soli Populo Hebraico dari debuerit? Non minus dilucide respondet S. Thomas 1. 2. Quaest. 98. Art. 4. ubi haec habet: Deus igitur & Legem, & alia beneficia specialia illi Populo (seu Hebraeo) exhibuit propter promissionem eorum Patribus factam, ut ex eis Christus nasceretur. Dicebat enim ut ille Populus, ex quo Christus nasceretur erat, quodam speciali sanctitate polletet, secundum illud, quod dicitur cap. 10. Lib. Levitici: Sancti eritis, quia ego Sanctus sum. Nec etiam fuit propter meritum ipsius Abrahae, ut talis ei promissio fieret, ut scilicet Christus ex ejus semine nasceretur, sed ex gratuita Dei electione & vocatione.... Si autem quaeratur, cur hunc Populum (seu Hebraeorum) elegerit, ut ex eo Christus nasceretur, & non alium? convenienter respondet S. Augustinus Tractatu 26. in Joannem: Quare hunc trahat, & illum non trahat, noli velle dijudicare, si non vis erro-

re. Deus ergo ex speciali dilectione Legem Veterem dedit Populo Hebraeo, & non alteri. Hinc Apostolus Paulus cap. 3. Epist. ad Romanos: Quid ergo amplius Judeo? multum quidem per omnem modum, primum quidem, quia credita sunt eis eloquia Dei. Et Psalm. 14. dicitur: Non sicut saliter uni nationi, & judicia sua non manifestavit eis. Ad ultimum, quod proposuisti Dubium, utrum omnes homines tenerentur Legem Veterem observare? Sic S. Thomas Quaestionis istius citat Art. V. respondet: Dicendum, quod Lex Vetus manifestabat praeccepta Legis naturae, & Superaddebat quaedam propria praeccepta. Quantum igitur ad illa praeccepta, quae Lex Vetus continebat de Legi naturae, omnes tenebantur ad observantiam Veteris Legis, non quia erant de Veteri Lege, sed quia erant de Lege naturae: sed quantum ad illa, quae Lex Vetus Superaddebat, non tenebantur aliqui ad observantiam Veteris Legis, nisi solus populus Judaeorum: cuius ratio est, quia Lex Vetus data est populo Judaeorum, ut quandam prerogativam sanctitatis obtineret propter reverentiam Christi, qui ex illo populo nasceretur erat. Quaecumque autem statuunt ad specialem aliquorum sanctificationem, non obligant nisi illos. Sicut ad quaedam obligantur Clerici, qui mancipantur divino ministerio, ad quae Laici non obligantur. Similiter & Religiosi ad quaedam perfectionis obligantur opera ex sua professione, ad quae Seculares non obligantur, & similiter, ad quaedam specialia obligabatur populus ille, ad quae alii populi non obligabantur. Habes nunc ex doctrina S. Thome, quia nullam aliam solidiorum desiderare potes, clare soluta tria illa, quae proposuisti, Dubia.

D. Ambabus manibus amplector & excolam doctrinam S. Thome, quia nihil in vita mihi carius & antiquius unquam erit. Sed dicas mihi, fodes, cur Lex Vetus, seu Mosaica, quae, ut paulo ante dixisti, tanta solemnitate fuit a Deo instituta, tot miraculis ac prodigiis confirmata, tanta religione a viris, Spiritu Sancto afflatis, custodita, quaeque tot saeculorum tractu floruit, fuerit tandem a Jesu Christo, Servatore nostro, rescissa, eliminata, & antiquata? Neque enim intelligere possum, quo pacto haec Lex, quam bonam esse, & a Deo institutam probentur omnes Christiani, rescindi aliquando debuerit. Deo ipso met volente atque jubente, quid sit, instabilem ac levium hominum more, consisti mater.

M. Legem Veterem, seu Mosaicam n. a. a. oriante Jesu Christo, vero Messia, a Prophetis praedicto obliterandam esse, & in Novam Legem, seu Evangelicam, commutari debere docent sacri Vates. Adverte enim, si placet, Veterem Legem, seu Mosaicam, in monte Sina sanctam a Deo, & unico Judaico populo datam esse, sicut in superiori Colloquio ostendimus. Porro, Legem alteram Messiae temporibus orituram vaticinatus est Isaia, Gentibus quoque communem, & Hierosolymis & e monte Sion prodeuntem. Quibus Notis quid, nisi Legem Evangelicam, intelligamus, a Christo, Salvatore nostro, Hierosolymis datam, a Spiritu Sancto in montem Sion illapso in Discipulis confirmatam, ut universis Gentibus nunciaretur? De Sina exiit Lex, inquit Isaia cap.

cap. 2. v. 3. & *Verbum Domini de Jerusalem, & judicabit Gentes, & arguet Populos multos.* Hæc, inquam, Lex, quæ post adventum Christi Domini e Hierosolymis, & e monte Sion proditura erat, alia prius esse debebat, planeque distincta a Legge Veteri, seu Mosaica, propter multiplicem rationem. Primo, quia Lex Veteri, seu Mosaica data est, ut mox diximus, in monte Sina: Altera Lex, seu Evangelica, data est Hierosolymis, & in monte Sion. Secundo, quia Lex Veteri unico Judaico Populo data est, nec ad ejus observantiam obligabantur cæteræ Gentes. At, exteræ Gentes toto orbe diffusæ ad observantiam Legis, quæ, adventante Christo, Hierosolymis promulgari debebat, adstringuntur, quia Christus sacris Prophetarum oculis, quæ hic inferre nimis longum esset, prænuntiatus, non Judæos tantum, verum etiam omnes Gentes toto orbe diffusas, & Judaico nomini inimicas, vocaturus erat, & in Fidei, Religionisque societatem adducturus. Tertio, repugnat Legem Veterem potuisse ab omnibus Gentibus observari, tum quod multa tradita præcepta, quæ extra Terram promissam, seu extra Terram Chanaan, observari non poterant. Quis autem credat, universas Nationes per totum, quæ late pater, Orbem dispersas potuisse unicum Chananæam Terram, lætæ & mellis fluentem, inhabitare, quod religiosus Legis suæ observatoribus promittebat Moyses? Tum quod etiam in Veteri Lege præceptorum aliqua data sunt ad Judaicum Populum a cæteris Gentibus distinguendum; cujusmodi est præceptum de Circumcisione, quæ ad Judæos a cæteris Gentibus distinguendus fuit primitus instituta, quæque proinde Judæis & Gentibus ex æquo communis esse haud poterat: Tum denique, quia fieri minime poterat, ut universi Orbis populi in unum Hierosolymorum Templum statis temporibus convenirent ad Legis Mosaicæ Sacra peragenda, Sacrificiaque offerenda, quæ alio in loco sine sacrilegio celebrari non poterant. Cum igitur, juxta Prophetarum Oracula, Lex, adventante Christo, Hierosolymis promulgari debebat, non quæ Judæis peculiaris esset, sed quæ servari ab omnibus Gentibus posset, necessario dicendum est, hanc Legem Novam, seu Evangelicam, plane discrepare a Legge Veteri, id est, Mosaica, quæ Judæis peculiaris erat, & ab universis toto Orbe Gentibus nullo pacto observari poterat. Sed, inquis: *Si Lex Moysi bona fuit, ut in confesso est apud omnes Christianos, cur igitur tandem abrogata & rescissa est?* Bona est, fateor, Lex Veteri, seu Mosaica, sed juxta tempore, donec Nova Lex, seu Evangelica succederet. Bona, sed instar pædagogicæ ad ridens animos informandos; atque ita accedente plenitudine temporum pericienda. Bona, sed instar figure, atque ita revelata, jamque assurgente veritate, abolenda, atque eliminanda. Bona, sed instar symboli, Christum præfigurantis, atque ita veniente Christo implenda & consummanda. Adveniente itaque Christo Domino, & promulgata Evangelica Legge, cessit Lex Veteri, seu Mosaica, non sicut ac prodita luce cedant umbræ & evanescunt;

nec inde tamen Lex Veteri magis læsa est, quam si picte imagini Regis, Rex ipse vivus succedens, omnium in se oculos defleat; aut si puer imbecillus progressu temporis grandescat in virum adulescentem, aut si frondibus & foliis succedat fructus maturus, aut si Lunam & Stellis Sol exortens obscurer. Habuit Lex Mosaica tempus suum; quod illa typis adumbravit, clarissime Christus toti Orbi representavit; quod illa promissit, ipse exhibuit; quod prædixit, ipse gessit, perfectit, adimplevit. Nec idcirco Deus, quo volente Lex Veteri, seu Mosaica, cessit Legi Novæ, id est, Evangelicæ, consilia mutasse putandus est, quia Deus Legem Veterem ea mente, eoque consilio considerat primum, ut juxta dumtaxat tempore perduraret, & consummata demum Messias tempore exoleret. Quo factum est, ut Veteri Lex, seu Mosaica, non fuerit immutata, sed potius Dei voluntate adimplenda.

D. Cum Lex Mosaica, sicut in superiori Colloquio monstrasti, non tantum complectatur decem præcepta Legis naturæ, seu moralia, quæ continentur in Decalogo, verum etiam præcepta caeremonialia & judicialia. Quæro nunc a te, an Lex Veteri, seu Mosaica, fuerit tempore Messias, id est, Jesu Christi, omnino abrogata & antiquata?

M. Lex Mosaica, quantum ad præcepta Legis naturæ, seu moralia, quæ continentur in Decalogo, non fuit abolita, neque cessavit adveniente Christo, immo potius perdurat adhuc quantum ad observantiam illorum præceptorum, & eo in sensu aliquando sacre Litteræ Legem Mosaicam fore æternam dicunt, quavis quoad præcepta caeremonialia fuerit dumtaxat temporalis, hoc est, duraverit tantum usque ad ortum Messias, qui caeremonias Veteris Legis non solvit quidem, sed absolvit & adimplevit; & adimplendo allata veritate consummavit, atque figurata ejusdem Legis præcepta ad exitum perduxit, sicque nos juxta præceptorum caeremonialium & judicialium Veteris Legis liberavit. Hinc inferas, Ritus, Sacrificia, Circumcisionem, Sacerdotium Leviticum, & alia id genus præcepta caeremonialia Veteris Legis penitus dehisce tempore Messias.

D. Non video, pace tua dixerim, cur Circumcisio, & Sacerdotium Leviticum cessare deberint tempore Messias. Nam primo, Circumcisionem perpetuo duraturam promissit Deus cap. 1v. v. 12. Libri Genesis, ubi Circumcisionis Ritum Abraham præcipiens, ita loquitur: *Infans octo dierum circumcidetur in vobis, omne masculinum in generationibus vestris, tam vernaculus, quam emptitius circumcidetur, et tunc pactum meum in carne vestra in sædus æternum.* Quibus verbis aperte promittit Deus æternam fore ac perpetuo duraturam Circumcisionem. Secundo, Sacerdotium itidem Aaronicum, seu Leviticum, in Veteri Lege a Deo institutum, æternum fore, & nunquam abolendum, luculenter Hieremias cap. 33. testatur his verbis: *Hæc dicit Dominus: Non interibis de David vir, qui sedeat super thronum Domus Israel. Et de Sacerdotibus & Levitis non interibis vir a facie mea, qui offerat holocausta, & incendat Sacrificium, & cedat victimas omnibus diebus.*

bus. Quæ Prophetæ verba manifesto indicant perpetuitatem Sacrificii & Sacrificii Aaronici, seu Levitici. Non video igitur, cur Circumcisio, Sacrificium, & Sacerdotium Aaronicum, seu Leviticum, adveniente Jesu Christo, vero Messia, desinere ac cessare debuerint.

M. Ex eo laudato Scripturæ Sacræ Genes. cap. 17. v. 12. testimonio colligere non debes, Deum promississe Abrahamo, Circumcisionem perpetuo duraturam. Nam, præterquam quod illud vocabulum, *æternum*, in sacris Literis non semper significat durationem omnino sine carentem, seu stricti nominis æternitatem, sed longum quandoque tempus, seu solam diuturnitatem sonat, ut patet ex eodem capite 17. v. 8. libri Genes. ubi Deus de Terra Chanaan dicit Abrahamo: *Dabo tibi & semini tuo terram peregrinationis tue, & offeram Terram Chanaan in possessionem æternam*, quæ tamen Terra Chanaan jam prælem a Judæis non obtinetur; quamvis, inquam, ex hoc Scripturæ Sacræ testimonio, & ex multis aliis, quibus referendis, brevitas ergo, superfedeo, consistet, vocabulum illud *æternum*, non semper significare perpetuum durationem; certum etiam est, Deum, per hæc verba: *Frisque pactum meum in carne vestra in sæculum æternum*, non promississe carnalem, seu Judaicum Circumcisionem fore perpetuo duraturam, sed dumtaxat promississe sædus illud, quod cum Abrahamo per Circumcisionem, quæ erat illius fœderis signum, inibat, fore æternum in semine fideli, quod fidem Abrahami sceleretur. Quod si quæras, ubi extat illud semen fidele Abrahami, in quo, juxta promissionem Dei, perpetuo durare debebat sædus illud, quod Deus per signum Circumcisionis pepererat cum Abrahamo? respondebo ipse, illud semen Abrahami fidele non extare amplius apud Judæos, qui a divino illo fœdere sua culpa & iniquitate deciderunt (sicut dicitur Psalm. 77. v. 57. *Averterunt se, & non servaverunt pactum, quemadmodum patres eorum conversi sunt in arenam prorum*) sed semen illud fidele Abrahami reperiri apud Christianos, qui non carne, sed spiritu, semen sunt Abrahami ex fide, non ex semore, semen circumcisum mente, non corpore: *Non enim*, ut ait Apostolus Paulus cap. 2. v. 28. Epist. ad Romanos, *qui in manifesto Judæus est, neque que in manifesto est Circumcisio, sed qui in abscondito Judæus est, & circumcisio cordis in spiritu, non in littera, cujus laus non ex hominibus, sed ex Deo est.*

Quod ipse perennitatem Sacrificii & Sacerdotii Aaronici, seu Levitici, non certe promittit Hieremias nomine Dei illud Sacrificium & Sacerdotium Leviticum habiturum perennitatem abolitam, sed dumtaxat certis terminis præfinitam, donec videlicet veniret promissus Messias, seu Jesus Christus, qui Sacrificium & Sacerdotium, Aaronico, seu Levitico, longe perfectius, excellentius, & sanctius insinuere debebat. Quod quidem quadruplici momento breviter demonstrabo. Primo, quia Vates Reus Psalm. 109. quem integrum venturo Messie accommodant Hebræorum doctissimi Rabbini, clarissime pronun-

ciat, Messie Sacerdotium non futurum secundum ordinem Aaroni, in institutione pecudum constitutum, sed secundum ordinem Melchisedech, qui, sicut legitur cap. 14. lib. Genes. panem & vinum in Sacrificium obtulit Domino: *Tu es Sacerdos in æternum secundum ordinem Melchisedech*. Præterea, Sacerdotium Aaronicum, seu Leviticum, adveniente Messia, seu Christo Domino, abolitum iri, ejusque loco aliud instituturum esse Sacerdotium, atque Sacrificium, quod non in aliquo peculiari loco, seu in Templo Hierosolymitano, Deo esset offerendum (sicut Sacrificium Leviticum in hoc Templo necessario offerri debebat, & non alibi) sed ubivis gentium & in universo Orbe, prædixerunt Prophetæ Isaías cap. 19. & Malachias cap. 5. Prior sic habet: *in die illa erit Altare Domino in medio terre Egypti... Clamabunt enim ad Dominum a facie tribulantis, & mittet eis salvatorem & propugnatorem, qui liberet eos, & cognoscetur Dominus ab Egypto, & cognoscetur Egypti Dominum in die illa, & colent eum in bustis, in numeribus, & vota vovebunt Domino, & solvent.* Alter vero Prophetæ sic inducit Deum loquentem cum Judæis: *Non est mihi voluntas in vobis, dicit Dominus exercituum, & munus non suscipiam de manu vestra: Ab ortu enim solis usque ad occasum, magnum est nomen meum in gentibus, in omni loco sacrificatur & offertur nomini meo oblatio munda, quia magnum est nomen meum in gentibus, dicit Dominus exercituum.* Ex quo vaticinio clare colligitur, tempore Messie institutum iri Sacrificium, Deo per totum Orbem offerendum, subindeque delitum Aaronicum, seu Leviticum Veteris Legis Sacrificium, quod in solo Templo Salomonico, seu Hierosolymitano, & non alibi poterat offerri. Tercio, multi Prophetæ, quos inter censuimus Isaías cap. 1. v. 13. Hieremias cap. 6. v. 20. Amos cap. 5. v. 22. & Micheas cap. 6. v. 7. comminantur Judæis nomine Dei, Sacrificia Levitica, quæ Sacerdotes Veteris Legis offerbant in institutione victimarum, Boum, scilicet, Agnorum, Arietum, aliorumque id genus animantium, quæ in Libris Moais designantur, tandem aliquando fore a Deo rejicienda: *Ne offeratis ultra Sacrificium frustra; incensum, & abominatio est mihi. Neomeniam, Sabbatum, & Festivitates alias non feram*, inquit Deus Judæis per Isaías, Prophetam. *Holococausta vestra non sunt accepta, & victimæ vestre non placentur mihi*, ait itidem Deus Judæis per Hieremiam, Prophetam. *Quod si obtuleritis mihi holocausta, & munera vestra non suscipiam, & vota pinguium vestrorum non respiciam*; ita alloquitur Deus Judæos per Prophetam Amos. Idem inculcat Judæis Propheta Micheas, dicens: *Numquid placui pueri Dominus in multis milibus Arietum, & in multis milibus Hircorum pinguium?* Quæ Prophetarum varicina aperte innuunt, Sacerdotium, & Sacrificium Veteris Legis Leviticum fore dumtaxat temporarium, & adveniente Messia repudiaturum iri. Postremo, tam Sacerdotium, quam Sacrificium Leviticum omnino cessasse, postquam Templum Hierosolymitanum a Vespasiano & Tito, Impe-

ratoribus, solo æquatum est, & incendio consumptum abhinc mille sexcentis & amplius annis, inficias ire haud possunt Iudæi. Destructo siquidem Templo Hierosolymitano (in quo solo Iudæi poterant Sacrificia Levitica offerre) nullus amplius illis suppetit locus, in quo Sacrificia offerre valeant. Immo, nec Sacerdotes habent, nec deinceps habere possunt, quia post ipsorum dispersionem, suas Tribus usque adeo permixtas & confusas habent, ut Tribum Leviticam, & qua sola Sacerdotes eligi debebant, nulla pacto discernere possint. Patet itaque ex his momentis a me adductis, tam Sacerdotium, quam Sacrificium Leviticum fuisse tantummodo temporarium, nec perpetuum esse debuisse, cum utrumque apud Iudæos post adventum Jesu Christi veri Messie, abhinc mille, & septingentis ferme annis finem plane habuerit, & nullum in Iudeorum Synagogis, Sacerdotii, & Sacrificii Levitici, vel minimum reliquum sit vestigium. Sed præstat audire S. Chrysostomum, qui Oratione IV. adversus Iudæos de cessatione Sacerdotii, & Sacrificii Levitici sic eleganter disserit: Tribus Levi, sola honorata Sacerdotio, a negotiis ad victimarum pertinentibus liberata erat, neque præterea quidam ejus generis exercebant, sed soli Sacerdotes vacabant, ac Decimas accipiebant a toto populo, sum frumenti, tum bœdei. Ex his enim rebus illis portiones dabant omnibus, & hic erat illis proventus. Nec fas erat ut ullæ alia Tribu Sacerdotum unquam fieri. Ex hac enim Tribu factus est Aaron, nuntius de Tribu Levi, ac per successionem illius posteri Sacerdotium accipiebant, neque quisque unquam ex alia Tribu creatus est. Hi itaque Levitæ Decimas ad illas accipiebant, & sic abiebant. Sed ante Jacob, sub Isaac, sub Abraham, cum nondum esset Moyses, nondum scripta Lex, nondum Leviticum Sacerdotium esset proditum, non Tabernaculum, non Templum esset, non Tribus discrete, non Hierusalem extaret, cum nullæ omnino in Iudæa verum principatum occupasset, fuit quidam Melchisedech, Rex idem, & Sacerdos, typus enim futurus erat Christi, cuius & Scriptura meminit. Quam enim Abraham, irruptione facta in Persas, ac fructu filio Loti ex illorum manibus erecto, omnibus spoliis direptis redire, hostibus virtute devictis, obvium habuit Melchisedechum, qui, ut inquit Scriptura Sacra, obulit panem, & vinum, (erat enim Sacerdos Dei altissimi) & benedixit Abrasæ, &c. Si quis igitur Prophetarum existit, qui dicat, quod post Avramum, postque Sacerdotium illud Leviticum, & hæc Sacrificia & oblationes, exorturus esset Sacerdos alius, non ex illa Tribu, seu Levitica, sed ex alia, ex qua nunquam creatus est Sacerdos, manifestum est, quod Vetus Sacerdotium, seu Leviticum, cessavit. Aliud autem novum in ejus locum inductum est. Nam si futurum erat, ut Vetus illud, seu Sacerdotium Leviticum, obtineret non secundum ordinem Melchisedech, sed secundum ordinem Aaron, oportuit hoc explicare. Quis igitur hoc dicit hic ipse (seu Vates Regius Psalm. 129.) qui de Christo disserens, ait: Tu es Sacerdos in æternum secundum ordinem Melchisedech. Ex hoc enim liquet, quod Sacrificium Avramicum, seu Leviticum, finem accepit, & aliud in

ejus locum inductum fuit multo melius ac sublimius. Hoc autem evictis, simul & aliud in confesso est, quod alius etiam status Sacerdotii congruens, simul inducendus esset, neque non Legislatio melior, nimium nostra. Quod sane Paulus demonstrans dicebat.

Translatò enim Sacerdotio, necessario fit, & Legis translatio, Epil. ad Hebræos cap. 7. v. 12. D. Templum Hierosolymitanum jam pridem ab Imperatoribus Vespasiano, & Tito fuisse destructum, plane sciebam, sed utrum Deus præcepit Iudæis, ut in solo Templo Hierosolymitano Sacrificia offerrent? Et utrum etiam Templum Hierosolymitanum, quod destructum est, denuo instaurandum sit, necne? obsecro te, ut paulo uberiori explicatione ostendere haud graveris.

M. Deum præcepit Iudæis, ut in solo Templo Hierosolymitano Sacrificia offerrent. tribus momentis breviter evinco. Primo Moyses c. 16. v. 4. & 5. Lib. Deuteronomii Populum Israeliticum sic alloquitur: Non poteris immolare Pascha, seu Pascha, in quolibet urbium tuarum, quas Dominus Deus tuus datus est tibi; sed in loco, quem elegerit Dominus Deus tuus, ut habites nomen ejus ibi. Locum autem illum, quem ad oblationem victimarum, & ad celebrandas solemnitates selegit Deus, fuisse Templum Hierosolymitanum negare haud possunt Iudæi. Præterea, Deus in Legge Moisaica præcepit Israelitis, ut ter in anno omne masculinum appareret in conspectu Domini, in loco, quem elegerit, scilicet in Templo Hierosolymitano, & cap. 15. libri Levitici præcepit etiam Deus, ut qui prodivius seminis laboraret, qui lepra contaminatus esset, quæ menstruus fluxus teneretur, vel quæ peperisset, offerret in Templo Sacrificia. Vides legem à loco vim habere, ac subinde perspicuum esse, ne Sacerdotium quidem & Sacrificium Leviticum esse posse, cum non amplius extet. Templum Hierosolymitanum, in quo solo Sacrificia poterant offerri. Quemadmodum enim fieri non potest, ut ait S. Joannes Chrysostomus Oratione IV. adversus Iudæos, ut Imperator sis, si non sis exercitus, aut diadema, non purpura, non alia, quæ Regnum commendans, comprobantque sit ita neque sacrificius esse potest sublatâ hostia, vetita oblatione, sanctis conciliariis, toto rerum statu abolito. Nam his rebus constabat Sacerdotium, seu Leviticum. Denique, ipsimet Iudæi, ut refert idem sanctus Doctor Oratione 3. adversus Iudæos, fassi sunt sub Juliano, Imperatore Apostata, se non posse extra Civitatem Hierusalem, Templumque Hierosolymitanum, offerre Sacrificia. At enim, cum Imperator ille Julianus, qui Imperatores omnes superavit impietate, vocaret Iudæos ad sacrificandum Idolis, & ad suam impietatem perturbare conaretur, professi sunt illi, fas tibi non esse extra civitatem Hierusalem immolare victimas, totanique Religionem Judaicam ab his violari, qui sacrificant in terra aliena. Quapropter, impio Juliano dixerunt Iudæi: Si vis nos videre sacrificantes, redde nobis Civitatem, restitue Templum: exhibe nobis Sancta Sanctorum, colloca aram, & sacrificabimus nunc, quemadmodum olim. His verbis Iudæi, ad omnia obsecrati, obsecrabant ac supplicabant, ut nequissimus

Impe-

Imperator *Julianus* una cum ipsis susceperet, & aggrederetur instaurationem Templi: At, ille scelestus Imperator & pecunias impendit, & Praefectis dedit negotium, viros, primates, & artifices undeque accesserit, nihil non fecit, nihil non tentavit, sperans fore ut Christi sententiam frustraretur, quae non patitur Templum illud instaurari. Sed ad nihilum recidit flagitiosus illius Imperatoris consilium. Nam, simul atque tentassent sacrilegi illius Ministri hunc impium conatum, multamque terrarum exhausissent, & iassus iam fundamentis, restaret ut structuram aggrederentur, protinus ignis exiliens e fundamine otis exussit multos, & intempestivam pertinationem interrupit. Haec ubi rescivit perditissimus Imperator, quamquam tanta vesania deditus esset hanc negotio, veritus tamen ne ultra progressus, in summum ipsius caput ignem accenderet, desistit. Huic tam insigni prodigio *S. Joannes Chrysostomus*, loco mox a me citato, luculentissimum illud perhibet testimonium: *Huius rei nos omnes testes sumus, nostra enim aetate haec non ita pridem acciderunt.* Hoc autem stupendo prodigio Deus palam ostendere voluit, quod, quemadmodum ea, quae decrevit, voluitque manere, nullus homo potest demoliri, ita quaecumque destruxit, vultque manere diruta, nullis umquam hominum poterit instaurare. Deinde autem per suos Prophetas omnem spem reedificandae Civitatis Hierosolymae, & Templi Hierosolymitani instaurandi penitus avulsi. Sic enim *Isaia* cap. 25. vers. 2. Deum asatur: *Posuisti Civitatem*, id est, Hierusalem, in cinerem, & urbem fortem in ruinam, domum alienorum, ut non sit civitas, & in sempiternum non aedificetur. Hieremias c. 19. vers. 11. Haec dicit Dominus exercituum: Sic conteram populum istum, & civitatem istam, sicut conversus vas figuli, quod non potest ultra instaurari. Propheta *Amos* cap. 5. v. 1. ait: *Audite verbum istud, quod levo super vos planctum: Domus Israel cecidit, & non adjiciet, ut resurgat: Virgo Israel proposita est in terram, & non est qui suscitet eam.* Denique Propheta *Daniel* cap. 9. v. 26. haec habet: *Et Civitatem, & Sanctuarium dissipabit populus, cum Duce venturo, & finis ejus vastitas, & post finem belli statuta desolatio. Confirmabit autem pactum multis hebdomada una, & in medio hebdomadae deficiet Hostia, & Sacrificium.* Et erit in Templo abominatio desolationis, & usque ad consummationem, & finem perseverabit desolatio. Omnem igitur spem Deus miseris Judaeis adomit destructae Civitatis Hierosalem reedificandae, & instaurandi Templum Hierosolymitanum, quod in sempiternum non aedificandum praedicat *Isaia*: *Non ultra instaurandum* Hieremias: *Non erigendum, nec suscitandum* Amos: *perpetua demum, atque ad finem usque duratura desolatio* dissipatum vaticinatus est *Daniel*.

D. Sed, numquid isti Rabbinii, qui nunc praesunt Synagogis judaeorum, Sacrorum curam habent, & populum ad preces ac conciones vocant, vere & proprie dici & appellari possunt Legis Mosaicae Sacerdotes?

M. Isti Rabbinii nullo pacto sunt, nec appel-

lari possunt Legis Mosaicae Sacerdotes, idque *S. Joannes Chrysostomus* ex Ritibus, quibus olim Sacerdotes Legis Mosaicae consecrabantur, eleganter ostendit in Orations tertia adversus Judaeos, ubi Judaeum sic alloquitur: „Dic mihi qualis est apud vos Sacerdos, cum non sit venus illud oleum, neque quidquam omnino veteris sanctimoniae? Dic, inquam, mihi, qualis Sacrificus, cum non sit Sacrificium, neque Altare, neque Cultura? Vis tibi recitem Leges de Sacerdotio, quomodo solent olim consecrari, ut intelligas, quod qui apud vos dicuntur Patriarchae, non sint Sacerdotes, sed per simulationes, Sacerdotum agant personam, nec aliter ludant, quam histrio-nes in scaena, immo, ut verius dicam, nec sustinere possunt Sacerdotum personam? non dico juxta veritatem, verum ne juxta simulationem quidem Sacerdotii? Excute igitur, recordare quomodo tum Aaron factus sit Sacerdos, quot hostias pro illo immolavit Moyses, quot pecudes prostraverit, quomodo illum laverit, quomodo illum unxerit, extremum auriculae, manum dexteram, in Sancta Sanelorum introduxerit. Post haec, jussit praescripto septem diebus numero manere intus. Quin potius opere pretium est audire verba illorum: Haec inquit, unctio Aaron, & unctio filiorum ejus, & dixit Dominus ad Moysen, dicens: Asperge Aaron & filios ejus, & stolas, & unktionis oleum, & vitulum pro peccato, & arietem, & convoca Synagoga ad ostium Tabernaculi Testimonii. Et dicit Moyses universae Multitudini congregatae sermonem, quem mandata Dominus, & populum applicuisset eis (dicendum est enim comprehendio, pergit *S. Joannes Chrysostomus*) lavit eos Moyses aqua, induit tunica, cinxit zona, induxit ependytes, imposuit humerale, praecinxit illum, seu Aaronem subtrinxit, imposuit rationale, imposuit declarationem & veritatem, & mitram imposuit capiti illius, & super mitram laminam auream; deinde, sumpto oleo consperuit Altare, & sanctificavit illud, & vasa, & basim sanctificavit ex eodem, & effudit ex eo in caput Aaron, & filios illius humiliter fecit, & adduxit vitulum. Cum autem occidisset eum, postquam Aaron, suique filii imposuissent manus, sumpsit de sanguine, & imposuit combus Altaris, & purificavit Altare, & sanguinem effudit in basim, & sanctificavit illud, ut propitiaretur super illud. Deinde, postquam quaedam ex his machasset, alia foris, alia intus, adduxit rursus alium arietem, & ipsum immolavit in holocaustum, & iterum induxit arietem consummationis, & rursus, Aaron cum filiis imponente manus, occidit, rursusque sumens de sanguine ejus, super extremum auriculae Aaronis dextre, & extremum manus dexterae, & super extremum pedis dextri, & simili modo fecit & filiis illius. Deinde, sumens hostias imposuit manibus Aaronis & filiorum ejus, ac sic obtulit. Et sumpto sanguine, rursus ex oleo consperuit super Aaronem & stolas illius, & super filio ejus, & super stolas eorum, & sanctificavit eos, & jussit coqui carnes in arrio Tabernaculi Testimonii, illicque eis vesci, & ab ostio Tabernaculi Testimonii, ne egrediamini, inquit,

quit, dies septem, donec impleatur dies ordinationis vestrae. Septem enim diebus consummabit manus vestras, ut propitiatur pro vobis. Cum igitur his Ritibus (concludit S. *Joannes Chrysostomus*) legitime initiatus sit Aaron, his purificationibus, his sanctificationibus, per hæc placaverit Deum, nihil autem eorum nunc apud Judæos fiat, neque victimæ, neque holocaustum, neque sanguinis aspersio, neque olei unctio, nec adsit Tabernaculum Testimonii, neque ad præfinitum diærum numerum sedetur intus, profecto palam est, quod Sacerdos nunc apud istos (seu Judæos) impurus sit ac nefastus, illegitimus ac prophanus; denique, quod non propitiatur, sed provocet. Etenim si non poterat aliter Sacerdos consecrari, nisi his Ritibus, omnino necesse est, totum Sacerdotium illorum non consistere. Si ad hunc modum olim Sacerdotes creabantur, nunc lusus meri sunt, risulæ, quæ sunt apud Judæos omnia, pudor, cauponario, plenaque immenitæ impietatis. Hæc & alia similia habet S. *Joannes Chrysostomus* Oratione 3. *adversus Judæos*, ex quibus liquet, Sacerdotium & Sacrificium Leviticum, nec non Cæremonias Legales, adveniente Jesu Christo, desisse, nullumque amplius apud Judæos extare Sacerdotem.

D. Legem Mosaicam ad coruscantem Evangelii lucem evanuisse, & in ejus locum Legem novam, seu Evangelicam, fuisse tam esse probe nunc intelligo. Sed rem mihi gratissimam facies, si velis hic præcipua illa indicare capita, in quibus Lex Vetus, seu Moisaica, in Præceptis moralibus comparate ad Legem Novam, seu Evangelicam, vulgo dici solet imperfecta.

M. Præcipua capita, in quibus Lex Moisaica in Præceptis moralibus comparate ad Legem Evangelicam dicitur imperfecta, refert Evangelista *Matthæus* cap. v. ubi describit Sermone a Christo Domino in monte habitum, qui complectitur summam perfectionis Christianæ, seu potissima capita Christianæ Ethicæ, Judaica multo præstantioris. Hæc autem capita breviter sic indicare sufficit, ut inde nullo negotio intelligas, quantum Lex Evangelica, a Christo Domino instituta, perfectione antecellat Moisaicæ Legi etiam in Præceptis moralibus, quæ continentur in Decalogo. In primis, Christus Dominus in laudato Sermone volens Discipulos suos ad perfectam pietatem informare, sic eos alloquitur: *Nisi abundaveritis iustitiæ vestrae, plusquam Scribarum & Phariseorum, non intrabitis in Regnum Cælorum*. Quasi Christus diceret Discipulis suis: *ut autem intelligatis, quantum intersit Judæum inter & Christianum, illud affirmo vobis, si præsteritis quiddam præscriptis Lex Moisaica, quiddam præstant Pharisei, qui nunc habentur, ac sibi videntur absolute cupidam iustitiæ, & si nihil adjuveritis perfectioni, adeo non eritis magni in hac professione, ut ne aditus quidem dandus sit ad Regnum Cælorum*. Quibus verbis Christus Dominus non solum redarguit aliquos carnales Judæos, qui cultu dumtaxat externo, & absque sincera pietate Deum colentes, in sola observatione Cæremoniarum Legalium iustitiam, spem ac fiduciam suam reponebant, sed

etiam damnat superbiam Phariseorum, Scribarum, ac Legis peritorum, qui, propter Legis observationem, vana ostentatione gloriantes, sibi vindicabant opinionem eximie cupidam sanctimonie apud homines, cum tamen Deo, cui non faciem intueretur, sed cor, displicerent: quia cor habebant inani gloria vitiatum, dumque hic captabant inane premium, frustrabantur eo, quod solum erat expetendum. Ab hac peste, quæ per cuniculos quoddam irrepens, clanculum insidiatur etiam iis, qui in virtutis stadio aliquo usque progressi videntur, monet Christus Discipulos laos ut sedulo caveant, eosque etiam atque etiam adhortatur ad internum Dei cultum, ad veram iustitiam & perfectionem, quam sola Lex Evangelica dare potest. Secundo Christus dicit Discipulis suis: *Audistis, quia dictum est antiquis; non occides; qui autem occiderit, reus erit iudicio. Ego autem dico vobis, quia omnis, qui irascitur fratri suo, reus erit iudicio*. Quibus verbis innuit Christus Dominus, Iulæum quidem Legi Moisaicæ fecisse satis, si neminem occidat; at, Christianum non solum peccare contra Legem Evangelicam si aliquem occidat, sed si fratri suo irascatur. Quod si autem, ut est humanæ naturæ imbecillitas, incident offensæ nonnihil inter fratres, jubet Christus, ut rebus omnibus omissis, etiam relicto munere quod ille, qui fratri suo intulit injuriam, iam Altari vicinus, Deo adornaret offerre, abjecta omni contestatione, si, qui offendit fratrem suum, domum illius properet, detque operam, ut ante omnia faciat cum fratre suo amicitiam, eoque confecto, redeat ad Altare, peracturus Sacrificium suum. Tertio, Christus Dominus in eodem capite quinto *Matthæi* prohibet libellum repudiij, per quem Lex Moisaica permittebat ut maritus offensus aliquo conjugis vitio, eam arbitratus suo diceret, ne quid committeretur sceleratius, puta ne veneficium, aut homicidium perpetraretur. Vult autem Christus, ut matrimonium sit indissolubile, nec unquam fas sit marito, vivente legitima conjugæ, alteri nubere. Quarto, Lex Moisaica vetabat quidem peturium, sed non juramentum: Christus autem præcipit Discipulis suis ut eorum sermo sit: *Est est: non non: quod autem his abundantius est, a malo est*. Quinto, Christus abolet poenam talionis, quam Lex Moisaica indulgebat, ne longius æquo procederet ultio: *Audistis, quia dictum est antiquis: oculum pro oculo, dentem pro dente: docetque Discipulos suos, nullam pro quamlibet atrocibus injuriis omnino vindictam esse respondendam, nec ullum maledictum maledicto, nec damnum damno, nec injuriam injuria retaliandam; adeo ut, si quis alapam inpergerit in maxillam, quæ quidem contumelia vulgo videtur intolerabilis, tantum absit ut illi tegeras alapam, ut alteram potius maxillam illi cedendam præbeas, malique duplicatam perpeti injuriam, quam referre rationem. Denique, ut præteritam alia sanctissima præcepta, quæ in hoc capite quinto *Matthæi* tradidit Christus Dominus, & quibus Legem Moisaicam in præceptis moralibus perficit. Hoc unum dumtaxat præstatam,*

quo

quo Discipulis suis præcipit dilectionem inimicorum: *Audistis*, inquit Christus Discipulis suis, quia dictum est: *Diliges proximum tuum, & odio habebis inimicum tuum*. Ego autem dico vobis: *Diligite inimicos vestros, benefacite his, qui oderunt vos, & orate pro persequentibus & calumniantibus vos*. Hæc sunt sanctissima præcepta, quibus Christus Dominus præcepit moralibus Legis Veteris, seu Mosaicæ, maximam addidit perfectionem & in eo sensu intelligendus est Christus, dum in eodem capite *Matthæi*, ait: *Nolite putare, quoniam veni solvere Legem aut Prophetas, non veni solvere, sed adimplere*. Quasi diceret Christus: nequaquam in hoc veni, quo vel Legem Veterem reddam dilutiorem, vel abrogem novis præceptis. Quin potius, ideo veni, ut Legem absolvam ac perficiam. Nihil enim illa præcipit quod hæcenus a me observatum queri possint Judei. Quod si, luce prodita, cedunt umbræ, si jam factis adimpletum est, non Legem Prophetae futuræ præstiterunt, nihil Legi derogatur, sed potius accedit perfectio. Quod illa promissit, nunc exhibetur, quod prædixit, geritur, quod adumbravit, omnino oculis exponitur, & gratia, ac salus æterna, quam ex se dare non potuit, nunc ad plenum præstatur.

D. Sanctissima isthæc præcepta, quibus Christus Dominus præcepit moralibus Legis Mosaicæ novum decus conciliavit, majoremque addidit perfectionem, prout capite venero & adoro, nec possum, quin imprecor, quibusdam modernis. Casuistis, qui castissimum moralem Jesu Christi doctrinam mille distinctunculis, & innumeris corruptelis, ad excusandas excusationes in peccatis, depravare pro viribus tentantur. Ast, ut candidè dicam, nullo pacto ferre possum, nonnullos laxioris moralis doctrinæ Theologos, quos non pudet asserere, Christianos in Lege Evangelica non obstringi ad præceptum de dilectione Dei, eosque salutem æternam consequi posse, etiam si nullum vive in principio, sive in decursu, sive in fine vite moralis actum dilectionis Dei exercuerint. Ex quo errore sequitur, Legem Novam, seu Evangelicam esse imperfectiorem Lege Veteri, seu Mosaicæ, in qua, ut antea observavi, Deus Judæis inquit præceptum lib. Deuteronomii cap. 6. v. 4. & 5. observandum imposuit dicens: *Audi Israël: Diliges Dominum Deum tuum ex toto corde tuo, & ex tota anima tua, & ex tota fortitudine tua*. Quamvis autem hunc laxiorum Casuistarum errorem hic retolisse, abunde constata sit, maximam tamen apud me inibi gratiam, si illius præcepti de dilectione Dei in Lege Evangelica necessitatem ad salutem æternam assequendam, non te pigeat breviter hic adstruere.

M. Hanc questionem de necessitate præcepti de dilectione Dei in Lege Evangelica ad consequendam vitam æternam, non aliter decidere volo, quam ex diversis verbis ipsiusmet Christi Domini: *Ece quidem Legisperiis* (ait S. Lucas c. 10. v. 25. & seq. *Surrexit testans illum*) seu Christum, & dicens: *Magister, quid faciendo, vitam æternam in possideo?* Adverte, si placet, hunc Legi-

spiritum non quævisse a Christo, quid utile esset, sed quid necessarium esset ad vitam æternam consequendam? Quid igitur ad hæc Christus? *In Lege quid scriptum est*, inquit, *quomodo legisti?* Ille respondens dixit: *Diliges Dominum Deum tuum ex toto corde tuo, ex tota anima tua, & ex omnibus viribus tuis, & ex omni mente tua; & proximum tuum tanquam te ipsum*. Hanc istius Legisperiit responsum concessit Christus approbavit his verbis: *Recte respondisti, hoc fac & vivas*. Rursus, *Lucæ* cap. 7. v. 47. Christus concedens *Maria Magdalene*, veniam peccatorum, ait *Simoni, Phariseo*, qui eum convivio exceperat: *Propter quod dico tibi: Remittuntur ei peccata multa, quoniam dilexit multum, cui autem minus dimittitur, minus diligit*. Audisti Christum Dominum commendantem præceptum de dilectione Dei tanquam necessarium ad habendam remissionem peccatorum, audi nunc Apostolum *Paulum*, dicentem *Ananiam* ei, qui non amat Dominum *Jesum Christum*: Audi denique *S. Joannis*, quem Christus amabat plurimum, gravem in non amantes comminationem: *Qui non diligit, inquit, manet in morte*. Sed hæc sufficere debent ad repellendos illos, qui his remissionem peccatorum, & vitam æternam promittunt, qui nunquam fecerint quod Christus ejusque Discipuli ad veniam delictorum, & ad consequendam vitam æternam necessarium docent. Quod si præterea scire velis modum, quo Deus a nobis diligendus est, discite illum ex duobus Ecclesie Doctoribus, omni exceptione majoribus, *Augustino*, & *Thoma*, quorum prior lib. 1. De Doctrina Christiana cap. 22. hæc habet: *Hæc enim regula dilectionis divinitus constituta est. Diliges proximum tuum sicut teipsum: Deum vero ex toto corde, ex tota anima, & ex tota mente, ut omnes cogitationes tuas, & omnem vitam, & omnem intellectum in eum conferas, a quo habes ea ipsa, que confers*. Cum autem ait, *toto corde, tota anima, tota mente, nullam viam nostræ rationem relinquit, que vacare debeat, & quasi locum dare, ut alia te velis frui: sed quicquid aliud diligendum veneris in animum, illuc rapiatur, quo totus dilectionis impetus eurus*. Alter Ecclesie Doctor, seu S. *Thom.* modum, quo Deum diligere debemus, in hæc constituit, quod omnes actiones nostras in Deum virtualiter referamus. Sic eni Angelicus ille Præceptor Opusc. 18. loquitur: *Hæus divine dilectionis perfectio datur homini in præcepto. Primo quidem ut omnia in Deum referat, sicut in finem, sicut Apostolus dicit 1. ad Corinth. c. 10. sive manducatis, vel bibitis, vel quid aliud facitis, omnia in Dei gloriam facite: quod quidem impletur, cum aliquis vitam suam ad Dei servitium ordinat, & per consequens omnia, que per se ipsam agit, virtualiter ordinantur in Deum*. Idem sæpius docet Angelicus ille Præceptor, sed præsertim in Questionibus disputatis, Questione de Charitate, Artic. 11. in Responsione ad 3. sibi propositum Argumentum, ubi hæc habet: *Ad tertium dicendum, quod aliud est referre habitualiter in Deum, & aliud virtualiter*. Habitualiter enim refertur in Deum, & quod nihil agit, nec qui actualiter aliquid intendit, ut dormiens, sed vir-

qualiter aliquid referre in Deum, est agentis propter finem ordinantis in Deum. Unde habitualiter referre in Deum non cadit sub precepto charitatis, cum hoc nihil aliud sit, quam habere Deum ultimum finem. Hunc igitur Deum diligendi modum, quem prescribunt duo illi sancti Patres, quorum doctrina non deficiet in aeternum, ultro & secure amplectere, & quam longissime recede a nefarius corruptelis a Sede Apostolica damnatis, quibus non ita pridem molliores quidam Theologi maximum de dilectione Dei preceptum, & ad salutem adipsicendam omnino necessarium, penitus abolere, vel ejus necessitatem elevare, restringere, atque infirmare moliti sunt. Sed, apage ejusmodi Scriptores, perfectioni Legis Evangelicæ, & castissimæ doctrinæ Morali Jesu Christi tam aperte adversantes.

D. Superius ostendisti, caeremonias Veteris Legis cessasse in adventu Jesu Christi, veri Messie. Sed si id ita sit, Ecce, quæso, Christus Dominus tanta cum sedulitate caeremonias Veteris Legis observavit? Fuit quippe circumcisus, purificatus est, observavit Sabbata. Agnum Paschalem comedit, Templum frequentavit, jejunavit, baptizatus est, verbo dicam, Christus Dominus, quamdiu vixit, omnes Veteris Legis caeremonias ad summus juris apices observavit. Non igitur in adventu Christi cessarunt caeremoniæ Veteris Legis.

M. Non præcise in adventu Christi, sed in ejus Passione ac morte cessarunt, finemque habuerunt caeremoniæ Legales Veteris Legis, quo factum est, ut Christus Dominus toto durante vitæ suæ tempore, eas ad amissum observavit, quia illas adimplere debebat, sicut ipsemet restatur. c. 5. *Matthæi*, dicens: *Amen quippe dico vobis, donec transeat caelum & terra, tota annus, aut unus apex non præteribit a Lege donec omnia fiant.* Hanc etiam rationem affert Angelicus Doctor 1. 2. Quæst. CIII. Art. 3. in Resp. ad 2. Argumentum. Ideo enim, juxta sanctum illum Doctorem, Christus omnes Veteris Legis caeremonias observavit, quia, *in predicante, & miracula faciente, curabant simul Lex & Evangelium*, jamque Mysterium Christi erat incohatum, sed nondum consummatum. At, Mysterium Redemptionis generis humani completum fuit in Passione Christi: unde tunc Dominus dixit: *Consummatum est*, ut habetur c. 19. *Joan.* & ideo tunc totaliter debuerunt cessare Legalia, quasi jam veritate eorum consummata, in cuius signum, in Passione Christi velum Templi legitur esse scissum, *Matthæi* cap. 27.

D. Sæpius a te audiui, Ritus, Sacrificia, Sacramenta, Festa, & Veteris Legis caeremonias adumbrasse ac præfigurasse Christum venturum, nec nunquam exposuisti mihi, quo pacto illum præfiguravit?

M. Quamvis certum sit, Deum hæc omnia in Veteri Lege instruisse ad abolendum Idolatriam, ad conservandam divinum beneficium memoriam, ad excellentiæ divinæ sensum animis hominum altius infundendam, ad designandam dispositionem mentis, Dei cultoribus necessariam, ad superbum populum jugo difficillimo subigendum, eumque rudem ac lascivientem severi veluti Pædagogum disciplinæ subigendum: recte tamen docet S. Tho-

mas 1. 2. Quæst. CII. Art. II. præter hæc causas, seu rationes, quæ sunt literales, alias rationes mysticas assignari posse, cur Deus tot Ritus, Sacrificia, Sacramenta, Festa, & Cæremonias in Veteri Lege instituerit, videlicet ad Christum, & ad ejus sacra Mystra delineanda & figuranda, ad Populi Christiani mores instruendos, & ad statum futuræ gloriæ designandum. Longior profecto esset, si hic percellere vellem omnes causas, seu rationes literales, quas perdocte expendit S. Thomas, institutionis a Deo factæ Sacrificiorum, Sacramentorum, Fæstorum, Rituum, & Cæremoniarum Veteris Legis. Ne igitur immensum diffusarum, horum omnium institutionis causas dumtaxat proferam mysticas, ob quas collimabant in Christum venturum, eumque præfigurant, ut inde facilius intelligas, hæc omnia, tametsi a Deo in Veteri Lege instituta, defunctæ, finemque habere debuissè, quando, consummata illo tempore veritate, in Cruce mortuus est Christus Dominus, totumque Redemptionis generis humani adimpletum est Mysterium. In primis S. Thomas 1. 2. Quæst. CII. Art. II. ubi inquit, *utrum possit assignari conveniens ratio caeremoniarum, quæ ad Sacrificia pertinent?* docet, rationes præceptorum Veteris Legis dupliciter accipi posse: uno modo ex ratione cultus divini, qui erat tempore illo observandus: & rationes illæ sunt literales, seu pertinent ad vitandum Idolatriæ cultum, seu ad rememoranda aliqua Dei beneficia, seu ad infundendam excellentiam divinam, vel etiam ad designandam dispositionem mentis, quæ tunc requirebatur colentibus Deum. Alio modo possunt eorum rationes assignari, secundum quod ordinantur ad figurandum Christum, & sic habent rationes figurales & mysticæ, seu accipiuntur ex ipso Christo & Ecclesia, quod pertinet ad allegoriam: seu ad morem Populi Christiani, quod pertinet ad moralitatem: seu ad statum futuræ gloriæ, prout in eam introducitur per Christum, quod pertinet ad evangelium. Id postquam præmisit S. Thomas, assignat in Articulis sequentibus tam rationes literales, quam mysticas caeremoniarum, quæ pertinent vel ad Sacrificia, vel ad Sacramenta, vel ad delectum ciborum, & usum aliarum Observantiarum caeremonialium Veteris Legis. Causam, seu rationem mysticam, cur voluerit Deus in Veteri Lege instituere Sacrificia, eorumque caeremonias, tradit Angelicus Doctor Art. 3. jam citatæ Quæstionis, his verbis: „Inter omnia dona, quæ Deus humano generi, jam per peccatum lapso, dedit, præcipuum est, quod dedit Filium suum: unde dicitur Joannis cap. 3. Sic Deus dilexit mundum, ut Filium suum unigenitum daret, ut omnis qui credit in eum, non pereat, sed habeat vitam æternam: & ideo potissimum Sacrificium est, quo ipse Christus se ipsum obtulit Deo in odorem suavitatis, ut dicitur cap. 5. Epistolæ ad Ephesios. Et propter hoc, omnia alia Sacrificia offerebantur in Veteri Lege, ut hoc unum singulare & præcipuum Sacrificium figuraretur, tanquam perfectum, atque perfectum. Unde Apostolus dicit cap. 10. Epistolæ ad Hebræos, quod Sacerdos Veteris Legis eisdem sepe offerebat hostias, quæ nunquam possunt auferre peccata: Christi-

flus

„flas autem pro peccatis obtulit unam in
 „sempiternum. Et quia ex figurato sumitur ratio
 „figurat; ideo rationes Sacrificiorum figura-
 „lium Veteris Legis sunt sumendæ ex vero Sacri-
 „ficio Christi. Hæclemus S. Thomas, qui in eodem
 „Articulo, seu in Responsione ad secundam sibi pro-
 „positam objectionem, hæc habet: *Dicendum, quod Deus non volebat, seu in Veteri Lege, huiusmodi sacrificia sibi offerri propter ipsas res, quæ offerrebantur, quasi eis indigeret: unde dicitur Isaia cap. 1. Holocaustus Avietum, & asipiens Pinguem, & sanguinem Vitulorum, & Hircorum, & Agnorum nolui: sed volebat ea sibi offerri ad significandum My-
 „sterium Redemptionis humane per Christum. Pra-
 „terea, ideam sanctus Doctor eisdem in Responsio-
 „ne ad secundam objectionem, cantam, seu ratio-
 „nem mysticam, cur Deus materiam Sacrificiorum
 „Veteris Legis determinaverit, ad tria genera ani-
 „malium quadrupedum, scilicet de genere Bovum,
 „Ovium, & Caprarum, & committeret ad aves,
 „seu ad Turturem, & Columbam, hanc indicat:
 „Conveniens fuit, inquit, hæc animalia offerri
 „in figuram Christi, quia Christus in Vitulo offer-
 „tur, propter virginitatem Christi; in Agno, pro-
 „pter innocentiam; in Arie, propter principa-
 „tam; in Hirco, propter similitudinem carnis
 „peccati; in Turture, & Columba, duorum natura-
 „rum consensu demonstratur; vel in Turture ca-
 „lissas, in Columba charitas significatur. Cur au-
 „tem animalia in Sacrificiis Veteris Legis occide-
 „rentur? Duas rationes typicas in Responsione ad
 „5. objectionem, sibi in eodem Articulo propo-
 „sitam, dat S. Thomas. Sic enim habet: *Per occi-
 „siones animalium significatur destructio peccatorum,
 „quia homines erant digni occasione pro peccatis suis,
 „ac si illa animalia loco eorum occiderentur, ad signifi-
 „candum expiationem peccatorum. Per occisionem
 „etiam huiusmodi animalium significabatur occisio
 „Christi. Habes nunc ex S. Thomæ rationes typi-
 „cas, propter quas Deus in Veteri Lege instituit
 „Sacrificia. Non resem quæ causas seu rationes
 „mysticas, propter quas Deus, sicut perdocte ostendit
 „S. Thom. Art. IV. iam citare Quæstionis, iussit Moysi
 „ut extrueret Tabernaculum, & res, quæ apud Ju-
 „dæos sacre esse debebant, reponeret sive in structura
 „Tabernaculi, sive in ipsomet Tabernaculo; has, in-
 „quam, rationes mysticas, quæ ad Christum Dominum
 „ordinantur, hic non attigimus, quia, ut bene memini,
 „eiusmodi rationes mysticæ in superiori Colloquio, dum
 „de Tabernaculo & de rebus sacris, quas tam intus
 „continebat, quam exterius repræsentabat, sermo-
 „nem habuimus, fuerunt sat superque a nobis præ-
 „libatæ. De Sacramentorum Veteris Legis ratio-
 „nibus mysticis copiose disserit S. Thomas Articulo
 „V. Quæstionis citatæ, & postquam ostendit, Sa-
 „cerdotum Consecrationem, & Circumcisionem præ-
 „figurasse Christum Dominum, explicat rationem
 „mysticam, seu figuralem, cur in Lege Veteri fiet
 „re Immolatio Agni Paschalis? „Figuralis, in-
 „quit, ratio patet, quia per immolationem Agni
 „Paschalis significabatur immolatio Christi, secun-
 „dum illud 1. ad Corinth. capit. 5. Pascha nostrum
 „„immolatus est Christus. Sanguis vero Agni
 „liberans ab exterminatore, similis superfluitari-**

„bus donorum: significat fidem Passionis Christi
 „in corde & ore fidelium, per quam liberamur
 „a peccato & a morte, secundum illud 1. Epist.
 „Petr. cap. 1. Redempti estis pretioso sanguine
 „Agni immaculati. Comedeantur autem carnes
 „ille ad significandum esum corporis Christi in
 „Sacramento. Erant autem asæ igni, ad signifi-
 „candum Passionem vel charitatem Christi, Co-
 „medebantur autem azymis panibus ad signifi-
 „candum puram conversationem Fidelium su-
 „erentium Corpus Christi, secundum illud 1. ad
 „Corinth. cap. 5. Epulemur in azymis sincerita-
 „tis & veritatis. Lacuæ autem agreßes adde-
 „bantur in signum penitentiae peccatorum, quæ
 „necessaria est sumentibus Corpus Christi. Reies
 „autem accingendi sunt cingulo castitatis: calca-
 „menta pedum exempla mortuorum Patrum sunt.
 „Baculi, habendi in manibus, significant pasto-
 „ralem custodiam Præcipitur autem, quod in una
 „domo Agnus Paschalis comedatur, id est, in
 „Ecclesia Catholico, non in Conventualis
 „Hæreticorum. Docet præterea S. Thomas in
 „Responsione ad tertiam sibi in eodem Articulo
 „propositam objectionem, quædam Sacramenta
 „Novæ Legis habuisse in Veteri Lege Sacramenta
 „figuralia sibi correspondentia. „Nam circumcisio-
 „ni, inquit, correspondet Baptismus, qui est fidei
 „Sacramentum, unde dicitur Epist. ad Coloss.
 „c. 2. Circumcisi estis circumcisione Domini no-
 „stri Jesu Christi, consensu ei in Baptismo.
 „Convivio vero Agni Paschalis correspondet in
 „nova Lege Sacramentum Eucharistiæ. Omni-
 „bus autem purificationibus Veteris Legis respon-
 „det in Nova Lege Sacramentum Penitentiae.
 „Consecrationi autem Pontificis & Sacerdotum
 „responder Sacramentum Ordinis. Sacramento
 „autem Confirmationis, quod est Sacramen-
 „tum plenitudinis gratiæ, non potest respondere
 „in Veteri Lege aliquid Sacramentum, quia
 „nondum advenerat tempus plenitudinis, eo
 „quod neminem ad perfectum adduxit Lex. Si-
 „militer autem, & Sacramento Extremæ Un-
 „ctionis, quod est quædam immediata præpara-
 „tio ad introitum gloriæ, cuius aditus non-
 „dum patebat in Veteri Lege, pretio nondum
 „solto. Matrimonium autem fuit quidem
 „in Veteri Lege, prout erat in officium natu-
 „ræ, non autem prout est Sacramentum con-
 „iunctionis Christi & Ecclesiæ, quæ nondum
 „erat facta, unde & in Veteri Lege dabatur li-
 „bellus repudii, quod est contra Sacramenti
 „rationem. Quod spectat Festa Judæorum, quæ
 „in Veteri Lege erant præscriptæ, ostendit etiam
 „S. Thomas citatæ Quæst. Art. IV. in responsione
 „ad X. ejusmodi Judæorum Festa præfigurasse Je-
 „sum Christum, vel res ad Populum Christia-
 „num attinentes. Sic enim scribit S. Doctor:
 „Figuralis autem ratio horum Festorum est, quia
 „per iuse Sacrificium Agni figuratur perpetuitas
 „Christi, qui est Agnus Dei, secundum illud
 „Epist. ad Hebræos cap. ultimo, Jesus Christus
 „heri & hodie, ipse & in sæcula. Per Sabba-
 „tum autem designatur spiritalis requies nobis
 „data per Christum, ut habetur cap. 4. Epist.
 „ad

ad Hebræos. Per Neomeniam autem, quæ est intentio novæ Læne, significatur illuminatio primitivæ Ecclesiæ per Christum, eo prædicante, & miracula faciente. Per Festum autem Pentecostes significatur descensus Spiritus Sancti in Apostolos. Per Festum Expiationis significatur emundatio a peccatis Populi Christiani. Per Festum autem Tabernaculorum, significatur peregrinatio eorum in hoc mundo, in quo ambulat in virtutibus proficiendo. Per Festum autem Cætus æque Collectæ, significatur Congregatio Fidelium in Regno Cælorum, & ideo istud Festum dicebatur sanctissimum. Et tria Festa erant continua ad invicem, quia oportet, expiatis a vitiis proficere in virtute, quousque perveniant ad Dei vitam, ut dicitur in Psalmo 87. Denique S. Thomas Articulo VI. jam citatæ Questionis, causam assignans institutionis quarundam Observantiarum ceremonialium Veteris Legis, videlicet cur Deus præcepit Judæis ut abstinere a sanguine, a suffocatis animalibus, & ab esu quorundam ciborum, tanquam immundorum? hæc habet: *Cultus Legi Moysiæ figurabatur Mysterium Christi, unde omnia eorum, seu Judæorum, gesta figurabant ea, quæ ad Christum pertinent, secundum illud 1. ad Corinth. cap. 10. omnia in figuris contingebant illi, & ideo rationes harum Observantiarum dupliciter assignari possunt. Uno modo secundum convenientiam ad divinum cultum. Alio modo secundum quod figurant aliquid circa Christianorum vitam.* Ex his ergo mysticis atypicis rationibus, quas assignat S. Thomas, manifestum patet, omnia, quæ Deus instituit in Veteri Lege, sive Sacrificia, Sacra & Sacramenta, sive Festa, & Observantias ceremoniales, præfigurasse Christum venturum, ac subinde deuisse in morte Christi, completa eorum veritate, cessare. Quam in rem S. Cyrillus Alexandrinus LIX. contra Apostatam Imperatorem Julianum, apposite ait: „Deus contemnit quidem per sapientissimum Moysen ritus umbratiles ac typicos, gnarus typos informandis eorum mentibus, qui tum erudebantur, idoneos esse: non ita tamen ut in rebus adeo crassius perpetuo hærentes, spirituali & intellectualem cultum exciderent: Sed accepti in multis rerum verarum prædicatione, Dei obsecrandi modum cum primis agnoscerent, ad recte vivendi semitam scite & artificiose pergentes. Queniam modum enim periti Fabri ærarii formæ imaginum, quas facturi sunt, in cera liquefacta prius exhibent, non ut ævenus tantum illorum ars progrediatur, sed ut in ipsis eorum, quæ mox faciendæ sunt, decus prius eluceat: postquam tamen ad exitum perducendum, quod typos negligat. Simili, opinor, modo, postquam Christus illuxit, qui est veritas, & Christianus cultus introductus est, vanos esse typos jure statuemus, spiritualium quippe imagines erant.

D. Potestne ex vaticiniis Prophetarum evinci, Legem Veterem, quantum ad Sacrificia, Sacra, Sacramenta, Festa, & Observantias ceremoniales

cessasse in morte Christi, populumque Judaicum desuisse esse populum Dei?

M. Id eleganter ostendit *Laëntius* lib. IV. *Institutionum Dravinarum* cap. xi. ubi hæc habet: „Moyſes & ipsi Prophetæ, Legem, quæ Judæis data erat, testamentum vocant, quia nisi testator mortuus fuerit, nec confirmari testamentum potest, nec fieri quid in eo scriptum sit, quia clausum & obsignatum est. Itaque nisi Christus mortem suscepisset, aperiri testamentum Dei non potuisset. Verum, Scriptura omnis in duo Testamenta divisa est. Illud quod adventum Domini Passionemque antecessit, id est, Lex & Prophetæ, Vetus dicitur. Ea vero, quæ post Resurrectionem Christi scripta sunt, Novum Testamentum nominatur. Jædæi Veteri utuntur, nos Novo, sed tamen diversa non sunt, quia Novum Veteris adimpletio est, & in utroque idem testator est Christus, qui pro nobis morte suscepta, nos hæredes Regni æterni fecit, abdicato & exheredato populo Judæorum, sicut Hieremias propheta testatur, cum loquitur talia: Ecce dies veniet, dicit Dominus, & consummabo domui Israel, & domui Juda testamentum novum, non secundum testamentum, quod disposui patribus eorum in die, quæ apprehendi manum eorum, ut educerem illos de Terra Ægypti, quia ipsi non perseverarunt in testamento meo, & ego neglexi eos, dixit Dominus. Item alio loco similiter ait: Dereliqui domum meam, dimisi hereditatem meam in manu inimicorum ejus. Falsa est mihi, inquit Christus, hereditas mea sicut Leo, idest, præda & devoratio factus sum hæredibus meis, qui me immolaverunt scilicet pecus. Dedit super me vocem suam, idest, sententiam adversus me mortis, crucisque dixerunt. Nam quod superius ait, consummaturum se domui Juda testamentum novum, ostendit (seu Christus) Vetus illud Testamentum, quod per Moysen est datum, non fuisse perfectum, id autem, quod per Christum dari deberet, consummaturum fore. Dominus autem Juda & Israel non utique Judæos significat, quos abdicavit, sed nos, qui ab eo convocati est gentibus, in illorum locum adoptione successimus. Cum igitur nos, antea tanquam cæci, & tanquam carcere stultitiæ inclusi, sedere in tenebris ignorantes Deum & veritatem, illuminati ab eo sumus, qui nos Testamentum suum adoptavit, & liberatos malis vinculis, atque in lucem sapientiæ produxerit, in hereditatem Regni Cælestis adscivit. Ex quibus *Laëntius* verbis manifestum est, Deum voluisse, ut omnia, quæ instituerat in Veteri Lege præfigurantia Christum, in morte ejusdem Christi finem haberent, & ut Nova, seu Evangelica Lex, in locum Veteris, seu Moysiæ, Legis subrogaretur, & tandem, exheredato consumaci Populo Judaico, novum populum, seu Christianos, Lege sua adoptaret, & in hereditatem Regni Cælestis adsciret. Ea de causa, Deus, qui Religionem Judaicam in Veteri Lege redegerat ad victimas, victimas ad cer-

tum modum, modum ad tempus, tempus ad locum, & locum ad unam Civitatem, seu Hierosolymam, & ad unum Templum, seu Hierosolymitanum, contraxerat, permisit, ut, non multo post mortem Jesu Christi, eadem Civitas, Templumque Hierosolymitanum ab Exercitu Romanorum funditus everteretur, & ut omnes Judæi per totum orbem dispergerentur, ubi fas non erat sacrificare, Hierosolymam vero illis adire non liceret, in qua sola licebat immolare. Hæc, inquam, permisit Deus, ut omnes intelligerent, Religionem Judaicam, sitam potissimum in Sacrificiis, Ritibus, Festis, Cæremoniis, aliisque id genus, quæ ad divinum cultum spectabant, quæque Judæi in solo Templo Hierosolymitano exercere ac celebrare poterant, destructo semel Templo Hierosolymitano, extinctam fuisse, & omnia quæ in Veteri Lege ad præfigurandum Mysterium Redemptionis generis humani erant instituta, desisse in integrum in morte Jesu Christi, qui omnes figuras, quibus in Veteri Lege fuerat adumbratus, perfectissime, juxta Prophetarum Oracula, adimplevit. *Quemadmodum enim, verba sunt S. Joannis Chrysostomi Oratione 1. adversus Judæos, Faber, saluti fundamentis, erectis parietibus, concamerata testudine, ipsaque concameratione in unum lapidem in medio positum connexa, si eum tollas, totam ædificii compagem solveris: Similiter Deus, quem eam Civitatem, seu Hierosolymam, fecisset quasi modum totius Religionis Judaicæ, ac mox hæc Civitatem subverterit, nonne pariter universum ejus Civitatis statum subvertit?* Jam vero, lubens rogaverim Judæos, quæ de causa, cum tantum temporis in Ægypto versati receperint statum suæ Civitatis, ac rursus reducti in Babylonem, redierint Hierosolymam; ac denique sub Antiocho, Rege Syriæ, tam multa passi mala, ad pristinum reversi sint statum, & denuo Sacrificia, Altare, Sancta Sanctorum, breviter, omnia cum pristina receperint dignitate, nunc nihil simile factum fuerit, cum tamen a devaluatione Templi Hierosolymitani ad hæc usque tempora effluxerint mille & septingenti circiter anni? Nam semel & iterum, ac tertio sub Imperatoribus Adriano, Constantino, & Juliano conati sunt destructum Templum Hierosolymitanum insaurare, sed conatus illorum semper interruptus est, primum quidem a milibus, rursus ab igne promicante e fundamentis, & illorum importunam perviciam coercente. Qua de causa, inquam, Judæi extra Hierosolymam agunt tanto tempore? Quotum dirutum Templum manet adhuc solitudinis calamitas; & sæpe canantibus Judæis insaurationem, conatus in vacuum cesserint? Non aliam tot malorum certe invenio ipse causam, præter istam, quam ipsa rerum veritas loquitur: Posteaquam Judæi per summam insaniam delibachati sunt in Christum, posteaquam in illum iniecerunt manus, ejusque pretiosum sanguinem effuderunt, propterea, perdidit Judæi a Deo reiecti & repulsi sunt, nec ulla his relicta spes redificandi Hierosolymam, Templum insaurandi, Leem observandi, Festa peragendi, Aenum Paschalem mactandi & comedendi, Sacerdotium, & Sacrificium unquam

Hist. Vet. Test. Tom. II.

amplius habendi, atque suis sedibus, patrioque Solo dejecti, per univervum orbem dissipantur, omnibus nationibus exoti, innumeris malis obnoxii, & miseram servientes servitutum. Hæc est vera causa, cur in morte Christi Domini omnia, quæ Deus in Veteri Lege ad præfigurandum Christum venturum instituerat, finem acceperint, & Populus Judaicus desierit esse Populus Dei.

D. Deplorandam sane video caritatem Judæorum, qui, offensa licet in morte Christi figurarum Legis veritate, adhuc tenent mordicus Sabbarismos, Circumcisionem, delectum ciborum, victimas, lotiones, & alias hoc genus Legis figuras, quas Christus Dominus, per illas designatus, per mortem suam fecit supervacaneas. Adhuc pendunt miseri Judæi a Prophetarum promissis, cum is exhibitus sit, quem illi promiserunt, verum Messiam abnegant, & alium quendam plane imaginarium expectant, cum non sit alius præter Jesum Christum, ad cujus nomen aperient caput, inclinant cervices, flectunt genia summi orbis Monarchæ, reviviscunt mortui, contremiscunt demones, torquentur & fugiunt noxii spiritus. O plurimum adamantinam perviciam Judæorum, qui in Christum, sibi a Prophetis, & a Lege promissum, credere noluerunt! Sed o felicem sortem Gentium, quæ licet Prophetarum ac Legis promissa comperta non haberent, Evangelio tamen credentes, pronis auribus, demissisque animis auscultarunt doctrinam Christi, & in Cruce illius gloriantes, absque Legis Mosaicæ onere, justitiam ac sanctimoniam sunt affectuæ! At dicas mihi, obsecro te, an Veteris Legis cæremoniæ ita in morte Christi desierint, ut si Christiani eas post passionem Christi observare voluissent, lethaliter peccassent?

M. Hoc dubium, quod proponis, dilucide post S. Augustinum explicat S. Thomas 1. 2. Quest. CIII. Art. 4. in Responsione ad primam objectionem sibi propositam, ubi hæc habet: „Convenientius Augustinus distinxit tria tempora. „Unum quidem ante Christi Passionem, in quo Legalia neque erant mortifera, neque mortua. „Aliud autem post tempus Evangelii divulgati, in quo Legalia sunt mortua & mortifera. „Tertium autem est tempus medium, scilicet a Passione Christi usque ad divulgationem Evangelii, in quo Legalia quidem fuerunt mortua, quia neque vim aliquam habebant, neque aliquis ea observare tenebatur; non tamen fuerunt mortifera, quia illi, qui ex Judæis conversi erant ad Christum, poterant illa Legalia licite observare, dummodo non sic ponerent spem in eis, quod ea reputarent sibi necessaria ad salutem, quasi sine Legalibus fides Christi justificare non posset. His autem qui convertebantur ex Gentilitate ad Christum, non erat causa, ut ea observarent, & ideo Paulus circumcidit Timotheum, qui ex matre Judæa genitus erat. Titum autem, qui ex Gentilibus natus erat, circumcidere noluit. Ideo autem noluit Spiritus Sanctus, ut statim inhiberetur his, qui ex Judæis convertebantur, observatio Legalium, sicut his, qui ex Gentilibus convertebantur; inhibebatur Gentilitatis Ritus; ut

quædam differentia inter hos Ritus ostenderetur. Nam Gentilitatis Ritus repudiabatur tanquam omnino illicitus, & a Deo semper prohibitus. Ritus autem Legis cessabat, tanquam impletus per Christi Passionem, ut pote a Deo in ætæram Christi institutus. Ex qua S. Thomæ doctrina manifestum est, Veteris Legis ceremonias medio illo tempore, quod fluxit a Passione Christi usque ad sufficientem Legis promulgationem, mortuas quidem fuisse, sed necdum mortiferas, adeoque illas sub hoc Evangelicæ Legis crepusculo potuisse absque crimine religiose observari, ut Synagoga cum honore sepeliretur. At post promulgationem Legis Evangelicæ docet Angelicus Doctor eodem in Articulo, Veteris Legis ceremonias mortiferas evasisse, adeo ut, si quis Christianus eas nunc observare veller, imprætaliter peccaret. „ Quamvis enim, inquit S. Thomas, sit eadem fides, quam habemus de Christo, & quam antiqui Patres habuerunt, tamen quia ipsi præcesserunt Christum, nos autem sequimur; eadem fides diversis verbis significatur a nobis, & ab eis. Ab eis dicebatur: Ecce Virgo concipiet & pariet filium, quæ verba sunt futuri temporis. Nos autem idem repræsentamus per verba præteriti temporis, dicentes, quod concepit & peperit. Et similiter ceremoniæ Veteris Legis significabant Christum, ut nasciturum & passurum. Nostra autem Sacramenta significant ipsum ut natum & passum. Sicut igitur peccaret mortaliter, qui nunc suam fidem protestando, diceret, Christum nasciturum, quod antiqui pie & veraciter dicebant: Ita etiam peccaret mortaliter, si quis nunc ceremonias observaret, quas antiqui pie & fideliter observabant. Et hoc est, quod Augustinus dicit contra Faustum (Hæreticum Manicheum) jam non promittitur nasciturus, passurus, & resurrexurus, quod illa Sacramenta quodammodo personabant, sed annunciantur, quod natus sit, passus sit, resurrexit, quod hæc Sacramenta, quæ a Christianis aguntur, jam personant. Hanc doctrinam habuit Angelicus Præceptor ex S. Augustino, qui Epistola 19. ait, Veteris Legis ceremonias, post promulgationem Legis Evangelicæ ita mortiferas evasisse, ut si quis eas nunc observaret, Hæreticos jure optimo infimularetur, & violator haberetur sepulchri, quod multis abhinc sæculis condita est Synagoga: Proinde, verba sunt S. Augustini, nunc quisquis Christianorum, quomodo sit ex Judæis, similiter ea, seu Legalia, celebrare voluerit, suppositis cineres eruent, non erit pius deducetur, vel basulus corporis, sed impius sepulture violator. Advertere tamen debes, Ecclesiam Græcam, Gallicanam, & Germanicam observasse per plura sæcula præceptum, quod Apostoli, in Concilio Hierosolymitano congregati, condiderunt: *Vilum est Spiritui Sancto & nobis, nihil ultra imponere vobis oneris, quam hæc necessaria, ut abstinentis vos ab immolatis simulacrorum, & sanguine, & suffocato, & fornicatione, a quibus custodientes vos, bene ageris.* Act. Apost. cap. xv. v. 28. & 29. Hoc, inquam, præceptum, quod in nascens Ec-

Ecclesiæ crepundis ad pacem & concordiam Judæos inter & Gentiles, ad Christianam Religionem conversos, conciliandam sanxerunt Apostoli, quodque subinde temporaneum duntaxat esse debebat, quædam Ecclesiæ, seu Græca, Gallicana, & Germanica per plura sæcula observarunt. Græci siquidem in Synodo Trullana celebrata anno 692. Can. 66. prohibent, ne quis animalium sanguinem quovis modo comedere aggrediantur, & si sit Clericus deponatur; sin autem Laicus, segetetur. Concilium etiam Aurelianense, habitum in Galliis ann. 553. Can. 20. indicit abstinentiam a suffocatis. Idem in Ecclesiâ Germanicâ constitutum est in Concilio Wormatiensi Can. 64. Verum, istæ Ecclesiæ laudaris Canonibus induxerunt abstinentiam a sanguine & suffocato, non quod hanc Legem, ab Apostolis conditam, adhuc obligare autnarent, sed quod judicarent, conveniens esse, ut hanc disciplinam, seu consuetudinem, a Majoribus acceptam, maxima Religione servarent, quamvis aliunde eum sanguinis & suffocati absolute illicitum esse non existimarent, nec damnarent alias Ecclesias, in quibus contraria vigebat consuetudo, sicut recte explicat Humbertus, Cardinalis, & Sylvæ candidæ Episcopus, in *Dialogo contra calumnias Græcorum*.

D. Eo præcepto, quod Apostoli in Concilio Hierosolymitano condiderunt, abstinentia a sanguine animalium, a suffocato, & ab immolatis simulacrorum perinde indicitur ac abstinentia a fornicatione. Præcepti autem de abstinentia a fornicatione incumbit omnibus Christianis indispensabilis, & perpetua observandi obligatio, quidni igitur præceptum de abstinentia a sanguine animalium, a suffocato, & ab immolatis simulacrorum perpetuo observare obstringent Christiani?

M. Hoc Apostolorum præcepto abstinentia a sanguine animalium, a suffocato, & ab immolatis simulacrorum perinde indicitur ac abstinentia a fornicatione, sed non eodem tenore. Nam abstinentia a fornicatione indicitur ac præcipitur, quia fornicatio per se mala est, & quia Gentiles non reputabant eam esse peccatum: unde non mirum, quod ad præceptum de abstinentia a fornicatione juxta observandum adstringantur Christiani. Sed abstinentiam a sanguine animalium, a suffocato, & a cibis, qui Idolis erant immolati, imperarunt Apostoli, non quod putarent eum sanguinis animalium &c. esse per se malum & illicitum, aut quod judicarent, hanc ab usu sanguinis animalium abstinentiam esse præscribendam ad observandas ceremonias legales, sed eo duntaxat fine ejusmodi abstinentiam ad tempus præceperunt, ut temota dissensionis materia, pax & concordia Judæos inter & Gentiles, ad Religionem Christianam conversos, facta testâ conservari posset: *Judei enim* (inquit S. Thomas 1. 2. Quæst. CIII. Art. IV. in responsione ad tertiam objectionem) *propter antiquum consuetudinem sanguinis, & suffocationem erant abominabilia.* Concessio autem immolatorum simulacris poterat in Judæis generare circa Gentiles suspicionem relictis ad Idololatriam, & ideo ista fuerunt pro-

prohibita pro tempore illa, in qua de novo oportebat convenire in unum Gentiles & Judaeos. Procedente autem tempore, cessante causa, cessat effectus, manifeste Evangelicæ Doctrinæ veritate, in qua Dominus docet, quod nihil, quod per os intrat, coinquinat hominem, ut dicitur Matthæi cap. 15. Et quod nihil est rejiciendum, quod cum gratiarum actione percipitur, ut dicitur cap. 4. Epist. 1. ad Timotheum. Fornicatio autem prohibetur specialiter, quia Gentiles non reputabant eam esse peccatum.

D. Quid tibi vult Christus Dominus, dum Matthæi cap. 15. v. 11. ait: Non quod intras in os, coinquinat hominem? Quid vero Paulus, dum cap. 4. v. 4. Epist. 1. ad Timotheum, dicit: Nihil rejiciendum, quod cum gratiarum actione percipitur?

M. His verbis: Non quod intras in os, coinquinat hominem, Christus Dominus redarguit Phariseos, qui non solum abstinabant a quibusdam cibis, quasi fuissent natura sua immundi, verum etiam ut viderentur Legum non interpretes modo, sed etiam conditores, frivolis quibusdam observationibus simplicem plebem onerabant multis præceptiunculis, quod genus sunt ista: Ne quis cibum capiat manibus impuris. Manus autem appellabant impuras, quando erant illoetz, quasi manus cibum aut hominem contaminaret; aut quasi liquor aquæ sordes abstergeret animi. Item, ne quis a furo reversus, & in promissa turba versatus, cibum capiat, nisi prius abluo corpore: perinde quasi contactus hominum inquinaret hominem; aut quasi punis sit, qui lotus sit. Rursus, ut lavarentur arcei, pocula, ornamenta, sella, reliquæque suppellex, cuius erat usus quotidianus. His itaque observationibus simplici plebi venditantes Pharisei, adierunt Christum, eique dixerunt: Quare Discipuli tui transgrediuntur traditionem seniorum? non enim lavant manus suas cum panem manducant. Quibus ipse respondit: Hypocritæ, bene prophetavit de vobis Isaiâ, dicens: Populus hic labiis me honorat, cor autem eorum longe est a me. Sine autem causa colunt me, docentes doctrinam & mandata hominum. His dictis, Christus velut avversus a Phariseis, iussit turbas propius accedere, dicens: Audite & intelligite: Non quod intras in os, coinquinat hominem, sed quod procedit ex ore, hoc coinquinat hominem. Quasi diceret Christus: Lex Evangelica, cuius conditor sum, non in caeremoniis legalibus, non in abstinentia a quibusdam cibis, quasi immundis essent, non in istis, quas Pharisei immovebant, observationibus ista est, sed in affectibus animi. Hanc igitur Legem celestem posita quam capistis præfieri, nihil vobis sit rei cum fucatis Phariseis, qui abstinent a quibusdam cibis, tanquam immundis, quique præpostero iudicio summam pietatis collocant in externis caeremoniis & præceptiunculis, & ea que sunt animi negligunt. Cyathos berrent illoetz, & animos impuros habent, manus & ceterum subinde lavant, animum vero patiumt omnibus vitiis inquinari. Hoc in sensu intelligenda sunt hæc Christi verba: Non quod intras in os, coinquinat hominem. Liberavit nos quippe Christus Dominus per mortem suam ab observatione caeremoniarum Veteris Legis, & consuetudinum, quas Legi adiciebant Pharisei, &

quibus onerabant Populum Judaicum plus facis gravatum Legis Mosaicæ onere. Ab observatione caeremoniarum Veteris Legis, & ab abstinentia judaica quorundam ciborum, quasi impuri ac immundi essent, nos per mortem Christi fuisset liberatos, docet Apostolus Paulus cap. 4. v. 1. & seq. Epist. 1. ad Timotheum, ubi hæc habet: Spiritus autem manifeste dicit, quia in novissimis temporibus discedent quidam a fide, attendentes spiritibus erroris, & doctrinis demoniorum: in hypocritis loquentium mendaciam..... prohibentium abstinere a cibis, quas Deus creavit ad percipiendum cum gratiarum actione fidelibus, & istis, qui cognoverint veritatem; quia omnis creatura Dei bona est, & nihil rejiciendum, quod cum gratiarum actione percipitur. Quibus verbis Apostolus Paulus aperte declarat, Fideles, redemptos sanguine Christi, revocare non debere Judaicum ciborum delectum, quasi cibus ipse quidquam habeat impuritatis, cum omne ciborum genus Deus in hoc paraverit, ut his ad corporis necessitatem, viresque faciendas moderate utamur, pro sua benigne gratias illi agentes, quicunque pro Mosaicâ Legge Evangelicam fidem sumus amplexi, quique, discussis Judaicarum caeremoniarum nebulis, ad lucem veritatis adducti, cognovimus, quidquid ab optimo Deo conditum est, id natura sua bonum esse, si quis, ut oportet, & ad quod conditum est, utatur; nec ullum esse cibi genus abominandum, aut rejiciendum, quod velut a benigno Deo datum percipitur cum gratiarum actione. Nihil enim in rebus a Deo conditis impurum est, aut immundum; si purus ac mundus sit utentis animus. Eandem doctrinam Fidelibus inculcat id Apostolus cap. 2. Epistolæ ad Colossenses, dicens: Nemo ergo vos iudicat in cibo, aut potu, aut in parte diei festi, aut in nemine, aut Sabbatorum, que sunt umbra futurorum, Corpus autem Christi. Ab hæc ergo Judaicarum caeremoniarum observatione ideo Christianos Apostolus Paulus liberos esse pronunciat, quia hæ fuerunt umbrae, que portendebant olim ac delineabant ea, que postea essent vere exhibenda a Christo. Cum igitur Christiani corpus ipsum teneant, palamque ipsis illuxerit veritas, non debent amplius consecrari umbras, sed oportet, ut Christo capiti, in Calis agenti, charitatis vinculo adherentes, non curent nisi cælestia, relictæ tendant ad præmium immortalitatis.

D. Si, juxta Christi oraculum: Non quod intras in os, coinquinat hominem; si juxta Apostolum Paulum: Omnis creatura Dei bona est, & nihil rejiciendum, quod cum gratiarum actione percipitur; si denique Christus Dominus, ut mox dixi, per mortem suam liberavit nos ab observatione caeremoniarum Veteris Legis, quas inter erat delectus ciborum, seu abstinentia a quibusdam cibis, tanquam immundis, ut quid, queso, Ecclesiæ trescentis anni temporibus, & potissimum in Quadragesima, Judaicum istum revocat ciborum delectum, eisque carniem interdicat Fidelibus, quos tamen Christus per mortem suam omnibus cibis indiscriminatim utendi plena libertate donavit?

M. Ecclesiæ præcipit quidem certis anni diebus, ut Fideles, dum jejunant, abstinant a carni-

bis, & ab aliis quibusdam edulibus, non quod censet carnes esse ex natura sua malas & immundas, aut quod velit antiquatum per mortem Christi Judaicum ciborum defectum revocare, abstinere: sed quod iudicet Ecclesia, id genus abstinentie multum prodesse saluti Fidelium, qui hoc pacto domant passionem suam, frangunt perbelli cupiditati iniuncti, & carnem suam castigant. Ceterum, Ecclesia Catholica damnat Hæreticos Marcionitas, Encratitas, & Manicheos, qui quædam ciborum genera execrabantur, quod a Deo malo condita esse putarent. Improbant etiam Hæreticos Montanistas, qui jejunia, seu Quadragesimas multiplicabant, quæ valetudinem summam in diftinentem poterant adducere; vulgite Ecclesia, ut Fideles per abstinentiam a carnibus, quam eis certis anni diebus indicit, corpus suum affligant, & macerent, sed non attendant, & exhauriant, vult, ut carnem suam in ordinem redigant, non immodece excrucient, cupiditatem cohibeant, valetudinem autem non evertant. Denique, Ecclesia, dum statim anni diebus præcipit abstinentiam a carnibus, & a quibusdam aliis edulibus, non revocat Judaicum ciborum defectum, sed potius illos peccati reos esse declarat, qui Judaico more, a quibusdam cibis abstinerent, quod putarent illos esse immundos. Judeorum enim illa vox est, non Christianorum, *boc cibo . . . ut pote immundo, ne vesteris, hoc corpus, propter immunditiam, ne contingito, hac veste, quæ immunda est, ne utator, hac die ne illud, aut illud agito*. Quamvis igitur cibus aut potus, aut eorum sumptio, sumptæ natura bona non sint aut mala, nec pios reddant, nec inopios (quo in sensu Christus Dominus, dicit: *Non quod intrat in os, coquinaat hominem*) abstinentia tamen ab illis, ad virtutes comparandas ex præcepto Ecclesiæ, aut iuxta conditionem personarum ex voto aut devotione voluntarie assumpta, laudabilis est & meritoria, ac pietati deservit, ad illam præparans, & magnum illi affert incrementum: alioqui non toties abstinentiam & sobrietatem commendaret Scriptura Sacra, nec Deum alloquens concineret Ecclesia: *Qui corporali jejuniis vitia comprimis, mentem elevas, virtutem largiris & premia*. Adde etiam, ciborum defectum inductum fuisse ab ipsismet Apostolis, quippe qui, ut mox dicebamus, abstinentiam a suffocato & sanguine præceperunt; ac subinde summæ temeritatis esse negare, Ecclesiam ad utilitatem Fidelium super hujusmodi rebus Leges constituere posse, cum jure naturali indictum sit, ut inferiores superiorum Legibus dirigantur, & Christus districte præcipiat, ut obediatis Ecclesiæ: *Si quis Ecclesiam non audierit, sit tibi sicut Ethnicus & Publicanus*, Matthæi cap. 18. Hac præmissa expositione, statim patefecit mens Apostoli Pauli. Nam primo, dum cap. 4. v. 1. Epist. 1. ad Timoth. ait: *Omnis creatura Dei bona est, & nihil rejiciendum quod cum gratiam actione percipitur*: id Apostolus scribit contra nonnullos, quorum errorem postea secuti sunt Hæretici Encratitæ, Marcionitæ, & Manichei, qui abhorrebant a quibusdam cibis, quod dictarent, illos a malo Deo conditos esse. Hanc esse

germanam mentem Apostoli Pauli asserunt sancti Patres, Hieronymus cap. 2. lib. 2. adversus Iovinianum, S. Chrysostomus Homil. 12. in Epist. 1. ad Timoth. Theodoratus in cap. 4. Epist. 1. ad Timoth. & S. Augustinus lib. 30. contra Faustulum cap. 5. Præterea, quando Apostolus Paulus cap. 2. Epist. ad Colossenses, ait: *Nemo vobis iudicet in cibo, aut potu, aut in parte diei Festi, aut Neomenia, aut Sabbatum, quæ sunt umbra futurorum &c.* Hæc scribit Apostolus contra quosdam psecutores Apostolos, qui arrogatas per mortem Christi Legis Veteris caeremonias revocare totis viribus satagebant, & Fideles inducebant, ut eas, velut ad salutem necessarias, observarent, easdemque opera abstinerent a quibusdam cibis, tanquam immundis. Denique, cum in exordio Ecclesiæ nullo Fideles obstringerentur præcepto abstinendi a cibis, qui erant immolati Idolis; ideo Apostolus cap. 10. Epist. 1. ad Corinth. v. 25. & seq. ait: „ Omne quod in macello venit, manducate, nihil interrogantes propter conscientiam . . . „ Si quis vocat vos in bellum, & vultis ire; omne, quod vobis apponitur, manducate, nihil interrogantes propter conscientiam. Id est, nihil interrogantes, an immolationem sit, an secus? idque propter conscientiam. Vitandum enim est offendiculum, si inciderit, non accerendum. Hinc immediate subdit Apostolus: „ Si quis autem dixerit: Hoc immolatum est Idolis: nolite manducare, propter illum, qui indicavit, & propter conscientiam. Et Epist. ad Romanos cap. 14. v. 21. ait idem Apostolus: „ Bonum est non manducare carnem, & non bibere vinum, neque in quo frater tuus offenditur, aut scandalizatur, aut infirmatur. Si ergo Apostolus Paulus vetat Fidelibus, ne carnes immolatarias edant, vel vinum bibant, quando potest inde oriri scandalum; quanto magis nunc Fideles servare debent abstinentiam a carnibus, aliisque edulibus, quam certis anni temporibus ad eorum utilitatem præscribit Ecclesiæ, quæ habet a Deo auctoritatem condendi ejusmodi Leges, quibus obedire debemus, quasque citra scandalum, & ejusdem Ecclesiæ auctoritatis contemptum violare non possumus: *Odedite Præpositis vestris, & subjicite eis*, inquit idem Apostolus cap. 12. v. 17. Epist. ad Hebræos. Quicumque igitur asserunt, nullum certum cibi genus Christianis esse præscribendum, sed unicuique integrum & liberum esse debere ut his vescatur cibis, quos existimat conducere suæ valetudini, hi, inquam, non solum disciplinam Ecclesiasticam enervant, & adversantur doctrinæ Apostoli Pauli, jubentis, ut inferiores præstant superioribus debitam obedientiam, verum etiam, Ecclesiæ Catholice, quæ hujusmodi eorum defectum certis anni diebus a Fidelibus observandum religiose & prudenter constituit, contumeliam irrogat, & Hæreticorum Aerii, Ioviniani, Waldensium, Wiclefii, Lutheri, Calvini, aliorumque ejusdem furoris heterodoxorum damnatæ doctrinæ consentiunt (a).

„ (a) Abstinentiam a carnibus præcipit Ecclesia, non quidem iudicans malas esse carnes,

sed

sed spiritu jejunii. Cum vero jejunia indicens eo tendat, ut maceratum abstinentia corpus contra spiritum minus repugnet, neque alias poterit omnino cibis interdici, id sibi saltem curandum fuisse intellexit, ut in cibis defectus haberetur, & ab his saltem abstinere, qui magis usui sunt ad crapulam.

D. Hoc unum circa observantiam cæremoniarum Veteris Legis post Passionem Christi Domini superest tibi proponendum dubium. Dixisti quippe superius, cæremonias Veteris Legis statim post Passionem Christi fuisse quidem mortuas, id est, abrogatas, sed necdum mortiferas, quia hi, qui ex Judæis ad Religionem Christianam erant conversi, licite, & inculpata conscientia ejusmodi cæremonias observantur usque ad sufficientem Legis Evangelicæ promulgationem. At, contrarium sentire mihi videtur Apostolus Paulus, cujus Epistolam ad Galatas nuperrime legebam. Ait namque Paulus cap. 2. v. 11. & seq. hujus Epistolæ se in faciem restitisse Petro, quod cæremonias Veteris Legis observaret: Cum autem, inquit, venisset Cephas Antiochiam, in faciem ei restitit, quia reprehensibilis erat. Prius enim quam venissent quidam a Jacobo, cum gentibus edebat, cum autem venissent, subtrahere, & segregare se, timens eos, qui ex circumcissione erant. Porro, observantiam cæremoniarum Veteris Legis Apostolus Paulus vitio vertere haud potuisset S. Petri, Principi Apostolorum, si tum temporis adhuc licita fuisset, & permissa arbitrio illorum, qui, relicto Judaismo, nomen dabant Christianæ Religioni.

M. Non reprehendit Apostolus Paulus S. Petrum, quod observaret cæremonias Legis, cum ipsemet Paulus eas observaret; circumcidit enim Discipulum suum Timotheum, sicut refertur cap. 16. v. 3. Act. Apost. Et secundum Legem Moisaicam, purificatus, intravit in templum, annuntians expletionem dierum purificationis, ut legitur cap. 21. v. 26. ejusdem libri Act. Apostolorum. Non, inquam, Apostolus Paulus, reprehendit S. Petrum, quod Veteris Legis cæremonias observaret, sed quod S. Petrus, data opera, se a gentibus segregando, & ut placeret Judæis, circa Legalium observantiam adhibendo diligentiam nimiam, intempestivo suo exemplo non solum dabat gentibus, ad Religionem Christianam conversis, scandalum, sed etiam eis occasionem præbebat existimandi, observantiam cæremoniarum Veteris Legis esse necessariam ad salutem æternam consequendam. Qua de causa Paulus dixit Cepha coram omnibus: Si tu, cum Judæus sis, gentiliter vivis, & non judicas, quomodo Gentes cogis judicare? In hoc peccasse S. Petrum docet S. Thomas 1. 2. Quest. 103. Art. 4. in responsione ad secundam fidei propositionem objectionem. Quamvis autem error S. Petri, non fuerit error doctrine, sed tantum conversationis, vere tamen fuit reprehensus a S. Paulo, sicut post S. Augustinum asserit ibidem Angelicus Doctor, non vero tantum reprehensus simulatorie, sicut olim visum est S. Hieronymo, qui super hac re literariam cum S. Augustino habuit concertationem? sed postea argumentis illius Aquilini Doctoris victus, in

ejus descendit sententiam. Observantia itaque cæremoniarum Veteris Legis a tempore Passionis Christi usque ad sufficientem Legis Evangelicæ promulgationem, licita fuit, ea tamen Lege, ut omnes firmiter crederent, ejusmodi observantiam non esse necessariam ad salutem æternam adipiscendam, & in his cæremoniis legalibus salutis spem non esse reponendam. *Advenientibus enim rebus, quarum erat umbra illa observationes, id actum est, ut ostenderetur in ipsis umbris non esse spem reponendam, sed in ipsis rebus, quas illa umbra significabat esse venturas, id est, Christum & Ecclesiam.* Et præsertim, illis jam omnia inania erant. Nec tamen ea, tanquam noxia, removenda, sed, tanquam superflua, contemnenda Apostolus præcepit: ut si quis Judæus Christo credidisset, propter offensionem suorum non prohiberetur in ipsis superfluis remanere, nec tamen in eis salutem suam constitutam putaret. Non enim signa illa, sed ea, quæ his significantur, in salutem introducunt. Verba sunt S. Augustini cap. 4. lib. 14. contra Faustum, Manicheum.

D. Præcepta judicialia, seu forensia, Veteris Legis, fuerunt in morte Christi abrogata perinde ac præcepta cæremonialia ejusdem Legis, ita ut peccarent nunc mortaliter Principes, qui juberent, ut ejusmodi præcepta judicialia in suis Ditionibus observarentur?

M. Fuerunt quidem præcepta judicialia, seu forensia Veteris Legis in morte Christi abrogata, sicut præcepta cæremonialia ejusdem Legis, cum hoc tamen discrimine, quod præcepta cæremonialia Veteris Legis, non solum in Passione Christi Domini mortua fuerint, seu vim obligandi non amplius habuerint, verum etiam post Legis Evangelicæ promulgationem mortifera evaserint, aclethaler peccarent nunc qui ea observare vellent. At, præcepta judicialia Veteris Legis sunt quidem nunc mortua, id est, non habent vim obligandi, sed non sunt mortifera, quia (inquit S. Thomas 1. 2. Quest. 104. art. 3.) si quis Principes ordinaret in Regno suo, illa præcepta judicialia observari, non peccaret, nisi forte hoc modo observarentur, vel observari mandarentur, tanquam habentia vim obligandi ex Veteris Legis institutione: talis enim intentio observandi esset mortifera. Rationem hujus discriminis perdoctus S. Thomas ibidem assignat, quia, inquit, præcepta cæremonialia principaliter in Veteri Lege instituta sunt ad figurandum Christi mysterium, ut futura; & ideo ipsa eorum observatio præjudicat Fidei veritati, secundum quam confitemur illa mysteria jam esse completa. Præcepta autem judicialia non sunt instituta ad figurandum, sed ad disponendum statum illius populi (seu Judaici) qui ordinabatur ad Christum, & ideo, mutato statu illius populi, Christus jam veniente, præcepta illa judicialia vim obligandi amiserunt. Lex enim fuit paedagogus ducens ad Christum, sicut ait Apostolus cap. 3. Epistolæ ad Galatas. Quia tamen hujusmodi præcepta judicialia non ordinantur ad figurandum, sed ad aliquid faciendum, ipsa eorum observatio absolute non præjudicat Fidei veritati.

11:

ti: sed intentio observandi tanquam ex obligatione Legis præjudicat veritati Fidei, quia per hoc haberetur, quod status prioris populi (seu Judaici) adhuc duraret, & quod Christus nondum venisset.

D. Haftenus de Lege Moſaica tam ſecundum ſe ſpectata, quam ſecundum ea, quæ completitur, videlicet præcepta moralia, cærimonialia, & judicialia; Sacra, Sacrificia, Sacramenta, Ritus, Feſta, & alia id genus, copioſe ſatis diſſerimus. Nunc, ſi placet, veniamus ad quædam facta hiſtorica, quorum accurata notiſſima haud parum lucis aſſerre poterit ſacræ Hiſtoriz, quam in Pentateucho deſcribit Moſes. In primis, meminimus, te in ſuperiori noſtro Colloquio probaſſe contra Joannem Spencernum, Tabernaculum, quod Deus, ad ſpeciale ſui cultum, Moſi extruendum juſſit, factum non eſſe ad formam Tabernaculi Idoli Moloch. Sed quoniam eſſet iſte Moloch, & quem cultum ei exhiberent Gentes, Idololatriz tenebris immerſæ rogo te, ut in præſentia breviter exponas.

M. Sæpius in noſtris Colloquiis de cultu, qui Deo debetur, diſſerendo, monui te, ſummam ab exordio Mundi, tam apud Patriarchas ante Diluvium, quam apud Patriarchas poſt Diluvium fuiſſe Sacrificiorum dignitatem atque auctoritatem; eo præſertim nomine, quod a Deo eorum uſus eſſet præceptus, non tantum ut homines inde teſtarentur, ſe Cæli ac Terræ conditorem pro vero Deo agnoscere, eumque colere; ſed ut eſſet etiam publica profeſſio grati affectus Deo debiti pro beneficiis acceptis, atque doneque, ut eſſent typi Sacrificii Chriſti, cujus merito & efficacia vere & reſpice expianda erant peccata noſtra, ſedanda ira Dei, ſubindeque impetranda peccatorum remiſſio. At, quemadmodum nihil tam ſanctum eſt, tamque religioſum, quod ad nefandos, & prophanos uſus interdum a male feriatis hominibus non trahatur; ita idem in cultu & in Sacrificiis etiam obſiſſe narrat Hiſtoria ſacræ. Atque, ut cæteros taceam abuſus, ſufficiet nunc ex multis unum adduxiſſe Sacrificium, quod Populi Amœonitæ, & quidam Iſraelitæ, in Idololatriam prolapsi, Idolo Moloch offerebant, liberos ſuos ſcythica pluſquam crudelitate comburendo. Porro, quis fuerit iſte Moloch non convenit inter Scriptores. Alii putant fuiſſe Mercurium, alii Priapum, alii Jovem, alii Saturnum. De forma etiam Idoli Moloch non conſentiunt inter Auctores. Joannes Lorinus putat, Idolum Moloch fuiſſe hominis inſtar extenſis manibus cupreum & concavum, in cujus concavitate accendebatur ignis, quouſque eſſet quaſi ignitum. Alii Idolum Moloch fuiſſe æneum exiſtimant, capite vitulino, reliquo corpore hominis forma, Regis iriſignibus, ac regio throno inſidentis, manus protendens, quibus pueros ſibi oblatos exciperet, pyra intus accenſa. Hoc autem nefandum Idolum colebant Amœonitæ, offendendo illi in Sacrificiis pueros ſuos, eoſque cremando. Sed, ne inter immolandum, puerorum, qui comburebantur, ejulatus commoveret parentum viſcera, atque ut oblatio demoni gratioſe eſſet, impii Sacerdotes, aliqui hujus Idoli Miniſtri, quædam Sacrificium durabat, rauco tubarum clangore, & in-

deſſo tympanorum ſtrepitu undique æra replebant. Denique, poſt abſolutam abominabile ſacrificium, cultores hujus Idoli ſub arborum opacitate ſcortabantur. Moloch ſiquidem Templum luco cingebatur. Hoc execrandum Sacrificium, quod Idolo Moloch offerebant gentes, totumque illum inaniem cultum populo Iſraelitico diſtrictè inhibuit Deus c. 18. v. 21. libri Levitici, dicens: *De ſemine tuo non dabis, ut conſecratur Idolo Moloch, nec polluas nomen Dei tui.* Et cap. 20. v. 2. ejusdem libri: *Hæc loquere filiis Iſrael, & de advenis, qui habitant in Iſrael, ſi quis dederit de ſemine ſuo Idolo Moloch, morte moriatur, populus terre lapidabit eum.* Quam turpia, omniumque execratione digna eſſent ejusmodi Sacrificia, quibus Gentes Diis ſuis humanas hoſtias immolabant, eleganter Laſſenius cap. 21. lib. 1. Divin. Inſtitut. deſcribit ſiſ verbis: *Nam de inſanabilibus, qui Saturno immolabantur propter odium, quid dicam, non invenio. Tam barbarus, tam immanis fuiſſe homines, ut patricidium ſuum, id eſt, terram atque execrabile humanæ generis facinus, Sacrificium vocarent; cum teneras atque innocentes animas, quæ maxime eſt ætas parentibus dulcior, ſine ulla reſpectu pietatis extinguerent, immanitateque omnium beſtiarum, quæ tam ſævis ſuis amant, feritate ſuperarent. O demeritum inſanabilem! Quid illis iſti Diſ amplius ſacræ poſſent, ſi eſſent iratiſſimi, quam facinus propitii? Cum ſuis cultores patricidii inquinant, orbitibus machant, humanis ſenſibus ſpoliant? Quid poſſet eſſe ſibi hominibus ſanctum? aut quid in prophanis locis facient, qui inter aras Deorum ſumma ſœdera committunt? Peſſimum Feſtus in libris Hiſtoriarum per Sætyram reſert, Carthaginiens ſaturno humanas hoſtias ſolitis immolare, & cum viciſſe eſſent ab Agathocle, Rege Siculorum, iratum ſibi Deum putaviſſe, itaque, ut diligentius piaculum ſolverent, decemque nobiliſſimos filios immolaſſe.*

D. Ex hoc turpiſſimo, & omni dedecore infami cultu, quem Idolo Moloch olim Gentes exhibebant, facile intelligo, quam infulſe Joannes Spencerus dixerit, Deum, ut in Populo Hebræo cultum ſibi ſpeciatim conſecratum ſtabiliret, atque propagaret, juſſiſſe Moſi, ut Tabernaculum fabricaret juxta formam Tabernaculi Moloch. Quid autem ſtultius dici aut excogitari poſſit, certe non video. *Quæ enim* (ut ait Apoſtolus Paulus Epistol. 2. ad Corinthios cap. 6. v. 14. & ſeq.) *participatio juſtitia cum iniquitate? aut quæ ſocietas lucis ad tenebras? Quæ autem conventio Dei ad Belial? aut quæ paritudo cum infidelibus? Qui autem conſenſus Templo Dei cum Idolis? Facillat itaque Spencerus, qui vana commenta, & a ſæculis inaudita paradoxa in libris, quos edidit De Ritualibus Judæorum Legibus eſſutire non erubuit. Hunc temerarium Scriptorem odi & execror. Sed ecce aliud tibi proponendum occurrit Dubium circa fabricam Tabernaculi, in quo Deus a Populo Hebræo coli voluit. Legeram quippe paucis abhinc diebus in l. Exod. c. 28. v. 8. Moſem feciſſe labrum æneum cui baſis ſua de ſpeculis mulierum, quæ excubant in oſſio Tabernaculi, cumque non ſatis intelligerem, ut quid iſte mulieres excubarent in oſſio Tabernaculi, & quo officio ibi fungerentur? Con-*

ſolui

fulpi eximium quemdam Doctorem, qui hunc mihi exemit scrupulum, dicens, illas mulieres, quas Scriptura dici excubasse in ostio Tabernaculi, fuisse Deo dicatas, virginibus voto obstrictas, & in Cellis, juxta Tabernaculum extructis, habitantes, ut in eodem Tabernaculo ministrarent. Utrum autem placeat tibi hæc Doctoris istius explanatio, velim ut libere dicas.

M. Quomodo hanc Doctoris istius explanationem meo approbem calculo, duo præsertim obstant momenta, quæ breviter attingam. Et primo quidem, hæc Doctoris istius explicatio supponit in Veteri Lege fuisse feminas, quæ, voto virginis nuncupato, erant Deo specialiter consecratæ, quod tamen adversatur doctrinæ sanctorum Patrum, & Scripturæ Ecclesiasticorum, præsertim *Origenis* in caput 13. *Matthæi*, *S. Ambrosii* lib. de *Instit. Virginis* cap. 5. *S. Hieronymi* Epist. 22. veteris Editionis, quæ est ad *Eusebium* cap. 7. *S. Augustini* Tractatu 10. in *Joanem*, & *S. Bernardi* Homil. 3. super *Misus* est. Hi, inquam, sancti Patres Primitias virginis adscribunt *Mariæ*, matri Christi Domini. Non quod putent sancti illi Doctores, nullas fuisse in Veteri Testamento feminas, quæ ante *Mariam*, Deiparam, virginitatem coluerint, cum potius certum sit, plures in Veteri Testamento extitisse feminas, quæ, studio temperantur, virginis servaverint; sed quod velint sancti illi Patres, nullum hominem, nullamve feminam in Veteri Testamento ante *Mariam*, Genitricem Dei, virginitatem, voti Deo nuncupari Religionem, coluisse, hancque prærogativam soli *Mariæ* Virgini eximiam fuisse. Quæ de re leges Eminentissimum nostrum Cardinalem *Raymundum Capisacci*, qui in suis Controversiis, Romæ typis excusis, perdoctus in Controversia decima, par. 2. probat ex *S. Thoma*, & ex communi Theologorum sententia neminem in Veteri Lege seu *Mosaica*, virginitatem servandi voto fuisse obstrictum, & in Nova dumtaxat, seu Evangelica Legge, nuncupationem voti Deo factam de servanda virginis originem habuisse. Adduci itaque haud possum ut credam, mulieres illas, quas Scriptura ait, in ostio Tabernaculi excubasse, fuisse Deo, per religionem voti de perpetuo servanda virginis consecratas ac dedicatas. Præterea, Doctor ille, quem consulisti, supponit, mulieres illas, quas Scriptura dicit, in ostio Tabernaculi excubasse, continuam illic fuisse sedem, perpetuam mansionem habuisse, atque tanquam custodes continuas illic excubias ac vigilias egisse. Id autem nequit perdocti Catholici Scriptores, afferentes mulieres illas non perpetuo mansisse in ostio Tabernaculi, sed illic dumtaxat ad orandum accessisse, & in fundenda oratione attentas ac vigiles fuisse; non secus ac de *Anna*, Prophetissa, filia *Phanuelis*, dicitur apud *S. Lucam* cap. 2. v. 37. Non discedebat de Templo, jejuniis & observationibus serviens die ac nocte, quia *Anna* Templum frequentabat, & in eo precibus & orationibus vacans, perdurabat, non quod in Templo habitaret. Ita interpretantur *Toletus*, *Maldonatus*, & *Cornelius a Lapide*. Sic non dispari ratio-

ne Scriptura Sacra ait, mulieres in ostio Tabernaculi excubasse, quod quotidianam illarum mulierum in Tabernaculo frequentando assiduitatem commendare velit, non quod istæ mulieres continuam in ostio Tabernaculi mansionem facerent. Huic interpretationi favet Chaldaica Paraphrasis in hunc locum jam citatum libri Exodi: *Fecit, inquit, labrum ex ære, & basins ejus ex ære de speculis mulierum, quæ veniebant ut orarent in ostio Tabernaculi funderis*. Doctissimus etiam Scripturæ Sacræ Interpres *Jacobus Bonfrerius* idem observat in caput 38. libri Exodi: *Nota, inquit, mulieres excubantes ad ostium Tabernaculi, dici mulieres devotas, quæ frequenter veniebant ad Tabernaculum, Deum adoraturæ, & exoraturæ*. (a)

(a) Numquid forte mulieres istæ ad fores templi excubantes munus illud gerebant, quod dein obierunt *Ostio Synagoga*? Genus id erat hominum delectorum, ut temper Synagoga assisteret, nec sine illis unquam Synagoga haberetur, res Synagoga curabant.

D. Deum, post erectionem Tabernaculi, ad promovendum cultum, quem in eo petagendum instituerat, jussisse *Moyse*, ut *Aaronem* in Summum Pontificem consecraret, ejusque filios in Sacerdotes ordinaret, jam probe scio, sed quanam essent vestes Summo Sacerdoti seu Pontifici propriæ, quanam vero vestes Sacerdotibus omnibus communes, scire vehementer desidero.

M. Ornatum vestium in Summo Pontifice apud Hebræos, & in Sacerdotibus, eorumque specialem consecrationem ideo præcepit Deus, ut majorem populi reverentiam cultus sui Ministris conciliaret, sicut optime observat *S. Thomas* 1. 2. Quæst. CII. Art. V. Octo autem ornamenta habebat Summus Pontifex, quæ ibidem Angelicus Doctor isto ordine perceret. *Primo enim, inquit, habebat vestem lineam*, quam Byssinam *Iosephus* Hebræus appellat. *Secundo, habebat tunicam hyacinthinam, in cuius extremitate versus pedes ponebantur per circuitum tintinnabula quadam, & mala punica, facta ex hyacintho, & purpura, coccineque bis tincto*. Tertio, habebat superbumerale, Hebræis *Ephod* dictum, quod tegebat humeros, & ad anteriorem partem usque ad cingulum, quod erat ex auro, & hyacintho, & purpura, coccineque bis tincto, & bysso rectora, & super humeros habebat duos onychias, in quibus erant sculpta nomina filiorum Israel. Quantum erat Rationale, ex eadem materia factum, quod erat quadratum, & ponebatur in pectore, & conjungebatur superbumerali. Et in hoc Rationali erant duodecim lapides pretiosi, distincti per quatuor ordines, in quibus etiam sculpta erant nomina filiorum Israel, quasi ad designandum, quod ferret unus totius populi per hoc, quod habebat nomina eorum in humeris, & quod pegeret debitas de eorum salute cogitare per hoc, quod portabat eos in pectore, quasi in corde habens. In quo etiam Rationali mandavit Dominus poni DOCTRINAM, & VERITATEM (juxta Editionem Vulgarum) seu URIM & THUMMIM (sicut habet Textus Hebræus) quia quadam pertinetia ad veritatem iustitiae, & doctrinæ scribebantur in illo Rationali. Iudei tamen fabulantur, quod in Rationali erat lapis, qui

secundum diversa, quae debebant accidere filiis Israel, & hoc vocant VERITATEM, & DOCTRINAM, Hebraice, URIM, & THUMMIM. Quintum erat Balteus, idest, cingulus quidam factus ex praeclitis quatuor coloribus. Sextum erat Thiarra, idest, Mitra quaedam de bysso. Septimum autem, erat lamina aurea pendens in fronte ejus, in qua erat scriptum nomen Domini. Oflarium autem, erant femoralia linea, ut operirent carnes turpitudinis suae, quando accederent ad Sanctuarium, vel ad Altare. Haec erant vestes, quibus ornabatur Summus Sacerdos, seu Pontifex, ex quibus, ut ibidem advertit Doctor Angelicus, minores Sacerdotes habebant quatuor, scilicet tunicam lineam, femoralia, baltheum, & thiarra. Honori Sacerdotum consuluit itidem Deus praecipiendo primo, ut non sparsum ex quolibet genere ad Dei ministerium applicarentur, sed ex certa profapia, seu e Tribu Levitica, secundum generis successione essent oriundi, ut ex hoc clariore & nobilior haberentur. Secundo, jubendo ad removevandum contemptum Ministrorum, ut non haberent maculam, vel defectum corporalem, quia hujusmodi homines his vitiis contaminari, solent apud homines in contemptu haberi. Macula autem, vel defectus corporales, a quibus Sacerdotes debebant esse immunes, significant diversa vitia & peccata, quibus debent carere, inquit S. Thomas 1. 2. Quæst. CII. Art. V. in Resp. ad quartam subpropositam objectionem. Prohibetur enim cap. 21. v. 16. & seq. lib. Leviticis, ne ad Sacerdotium promoveatur cæcus, id est, ut in sensu figurato explicat sanctus ille Doctor, ne sit ignorans: ne sit claudus, idest instabilis, & ad diversa se inclinandus: ne sit parvus, vel grandis, vel torto naso, id est, ne per defectum discretionis, vel in plus, vel in minus excedat, aut etiam aliqua prava exerceat. Per nasum enim discretio designatur, quia est discretivus odoris. Ne sit tracto pede, vel manu, ne amittat virtutem bene operandi, vel procedendi in virtute. Repudiabatur etiam, si habebat gibbum vel ante, vel retro, per quem significatur superfluus amor terrenarum. Si est lippus, idest, si per carnalem affectionem ejus ingenium obscuratur, contingit enim lippitudo ex fluxu humoris. Repudiabatur etiam, si habebat jugum scabium, idest, penulanziam carnis; & si habuerit impetiginem, quae sine dolore corpus occupat, & membrorum decorem fœdit, per quam avaritia designatur. Et etiam si sit bernosus, vel ponderosus, qui scilicet gestat pondus turpitudinis in corde, licet non exerceat in opere. Haec sunt maculae, & defectus corporales, a quibus Sacerdotes Veteris Legis immunes esse debebant, & quibus significabatur vitia & peccata, a quibus pariter eos omnino alienos esse oportebat. Jam vero, quid vestes, & ornamenta sacerdotalia mystice significant, pulchre in eodem loco explicat S. Thomas: „Per ornamenta, inquit, designantur virtutes Ministrorum Dei. Sunt autem quatuor, quae sunt necessariz omnibus ministris, scilicet castitas, quae significatur per femoralia. Puritas vero vite, quae significatur per lineam tunicam. Moderatio discretionis, quae significatur per cingulum. Et resitudo intentionis, quae significatur per thiarra protegentem caput. Sed præ his

„Sacerdotes debent quatuor habere: Primo quidem, jugem Dei memoriam in contemplatione, & hoc significat lamina aurea, habens nomen Dei in fronte. Secundo, quod supportent infirmitates populi, quod significat fuperhumeralia. „Tertio, quod habeant populum in corde & visceribus per sollicitudinem charitatis, quod significatur per Rationale. Quarto, quod habeant cælestem conversationem per opera perfectionis, quod significatur per tunicam hyacinthinam: unde tunicæ hyacinthinæ adjunguntur in extremitate tintinnabula aurea, per quæ significatur doctrina divinorum, quæ debet conjungi cælesti conversationi Pontificis. Adjunguntur etiam mala punica, per quæ significatur unitas fidei, & concordia in bonis moribus, quia fci conjuncti debet esse ejus doctrina, ut per eam fidei & pacis unitas non rumpatur. Hactenus S. Thomas, qui vestes sacerdotales accurate recenset, earumque mysticam significationem ita dilucide exponit, ut aliquid ejus verbis addidisse, decerpisse sit.

D. Expone, quæso, uberius, cur Deus voluerit, ut Summus Sacerdos, seu Pontifex, apud Hebræos, gestaret in pectore suo id genus indumenti, quod Rationale appellabatur, & in quo Deus jussit, ut hæc duo verba incinerentur, Doctrina & veritas?

M. Multis de causis voluit Deus, ut Summus Sacerdos, seu Pontifex, gestaret in pectore suo id genus indumenti, quod Rationale dicebatur, & in quo hæc duo verba erant inscripta, Doctrina & veritas, seu Hebraice *Urim & Thummim*. Primo, quia Deus per *Urim, & Thummim*, seu per has duas voces, Doctrinam & veritatem, scriptas Rationali, quo indutus erat Summus Sacerdos, personis publicis, de Ecclesiis, vel Regni gravioribus negotiis, ipsum, velut Deum, ac Reem Israelis, consulentibus, ac interrogantibus, Majestatis suæ Placita declarabat, Oracula sua fundebat, & de futuris eventis, publicum bonum spectantibus, per Summum Sacerdotem certiores faciebat. Non quod illæ duæ voces *Urim & Thummim*, seu Doctrina, & Veritas, quæ erant Rationali inscriptæ, essent divinum Oraculum, sed indices Oraculi: non instrumentum, sed causa dumtaxat moralis, & conditio sine qua non fiebat hoc genus divinæ revelationis. Secundo, Deus per *Urim & Thummim* sua fundendo Oracula, voluit cuiusvis sui magis adstringere Israelitas, qui ad Oracula, Ariolosque Gentium, in vicinia habitantium, futura cognoscendi libidine excitati confluxissent, subindeque ad eorum Ritum & Idola defecissent, si sua eis defuissent Oracula. Denique Deus hoc pacto voluit Summo Sacerdoti conciliare reverentiam, qui Oraculorum divinorum Nuncius esset, ac Interpret. Soli quippe Summo Sacerdoti, seu Pontifici, *Urim & Thummim*, Rationali indita, circumferre licebat, sicut ex multis Hebræorum Magistris probat Buxtorfius in *Historia Urim, & Thummim*. Ferenda porro non est temeritas Joannis Spenceri, qui ausus est asserere, *Urim* nihil aliud fuisse, quam simulacrum parvulum ad humanam similitudinem formatum, nec multum discrepans ab illis simulacris fœdificis, quæ olim Gentes *Theraphim* appellabant. Hinc concludit audacissimus ille Scriptor, quod

ficut

sicut mos iste simulacra illa fatidica, *Theraphim* dicta, in dubiis consulendi, longe lateque per Gentes invaluisse, Deum, hunc veterem Riturum a *Theraphim* petendi Oracula, in Pectorali *Urim* pene invariata, Israelitis ex indulgentia concessisse, ne in Gentium fœditas, moris illarum antiqui effrangi desiderio precipites agerentur. *Urim* igitur (juxta illum temerarium Scriptorem lib. 3. *De Legibus Ritualibus Hebræorum*, cap. 3. Diffinitione 7.) nihil aliud erat, quam parvum simulacrum ejusdem cum Gentium *Theraphim* numeris, & pene ejusdem figura, quod reconditum gestabat Summus Sacerdos intra concavas *Rationalis* plicaturas, quoque mediante, Deus, aut Angelus, vocem Dei & nomen gerens, ad Summi Sacerdotis interrogata respondebat, eique quid agendum, quid non agendum, quid præsens, quidve futurum esset, voce formata revelabat. At, hic in constituta ista *Joannis Spenceri* nova opinione, subtilibus nixa conjecturis, diutius non immoror, cum jam a viris eruditissimis, & Scripturæ Sæptæ Interpretibus fuerit jure optimo rejecta atque explota. Obiter duntaxat dicani, tantum abesse, ut Deus in suo cultu approbaverit simulacra illa fatidica, dicta *Theraphim*, quæ in dubiis consultebatur olim Gentes, quæque arte diabolica eis Responsa, fæsa Oracula, dabant; ut potius ejusmodi fatidica Gentium simulacra, dicta *Theraphim*, districte prohibuerit, utpote quæ essent mera Idololatricæ diabolice & superstitionis divinationis instrumenta, seu imaginationes quædam, factæ ad cognoscendum ex iis, per artem magicam, & invocationem Diaboli, ea, quæ erant futura? Quomodo igitur credibile est, Deum, cujus consilium semper fuit Israelitis ab Idololatria & superstitionibus longe avocare, ita simulacra fatidica Gentium, dicta *Theraphim*, adoptare voluisse in sacrationem & augustiorem sui cultus partem? Israelitis quidem, ad Idololatriam & ad quodvis aliud superstitionis genus maxime proclives, ad *Theraphim* Gentium prophanarum consulenda, occasione data, facile admodum defecissent, præsertim, sicut pertendit *Spencerus*, si tanta inter illa Gentium *Theraphim* & sacrum *Urim* extitisset affinitas, & insuper, sacrum *Urim* esset periuræ ac Gentium *Theraphim* ejusdem muneris ac figuræ, sub diversi nominis larva simulacrum. Sed mittamus, si placeat, istas delirantis animi præfugas.

D. De vestibus Summi Sacerdotis, seu Pontificis, aliorumque inferiorum Sacerdotum Veteris Legis plura scire non desidero, sed optarem duntaxat, ut hic breviter exponeres Riturum, qui in illorum consecratione solebat observari.

M. Cum nullus, mea quidem sententia, majori claritate cum brevitate conjuncta, exposuerit Riturum, quo olim Summus Sacerdos, atque inferiores Veteris Legis Sacerdotes consecrabantur, quam S. *Thomas*, verba illius, quæ leguntur 1. 2. Quæst. CII. Art. V. in Responsione ad octavam & nonam objectiones sibi propositas, hic exhibere non pigebit. Id totum (inquit Angelicus Doctor) quod circa eos, seu Sacerdotes, habetur in eorum consecratione, vel institutione, ad hoc pertinebat, ut ostenderetur, eos habere quam-

dam prærogativam puritatis, veritatis, & dignitatis. Et ideo in institutione Ministrorum tria fiebant. Primo enim purificabantur. Secundo, ordinabantur. Tertio, applicabantur ad usum ministerii. Purificabantur quidem communiter omnes per ablutionem aquæ, & per quædam Sacrificia, specialiter autem Levitæ radebant omnes pilos carnis suæ, ut habetur Levitici cap. 8. Consecratio vero circa Pontifices & Sacerdotes hoc ordine fiebat. Primo enim, postquam abluti erant, induebantur quibusdam vestimentis specialibus, pertinentibus ad designandam dignitatem ipsorum. Specialiter autem Pontifex oleo unctionis in capite ungebatur, ut designaretur, quod ab ipso diffundebar potestas consecrandi ad alios, sicut oleum a capite derivatur ad inferiora, ut habetur in Psalmo 132. Sicut unguentum in capite, quod descendit in barbam, barbam Aaron. Levitæ vero non habebant aliam consecrationem, nisi quod offerebant Domino a filiis Israel per natus Pontificis, qui orabat pro eis. Minorum vero Sacerdotum solæ manus consecrabantur, quæ erant applicandæ ad Sacrificia. Et de sanguine animalis immolati tingebatur extremum auriculæ dextræ ipsorum, & pollices pedis, aut manus dextræ, ut scilicet essent obediens Legi Dei in oblatione Sacrificiorum, quod significabatur in intinctione auris dextræ, & quod essent solliciti & prompti in executione Sacrificiorum, quod significatur in intinctione pedis, & manus dextræ. Aspergebantur etiam ipsi, & vestimenta eorum sanguine animalis immolati in memoriam sanguinis Agni, per quem fuerunt liberati in Ægypto. Offerebantur autem in eorum consecratione hujusmodi Sacrificia; Vitulus pro peccato, in memoriam remissionis peccati; Aaron circa consanationem Vituli; Aries in holocaustum, in memoriam oblationis Abraham, cujus obediens Pontifex imitari debebat; Aries etiam consecrationis, qui erat quasi hostia pacifica, in memoriam liberationis de Ægypto per sanguinem Agni; Canistrum autem panum, in memoriam manne præstiti populo. Pertinebat autem ad applicationem ministerii, quod imponebantur super manus eorum adeps aristeis, & torta panis unius, & armus dexter, ut ostenderetur, quod accipiebant potestatem hujusmodi offerendi Domino. Levitæ vero applicabantur ad ministerium, per hoc, quod intromittebantur in Tabernaculum fœderis, quasi ad ministrandum circa vasa Sanctuarii. Figuralis vero horum ratio erat, quia illi, qui sunt consecrandi ad spirituale ministerium Christi, debent primo purificari per aquam Baptismi, & lachrymarum in fide Passionis Christi, quod est expiativum & purgativum Sacrificium. Et debent radere omnes pilos carnis, id est, omnes pravæ cogitationes, debent etiam ornari virtutibus, & consecrari oleo Spiritus Sancti, & asperitione sanguinis Christi, & sic debent esse intenti ad exequenda spiritualia ministeria. Hæcenus S. *Tom.*

quo nullus inter Theologos doctus & accuratus de Veteri Lege scriptit.

D. In consecratione Sacerdotum fuisse in Sacrificium Deo oblatum Vitulum pro peccato in memoriam remissionis peccati Aaron, circa consecrationem Vituli, docet S. Thomas, loco mox a te laudato. Sed nunc a te scire vellim, cur peccaverit Aaron, dum obsecutus Populi Israelitici desideria, Vitulum aureum confavit, & publice collegium proposuit? Ecce vero non peccaverit Moyses, qui, ad meliendam moribus Serpentum ignorantiam, priam erexit Serpentem aeneum, quem, dum Israelitae, horum Serpentum moribus percussi, adspiciebant, sanabantur?

M. Ideo peccavit Aaron, quia ad Aegyptiacae superstitionis imitationem Vitulum aureum confavit, Iudaeoque ad hoc Idolatri Aegyptiacae Ritu colendum induxit. Certum namque est primo, Brutorum, & quidem Bovum, cultum apud Aegyptios antiquissimum esse, & ante egressionem Israelitarum ex Aegypto invaluisse. Praeterea, certum etiam est, Iudaeos plerisque tempore servitutis Aegyptiacae, superstitionem Aegyptiorum imbibisse, & eorum Oris servisse, subindeque illos tumultuantes in Deserto postulare ab Aarone, ut ad Aegyptiacae superstitionis imitationem confaret Vitulum aureum, quem ipsi Aegyptiacae Ritu colere possent. Hoc fuisse Iudaeorum propositum, luculenter testatur S. Stephanus Act. Apost. c. 7. v. 39. & seq. dicens de Iudaeis: *Aversi sunt cordibus suis in Aegyptum, dicentes ad Aaron: Fac nobis Deum, qui praecedat nos...* Et Vitulum fecerunt in diebus illis, & obtulerunt hostiam simulaculo, & legebantur in operibus manuum suarum. Hujus etiam Vituli aurei, ab Aarone confati, cultum ex superstitione Aegyptiacae accessit Philo, Iudaeus, l. 3. de Vita Moysi, & Lactantius l. 4. Instit. Divin. cap. 18. *Ad prophetas, inquit, Aegyptiorum Ritus animos transgredierentur (Iudaei); cum enim Moyses, Deus eorum, ascendisset in montem, atque ibi quadraginta diebus moraretur, aureum caput Bovis, quem vocant Apim, quod eos signo precederet, figuravit.* Idem constanter docent omnes sancti Patres, cum Graeci, tum Latini, & Scripturae Sacrae interpretes. Quo fit, ut Aaron nullo pacto excusari possit. Sciebat enim Aaron Deum, Exodi c. 20. v. 4. & seq. omne sculptile, omne Idolum, omnemque similitudinem creaturaturam ad cultum fieri vetuisse. Et tamen insensitum Populo Israelitico, quem ab Idololatria rotis viribus avertere, etiam cum vitae suae periculo & dispendio, tenebatur, non solum non resistit, sed per lunimam ignaviam morem gessit, cum Deos, qui ipsum praecedere, postulant, ex inauribus mulierum aureis fecit Vitulum conflatilem. Duo autem mala in hujus Vituli aurei fusione fecit Aaron. Primo, ut Israelitae, ad Idololatriam proclives, nefandum scelus, quod animo tantum conceperant, re ipsa perpetrarent, & sequae Idololatriae foribus confurcarent. Secundo, ut quod privato errore facturi videbantur Israelitae, publice auctoritate exequerentur. Hinc Moyses Exodi c. 32. v. 21. & seq. increpuit fratrem suum Aaronem, dixitque ei: *Quid tibi fecit hic Populus, ut induceres super eum peccatum maximum?* Nec solum

Moyses fratrem suum Aaronem increpavit, sed etiam ei Deus vehementer iratus est, ob conflatum Vitulum aureum, eumque Dominus perdidisset, nisi supplex Moyses pro illo rogasset, & veniam ei a Deo impetrasset, ut testatur impletus sanctus Legislator Deuteronomii c. 9. v. 20. *Adversus Aaron quoque vehementer iratus (Deus) voluit eum occidere, & pro illo similiter deprecatus sum.* Hoc pessimum Aaronis exemplum, ut obiter dicam, imitantur illi Sacerdotes, qui Dei causam produnt, ejusque honorem & gloriam quieti fidei forae, aut vite postponunt, estrenatis hominum cupiditatibus laxam docendo inoralem doctrinam, turpiter obsequuntur, ab occasionibus peccati illos non abstrahunt, malas consuetudines & scandala, tanquam canes muti non valentes latrare, patiuntur: pravis populi studiis inane consentiunt; indulgent, favent, & vaque vel exemplo suo, vel auctoritate juvant, quemadmodum Aaron, qui summo Sacerdotio fungebatur, Israelitici Populi sacrilegis desiderii annuit confando Vitulum aureum, qui divinos honores exhiberet, aram erigendo, solemnitate indicendo. Sed, inquit, si peccavit Aaron confando Vitulum aureum, cur Moyses, ejus frater, non peccavit, dum serpentem aeneum erexit? Hujus dissimilis Moysi inter & Aaronem multiplex affertur potest ratio. Primo, quia Moyses, jubente Deo, serpentem aeneum erexit, & Israelitis proposuit, ut ibi, quia serpentes adurentibus ictu fuerant, in eum adspicientes sanarentur: Fac, inquit Deus Moysi, *serpentem aeneum, & pone eum, pro signo, qui percussus aperiatur eum, vivet.* Fecit ergo Moyses serpentem aeneum, & posuit eum pro signo, quem cum percussus aspicerent, sanabantur. Secundo, quia Deus voluit, ut serpens iste aeneus, a Moysere erectus, signum esset, seu typus Jesu Christi crucifixi, homines oculis fidei ipsius Crucis animum aspicientes, a lethiferis serpentis antiqui, seu Diaboli, moribus sanantis. Hinc Christus Dominus, qui, sicut superius commemoravimus, omnes Veteris Legis figuras adimplevit, aeneo serpenti, ad sanandos ignitorum serpentum morsus proposito a Moysse in solitudine, se confert, cap. 3. v. 14. Joannis, dicens: *Et sicut Moyses exaltavit serpentem in deserto, ita exaltati oportet Filium hominis, ut omnis, qui credit in ipsum, non pereat, sed habeat vitam eternam.* Denique, sancti Patres, Chrysostomus Homilia 26. in Joannem, S. Augustinus l. 1. De Peccatorum Meritis & Remissione c. 85. Cyrillus Alexandrinus lib. 1. Commentariorum in Evangelium, Theodoretus Quaestione 38. in Numeros, & alii, docent, serpentem aeneum, quem Moyses erexit in deserto, fuisse a Deo institutum tanquam signum & typum Jesu Christi, ejusque Passionis. Non itaque peccavit Moyses, dum, jubente Deo, serpentem aeneum erexit, ut ibi, qui ignitorum serpentum moribus ictu erant, cum aspicientes, sanarentur. Non me lateat, Joannem Martham in suo Canone Chronico autum esse asserere, serpentem aeneum, ad malarum Aegyptiarum praestigiarum, a Moysse usum ac formatum esse, & peritiae impostum in deserto publice erectum, velut Amuletum quoddam, & Talismanum, ut hoc pacto, seu per incantationem quan-

quamdam, vel vim magicam, venenum extingueret, & morsus serpentum arte levaret. Verum, facile confutatur hic *Maribami* error, primum, quia Deus, ut jam diximus, iussit *Moyse* ut serpenti aneum erigeret. Quis autem credat, Deum, qui incantationis magicæ, & præstigationum omne genus dillicite prohibet, & damnat, præcepisse *Moyse*, ut serpenti aneum erigeret, pericula impositum proponeret. Insuper, tanquam Amuletum, & Talismanum, quo illi, qui serpentum adurentium moribus icti erant, ad aspectum illius serpentis ænei per incantationem quamdam, vel vim magicam sanarentur? Præterea, farentur omnes viri periti, figuras illas, a Chaldeis, Persis, & Aegyptiis celebratas, quæ arabice dicuntur *Talismanes*, id est, imagines, seu signa, aut sigilla, quibus ære, vel quovis metallo incisus, aut insculptus, & aliquod astrum, aut consellationem, vel aves, vel serpentes, immo quorundam Imperatorum imagines a natura pietas referentibus, miros quidem, sed falsos & plane ridiculos effectus tribuunt, cuiusmodi sunt *Morbosorum depulso*, *immunitas a vulneribus* &c. Farentur, inquam, omnes viri periti, ejusmodi figuras inanes prolixas esse, omnique sanandi morbos virtute carere. Quapropter, vis illa sanandi, quam serpens æneus, a *Moyse* erectus, habuit, ut legitur cap. 21. v. 9. lib. *Numerorum*, speciali Dei beneficio ei indita fuit, non secus ac *miribus* & *amis auris* Deus singularem vim concessit sanandi plagas, quas Arca foderis Philistæis intulerat, sicut legitur lib. 1. Regum cap. 6. v. 5. Sed hæc, & similia, quæ miraculosa sunt, in consequentiam trahi non debent, nec occasione præbere quibusdam, qui Amuletis, varisque Talismanum speciebus inesse virtutem morbos sanandi sibi falso persuadentes, superstitionis credulitate deluduntur. His plura non addam, & præsentis Colloquii nostro finem imponam egregio typo, quem *Aaron*, frater *Moyse*, gessit Christi Domini. At enim, quemadmodum *Aaron* fuit Veteris Legis Pontifex, ita Christus Novæ Legis Pontifex est, sicut lato sermone ostendit Apostolus *Paulus* in Epistola ad Hebræos. *Aaron* unctus est oleo ex baccis arborum expresso; *Jesus Christus* oleo lætitiæ. Dixit Dominus ad *Moysem* cap. 7. v. 1. libri Exodi: Ecce constitui te Deum Pharaonis, & *Aaron*, frater tuus, eris propheta tuus: De Christo *Jesus* dixit *Moyse* cap. 18. v. 15. lib. Deuteronomii: *Prophetam de gente tua, & de fratribus tuis, sicut me suscitavi tibi Dominus Deus tuus: ipsum audies*. Semel in anno Sancta Sanctorum *Aaron* introibat solus, non sine sanguine, quem offerebat pro sua & populi ignorantia, sicut ait Apostolus *Paulus* cap. 9. v. 7. Epistolæ ad Hebræos. Christus *Jesus* per proprium sanguinem introivit semel in Sancta, æterna redemptione inventa, ut ait idem Apostolus cap. 9. v. 12. ejusdem Epistolæ. De *Aarone* sic Deus Exodi cap. 28. v. 38. alloquitur *Moysem*: *Portabisque Aaron iniquitates eorum, quæ obdulerunt, & sanctificaveris filii Israel*: De Christo *Jesus* sic *Isaias* cap. 53. v. 4. & seq. prædixit: *Vere languores nostros ipse tulit, & dolores nostros ipse portavit, & nos*

putavimus eum quasi leprosum, & percussimus a Deo, & humilium. Ipse autem vulneratus est propter iniquitates nostras, attritus est propter scelera nostra, disciplina pacis super eum, & livore ejus sanati sumus. Deum inter & homines sequenter fuit *Aaron*: Unus mediator Dei & hominum homo Christus *Jesus*, sicut ait Apostolus 1. ad Timotheum. c. 2. v. 5. Deum *Aaron* respectu sanguine Testamenti Veteris, quod mandaverat ad Israelitis Deus, facinorosis hominibus reddebat propitium, sicut ait Apostolus Epistolæ ad Hebræos cap. 9. v. 20. *Jesus Christus Novi Testamenti mediator est, ut morte intercedente, in redemptionem eorum perveniant, quæ erant sub priori Testamento, & promissionem accipient, qui vocati sunt æternæ hereditatis*, sicut ait idem Apostolus cap. 9. v. 15. Epistolæ ad Hebræos. In seditione *Core*, *Dathan*, & *Abironis*, cum grassaretur incendium, & noxios facer ignis corripere, *Aaron*, stans inter mortuos & viventes, pro populo deprecatus est, & plaga cessavit, sicut legitur capit. 16. v. 48. 1. Numerorum: *Serviente peccatorum lue, & depalcente genus humanum, in tutum subduxit nos Christus Dominus, & periculo incurrendæ mortis æternæ exemit*. Hinc Apostolus *Paulus* cap. 7. v. 25. Epistolæ ad Hebræos ait, Christum Dominum non tantum ad vivos ac victuros, sed etiam ad defunctos voluisse mortis suæ beneficium pertinere, eumque Veteris Testamenti promissiones beneficis Novi Testamenti cumulativissime persolvisse. Sed nolo te diutius detinere. Agnosco enim ex frequentibus oscitationibus tuis imminere jam horam prandii, subindeque Colloquio nostro finem esse imponendum.

COLLOQUIUM III.

In quo Gesta *Josue*, in regimine Reipublicæ Hebræorum Successoris *Moyse*, necnon Judicium & Regum, qui Hebræis præfuerunt usque ad quantum annum Regni Salomonis, quo jacta sunt Templi Hierosolymitani fundamenta, describuntur, ibidemque accurata traditur series annorum, qui in quarta Mundi Etate, hoc est, ab exitu Populi Israelitici ex Aegypto usque ad quantum Regni Salomonis annum effluerunt.

DISCIP. RES, quas *Josue*, ex Tribu Ephraim, in regimine Reipublicæ Hebræorum successor *Moyse*, præclare gessit, quæque a *Sulpicio Severo* lib. 1. Historiæ Sacre cap. 22. & juxta editionem *Joannis Vossii* eleganter descriptas, superrime legi, primam hic referam. Dein, nonnullas circa quædam *Josue* Gesta proponam difficultates, quas dilucidandi omni tibi incumbet.

» *Moyse* mortuo (inquit *Sulpicius Severus*) summæ rerum penes *Jesus*, seu *Josue*, Nave filium, erat. Etenim illum *Moyse* successorum constituerat, virum virtutibus suis simillimum.

» Principio autem suscepti Imperii, dimissis per castra nunciis populum certiorum facit, framentum uti pararent, triduoque proximo iter pro-

nunt-

nunciat. Sed Jordanis, flumen validissimum, transitum prohibebat, quia neque navium copia pro tempore erat, neque vadari fluvius poterat, qui tum pleno alveo ferebatur. Igitur Arcam praefecti a Sacerdotibus, eosdemque adverterio flumine consilire iubet. Quo facto, incensus Jordanis traditur: ita per siccam copiz traducta. Erat in his locis oppidum nomine Jericho, muris validissimis munitum, neque expugnationi, neque obsidioni facile. Sed Jesus (*Jesu Jesue*) Domino fretus, non armis, aut viribus urbem aggressus, terrae Arcam Dei circa muros jubet, sacerdotibus praefere Arcam, & tuba canere. Sed cum Arca septies circumlata esset, muri ac turris ceciderunt, direptum oppidum atque incensum. Inde adversus Haec ductus exercitus, locatissime a tergo urbis insidiis, Jesus (*Jesu Jesue*) metum simulans terga hosti dedit. Quo viso, qui in oppido erant, patentibus portis instare. Ita hi, qui in insidiis fuerant, vacuum urbem exere, casique omnes, absque ullius effugio, Rex captus summoque supplicio affectus. Quod ubi vicinarum Gentium Regibus compertum est, in bellum conspirant Hebraeos urbem depellere. Verum, Gabaoinitae, gens valida, ex urbe opulenta, ultro se Hebraeis dederunt, iusta facturos pollicentes: receptive in fidem, ut ligna & aquam conveherent, imperatum. Sed Regibus proximarum urbium deditio eorum iras concitavit. Itaque adnotis copiis, oppidum eorum, Gabaoon nomine, obsidione circumfussit. Igitur Oppidani, artibus rebus suis, nuncios ad Jesum (*Jesu Jesue*) mittunt, obsecris uti succurrat. Ita ille, maturato itinere, inopinantiBUS supervenit, casique multa hostium millia. Cum dies cadentes decederet, noxque victis futura praesidio videretur, merito Fidei Dux Hebraeus noctem avertit, dies perseveravit. Ita nullum hostibus effugium fuit. Quinque Reges capti interfecti sunt. Eodem impetu vicinae quoque urbes imperio adiectae, Regesque perempti. Verum, quia omnia haec in ordinem prosequi non fuit consilium, dum brevitati studemus, id modo annotandum curavimus. Vixinti & novem Regna Imperio Hebraeorum subiecta, quorum terra per undecim Tribus viritini distributa est. Levitis enim in Sacerdotium assumptis nulla portio data, quo liberius servient Deo. Igitur, diviso per Tribus captivo Solo, pace summa Hebraei perfruebantur, finitimis bello territis, tot victorios nobiles nemine audente tentare. Eodeni tractu Jesus (*Jesu Jesue*) mortuus est anno. aetatis decimo & centesimo. In hac compendiosa Sulpicii Severi de Gestis Jesue historica narratione primum, quod sese offert, discutiendum Dubium istud est: cur Jesue, postquam in terram promissam fuisset ingressus, Gabaoinitae, qui erant incolae civitatum Chanaanarum, ultro se dederunt, pepererit, foedus cum illis inivit, eisque securitatem juraverit, contra Praeceptum Domini, quod sic, sicut legitur cap. 20. lib. Deuteronomii, districte Israelitis praeceperat, ut incolae omnes ci-

vitatum Chanaanarum delerent, occiderent, ac penitus extirparent, pacemque dumtaxat alienigenis concederent, sub conditione deditiois & tributis? Hoc itaque primum, quae te, Dubium dissolve.

M. Clementiam, qua Jesue, Dux Populi Israelitici, erga Gabaoinitas, Chananitidis incolae, usus est, omni culpa vacare, manifesto evincitur ex Historia sacra descripta cap. 9. lib. Jesue. Cum enim Terrae promissae Reges universi, Gentesque Hethaei, Amorritae, Chanaanitae, Pherezei, Hevaei, & Jebusitae, contra Jesue, & Israelitas uno animo, eademque sententia arma ad patriae libertatis, avitaeque superstitionis defensionem sumpsissent, Gabaoinitae, abjecto belli consilio, ut pote qui repellendis Israelitarum viribus impares se judicabant, de deditioe statim cogitarent. Sed, ut sedus cum Israelitis facilius percute possent, & salvam vitam reciperent, data opera inierunt, se non esse Chananitidis incolae, sed exteros, & e regione longinqua venisse. Hanc Gabaoinitarum fraudem nec Jesue, nec Primores Israelitarum subodorati, cum ipsis, inconsulto Domino, foedus iniverunt, illisque securitatem juraverunt. At, paulo post animadversa fraude, salvos quidem Gabaoinitas esse iusserunt propter religionem juramenti, illos tamen perpetuo famulatio in ponam fraudis addixerunt. Poterat quidem, fateor, Jesue, & Israelitarum Principes juratam Gabaoinitis securitatem non praestare, quia iurandum fraude elicitum, ut fateantur omnes Theologi, non obligat; nihilominus Jesue, & Israelitarum Principes juratam Gabaoinitis securitatem pie & laudabiliter praestiterunt, clementiam erga illos utendum merito censuerunt, primo, quia sibi integrum non existimarent, foedus juramento fitum violare, quamvis dolo elicitum esset. Hinc, cum Israelitae, sicut legitur cap. 9. v. 17. & 18. lib. Jesue murmurarent contra principes, responderunt eis Principes: *Invenimus illis, id est Gabaoinitis, in nomine Domini Dei Israel, & idcirco non possumus eos contingere, sed hoc faciemus eis: reverterentur quidem ut vivant, ne contra nos ira Domini concitetur, si pejeraverimus: sed sic vivunt, ut in usus universae multitudinis ligna eadem, aquasque comportent.* Secundo, aliquam clementiam Gabaoinitae mererantur, ut pote qui, dum omnes Reges & Populi Chanaanae regionis armata manu, & conglomerato agmine contra Israelitas vexillum erigerent, noluerint contra ipsos pugnare, sed potius, ut inquit S. Ambrosius cap. 10. lib. 3. De Officiis: *Cum existisset fama per populos, siccatum esse mare in Hebraeorum transitu, fluxisse aquam de petra, de Celo diurnam ministrari alimentum tot populi militibus abundanter, cornuisse muros Jericho, sacro tubarum sono illos, & ululatu plebis arctatus, Gethaeorum quoque Regem vicium & suspensum in ligno usque ad vesperam.* Haec, inquam, stupenda prodigia, quae Deus in Israelitis operatus est, postquam increbrescente eorum ubique fama, audivissent Gabaoinitae, venerunt supplices ad Israelitas, quorum validam manum metuebant, & facies eis submittentibus, ultroque deditioe, se illorum arbi-

arbitrio permiserunt, ac tandem pacem, iuramentum firmatam, cum *Iosue*, cæterisque Israelitarum Principibus pepigerunt. Id autem factum est absque ulla transgressione huius Mandati, quod Deus Israelitis dederat de Chanaanitis omnibus ad internecionem cædendis. Hoc siquidem Dei Mandatum æquitate quadam *Iosue*, & alii Israelitarum Principes interpretati sunt, videlicet de his Chanaanitis, qui Civitates suas ab Israelitis expugnari sinerent, & belli impetum contra eos sustinerent, non vero de illis Chanaanitis, qui pacem rogarent, qui Israelitarum clementiam implorarent, qui spontanea ditione, immo, & Iudaicæ Religionis amplexu, aut certe Idololatriæ abdicacione, & anius veri Dei cultu, secundum Noachidarum Ritum ac Leges, obsidionem suarum urbium, & impendentem Israelitarum impetum prudenter anteverterent. Qua de re, ne plura dicam, consule, si tibi per otium liceat, doctissimum *Andream Masium* in caput 9. lib. *Iosue*.

D. Sed dicas, quæso, quid sibi velit *Sulpicius Severus*, dum ait, *Iosue*, Ducem Hebræorum, in expugnandis Gabaonitarum hostibus, merito *Fidei* noctem *averisse*, & diem *perseverasse*? Vultne ille Scriptorem, Solem & Lunam in prælio, quod *Iosue*, cum Gabaonitarum hostibus commisit, reipsa stetit? aut potius, Solem retardasse dumtaxat cursum suum? ut novum corpus, vicarium Solis, Deum supra horizontem creasse, quod, post illius occasum, orbem illustraret? aut denique, loquiturne *Sulpicius Severus* more poetico, ita ut innuere velit, *Iosue*, eo in prælio, quod cum Gabaonitarum hostibus consensit, tot res, & præcipue maximam hostium stragem, tanta celeritate confecisse, ut ad diem facta videretur accessio? Quid de hoc Facto Historico sentire ipse debeam, obsecro te, ut breviter ostendas.

M. Circa illud Factum Historicum *Iosue* idem plane sentit *Sulpicius Severus*, quod sancti Patres communi calculo, & consensione tradiderunt, videlicet *S. Iustinus*, Martyr, in *Dialogo* cum *Tryphono*, Iudæo, *Tertullianus* lib. *De Jesu* cap. 10. *S. Joannes Chrysostomus* Homilia 27. in Epistolam ad Hebræos, & *Hieronymus* lib. 2. contra *Jovinianum*, *S. Augustinus* lib. 21. *De Civitate Dei*, cap. 8. & *Theodoretus* Quæst. 14. in *Iosue*. Hi autem sancti Patres discrete docent, quod cum *Iosue* latus suppetias Gabaonitis, exercitu prope ducto, venisset, & multa hostium millia occidisset; providens tamen noctem presidio victis fore, fuis ad Deum precibus, & incredibili fiducia animatus, Soli, jam ad occasum vergenti, imperavit ut staret, ejusque imperiali verbo, Deo volente, Sol obediens, in medio Cæli stetit immotus unius diei spatio. Huius Facti Historici veritatem hauserunt sancti Patres ex Scriptura Sacra, quæ cap. 10. lib. *Iosue* vers. 12. 13. & 14. hæc habet: „Tunc locutus est *Iosue* Domino in die, quæ tradidit Amorritarum in conspectu filiorum Israel, dixitque coram eis: Sol contra Gabaon ne movearis, & Luna contra Vallem Ajalon. Steteruntque Sol & Luna, donec ulcisceretur se gens de inimicis suis. Nonne

scriptum est hoc in libro *Iustorum*? Stetit itaque Sol in medio Cæli, & non festinavit occumbere spatio unius diei. Non fuit ante nec postea tam longa dies, obediens Domino voci hominis, & pugnante pro Israel. Quibus verbis manifestum est, Solem ad vocem *Iosue* reipsa inaudito miraculo stetit. Quod confirmant Prophetæ *Habacuc* cap. 3. dicens: *Sol & Luna steterunt in habitaculo suo; & Iesus Sirach*, auctor Libri Sacri *Ecclesiastici* cap. 46. v. 5. ubi ait: *An non in iracundia ejus impeditur est Sol, & una dies facta est quasi dies?* Hoc miraculum de statione Solis majus est, inquit *S. Joannes Chrysostomus* Homil. 27. in Epistolam ad Hebræos, quam quæ facta sunt a *Moyse*. Non sunt enim paria, imperare *Mari*, & iis quæ sunt in Cælo. Nam illud quoque est magnum, & valde magnum, sed non par. Illa igitur statio Solis propriè accipienda est, & miraculo tribuenda.

D. Liber ille, quod inscribitur nomine *Iosue*, & in quo describitur Historia de statione Solis, estne germanus *Iosue* factus, aut potius nomine *Iosue* ideo insignitus, quod de illius imperio, & de rebus ab eo præclare gestis agat?

M. Sunt quidam Critici, qui pertendunt, librum, qui nomine *Iosue* inscribitur, asseri ac vindicari non debere *Iosue*, tanquam vero ac legitimum parenti; idque quatuor potissimum momentis probare nituntur. Primo, quia cap. 10. huius libri *Iosue* citatur Liber *Iustorum*, cujus auctorem recentiore esse dicunt ipso *Iosue*, aut saltem ei coævum, cum in eo meminerit pugnæ Gabaonitarum, & stationis Solis. Secundo, ajunt, sæpius in hoc libro *Iosue* occurrere hanc temporis notationem: *Hoc, & illud ad præsentem usque diem durat*; quod sane a *Iosue* dictum esse non potuit, cum in diebus *Iosue* hæc Facta & monumenta historica, quæ in eo libro referuntur, contingerint; sed potius dictum esse videretur ab aliquo Scriptore, *Iosue* recentiore, qui in his, quæ post obitum *Iosue* jam vetustate obliterata exoleverant, fidem sibi conciliare volebat ex his monumentis, quæ sua ætate adhuc residua erant. Tercio, cap. 19. libri *Iosue* fit mentio terræ *Chabul*, cui hoc nomen impositum est ab *Hiram*, Rege Tyri, qui a Rege *Salomone* ex donatus fuerat. Quod palam evincit, inquit illi Critici, hunc librum scriptum fuisse ab aliquo Auctore, recentiore *Iosue*. Denique, capite ultimo libri, qui præfert nomen *Iosue*, describitur mors *Iosue*, & res, post ejus obitum gestæ, narrantur, quæ certe a *Iosue* literis mandari haud potuerunt. Verum, quatuor hæc momenta tanti non sunt, ut nos a communis sententia de Auctore libri *Iosue* desciscere cogant. Ad duo quippe priora diluenda fertur observare, *Iosue* in summa senectute hunc librum exarasse, subindeque mirum non esse, si mentionem faciat Libri *Iustorum*, qui nihil aliud erat, quam Carmen Epinicianum, quod statim post reportatam de hostibus Gabaonitarum insignem victoriam editum est, & inter Hebræos divulgatum. Eandem de causâ, *Iosue* uti potuit hac notatione temporis: *usque ad præsentem diem*, cum hunc librum in ætate jam proveccta scriperit; perinde ac *S. Evangelii*.

gelilla *Martheus* eadem temporis notatione utitur, cap. 27. dicens: *Propter hoc vocatus est ager Hacelama, hoc est, ager sanguinis usque in bodiurnum diem*. Ad tertium nomen dico cum Illustrissimo *Daniele Huetio*, Abrinceni Episcopo, non eandem esse utramque terram *Chabul*. Altera siquidem est terra *Chabul*, quae est Regiuncula, viginti consilans oppidis, quam *Salomon* (sicut legitur lib. 3. Regum capit. 9. v. 12.) dedit *Hiram*, Regi Tyri, & illius urbis *Chabul* mentionem non fecit *Iosue*. Altera est terra *Chabul*, seu vicus, ita dictus in continis *Prolonaidis*, utraque in Tribu *Aser*; & haec illa terra *Chabul*, cujus procul omni dubio a *Iosue* fit mentio. Ad ultimum momentum respondeo, *Esdram*, qui, post laxatam captivitatem *Babylonica*, sacros libros hinc inde summa cura collegit, purgavit, castigavit, inseruisse huiusce libri capiti postremo, quod est vicesimum quartum, mortem *Iosue*, qui victoris & meritis conspicuus obit. (a) Censeo etiam cum iam laudato *Abrincensi* Episcopo in sua *Demonstratione Evangelica*, ab eodem *Esdra* adjectam itidem fuisse capiti decimo nono libri *Iosue* narrationem Expeditionis Danitarum contra civitatem *Lesen*, quae post *Iosue* excessum contigit, eo videlicet tempore, quo *Israelitarum* Republicam nemo gubernabat. Probabilis itaque est a *Iosue*, in regimine Populi *Israelitici* successore *Moyse*, esse scriptum hunc librum, qui ejus nomine insignitur, idque non obscure innuere videtur Scriptura Sacra his verbis, quae leguntur capite ultimo hujus libri: *Scriptus Iosue omnia verba haec in volumine Legis Domini*. Omnia autem, quae in hoc libro scriptis *Iosue*, ad sequentia capita revocantur. Primo, revertimur ad Explorationem ad urbem *Jericho*, transitum *Jordanis*, per quem miraculose siccatus, *Israelitae*, Duce *Iosue*, & praesente Arca foederis transierunt. Secundo, describit *Iosue* varios in Terra promissae acquisitione consuetus, videlicet in oppugnatione urbis *Jericho*, in expugnatione urbis *Hai*, in debellatione quinque & deinde multorum Regum, qui citra & ultra *Jordanem* a *Iosue* percussus ac devicti numerantur triginta & unus, ita ut *Iosue* univerfas fere totius Chanaanitidis civitates uno quasi impetu expugnaverit, & omnes hujus Terrae incolas suo subjugarit Imperio. Tercio, narrat *Iosue* Terrae promissae acquisitae divisionem per Tribus assignando videlicet singulis Tribubus partes determinatas, separando civitates pro fugitivis & quadraginta octo civitates atque suburbana Levitis concedendo. Denique, *Iosue*, cum iam senex esset, seque vitae gloriose cursum complevisse cognosceret, *Israelitas* in *Sichen* convocatos adhortatus est, ut constanter perseverarent in observatione praeceptorum Dei, ut caverent societatem cum Gentibus. Eis ob oculos posuit innumera beneficia, quae Deus eis exhibuerat: fadus Populi *Israelitici* cum Domino renovavit, huiusque gestis, viam universae carnis ingressus est, cuius magnificum elogium textit facit Scriptor Libri Ecclesiastici c. 46. Ipse vero tria dumtaxat observa-

tionem digna hic referam, quibus *Iosue* virtus hanc parum commendari potest. Primo, *Iosue* in Terra Chanaan, occupatione urbem *Jericho* non solum expugnavit, sed jubente Deo, intermitione delevit, sola femina *Rahab* cum suis servata, eo nomine, quod Exploratorum Hebraeos, quos ad urbem *Jericho* praemisit *Iosue*, benigne, & officiose suscepisset. Ceterum, omnia illius urbis *Jericho* aedificia, cum incolis, & universa sepellectis in cineres redigi iussit *Iosue*, exceptis auro, argento, vasis aeneis, ac ferro, quae in ararium Domini intulit. Quam *Iosue*, in Terra Chanaan occupatione, bellicam agendi rationem abijt ut quisquam immanitatis infuset, cum in istis caedibus, atque incendiis patrandis, *Iosue* Deivolutari moreni gesserit, ejusque iustitiae administer fuerit. Deum vero nemo, praeter Haereticos Marcionitas, Manichaeos, aialique id genus pestes, insulsi in his inferendis supplicis arguere potest, cum Chanaanai suis sceleribus graviore sibi accerxissent poenas. Quin iusto (sicut meminimus, me in nostris superioribus Colloquiis jam observasse) Dei patientia in puniendis Chanaanais maxime eluxit, quippe qui jam supra quadringentos annos frustra disfulerat haec Chanaanorum supplicia melioris vitae expectatione, cum tamen illi interea, voci Dei, ad penitentiam, melioremque frugem eos invitantis, plane obdurduscentes, contra Dei misericordiam ac lenitatem, obfirmatis in malitia animis, decertarent. Quo in sensu intelligenda sunt haec verba, quae Dominus c. 15. v. 16. lib. *Genesis Abrahamo* de ejus posteris dixit: *Generatione autem quarta revertentur haec: ne dum enim complae sunt iniquitates Amorrhaeorum usque ad praesens tempus*. Secundo, *Iosue* in obsidione urbis *Hai*, cum vidisset, *Israelitas*, quos ad hanc urbem expugnandam miserat, infelici Marte pugnavisse, eoique ab hostibus fufos, atque in fugam compullos, consuluit Dominum, quo respondente, intellexit, Deum ob unius gregarii militis crimen, iram suam in totum Populum *Israeliticum* effudisse. *Achan* siquidem filius *Charnai*, de Tribu *Juda*, pallium coccineum, ducentos argenti siclos, regalumque, sex lavatim auream quinquaginta scutorum, de praeda urbis *Jerichuntinae*, Deo consecrata, clam subduxerat, eoque furto iram Dei in totum populum provocaverat. Quocirca, *Iosue*, jubente Deo, *Achan*, sacrilegi furti reum, ad vallem *Achor*eductum, lapidibus a populo obrui imperavit, & cum sacrorum spoliorum parte, sepellectis prorsus omni liberis ejus, ac pecudibus, ipsoque tentorio ultricibus flammis additi, ut hoc supplicio sanciretur disciplina, populus *Israeliticus* cum Deo reconciliaretur, & omnis deinceps militibus ad sacrilega furta aditus praecluderetur. Denique, typus, quem *Iosue* gessit, Christi Domini, ejus dignitatem & excellentiam maxime commendat: *Iosue* inquit *S. Hieronymus* in Epistola ad Paulinum typum Domini non solum gessit, verum etiam nomine praesert. Transiit *Jordanem*, hostium regna subvertit, dividit terram victis populo, & per singulas urbes, viculos, montes, flumina, torrentes, atque consilia, Ecclesiae, celestisque Hierusalem spiritualia Regna describit. *Iosue*, de-

sun-

functo *Moyse*, populum Israeliticum introduxit in Terram promissam: *Jesus Christus*, finita *Legē Mosāicā*, apparens, populo pio Regnum Cælorum aperuit, & quam per *Legem Moysi* obtinere homo non poterat, beneficio *Jesu Christi* promissam Terram, cælestem nempe patriam, assequitur. Chanaanitidis Terræ, Jordane trajecto, compotes Hebræos fecit *Josue*: in Patriam cælestem ablutos nos Baptismi aquis inducit *Jesus Christus*. Duodecim lapides de Jordani alveo sublatis ad posteritatis memoriam in castris statui jussit *Josue*, atque alios item duodecim in ipso Jordani alveo: *Jesus Christus* duodecim elegit Apostolos, quorum Principi, seu *Petro*, nomen a Petra derivatum impoluit. *Josue* impiarum Gentium debellator fuit: *Jesus Christus* triumphator Dæmonum. *Josue* secundæ circumcissionis Hebræis, antequam ingrederentur in Terram promissam, administravit fuit: In *Jesu Christo* (sicut ait Apostolus ad Coloss. cap. 2. & ad Romanos cap. 2.) circumcisi sumus circumcissione non manu facta, in expolatione corporis carnis, sed circumcissione cordis, in Spiritu, non littera. Ex quo patet, *Josuem*, rebus a se præclare gestis maximi in Republica Hebræorum Principis nomen jure optimo obtinuisse, & *Jesu Christo*, qui totum orbem a tyrannide Diaboli liberaturus erat, typum gessisse.

„ (a) De auctore libri *Josue* alii aliter disputant, mihi autem eorum sententia prævalet, quæ ejus Scriptorem alium a *Josue* judicant. „ Constat enim in hoc libro multa contineri, quæ a *Josue* scribi nequaquam poterant, ut est narratio de ejus morte, & alia, quæ hic a *P. Grævelonio* recentior; hæc utique a *Josue* scribi non potuerunt, ab alio igitur profecta sunt. „ Cur ergo non & totus liber? Si dixerimus hæc libro jam a *Josue* scripto adjungi ab alio, forte ab *Esdra*, potuisse. Id nūquid & ego admitto, potuisse scilicet; sed indene sequitur factum revera esse, vetante præsertim Hebræorum omni tempore diligenter, ne quid aliena manu sacris libris adiceretur? Sed & id *Pentateucho* a *Moyse* utique abique controversia scripto accidit, inquit; agnosco lubens, sed hoc admisisse mihi periculosum est, cum credam *Pentateuchum* a *Josue* recensitam ac vulgatum primo fuisse, qui identidem, majoris explicationis gratia, quædam de suo inseruit; sed libri *Josue* alia est ratio, cum pro asserendo *Moyse* *Pentateucho* Judæi, ceterique omnes conveniant, a quorum sententia recedere temerarium omnino esset. Deest vero libro *Josue* iste unanims veterum scriptorum, & recentiorum consensus. „ Quandoquidem igitur liberum est nobis de auctore *Josue* judicare, facilius credo ab una eademque manu totam historiam, & ea quæ feruntur additamenta provenisse.

D. Quis post obitum *Josue* præfuit Reipublicæ Hebræorum?

M. Post mortem *Josue* præfuerunt Reipublicæ Hebræorum *Caleb*, & seniores *Juda* per decem annos, non vero per quinquaginta annos, sicut

perperam visum est Abbati *Paulo Petrono*, Ord. Cisterciensis, in libro, quem gallice anno MDCLXXXVIII. Patifis edidit, cuique hunc titulum indidit: *L'Antiquité des temps rétablie & défendue contre les Juifs & les nouveaux Chronologistes*: seu *Antiquitas temporum restituta, & contra Judæos, nuperusque Chronographos defensa*. Tempore istius decennalis Præfecturæ *Calebi*, & aliorum Optimatum, seu seniorum, qui post obitum *Josue* Reipublicæ Hebræorum negotia administrarunt, fuerunt a Judæis profigati Chananæi ac *Pheræzi*, cæsa in Bezeo duodecim hominum millia, Rex Hierosolymorum *Adonibezec*, platiū antehac gentium victor, captus, summatibus manuum ac pedum relictus, quod alieno supplicio excogitaverat, expertus est suo; dixitque *Adonibezec*: septuaginta Reges, amputatis manuum ac pedum summatibus, colligebant sub mensa mea ciborum reliquias: sicut feci, ita reddidit mihi Deus, libri *Judicum* cap. 1. v. 7. Expugnata etiam est urbs Hierusalem, vastata & igne consumpta. Civitas quoque *Dabir*, quæ *Cariat Sepher* olim vocabatur, ab *Orthoniele*, fratre *Calebi* minore, occupata est, qui & *Axam*, filium *Calebi*, in victoriæ præmiū, uxorem obtinuit. Verum, post obitum *Calebi*, & seniorum *Juda*, virorum scilicet pietate & auctoritate illustrium, qui *Moyse*, & *Josue* semper adheferant, quique post mortem *Josue*, Rempublicam Hebræorum per decem annos sapientissime gubernarunt; contigit ut *Judæi* ex ea, quam cum Chananæis, *Jebusæis*, ac *Pheræzis* consuetudinem habebant, depravatos illorum mores imitari cœperint, amicitiam cum illis sacrilegis infidelibus junxerint, connexia miscuerint, & tandem defecerint ad Idololatriam, cultumque *Baal* & *Astaroth*. Corruptissimis hisce temporibus fuit in Republica Hebræorum *Anarchia*, seu Interregnum sex annorum, non vero circiter triginta quinque annorum, sicut falso pertendit supra laudatus Abbas *Petronus*. Per illud Interregni sex annorum spatium contigere ea, quæ postremis quinque capitibus libri *Judicum* narrantur de *Miche*, *Ephraimitæ*, & *Danitarum* Idololatria, nec non de flebili illa historia ejusdem junioris *Levita*, cujus uxorem rapuerunt, constuprarunt, & impotenti libidine tota nocte illam, extinxerunt *Gabaonitæ*, qui erant e Tribu *Beniamin*, quique eundem *Levitam* nefaria & præpostera libidine violare conati fuerant, sicut testatur cap. 19. libri *Judicum*. Ad hoc tam nefandum scelus vindicandum arma sumpserunt, bellumque contra Tribum *Beniamin* moverunt, reliquæ Israelitarum Tribus, eoque bello Tribus *Beniamin* pene deleta est, exceptis sexcentis circiter viris, qui in solitudinem fugerant, sicut legitur cap. 29. lib. *Judicum*. Hæc, inquam, Facta historica, quæ in quinque postremis capitibus libri *Judicum* narrantur, contigisse eo tempore, quo, post obitum *Calebi*, & seniorum *Juda*, fuit *Anarchia*, seu Interregnum per sex annos in Republica Hebræorum, facile colligitur ex capite 21. v. 24. ejusdem sacri libri *Judicum*, ubi hæc leguntur: In die

huius illi non erat Rex in Israel, sed unusquisque quod reffum videbatur, hoc faciebat. Finita illa sex annorum Anarchia, quæ, ut mox dixi, post obitum *Calebi*, & seniorum *Juda*; fuit in Republica Hebræorum, cum Israëlitis, mixtis cum Chananæis, Hethæis, Amorrhæis, Pherezzæis, Hevæis, Jebusæisque conjugis, ad Idololatriam, relicto Deo, descenderent, & *Idola Baal*, & *Asturoth* colerent, Deus ipsos hostibus plectendos tradidit, & dura servitute opprimendos. Variæ autem Israelitarum servitutes, seu oppressiones sub diversis Gentium Regibus referuntur in sacro *Judicum* libro, a quibus Deus, semper ad misericordiam propensus, eos liberavit, suscitando *Judices*, quos *Judæorum* Reipublicæ identidem præstebat.

D. Quinam erant illi *Judices*, quos Deus interdundum suscitabat, ut Israelitas a servitute & oppressione liberaret? & quænam officia, seu munia, potissimum obire debebant?

M. Illi *Judices*, quos aliquando suscitabat Deus, ut populum suum a servitute & oppressione in libertatem affereret, erant Duces, seu Magistratus a Deo instituti, & ejus nomine Rempublicam Hebræorum gubernantes, quique afflatu immediato Spiritus Sancti, moribunque heroicis agebantur. Munia, quæ illis *Judicibus* obeunda incumbabant, in his præcipue sita erant. Primo, Populum Israeliticum a servitute & oppressione liberabant. Secundo, Bella gerebant. Tercio, sui populo dicebant, & enatas lites, decretorum *Judicum* pronunciando, dirimebant, novas tamen Leges non condebant, nec vestigia, seu Tributa, imponebant, nec Regis Insignibus utebantur, nec Reipublicæ erant Domini, sed conservatores tantum & custodes; nec sacram potestatem habebant, quæ penes Summos Sacerdotes erat; sed habebant civilem & politicam potestatem, quæ erat quasi Monarchica, ut pote penes unum *Judicem*, Aristocratia tamen temperata, qualis est apud Venetos Ducum auctoritas.

D. Agebam, perenne nunc servitutes & oppressiones Israelitarum, juxta eum ordinem, quo in sacro *Judicum* libro describuntur, eademque opera produc in medium res preclare gestas a *Judicibus*, qui Israelitas ab his servitutibus & oppressionibus in libertatem vindicantur.

M. Prima Israelitarum servitus, seu oppressio, contigit sub *Chusane Rasabaim*, Rege Mesopotamiæ, seu Syriæ, indeque hæc servitus dicitur *Assyriaca*, duravitque octo annis, sicut legitur c. 3. v. 8. lib. *Judicum*. Ab hac Assyriacæ servitutis *Othoniel* (qui in serie *Judicum* primus occurrat, quique erat filius *Cenez*, frater *Calebi* minor, idemque gener) liberavit Israelitas, *Cuzanem*, Regem Mesopotamiæ, debellavit, & per quadraginta annos populum judicavit. Abbas *Paulus Pezronus* asserit, post mortem *Othonielis* fuisse Anarchiam, seu Interregnum, quod duravit annis circiter triginta tribus. Verum, fœlita plane est illa Anarchia, cum de ea nullam prorsus mentionem Scriptura Sacra, sancti Patres, & Scripturæ Sacra Interpretes faciant. Hoc unum ex Scriptura Sacra, videlicet cap. 3.

v. 14. lib. *Judicum*, extra omnem dubitationis aleam positum est, post mortem *Othonielis* accidisse alteram Israelitarum servitutem sub *Eglone*, Rege Moabitum, quæ ideo appellatur *Moabitica*, quæque duravit octodecim annis. Ab hac Servitute Moabitica Israelitas liberavit *Aod*, filius *Gere*, e Tribu Benjamin, qui post *Othoniel* Israelitici Populi *Judex* fuit. Hic *Eglonem*, Moabitum Regem, in Cænaculo interemit. Dein, Israelitarum copiis in monte *Ephraim* collectis, decem millia fortissimorum Moabitum interfectione delevit, sicut legitur cap. 3. lib. *Judicum*. *Aod* judicavit populum annis octoginta. Tertia Israelitarum servitus contigit sub *Jabin*, Rege Chanaan, qui regnavit in *Afot*, & idcirco hæc Israelitarum servitus vocatur *Chanaanæa*, & duravit annis viginti, sicut narratur cap. 4. lib. *Judicum*. Hic autem velim obiter observare; sæpe citatum Abbatem *Paulum Pezronem* persuadere velle, alteram Anarchiam, seu aliud, post obitum *Aod*, fuisse in Republica Hebræorum Interregnum, quod, inquit, duravit annis circiter triginta septem. Sed hæc Anarchia, de qua omnino silent Scriptura, sancti Patres, & Sacræ Scripturæ Interpretes, tanquam commentitia explodi debet, maxime cum sacer Auctor lib. *Judicum* cap. 3. v. 31. diserte dicat, post obitum *Aod*, judicariam apud Israelitas Præfecturam gessisse *Samgar*. Sic enim habet: *Post hæc, seu Aod, fuit Samgar, filius Anath, qui percussit de Philistinim sexcentos viros vomere, & ipse quoque defendit Israel*. Si igitur *Samgar* immediate post obitum *Aod* judicariam apud Israelitas Præfecturam gessit, nulla ratione dici potest fuisse Anarchiam, seu Interregnum post mortem *Aod*. Verum quidem est, *Samgar* paucis mensibus judicariam Præfecturam gessisse, ideoque Scripturam Sacram, loco mox a me laudato, tempus Magistratus illius non notasse. At, inde perperam inferitur, post mortem *Aod* fuisse Anarchiam, quia Scriptura Sacra capite quarto v. 1. lib. *Judicum* aperte dicit, Israelitas post mortem *Aod* (non computato brevi admodum tempore, quo *Samgar* judicariam exercuit potestatem) abductos esse in servitutem Chananæam a *Jabin*, Rege Chanaan: *Addideruntque filii Israel facere malum in conspectu Domini post mortem Aod, & tradidit illis Dominus in manus Jabin, Regis Chanaan, qui regnavit in Afot &c.* Quibus verbis Scriptura Sacra omnem præcludit locum huic Anarchiæ, quam *Paulus Pezronus* ait durasse, post obitum *Aod*, annis circiter triginta septem. Sed ad servitutes Israelitarum redeamus, quarum tertia, ut diximus, vocatur *Chanaanæa*, quod contigit sub *Jabin*, Rege Chanaan. Ab hac servitute Chananæa, quæ restitit per viginti annos, Israelitas liberant *Deborah*, Prophetissa, & *Barac*, filius *Abinoemi*, de Tribu *Nephtali*, qui decem millibus levissimorum militum ex Tribubus *Nephtali* & *Zabulon* collectis, contra *Sisaram*, Principem Exercitus *Jabin*, Regis Chanaan, *Deborah* comite, recta porrexit, cum Exercitu, juxta aquas *Magedo* penitus prodigavit *Sisaram*, fuga elapsum, *Jabin*.

Jabel, uxor *Heberis*, Cinxi, callide in suum tentorium allexit, potique lactis sopitum, adacto in tempore trabali clavo interemit, eoque mortuo, *Debbora* epinio carmine victoriam celebravit, sicut legitur cap. 4. & 5. lib. *Judicum*.

D. Non mihi verisimile videtur, *Debboram* in numero *Judicum*, seu eorum, qui apud Israelitas judicariam potestatem exercuerunt, esse collocandam. Nam, ut superius dixisti, proprium & precipuum *Judicis* munus erat Populum Israeliticum defendere, & in bello Ducem agere. Hinc autem obundo muneri impar erat *Debbora*, utpote femina, cui potius convenit colum, quam arma tractare, aut Exercitui imperare.

M. *Debboram* verò, & propriè Hebræorum Judicem fuisse, seu judicariam exercuisse potestatem, dum Israelitæ *Judicum* regerentur arbitrio, testantur Scriptura Sacra, & sancti Patres. Sic enim legitur cap. 4. v. 4. libri *Judicum*: Erat autem *Debbora* Prophetis uxor *Lepidæ*, quæ judicabat populum in illo tempore. Ascendebantque ad eam filii Israel in omne judicium. Quibus verbis aperte innuit Scriptura Sacra *Debboram*, aliorum instar *Judicum*, populum iudicasse, & Israelitas universos causas suas ad ejus Tribunal delitisse. *Debboram* quoque belli, pacisque temporibus Rempublicam Hebræorum rexisset, eique tanquam *Judicem* præfuisse, non minus diserte asserunt Sancti Patres, *Clementis Alexandrini* lib. 1. Stromatum, S. *Ambrosii* lib. de *Viduis*, S. *Hieronymus* Epist. 10. ad *Furium*, De *Viduitate* servanda, S. *Augustinus* lib. 18. de *Civitate Dei* cap. 15. quibus addo *Severum Sulpitium* lib. 1. Historiæ Sacre, *Theodoretum* Quest. 12. in librum *Judicum*, & *Alcimum Avitum* in Consolatoria de Laude *Virginis* ad *Fuscinam*, sororem. Sed, inquis, Bello gerendo impar erat *Debbora*. Sit ita sane. At saltem potuit *Debbora* consiliis suis *Barac*, qui cum illa itidem *Judex* populi erat, adesse, suadere ei bellum, illi imperium exercitibus relinquere, & seque ei sociam adjungere, ut, Deo auxiliorum, Rempublicam Hebræorum erigeret, Populumque a gravissima Chananæorum servitute vindicare. Præterquam quod, *Debbora* non fuit vulgaris femina, quam colum, non arma tractare decet, sed fuit heroina famosa, quam Deus Prophetiæ lumine illustravit, prudentia, & fortitudine exornavit, ut populum regere & hostium inpetum intrepida retundere posset. Hinc S. *Ambrosius* in libro *De Viduis*, mox à me laudato, hæc habet: Et ideo lectum istius (seu *Debboræ*) præ se esse judicium, & gesta ejus arbitror esse descripta, ne mulieres a virtutis officio mulieribus sexus ob infirmitatem revocentur. *Vidua populus regit*, *Vidua ducit Exercitus*, *Vidua Duces eligit*, *Vidua bella disponit*, *mandata revivificat*. Quæ S. *Ambrosii* sententia est omnino Scripturæ Sacre consentanea. Legimus quippe cap. 4. lib. *Judicum* v. 6. *Baracum*, qui cum *Debbora* Populi Israelitici *Judex* erat, novissimè ad bellum illo pacto proficisci, nisi *Debbora* sese ei exercitum ducenti sociam præberet.

Hist. Vet. Test. Tom. II.

Dixitque ad eam (seu *Debboram*) *Barac*: Si venis mecum, vadam; si nolueris venire mecum, non pergam. Tanta erat in Republica Hebræorum auctoritas *Debboræ*, ut ob anorem, & jugem sollicitudinem, quam gerebat boni publici, vulgo audiret *Mater in Israel*, non secus ac Imperatores, & Reges plerique *Patres Patriæ* vocati sunt, quo titulo, magis quam Imperatorio, gloriabantur. Sat igitur contra *Tollatum*, *Genebrardum*, *Cajetanum*, *Severium*, *Cornelium a Lapide*, & alios recentiores, probatum maneat, *Debboram* verè, & propriè *Judicem* Hebræorum fuisse, eamque inter sanctos Israelis *Judices* esse numerandam.

D. Quot annos *Barac*, & *Debbora* judicariam potestatem apud Israelitas exercuerunt, & quo loco, post illorum obitum, res Israelitarum fuerunt;

M. *Barac*, & *Debbora* judicarunt populum, & Republicæ Hebræorum præfuerunt per quadraginta annos. At, post illorum judicariam præfecturam, Israelitæ, qui in secundis rebus immemores celestium beneficiorum in multa scelera ruebant, & Idola colebant: in adversis vero, astutique malo servitutis divinum auxilium supplices implorabant; justè, ob peccata, quæ perpetrabant, traditi sunt *Madianitis*, duoque imperio habiti. Abbas *Paulus Pezronus* post judicariam præfecturam, *Baraci*, & *Debboræ* obtrudit *Anarchiam* in Republica Hebræorum, seu Interregnum, quod annis circiter octidocem perulasse affirmat. Sed ejusmodi *Anarchia*, cujus tam in Scriptura Sacra, quam in sanctis Patribus, & Scripturæ Sacre Interpretibus, cum nullum, vel minimum extet vestigium, multatens admitti debet, utpote quæ consensu exogitata ab illo Scriptore, qui, in Historia cum Sacra, tum Prophana cæteroque veratissimus, novam proculdum Chronologiam, quæ a Codicem Hebræorum, Græcorum, Samaritanorum, & Latinorum calculo maxime discrepat. Rejeda itaque prædicta *Anarchia*, certum est, Israelitas, post judicariam *Baraci*, & *Debboræ* Præfecturam, abducos esse a *Madianitis* in servitutem, quæ duravit septem annis. Cum igitur sub dura illa *Madianitarum* servitute oppressi gement, conversi ad Dominum (inquit *Sulpicius Severus* lib. 1. Historiæ Sacre) misericordiam solitam flagitantes, impetraverunt. Erat in Hebræis *Gedeon* quidam nomine, filius *Jas*, & Tribu *Manasse*, vir justus, & charus Domino, acceptusque. Hinc Angelus e campo messis domum reverentem adsternit: Dominus, inquit, tecum. At, ille voce stebili, non esse in se Dominum ingemiscit, quod populum captivitas premeret, virtutisque Domini, qui eos de Terra *Ægypti* eduxerat, lugens recordabatur. Tum Angelus: Vade, inquit, in hoc spiritum, quo locutus es, & populum de captivitate eripe. Ille verò abnuere, se, infractis suorum viribus, cum ipse minimus esset, tantum onus suscipere. Persistere contra Angelus, ne dubitaret posse fieri, quæ Dominus loquebatur. Perfecto igitur Sacrificio, di-

H 3

ruta-

rutaque Ara, quam *Badis* Idolo Madianitæ sacraverat, ad suos profectus *Gedon*, castra castris hostium contulit. Sed Madianitis, in conficiendo contra Israelitas bello, etiam Amaleicæ se conjunxerant. *Gedon* vero non amplius quam ad triginta & duo millia Exercitum paraverat. Priusquam tamen confligeret, significavit ei Deus, nimiam hanc esse multitudinem, quam in prælium vellet educere, itaque daret volentibus discedendi potestatem; quod ubi populo innuit, viginti duo millia e castris recesserunt. Sed ex deceni millibus, quæ seleserant, non plures quam trecentos viros tenuit, reliquos ab armis dimisit. Tum media vigilia castra hostium ingressus, trecentos illos viros, quos tubis, lagenis vacuis, ac lampadibus in medio lagenarum accensis instruxerat, in tres ordines distribuit, qui cum buccinarum clangore, simul & collisurarum lagenarum fragore, fulgoreque lampadum, atque sæpius ineminatis clamoribus: *Gladius Domini, & Gedeonis*, tantum hostibus timorem iniecerunt, ut eorum exercitum novo sine bellandi genere fuderint, atque dissiparint. Fugientes Reges persecutus est *Gedon* ultra Jordanem, comprehensosque neci dedit. In ea pugna centum & viginti millia ex hostibus cæsa sunt. Tunc consensu omnium *Gedeoni*, ut Princeps populi esset, delatum, quod ille generoso animo aspernatus, communi jure cum civibus vivere, quam præselesuis, maluit. Depulsa igitur Israelitarum servitute Madianitæ, quæ septem annos populum continuat, pax per quadraginta annos fuit sub *Gedon*, qui mortuus est in senectute bona, & in tumultu *Jos*, patris sui, in *Ephra* sepultus, sicut legitur cap. 8. lib. *Judicum*.

D. Quis, mortuo *Gedone*, præfuit Reipublicæ Hebræorum, & judicariam exercuit præfecturam?

M. Defuncto *Gedone*, filius ejus *Abimelech*, ex concubina ortus, Sichimorum Principibus operam ei navantibus, judicariam obtinuit præfecturam, & per tres annos in Republica Hebræorum imperium tenuit, seu potius tyrannidem exercuit. Eo crudelitatis prorupit, ut septuaginta fratres suos super unum lapidem interfecit, excepto *Joatham*, filiorum *Gedonis* natu minimo, qui solus scelesti illius tyranni manus evaserat. At, Deus hanc *Abimelechi* crudelitatem & tyrannidem non diu inultam reliquit. Nam, cum iste sævissimus tyrannus, post dirutam & sale seminatam urbem *Sichem*, post interfectos illius urbis incolæ, qui in eum conjuraverant, & post igne succensus Fanum Dei ipsorum *Beth*, ad expugandum oppidum *Thebes* progressus esset, saxo a muliere ictus, sentiensque irati supremi Numinis vindictam, Armigero suo jussit, ut illum ferro confoderet: Ne forte dicatur, inquit, quod a femina interfectus sim. Ab ipso itaque Armigero mucrone confixus animam exspuit. Post *Abimelechi* mortem Juxda constitutus est *Tbola*, filius *Phua*, qui postquam populum judicasset annis viginti tribus, obit, sicut legitur cap. 10. v. 1. & 2. libri *Judicum*. Hunc *Phu* *Tbolam*, in judicaria Populi Israelitici Præfectura excepit

Jair, qui per viginti duos annos cum præfisset Reipublicæ Hebræorum, excessit e vivis (lib. *Judicum* cap. x. v. 3. & 4.). Putat *Paulus Perizonus*, post mortem *Jair* contigisse Anarchiam, seu Interregnum, quod duravit, inquit, annis circiter triginta. Sed de ista Anarchia, quam de suo cerebro finxit *Paulus Perizonus*, silet omnino Scriptura Sacra, quæ notat dumtaxat servititem octodecim annorum, cui Israelitæ, post obitum *Jair*, fuerunt addicti sub imperio Ammonitarum. Ab hac servitute Ammonitarum Israelitas liberavit *Jephthe*, qui in Populo Israelitico judicariam potestatem, post *Jair*, obtinuit. Exercitum ad debellandos Ammonitas duxit *Jephthe*, sed dum acies hinc inde essent instructæ, priusquam signum pugne daretur, vorum Deo nuncupavit *Jephthe*, si prospere pugnasset, se illud in holocaustum esse obtulurum, quod sibi e parva victoria revertenti primum occurreret. Sic victis hostibus, cum domum rediret, filia unica, quam habebat, ei obviam fit, quæ lata patrem exceptura victorem, cum tympanis & choris granulabunda processerat. Tum *Jephthe* consternatur dolore, confisus vestibus, indicat filie suæ voti necessitatem, cui illa paruit, ac mox non recusavit. Quadraginta duo millia Ephraimitarum, qui in Galaatidem armati irruerant, *Jephthe* cecidit, multique ex his Ephraimitis, sermone prodiit, in Jordanis transitu perierunt, cum vocem *Sichibole*, quæ *Spicam* significat, pronuciare non possent, sed vice illius, *Sichibole* esserent. Per sex annos Principatum tenuit *Jephthe*, obiitque in civitate sua *Galaad*, ubi etiam sepultus est, sicut legere est in libro *Judicum* cap. 12. v. 8. & 9.

D. Ecquid, quaso, mihi narras votum *Jephthe*, quod ei in perpetuum dedecus cessit, sicut docet *S. Thomas*, Angelicus meus Præceptor, 2. 2. Quæst. 88. Art. 2. in Respons. ad secundam objectionem, ubi hac habet: „Quædam vero sunt quidam in se considerata bona (& secundum hoc possunt cadere sub voto) possunt tamen habere malum eventum, in quo non sunt observanda. Sicut accidit in voto *Jephthe*, qui, ut dicitur cap. x. libri *Judicum*: Votum vocit Domino, dicens: Si traderis filios Ammon in manus meas, quicumque primus egressus fuerit de foribus domus meæ, mihi quæ occurrerit revertenti in pace, eum offeram holocaustum Domino. Hoc autem poterat malum eventum habere, si occurreret ei aliquod animal non immolandum, sicut asinus, vel homo: Quod etiam accidit; unde Hieronymus dicit: In votendo fuit stultus, quia discit, cretorem non habuit, & in reddendo impius. Censet itaque *S. Thomas*, votum *Jephthe* fuisse illicitum, temerarium, & iniuriam. At, hinc nascitur haud levis difficultas, quam mihi exinias velim. Si enim *Jephthe* in voto nuncupando fuit imprudens, & in reddendo crudelis, quorum igitur cap. xi. v. 29. libri *Judicum* dicitur, Spiritum Sanctum irruisse super *Jephthe* & Factus est ergo super *Jephthe* Spiritus Domini. Quorum etiam Apostolus *Paulus* cap. xi. v. 32. & 33. Epistolæ

ad

ad Hebræos inter Veteris Testamenti Sanctos recenset *Jephthæ*. Deficiet enim *me*, inquit ille Apostolus, tempus enarrantem de Gedeon, Barac, Samson, *Jephthæ*, David, Samuel &c. Cur, inquam, Scriptura Sacra his encomis celebrat *Jephthæ*, si ejus votum fuit illicitum, crudele, & impium, sicut sentit *S. Thomas*?

M. Non solum censet *S. Thomas*, votum *Jephthæ* fuisse illicitum, temerarium, & impium, sed etiam in hac sententia prævaluerunt Doctores Anglici multi sancti Patres, præsertim *Ambrosius* lib. 3. de Officiis cap. 12. *S. Hieronymus* lib. 1. contra Jovinianum, & Comment. in caput 7. Jeremiz, *S. Augustinus* Quæst. 49. in Judices, *S. Chrysostomus* Homilia xiv. ad Populum Antiochenum, & *Theodoretus* Quæstione 20. in Judices, cujus titulus est: Quamobrem permisit Dominus Deus *maioris filium Jephthæ*? Hi, inquam, sancti Patres clarissime docent, votum *Jephthæ* fuisse illicitum, temerarium, & impium, quia revera *Jephthæ* vovit, se oblaturum in holocaustum, quod ipsi primum occurrisset, idest mactaturum, & in Dei honorem totum igne consumpturum, illaque votum *Jephthæ* in filia sua unigenita crudeliter implevisse mactatione cruenta, quod tamen Deus districe inhibuit lib. Deuteronomii c. 12. v. 31. Ex qua doctrina sanctorum Patrum falsi convincitur opinio quorundam, qui dicebant, *Jephthæ* non implevisse votum suum in filia sua mactatione cruenta, sed dumtaxat immolatione spirituali, hoc est, consecratione perpetue virginitatis. Hæc, inquam, opinio adversatur doctrinæ sanctorum Patrum, quos mox laudavi. Et sane, si spiritualiter dumtaxat immolanda fuisset puella, ut quid *Jephthæ* statim ac vidit filiam suam, prorupit in miserabiles ejulationes, sciditque præ dolore vestimenta sua? ut quid etiam filia *Jephthæ* bimestre tempus, ut ait Scriptura Sacra, a patre suo postulatit ad plangendam cum sodalibus virginitatem suam, quam toto vitæ suæ decursu potuisset? ut quid tandem filiz Israel quotannis convenissent ad planctum solemnem super filia *Jephthæ* quatuor dierum spatium, sicut testantur Sacra Litteræ, nisi filia *Jephthæ* revera fuisset cruenta mactatione a patre suo immolata? Sed, si sit, inquis, cur igitur Scriptura Sacra ait de *Jephthæ*: Factus est super *Jephthæ* Spiritus Domini? Cur etiam Apostolus Paulus Catalogo Sanctorum Veteris Testamenti accenset *Jephthæ*? Huic roræ difficultati sic respondet *S. Thomas* 2.2. Quæstione 88. Art. 2. ad secundam objectionem: Premittitur tamen, inquit Angelicus ille Doctor, quod factus est super eum Spiritus Domini: quia fides & devotio ipsius, ex qua motus est ad votandum, fuit a Spiritu Sancto: Propter quod ponitur in Catalogo Sanctorum, & propter victoriam, quam obtinuit, & quia probabile est, eum panituisse de facto iniquo, quod tamen aliquod bonum figurabat. Et commentario in Epistolam ad Hebræos, idem *S. Thomas* ait: In sacro *Jephthæ* fuit aliquod a Spiritu Sancto scilicet motus ad votandum in generali, quod scilicet immolaret quicquid occurreret sibi immolabile: Aliquid autem ex proprio suo Spiritu, scilicet quod immolaret quod non debuit, & in hoc peccavit, sed post panituit. Falluntur ergo illi

Scriptores, qui dicunt, votum *Jephthæ* fuisse pium & sanctum; vel qui excusant *Jephthæ*, quia hoc votum per ignorantiam, & religionis zelo Deo nuncupavit, & implevit bona fide, putans se hoc voto obstringi, ad filiam, quæ sibi primo occurrerat, immolendam. Verum nulla ignorantia, aut præsternis religionis zelo excusare potest votum *Jephthæ*, quia per illud filiam suam unigenitam Deo mactavit, quod certe jure naturali, divino, & humano, vetitum est.

D. Quis in judicaria Populi Israelitici Præfectura successit *Jephthæ*?

M. In locum defuncti *Jephthæ* successit *Abesun*, Bethleemita, ex Tribu Juda, qui Israelem per septem annos tranquillis temporibus judicavit. Mortuo *Abesun*, & Bethleemi sepulto, successit *Helon*, sen. *Ajalon*, qui per decem annos Populum Israeliticum judicavit. *Ajalon* autem mortuo successit *Abdon*, qui per octo annos Israelæ pacifice rexit: Sed isti tres Judices, qui continuæ serie *Jephthæ* successerunt, nihil memoria dignum, quod Sacra prodât Historia, ediderunt. Hic obiter advertere debes *Pandem Perizoniam* admittere, post mortem Judicis *Abdon* in Republica Hebræorum Anarchiam, seu Interregnum, quod, ut ait, duravit annis circiter quinquaginta. Sed hanc Anarchiam fictitiam plane esse probat altum silentium Scripturæ Sacræ, quæ illius post mortem *Abdonis* nullam prorsus in libro Judicum mentionem facit, atque dumtaxat, Israelitas, post mortem *Abdonis*, ad Idola conversos, & ideo divino destitutos presidio, subiectos fuisse Philistæis, & per quadraginta servitutis annos pœnas perfidiz pendidisse.

D. Quem Ducem suscitavit Deus ad viudicandos a tam longa Philistæorum servitute Israelitas?

M. Deus, ad liberandum populum Israeliticum e diuturna Philistæorum servitute, usus est opera *Samsonis*, cujus ortum Angelus sterili matri nunciavit. Ab infantia Deo consecratus *Samson*, comam aluit, a vino, & cicera, Nazæorum instar, abstinuit. Philistææ mulieris amore captus, eam duxit uxorem, quæ postea ipsum prodidit. Ad miraculum fortis fuit *Samson*, Judex Hebræorum a Deo constitutus, majoraque vere præstavit, quam fabulæ *Herculi* suis commentis affinxerunt. At enim primo, *Samson* obvium habens Leonem, in frustra nudis manibus eum discepit, & post aliquot dies reversus, examen Apum, favumque mellis in ejus ore invenit. Secundo, *Samson*, postquam comperit habuisset, uxorem suam Philistæam, ipso absente, fuisse alteri viro matrimonio copulatam, excanduit, & ut abreptæ uxoris suæ injuriam ulcisceretur, perniciem toti Philistæorum genti hoc pacto molitus est. Trecentis vulpibus (quas per se, & per amicos capere potuit) ardentem lampades earum illigavit caudis, atque agris Philistæorum immisit, indeque magnum excitavit incendium, quod in maturas jam Philistæorum messes, fruges, vineas, oliveta, & in villas ipsas sparsum, ac longe, lateque grassatum est. Hoc, grandi licet Philistæorum exitio, parum se vindicatum ratus *Samson*, urgere omnibus

incommodis prophanam gentem, eique magnas clades inferre non desinebat. Quo factum est, ut Iudæi, compulsi a Philistæis, *Samsonem* vinctum eis tradiderint. Sed traditus, ruptis vinculis, arreptaque asini mandibula, quam casus telum dederat, mille ex hostibus prostravit. Ingravescens autem ætate, cum, post victoriam, ardenti siti cruciaretur, invocato Domino, e dente molari asini, cuius maxillam abiecerat, scaturivit fons, cuius aquis sitim sedavit. Tertio, *Samson*, urbem Gazam ingressus, portis omnibus diligenter obsecratis, ad vincula & necem a Philistæis destinatus, concubia nocte furens, structas sibi a Philistæis insidias maximo robore, & audacia declinavit, portas urbis cum postibus vi avulsas humeris suis imposuit, & in cacumen montis, qui adiacebat vix, Hebronem ducenti, nemine ei resistente auso, detulit. At paulo post *Samson*, vir tantus, & tot palmarum Dux, a villi meretrice, *Dalila*, victus ac subjugatus est: Ea quippe scelerata, & callida meretrix *Samsonem* interrogavit, in quo sita esset tanta, qua pollebatur, fortitudo, cumque *Samson* bis eam, ac tertio delusisset, succubuit tandem illius sortuali importunis precibus, & intempestivis blanditiis, eique per suam infamiam indicavit, se, quamvis capillus esset, semper fortem & invictum fore, relicto crine, inermem, & aliis hominibus parem futurum. Mox dormienti *Samsoni* insidiata meretrix *Dalila*, ejus capillarium abstraxit, eamque Philistæis tradidit. Tum illi effusis oculis, vinctum *Samsonem* in carcerem coniecit. Sed postmodum crescentibus capillis, viribusque recuperatis in locum, in quem Philistæorum Primores omnes, & maxima populi turba convenerant, in pompam productus, ut ei post epulas illuderent, duas columnas, quas utraque manu apprehendit, tam valido impetu concussit ac dejecit, ut tria Philistæorum millia ædificii collabentis ruinæ opprimeret, suo ipse sepultus triumpho. Sic extinctus est *Samson* postquam viginti annis præfuisset Hebræis. Vir sane nunquam laudandus satis, nisi sese libidini vincendum permisisset.

D. Cum nemini liceat sibi conficere necem, iusta mihi superstit ratio dubitandi de æterna salute *Samsonis*, qui mortem sibi intulit, nec ullum edidit penitentiae signum.

M. Dum *Samson* columnas domus concussit, domumque everit, qua se oppressum iri certo prævidebat, omni culpa vacavit, tum quia primo id non fecit *Samson*, ex intentione seipsum occidendi, sed ut Dei, & Populi Israelitici hostes opprimeret, ex quo secuta est mors ipsius, cum aliqui optasset eos perdere, se salvo: Tum quia etiam id non præstitit *Samson* humani furoris, aut desperationis impetu, sed impellente Spiritu Sancto, sicut docet *S. Augustinus* l. 1. *De Civitate Dei* c. 21. his verbis: *Nec Samson aliter excusatur, quod se ipsum cum hostibus, ruina domus oppressit: nisi quia Spiritus lateret hoc iusserat, qui per illum miracula faciebat.* Præterea Apostolus Paulus Epist. ad Hebræos cap. xi. vers. 32. *Samsonem* enumerat inter Sanctos Veteris Testamenti, dicens: *De-*

fecit me tempus errantem de Gedeone, Barak, Samson &c. Porro, si *Samson*, ruina domus se ipsum occidendo peccasset, & in peccato nulla penitentia diluto ex hac vita excessisset, non deberet inter Sanctos habere locum, sed potius inter reprobos enumerandus esset. Non peccavit itaque *Samson*, dum, impellente Spiritu Sancto, adita forti animo spontanea morte, Philistæos, Dei hostes, & Populi Israelitici oppressores, communi secum ruina implicuit, multoque plures interfecit moriens, quam virum occiderat, sicut ait sacer Auctor libri Judicum cap. 16. vers. 30.

D. Quis, mortuo *Samsoni*, rexit Populum Israeliticum, & iudiciariam obtinuit Præfecturam?

M. Putat *Sulpicius Severus* cap. 29. lib. 1. *Historia Sacra*, aut saltem dubitat, num demortuo *Samsoni* successerit *Semiger*, seu *Sangar*. Sic enim habet: *Huic, seu Samsoni, Semiger successit, de quo nihil amplius Scriptura prodidit. Nam neque finem Imperii ejus reperi, & fuisse populum sine Duce invenio. Ideo cum adversus Benjamin Tribum civile bellum fuit, Judas temporarius Dux belli assumptus est. Sed plerique, qui de temporibus scripserunt, annum unum Imperio ejus attribuerunt. Plerique ita eum præterierunt, ut post Samson Eli Sacerdotem subjuxerint. Nos eam rem, ut parum competentem, in medio relinquimus. Et capite sequenti, seu xxx. ejus libri, conceptis verbis *Sulpicius Severus*, asserit, *Semigarem*, seu *Sangarem*, successisse *Samsoni*: Nam, inquit, quum post *Samson* Judicem *Semiger* fuerit &c. Sed narrari vehementer subit, cur *Sulpicius Severus* dicat successorem *Samsonis* fuisse *Sangarem*, cum Sacra Literæ in libro Judicum memorent quidem Judicum aliquem nomine *Sangarem*, sed eum non *Samsoni*, sed *Aod* successisse diserte testentur. Mirum etiam est, quod *Sulpicius Severus* c. 29. l. 1. *Historia Sacra* scripserit, bellum Beniaminiticum, id est, contra Tribum Benjamin, a Tribubus reliquis confectum, ob violatam, & impotentem libidine extinctam juvenem *Levite* uxorem, contigisse post Præfecturam *Samsonis*, cum tamen, sicut antea diximus, flebilis illa Historia uxoris *Levite*, bellum Beniaminiticum, *Miche*, & Danitarum Idololatria, acciderint, antequam Populus Israeliticus haberet Iudices, hoc est, tempore Anarchiæ, seu Interregni sex annorum, quod fuit post obitum *Caleb*, & seniorum *Juda*, qui in regimine Reipublicæ Hebræorum succellerunt *Jafse*. Fateor quidem, tam bellum Beniaminiticum, quam alia facta historica narrari in quinque postremis libri Judicum capitibus post mortem *Samsonis*, id, inquam, ultro fateor, sed id consulto a sacro libri Judicum Auctore factum esse censeo, quippe qui, ne Judicum Gesta, quæ in primis scribenda sibi sumpterat, interromperet, bellum Beniaminiticum, & quædam alia facta historica in quinque posterioribus ejusdem libri capitibus, post obitum *Samsonis*, descripsit, quæ tamen ante *Samsonis* obitum revera contigerant. Sed redeamus ad seriem illorum Judicum, qui post obitum *Samsonis*,*

fovis, Populum Israeliticum rexerunt. Defuncto *Samsone*, Juxta Populi Israelitici, constitutus est *Heli*, Summus Pontifex, non ex *Eleazar*, primogenito *Aaronis*, sed ex *Ithamar* genus ducens. Eo gubernante, calamitosissimus fuit Republicae Israeliticae status, jamque periclitari videbatur, nisi Deus *Samuelem*, patre *Elcana* de Tribu Levi gentium, & *Anna* matris sterilis ardentibus votis ac precibus concessisset. A pueritia Deo consecratus est *Samuel*, & disciplinae *Heli*, Sacerdotis, traditus, qui, postquam adoleverisset, noctu quater a Deo vocatus, iussus est ut sententiam in *Heli*, domumque ejus latam, ob crimina filiorum ejus, nimiamque patris erga eos indulgentiam, illi suo nomine denunciat. Deo morem acturum gessit *Samuel*, adiit *Heli*, eique divinam increpationem, minas, & proximam totius ipsius familiae cladem, ut audierat a Domino, indicat, totque malorum causam aperit, improbatum videlicet filiorum ejus, *Ophnis*, & *Phinees*, qui patris auctoritate abutentes, ejusque Sacerdotium in turpem quæstum vertentes, & munera a sacrificantibus exigentes, avertēbant religiosos homines a Templo, rebusque sacris, & pietatem, quam in primis fovere debebant, extinguēbant. Erant insuper *Ophnis*, & *Phinees*, viri libidinosi, suo, suorumque sacrilegio infames, qui, depolito omni pudore, effraus obsequium, promiscuis adulteriis cum matronis ad osium Tabernaculi exubantibus, sese conspurcabant. Erant denique contumaces in patrem suum *Heli*, qui eos identidem verbis increpabat, sed lenius quam eorum culpa, & Summi Judicis, atque Pontificis auctoritas exigebat. Terribilis illius Oraculi, quod *Samuel* nomine Dei significavit *Heli*, veritatem probavit eventus. Israelitæ quippe duplici praelio ad triginta quatuor millia virorum caesi sunt. Arca, quæ & Tabernaculum in castra fuerat delata, ab hostibus capta est. *Ophnis*, & *Phinees*, Sacerdotes, & filii *Heli*, occisi sunt, tamque terribili nuntio percussus *Heli*, de sede retrorsum lapsus, fracta cervice, occubuit anno ætatis suæ novagesimo octavo, judicariæ vero suæ Præfeturæ anno quadragésimo. Denique, Nurus *Heli*, uxor *Phinees*, filium *Ichabodem* immaturo partu enixa, e vivis consensum rapta est, sicque tota *Heli* familia luctu, nebulisque fuit completa. Philistæi, parva victoria, Arcam Dei, quæ in eorum potestatem venerat, oppido Azoto in Templum *Dagon*, juxta Idolum, intulerunt, velut spoliū talio Numini sacrum. Sed (verbis ut *Sulpitii Severi* cap. 31. lib. 1. *Historie Sacre*) simulacrum, Dæmoni dicatum, ubi Arca illata est, corruit, cumque Idolum loco restituisent, nocte infecta discerpitum est. Inde mures per omnem regionem exorti, noxiis moribus multa hominum millia letho dabant. Quo malo compulsi Azotii, Arcam Dei ad Gethæas transtulerunt. Qui cum simili clade afficerentur, in oppidum Acalonenſium transfugerunt. His vero, advocatis gentis ejus primoribus, consilium fuit, & Arcam Domini Hebræis reddere. Ita ex sententia Principum, Augurumque, & Sacerdotum,

Hist. Vet. Test. Tom. II.

imposita vehiculo, multis cum muneribus remittitur. Illud memorabile, quod cum oneri boves feminas subjecissent, vituloque earum domi retinuisſent, iter, nullo dūce in Judæam pecudes direxerunt, non revocante affectu foetus relicti: cujus rei miraculo Reguli Allophylorum asque in fines Hebræorum Arcam fecuti religiosum officium præstiterunt. Judæi autem, ubi Arcam referri viderant, certatim ex oppido Bethſanis cum gaudio obviam ire, festinare, exultare, grates Domino referre. Ad urbem *Bethſanem*, quæ erat urbs Levitica, semel apudſa Arca Domini, incredibile illud gaudium, quo illius urbis incolæ, seu Bethſamitæ, eam venientem exceperant, mox in luctum convertum est. Cum enim Bethſamitæ audaciam illam inspicerent, & fortassis parum sancte manibus contrectare præsumerent (quod Deus non solum plebei, sed & Levitis districtè cap. 4. v. 20. libri Numerorum sub pœna mortis vetuerat) statim septuaginta viri ex Primoribus, quinquaginta vero millia ex plebeiis, vindicte Deo perierunt, sicut legitur cap. 6. v. 19. lib. 1. Regum. Ea subitanea, & inopinata clade vehementer terri Bethſamitæ, Arcam in oppidum *Cariatathurim* miserunt, ubi posita est in domo *Ahimadab* in Gabaa, ibique per annos viginti fuit. Dum *Samuel* summa viginti judicii administrandis, & regende Republice totus post obitum *Heli* incumbere, atque in proligandis Israelitarum hostibus omnem operam, & industriam poneret, Populus Israeliticus, ab eo, quem jam tenuisse videbant, postularunt Regem, qui aliarum Gentium instar, ipsum belli, pacisque temporibus regeret. Nihil intentatum reliquit *Samuel*, ut Israelitas a tam pravo consilio abduceret, Deique justis ejus dominationem regiam, & superba imperia exposuit, libertatem extulit, servitutem detestatus est; postremo, divinam eis iram denunciavit, si Deum Regem habentes, vellent non sine exemplo amentia libertatem servitio mutare, siquæ ex hominibus flagitare Regem, qui potestatem in licentiam quidvis pro arbitrio suo agendi, & dominium in tyrannidem verteret. Sed laudis cecinit *Samuel*, nec dictis suis potuit Israelitas ab infana petitione Regem habendi deterere. Quapropter, in sententia perseverantibus Israelitis, eorum responsum referenti *Samueli* jussit Deus, ut eorum desiderio annueret. Respondeat illis crearet. Deo jussu statim obtemperavit *Samuel*, primumque Israelitarum Regem creavit & unxit *Saul*em, filium *Cis*, de Tribu *Beniamin*, tuncque cessavit apud Israelitas judiciaria Præfectura, & Republice Hebræorum status, qui sub *Moyse*, *Josue*, & *Judicibus*, fuerat Aristocraticus, mutatus est in Monarchicum. Sed antequam *Saulis*, primi Israelitarum Regis, gesta hic describam, necesse est, ut paucis referam historiam *Ruth*, quæ (ut legitur in sacro libro *Ruth* cap. 1. v. 1.) incidit in tempora Judicum, quamvis sub quo Judice contigerit, sit omnino incertum. Sic autem se habet Historia *Ruth*. Orta fæne in terra Israelis, *Elimelech*, Bethlehem de Tribu Juda, una cum uxore *Noemi*, ac duobus filiis *Mahalon*, & *Chelione*, in Moabitidem profectus est, cumque

H 5

ibi

ibi extremum diem obiisset, filii ejus uxores Moabitidas duxerunt, quarum uni nomen erat *Orpha*, altera appellabatur *Ruth*: utroque abique liberis extincto, *Noemi* rediit in patriam cum *Rutha*, Nuru sua, vidua *Mahalonis*, quæ cultum veri Dei amplexa est, *Orpha* vero ad Idolorum cultum reverfa. *Booz*, filius *Salomonis ex Rahab*, meretrice Jericunthina, vidit *Rutham* in agris suis spicas colligentem, eique non solum liberum permisit spicilegium, sed multas eam beneficiis cumulavit, cumque esset *Elimechi* consanguineus, & aliunde vir dives ac potens, cognita virtute & probitate *Rutha*, eam jure propinquitatis, alio propinquiore reculante, servatis Legis, & avitæ consuetudinis ritibus, uxorem duxit, & ex ea genuit *Obed*, ex quo natus est *Isai*, sive *Jesse*, pater *Davidis*, Regis Juda. Habes summam peritricam histociam *Ruthæ*, quæ, ut jam diximus, contigit sub uno Judicum, quoque in sacro libro *Ruth* narratur quatuor capitibus comprehensa.

D. Gestio nunc audire ea, quæ in suo regimine gessit *Saul*, quem *Samuel* creavit & inauguravit primum Israelitarum Regem.

M. *Saulem*, virum præstanti forma & Imperio digna prædium, modestum, juxta ac bellicolum, a *Samuele* Regem declaratum, Populus Israeliticus pronis animis veneratur est, & una voce proclamavit: *Vivat Rex*. Præclara fuerunt Regni *Saulis* exordia. At enim, post mensem a sua inauguratione, urbem *Laber* in Galaad, quam *Naas*, Rex Ammonitarum, obsidebat, ducto Israelitarum exercitu liberavit, & Ammonitas profligavit. Præterea, *Saul* Amalecitas & Philistæos, Ammonitas, & Idumæos, Hebræorum hostes insensissimos, magnis cladibus attrivit. Disciplina militaris adeo rigidus cultor fuit *Saul*, ut parum abfuerit, quin *Jonathanem*, filium suum, morti addiderit. Præceperat quippe *Saul*, ne quis, nisi confectis ac inernecione deletis hostibus, cibum caperet. At, *Jonathas*, filius *Saulis*, qui adversus Philistæos strenue pugnaverat, inficiis Regii Edicti, paululum molliis, favo in memore reperto, tincto spiculo, degustavit, indeque mortis discrimen subiit. Sed populus egregium hunc Principem, quem in oculis ferebat, liberavit, & ab imminenti exitio vindicavit. Fortunata ista Regni sui initia haud parum deturpavit *Saul*, siquæ, ob duplicem præsertim causam, a Deo reprobatus, ejusque familia & Regni successione exclusa. Primo, quod *Saul*, contra Dei hostes prælium conferturus, Sacrificium contra ipsius Dei Mandata intempestive obtulisset, inconsulto & inexpectato *Samuele*, cujus nutu & consilio illum dirigi Deus volebat. Secundo, quia Rex *Saul*, a Domino per *Samuelem* jussus, ut Amalecitas omnes ad unum interfectione deleteret, addito interdicto, ne quid ex spoliis devictorum, & ex eorum gregibus & bonis conciperet, nedom retineret, *Saul* tamen, divini præcepti immemor, *Agag*, capto Amalecitarum Regi, pepercit, optimoque egressu servari, & in prædam ferri imperavit. A Deo itaque reprobo *Saul*, Rege, & pascuis vocatus *David*, filius *Isai*, de Tribu Juda, innatus est a *Samuele* in Regem, infans *Saul*. Bello a Philistæis impetitum Rempublicam Hebræo-

rum egregie sustentavit, fulcivitque *David* adhuc adolescens. Cum *Goliath*, Viro inter Philistæos miræ magnitudinis & roboris, virga tantum, & lapidibus sumptis, in prælium processit, primoque ictu misso funda lapide giganteum illum percussit, prostravit, ejus caput & spolia ovans abstulit, illiusque gladium in Templo appendit, ut esset memorabilis istius facinoris monumentum. Urbem etiam *Ceila* ab obsidione Philistinorum liberavit *David*. Quibus militiæ rudimentis & suavisimis moribus ita Regis *Saulis* benevolentiam sibi conciliavit, ut *Micholem*, filiam *Saulis*, in matrimonium acceperit. Sed mox *Saul* amorem suum in odium, invidiamque vertit, tantoque livoris æstu in *Davidem*, generum suum, percitus est, ut eum ad necem sæpius quaesierit, ipse vero *David*, ut periclitanti vitæ suæ consuleret, coheretur per desertæ loca, & per abrupta montium ac speluncas, inslar fera, captare latebras, ut socii sui, hostiliter illum insequentes conatus, sedulitatemque eluderet. Actum profecto, ac penitus de vita *Davidis* conclamatum fuisset, nisi *Micholis*, ipsius uxoris, industrius amor; *Jonathas*, Principis, filii *Saulis*, fidelis & constans amicitia; *Achimelech*, Sacerdotis, qui *Davidem*, fame laborantem, panibus propositionis refecit, charitas; *Davidis* ipsius coram *Abis*, Gethæorum Rege, infaniam simulantis summa prudentia; *Abigailis*, uxoris *Nabal*, beneficentia, salutem illius maximo in discrimine positam, Deo ita providente, collocasset in tuto. Sed his *Davidis* calamitatibus finem tandem imposuit Deus, morte Regis *Saulis*, acerrimi illius infestatoris. Videns enim *Saul* in separata formidolosa Philistinorum castra, jamque inslare prælium, consuluit timore percussus Dominum, qui tamen ei non respondit sive per somnia, sive per Sacerdotes, sive per Prophetas. Qua repulsa irritatus *Saul*, & ad desperationem adactus, vocavit, & consuluit Pythonissam, seu mulierem, quæ Pythonem, seu Demonem, familiarem habebat. Petiit ergo *Saul* ab hac muliere, ut suscitaret sibi *Samuelem*, a quo sciscitari posset, quid sibi, ad has extremas redacto angustias, facto opus esset? Dicto audiens hæc mulier suscitavit *Samuelem*, qui *Saul* prædixit, illum postero die cum filio suo *Jonathan* a Philistæis victum, in prælio occisum iri, ejusque Regnum *David* datum iri. Quod ita evenit, nam Philistæi, castris in hostili solo positis, fessero die aciem instruunt, confertoque prælio, Hebræi in fugam versi, non imperia exequi, non ordines observare, omne præsidium in pedibus habere. Filii Regis *Saulis* ceciderunt in prælio, *Saul* vero, equo delapsus, ne vivus in potestatem hostium veniret, gladio suo incumbens, mortem sibi intulit. De anni administrati a *Saul* Regni, Commentatores & Chronologi variant linguis & sententiis. Annos quadraginta *Saul* tribuit S. *Paulus* Actorum c. 13. Communis tamen & probabilior opinio est, illis quadraginta annis contineri etiam *Samuelis* annos ante *Saulis* Principatum, in quam sententiam lubens ipse descendit, ut constabit ex ea, quam mox texam, serie annorum, qui a professione Israelitarum ex Agypto usque ad quartum Regni *Salomonis* annum, hoc est, usque ad confir-

Etio-

tionem Templi Hierosolymitani, interfluxerunt.

D. Fuitne *David*, mortuo *Saul*, Rex ab omnibus Israelitarum Tribubus salutarus?

M. Statim ac *David*, qui erat in Terra Philistinorum, compertum habuisset, Regem *Saul*em, ejusque filium *Jonathanem* e vivis excessisse, eorum necem, miro pietatis exemplo, lacrymis & luctu profecutus est. Dein, descendit Hebrone, ubi solemni ritu, & frequentibus comitiis, iterum Rex inunctus est. At, dum *David* in Hebrone inaugurabatur Rex, *Libofetbus*, filium *Saulis*, in urbe *Manabim* trans Jordanem apud Galaaditas Regem consecrandum curavit *Aber*, qui magister militie *Saulis* Regis antehac fuerat. Sed *Libofetbus* octavo Regni sui anno insidiis appetitus, & domi suae per lummum scelus a sicario oppressus, solidam *Davidi* totius Regni possessionem reliquit. Tunc enim duodecim Tribus, & Seniores *Israël* ad *David*em, qui erat in Hebrone, venerunt, & facta ipsi deditione, tertio unctum, super totum *Israël* Regem constituerunt. Univerfo itaque *Israelitico* Imperio potius *David*, in ejus administratione praeclare se gessit. Nam primo, relicto Hebrone, Hierosolymam armata manu contendit, arcem *Sionis*, quam occupabant *Jebusici*, invasit, & profugatis *Jebusis*, in Hierosolymorum urbe, quam, multis auctam aedificiis, Civitatem *David* appellavit, Regni sui sedem collocavit. Posthac, variis contra hostes Dei bellis implicitus *David*, insignes de illis victorias reportavit, & Regni *Israelitarum* fines ad Euphratem usque propagavit. Philistaeos domuit, Idumaeos, & Amalecitas subjugavit, Moabitas, & Ammonitas expugnavit, Syriam subegit, ei stipendium imposuit, immensasque auri, & aeris copias ac praeda retulit. Haec & alia id genus fuerunt *Davidis* Regis bellicae virtutis nulla unquam delenda oblivione monumenta; quibus tamen longe praeposenda esse duco ea, quae *David* Rex dedit eximie pietatis specimina, inter quae Scriptura Sacra potissimum narrat translationem Arcis Domini, quae in oppido *Cariathiarim*, ut supra observavimus, erat, Arcam, inquam, Domini in Arcem *Sion* solemni ac religioso ritu transfudit *David*, & in novo Tabernaculo, quod ei paraverat, deposuit. Hanc Arcis translationem Deus stupendo prodigio commendavit. Cum enim boves, trahentes plaustrum, cui imposta erat Arca, calcitrantes vidisset *Oza*, filius *Ahinadab*, ac subinde Arcam vacillantem, manum admovit, ut eam sublevaret, subita morte extinctus est, non quod Levita non esset, sicut perperam quidam asserunt, sed quia, ut censet *Theodoretus* Quaestione XIX. in librum II. Regum, *Oza*, qui Arcam humeris suis ex precepto Legis portare debuisset, eam, Philistaeos, Alienigenas, qui Legem non noverant, imitatus, plaustrum vehendam imposuit. Cum Templum Domino aedificare *David* in animo haberet, summoque *Nathan*i, Prophetae, consilium aperuisset, hoc divinum accepit responsum, non ab ipso, gerendis bellis iam pridem assuetum, multique sanguinis effusore, sed a filio pacifico *Salomone*, ei nascituro, sacrum illud opus perfectum iri. At, *David*, si-

cut admiranda invictus suus in bello fortitudinis, & eximius in Religione pietatis in Deum supra omnes Reges specimina exhibuit, ita deploranda infirmitas humanae reliquit exempla. Dum enim Hierosolymis otio frueretur, vidit *Urie*, Hethiti, conjugem, insignis pulchritudinis feminum, cui nomen *Bersabea*, sese in balneo lavantem, ejusque impudico amore subito correptus, accersitam adulterio polluit. Porro, *Davidis* adulterium quae circumstantiae peculiariter exagrerat? Primo, quod Rex ille domi haberet uxorum greges & concubinarum, & tamen non ex inopia, sed ex lascivia concupivit alienam, ut raptio potius, quam stupro delectari visus sit. Neque enim par crimen est ejus, qui coactus egellat lussuratur aliquid diviti; & ejus, qui domi opulentus, tenuem & miserum veste unica, quam habet, spoliat. Hanc criminis atrocitatem *Davidi* inestit *Nathan*, Propheta, ad illum missus a Deo, sub parabola divitis raptoris, & pauperis spoliati. Secundo, *David* adunxit adulterio homicidium *Urie*, mariti *Bersabea*, quod quidem homicidium eo immanius fuit, quod non casu, aut subita animi commotione, sed destinato consilio, data opera, & capta opportunitate a *David*e, Rege, commissum est. Nihil commoverat *Urias*, noverat Rex illum fidelem, & sortem bellatorem, & hac ipsa hominis sinceritate abusus est ad illius exitum. Tradidit *David* epistolam homicidam *Urie*, nihil suspicanti, defendendam ad *Joab*em, Ducem militie, in qua Rex huic Duci precipiebat, ut *Uriam*, iniquo pugnae loco hostibus oppositum, Ammonitarum telis conficiendum curaret. Votis Regis obtemperavit *Joab*, sed, ut lateret fraus, conspures generosi exercitus milites in discrimen mortis vocati sunt, magna vis hominum jaculis hostium obiecta est, ut unus innocens interimeretur, Regis libidini locus datus. Viden, quantum in uno *Davidis* crimine insit criminum? Tanti sceleris atrocitatem, per Prophetam *Nathanem* admonitus *David*, ultro agnovit, dicens: *Peccavi Domino*, & lacrymis perfusus, cordeque contrito, culpam delicti sui obliteravit (dicente ei Propheta *Nathane*: *Transfudit Deus Peccatum tuum*) sed non evasit poenam temporaneam, quam Deus, justus scelerum vindex, ei inflicturnus erat, quamque poenitens *David* aequa, sibi quae semper constanti vitae ratione, multiplicem tulit. Prima poena fuit, ut puer, quem ex furtivo concubitu, seu ex adulterio cum *Bersabea* susceperat *David*, recens natus, interiret, tamen pueruli illius salutem, & vitam precibus, jejunio, lacrymis, cilicio, ardentissimis votis a Deo, vitae & necis arbitrio, flagitasset, sed frustra. Alteram poenam subiit *David*, praecedenti longe acerbiorum, quippe quae familiaris ejus lacrymis, cadibusque permiscuit. Habebat *David* filium primogenitum, dictum *Amnonem*, qui forem suam *Thamar*em puellam formosissimam, impotenti libidine deperibat, cujus ut amplexibus frueretur, de industria simulavit, tantam sibi inesse omnium ciborum nauseam, ut nullis cibis uti posset, nisi sororis suae *Thamar*is manibus preparatis. Nihil fraudis suspicatus *David*, pater ipse, annuit ejus votis, permittitque, ut *Thamar* inviseret fratrem suum, eique cibos

cibos coqueret ac pararet. At solam, venientem *Thamar*, eamque ab arbitris remotam nactus in cubiculo suo *Ammon* desloravit, ac constupravit. Quo turpi dedecore consternata *Thamar*, festina, lachrymisque perfusa accurrit ad alium fratrem suum, dictum *Abulonem*, eumque ad ultionem stimulat. Per biennium quiescit *Abulon* opportunam vindictæ occasionem; ac tandem invitavit *Ammonem* ad convivium, in quo, postquam conviva omnes incaluit mero, multis vulneribus confosus *Ammon* perit: suæque morte, & stupro, quod forori suæ *Thamar* intulerat, totam *Davidis* Regis patris sui familiam funestavit. Hanc domesticam in familia *Davidis* Regis calamitatem alia luctuosior excepit, quæ *Davidem* in extremum discrimen adduxit, eumque e folio tantum non deturbavit. Istius sequentis in familia *Davidis* Regis domesticæ calamitatis auctor fuit alter illius Regis filius, videlicet *Abulon*, fratricida, & optimo parenti suo perduellis. Ille quippe, postquam populum arte & adulatione sibi conciliaisset, *Davidem*, patrem suum, Hierosolymis & Regno expulit, Regiam occupavit, sedissimum stupro & culeo digno, paternas concubinas polluit. Sed paulo post in prælio victus, dum, mulo insidens, præcipitem arripit fugam, caput suum inter patulæ ac condensæ quercus ramos inseruit, iisq; cæsariem suam, seu magnos & fluentes capillos, quos ad decorem gerebat, ita implicuit, ut elabente mulo, quo vehebatur, suspensus hæserit cælum inter & terram medius. Hoc pacto hærentem *Abulonem* triplici iaculo confodit *Ioab*, Dux Davidici exercitus, huncque dagenerem filium, qui impia arma contra patrem susulerat, & per tot scelera rebellionis vexillum erexerat, trucidavit. Hanc tamen cruentam de filio suo *Abulone* reportatam victoriam luxit impensus *David*, Rex, tanta videlicet in eo erat paterna pietas, ut etiam paricidam filium & vivis sublatum esse vehementer indoleret. Ad has domesticas Davidicæ familie calamitates, novum accessit flagitium, quo Deus *Davidem* Regem castigavit. Cum enim *David*, ambitione incitatus, universi populi censum ad metiendas imperii vires institueret, & a *Ioab*, militiæ Magistro, decies centena, & trecenta civium millia dinumerata esset, Deus per *Gadem*, Prophetam, triplicem *Davidi* denunciavit penam, scilicet famem, bellum, & pestilentiam, desitque arbitrium unam ex his eligendi. Postquam *David* Rex elegit, momentoque temporis septuaginta milia virorum interierunt, multoque maiorem frangem edidisset Angelus, nisi *David* veniam a Deo precatus, se vivum pro toto populo penæ obiectisset, dicendo, se solum esse dignum exitio, quia peccasset: Ego sum, inquit, qui peccavi, ego inique egi: Illi, qui oves sunt, quid fecerunt? Veritatem, obsecro, manus tua contra me. Hac supplicatione *David* iram Dei placavit, & eo in loco, ubi viderat Angelum in vagina gladium recondentem, acram Domino statuit, eique in gratiarum actionem obtulit Sacrificium. Hæ sunt in summa penæ & calamitates, quas Deus *Davidi* ob ejus adulterium & homicidium inflixit, ut locum, & tempus ei daret culpam admissam cognoscendi, eamque diuturna, laboriosa, ac sincera poeniten-

tia eluendi. In his porro conliginatis penis ac calamitatibus tutum sese Dei arbitrio permisit *David*, ejusque manum ac iustitiam agnoscens prono capite adoravit. Hinc *David*, dum adversus illum rebellante *Abulone*, filio suo, fugeret, & in *Semai*, virum maledicum, a quo per summam injuriam calumniis, maledictis, quin & lapidibus fuit impetitus, incidisset, non solum non respondit, sed *Semai* convicta ad sui castigationem, & executionem fuisse a Deo ordinata falsus est, prohibuitque *Abisai*, qui illius blateronis volebat jugulum, unde tot convicta in Regem erupant, secare, nevim ei inferret: *Dimitte eum*, inquit, ut maledictus juxta præceptum Domini: si forte respiciat Dominus afflictionem meam, & reddat mihi Dominus bonum pro maledictione hodierna (lib. 2. Regum c. 16.)

D. Composuit *David* tempore, quo poenitentiam egit, centum & quinquaginta illos Psalmos, quos in sacro Psalmorum Libro comprehensos habemus?

M. Sancti Pater, *Hilarius* Prologo in Psalmos, & *Hieronymus* in Epistola ad *Sophranum* centum & quinquaginta illos Psalmos non uni *Davidi* adscribendos esse docent, quorum sententiam, ut pote probabiliorē, amplector: Tum quia *Davidem* non esse auctorem centum & quinquaginta Psalmorum liquet ex ipsis Psalmorum titulis, quibus eorum auctores indicantur, nimirum *Asaph*, *Heman*, *Idithum*, *Cora*, & filii ejus, quo Scriptura Sacra lib. 1. Paralipomenon c. 25. Prophetas appellat: Tum quia etiam sunt quidam Psalmi, qui ad Tempora *Davidis*, Regis, nullo pacto referri possunt? Ex. Gr. Psalm. 136. *Super flumina Babylonis illic sedimus & strevimus, cum recordaremur Sion*; hunc etenim Psalmum tempore, quo Judei in captivitatem Babylonicam abducti sunt, ac subinde longe post *Davidis* obitum fuisse conscriptum, unicuique pervium est. Similiter Psalm. 125. *In conversando Dominus captivitatem Sion*, &c. editus est post solutam captivitatem Babylonicam, adeoque ad *Davidem* pertinere haud potest. Ceterum, quamvis *David* non omnes centum & quinquaginta Psalmorum composuerit, sacer tamen Psalmorum liber nomine *Davidis* insignitur, tum quia præcipuum lib. Psalmorum partem condidit, tum quia etiam in delectu Hymnorum, in novorum adjectione, in musicis Instrumentis, & in Cantorum dispositione primas partes habuit *David*, Rex, & ingenis illius cura emicuit. Hinc ab ejus nomine tota Psalmorum congeries nomenclaturam accepit. Observare tamen debes, in dispositione centum & quinquaginta Psalmorum, qui sacro Psalmorum Libro continentur, non servari ordinem temporum. Nam Psalmus, qui nunc ordine tertius est, quique sic incipit: *Domine quid multiplicati sunt, qui tribulant me*, &c. scriptus fuit, quando *David* rebellem filium suum *Abulonem* fugiebat. Psalmus etiam, qui nunc est ordine quinquagesimus, quique incipit his verbis: *Miserere mei Deus secundum magnam misericordiam tuam*, &c. multo ante fuit editus, quando videlicet *David* de adulterio & homicidio nomine Dei a Propheta *Nathane* increpitus, facti poenitens, resipuit, & iniecit. Psalmus quoque centesimus quadragessimus primus, qui his verbis aspicatur: *Vox mea ad Dominum clamavi*, &c.

Præcepit tempore utrumque mox laudatum Psalmum. Fuit enim a *David* compositus, quando, ob *Saulis*, Regis, metum, in spelunca delitescere. Psalmus pariter centesimus quadragesimus tertius præcepit tempore tres illos jam citatos *David*. Scriptus quippe est post reportatam a *David*, dum adhuc adolescens esset, celebrem de gigante *Goliath*, Philisthæo, victoriam. Denique, Psalmus septuagesimus primus, qui incipit his verbis: *Deus iudicium tuum Regi dæ*, &c. revera ordine temporis est omnium Psalmorum *Davidis* ultimus, ut pote ab ipso exaratus, in gratiam filii sui *Salomonis*, jam regnare incipientis. Hinc ad calcem istius Psalmi hæc adiunguntur verba: *Descendens laudes David, filii Jesse*. In his autem Psalmis, quos composuit *David*, Rex, manifesto apparet, eum Prophetiæ munere fuisse insignem, divinitusque afflatum. Multa quidem in his variatissima est, quæ diuturnum post tempus fuerunt ad amissam completa, videlicet futurum Jesu Christi Regnum; ejus generationem cum æternam, tum temporalem; illius Sacerdotium, Sacrificium, mortis ipsius circumstantias, Resurrectionem & Ascensionem. Uno verbo, Mysterium Incarnationis Jesu Christi, totiusque illius vite œconomiam prænuntiavit. Vates ille Regius graphicque descripsit. Vivis etiam coloribus, styli sublimitate, grataque figurarum omnium varietate expressit futuram vocationem Gentium, rejectionem Judæorum, & Ecclesiæ Christi per totum, quæ late patet, Orbem propagationem. Quæ omnia legenti Psalmos passim obvia sunt, palamque evincunt, librum Psalmorum nihil aliud esse, quam formati quamdam, & apparatus Novi Testamenti, sicut Sole clarius ostendunt Meldenium Episcopum *Jacobus Benignus Bossuet*, & Abrincensium Antistes *Daniel Huetius*, qui duo Auctores, omni exceptione majores, magna cum eruditionis laude, & majori cum Ecclesiæ utilitate in hoc argumento versati sunt. Diris ergo deoveri debet error Nicolaitarum, Gnosticorum & Manichæorum, quos (sicut ex *Philastro* in libro de *Heresibus*, refert noster *Sextus Sæpissus* lib. 8. Bibliothecæ) eludere non potuit, librum Psalmorum abique ullo Spiritus Sancti afflatu fuisse conscriptum, & præter quasdam humanarum secularium Poetarum cantilenas, nihil aliud continere. In hunc pestilentem illorum Hæreticorum errorem impigisse *Paulum Samosatenum*, *Theodorum Mopsuestenum*, in quinta Synodo Generali anathemate perculum, & Anabaptistas, testatur noster jam laudatus *Sixtus Senensis*. Nec solum *David* in his, quos conamnavit, Psalmis, Prophetiæ dono fuit illustratus, sed etiam toto vite suæ curriculo rebus gestis Christum Jesum prænuntiavit, ejusque expressum typum gessit.

D. Oſtende, quæſo, quo pacto *David* typum gesserit Jesu Christi, Salvatoris nostri?

M. Multis rebus gestis *David* gessit personam Jesu Christi. In primis, *David* & Bethleem oriundus est. Jesus Christus itidem Bethleem natus est. *David* adversus *Goliathum* singulari inito certamine, Populum Israeliticum jingo Philistæorum ex-

mit: Petinde Jesus Christus, expugnato Diaboli Imperio, humanum genus in libertatem filiorum Dei restituit. Variis laboribus, angustiis, & persecutionibus *Davidem* exercuit Deus, priusquam illum ad dignitatem regiam eveheret: Jesus Christus, cui Patre cælestis destinaret Regnum Ecclesiæ, quemque unxerat oleo lætitiæ, dum studet humanum genus a tyrannide Diaboli liberare, nullo non genere infidiatum fuit impetitus. Primum, arte, dum tentatur in Deserto, quod idem in *David* molitus est *Saul*. Dein, malitia Scribarum & Phariseorum, qui in perniciem Christi conjurarunt. Præterea, spiritus malus identidem agitabat *Saulen*, cujus furorem, citharam pulsans *David*, emollire ac delinire satagebat, sed nihil proficiebat, immo semper in pejus crescebat ira, quam *Saul* conceperat in *Davidem*; ita non dispari ratione, spiritus malus invasit Scribas, Phariseos, Sacerdotes Synagogæ, & quavis Jesus Christus nihil non egerit, ut furorem hunc ex animis Judæorum eximeret, aut certe mitigaret, nunc blandissime invitans ad salutem, nunc adhortans ad poenitentiam, nunc promittens æternam felicitatem, nunc revincens illos testimoniis, nunc inceperat ac minitans, ni relinquerent; nihil tamen, propter illorum malitiam, profecit Christus Dominus, quin, Judæorum ira sic crevit, ut uno ore adversus Christum clamarent omnes: Tolle, tolle, crucifige eum. Tertio, *Saul* objiciebat *Davidi*, quod esset hostis, quod afflaret Regnum: Pharisei objecerunt Christo, quod abrogaret Legem, quod seduceret populum, quod loqueretur blasphemias. Quarto, *David* Arcam fœderis, a Philistæis captam, e domo *Abinadab* reduxit Hierosolymam: Jesus Christus Ecclesiæ, fracta Diaboli potestate, certis sedibus constituit. Quinto, *David*, post susceptum Regnum, filiorum suorum *Abisalonis*, & *Amnonis* perduellionem, & scelera expertus est: Adversus Jesum Christum, Regem, & Patrem nostrum, nos peccare non desinimus, quos tede-mit sanguine suo. Denique, pacem Deus per *Davidem* indulxit Populo Israelitico, & adversas ipsi Gentes subiecit: Pacis & libertatis, a Deo nobis concessæ, assessor ac sequester nobis est Jesus Christus, cui potestas omnis a Patre tradita est. His rebus gestis *David* gessit personam Jesu Christi, illiusque typum expressit, & ea & causa sæpius Prophetæ ipsum *Davidis* nomen attribuunt Christo Domino, quem venturum Messiam suis Vaticanis prædixerunt.

D. Fuitne diuturnum *Davidis* Regnum?

M. Regnavit *David* quadraginta annis, videlicet septem annis in Hebrone, & triginta tribus Hierosolymis. Paulo antequam moreretur *David*, jamque esset septuagenarius, & adeo effeto corpore, ut pannorum adjectione calefieri hand posset, delecta est ad eum fovendum puella, dicta *Abisag*, sunamites, quam tamen *David* Rex castam & intactam reliquit. *Adonias*, arrepta ex Patris infirmitate occasione, *Joab*, & *Abiatharis* consilio instigatus, Regnum occupat. Quod ubi primum *David* per *Nathaneum* Prophetam, & *Besabeen* relinqueret, incuratpater filium suum *Salomonem*, quem ex *Besabe* suscep-

perat, a *Sadoc*, Sacerdote, *Nathane*, Propheta, & *Banaja*, filio *Josade*, Gibonem perductum, Regem inaugurari iussit. Qua de re certior factus *Adonias*, ad *Aram*, facti ponitens, ut vite sue confuleret, sese recepit, promissoque obsequio, veniam a *Salomone* obtinuit. Migravit e vita *Rex David* anno ætatis sue septuagelimo, ejusque loco regnavit ipsius filius *Salomon*, cujus Imperium sapientia ubique celebre, opibus abundans, ditione potens, & pacis munere fuit fortunatum.

D. Initia Regni *Salomonis* hic debellare sufficiet. Cum enim, *Salomon* anno quarto Regni sui jecerit fundamenta Templi Hierosolymitani, eodemque anno finem habeat sacra Historia quartæ Mundi Ætatis, necesse est, ut rerum, quas *Salomon* a quarto anno Regni sui usque ad obitum suum præclare pergit, remittamus ad Colloqui, quæ, propitio Numine, habituri sumus in Historiam quintæ Mundi Ætatis, quæ auspiciatur a quarto Regni *Salomonis* anno, & protenditur usque ad captivitatem Babyloniam.

M. Statim ac *Salomon*, mortuo *Davide*, Regni habenas moderari cepit, *Adoniam*, fratrem suum, qui in ipsum conjuraverat, de medio tolli iussit. *Josab*, militiæ *Davidis* antehac Dux, qui *Adoniam* conjurationis reus erat, quique sibi metuens ad *Aram* coningerat, iussu ejusdem Regis interfectus est a *Banaja*, filio *Josade*, quem ille sui exercitus Ducem constituit; *Abiatharem*, Sacerdotem, *Adonia* conjurationis idem conficiam, sacerdotio exiit, & in ejus locum succedit *Sadoc*. Morre etiam *Semei*, qui *Davidem* Regem convitiis læcessiverat, multavit *Rex Salomon*, siquæ, sublati omni conjurationis vestigio, tranquillum, & alta pace beatum obtinuit Imperium, & *Pharaonem*, Regis Ægypti, filiam, uxorem duxit. Dedit *Deus Salomoni* in foras optionem petendi quæ vellent. At ipse, caducas res parvi æstimas, sapientiam poposcit, & obtinuit a Deo. Mox excitatus a somno *Salomon*, sapientie, sibi indultæ a Domino, egregium specimen dedit in judicio duarum mulierum, quæ una in domo diverfantes, cum eodem tempore enixæ essent pueros, atque ex his unus post diem tertium nocte extinctus esset, mater defuncti filii, somno alterius insidiata, mortuum filium suum supposuit, & vivum abstulit. Hanc mulierem de puero altercationem ad se delatam, ut dirimeret *Rex Salomon*, divinx sapientie munere jussit, ut infans vivus per medium gladio discinderetur, & utrique ambigenti mulieri pars triberetur. Acquivit quidem huic judicio mulier una; sed illa, quæ erat germana parens, maternis commotis visceribus, necem pueri predeprecata est, maluitque ut infans alteri daretur mulieri vivus, quam si discerneretur. Tunc *Salomon* ex affectu hujus femine hanc vere esse matrem coniecit, puerum ei, cum maxima circumstantium admiratione, adjudicavit. Hujus præclatissimi judicii fama longe lateque diffusa magnam Regi *Salomoni* auctoritatem ac reverentiam apud subditos conciliavit, excitavitque plures vicinarum Gentium Reges, ut cum illo amicitiam, fœdusque inirent, parati imperata facere. (a) Interea, *Salomon*, florens opibus, omnium, qui unquam fuerant, Regum ditissimus,

Jussu Dei, & paratis fuit *Da'vidis* obtemperare, Templum Domini immensi operis Hierosolymis facere aggressus est, & paratis per triennium impendit, anno quarto Regni sui jecit fundamenta augustissimi, toroque Orbe celeberrimi Templi, quod non modo materie magnificentiæ, atque artibus varietate, sed structura elegantissima forma, cetera omnia, quæ postea in orbe Tempia fuerunt edificata, oblocuravit, nullumque unquam habuit secundum. Sed, quia de Templo *Salomonico* jam copius habere sermonem, non abs re erit paucis hic confutare duorum Scriptorum, scilicet *Joannis Marsham* in Canone Chronico, & *Joannis Spenger* lib. 3. *De Legibus Hebræorum Ritualibus* Dissertatione VI. novam & singularem opinionem. Afferunt quippe duo illi Scriptores, rerum novarum, ut sæpius jam in nostris Colloquiis obliervimus, cupidissimi, Deum, intuitu Prophanorum Templorum, quæ Israelitis olim in Ægypto viderant, sese ruditari Gentium, sæculique moribus accommodasse, Judeis fabricam Templi *Salomonici* concessisse, indeque concludunt, Templi *Salomonici* originem nec ad Dei consilium, astitum, & auctoritatem, nec ad *Davidis* & *Salomonis* pietatem esse referendam, sed illam arcessendam ex Ægyptiaca superstitione, vel ex ruditate Gentium, quibus solemne erat Diis suis Tempia consecrare. Sed hoc vanum & insulsum commentum multis momentis refelli potest. Primo, quia Scriptura Sacra diferte asserit, *Salomonem*, jubente Deo, Templum Hierosolymitanum excitasse. Sic enim *Salomon* in literis, quas ad *Hiramum*, Regem Tyri, scripsit, ut ab ipso ligna, ad structuram Templi necessaria, obtineret, effatur: *Quamobrem cogito edificare Templum nomini Dei mei, sicut locutus est Dominus David patri meo, dicens: Filius tuus, quem dabo pro te super solium tuum, ipse edificabit Domum nomini meo*. lib. 3. Regum cap. 5. Idem testatur Scriptura Sacra c. 22. l. 1. *Paralipomenon*. Cum igitur Scriptura Sacra conceptis verbis dicat, *Salomonem* Templi Hierosolymitani fabricam secundum Dei imperium suscepisse ac perfecisse; nemo citra temeritatem, ne quid gravius dicam, affirmare potest, sacrum illud opus æmulatione Ægyptiæ superstitionis, vel ruditaris Gentium prophanorum, seu sæculi morum imitatione fuisse a *Salomone* coeptum atque absolutum. Secundo, si *Salomon* in constructione Templi Hierosolymitani aliquem ad Ægypticam superstitionem, ad ruditatem Gentium, & ad prophanos sæculi mores respectum habuisset, omni procul dubio Deus, Optimus Maximus, qui superstitiones Gentilium, & prophanos sæculi mores vehementer detestatur, hanc *Salomonis* voluntatem gratam minime habuisset, nec ei Templum illud a *Salomone*, ad imitationem prophanorum Templorum extractum, placere illo pacto potuisset; atqui tamen Scriptura Sacra c. 8. lib. 2. Regum ubi Templi *Salomonici* describitur dedicatio, aperte innuit, Deum, absolutam semel Templi fabricam, cum ejus dedicationis solemnem ritu, etque pompa ac inspectante universo populo, ea celebritate fieret, quæ responderet additio, duplici miraculo significasse quænam

quam sibi gratum acceptumque esset sacrum illud opus. Nubes enim, Dei Majestatis index, totam implevit Domum, in qua Deus hoc visibilis signo se singulari quadam ratione praesentem esse testatus est, ut populi sui sacrificia precemque susceperet, suaeque beneficia in Templo isto orantibus conferret. Secundo, ignis de Caelo delapsus parata holocausta, & victimas combussit, ut hoc iudem sensibilis signo ostenderet Deus, quam accepta haberet illa Sacrificia, quae offerebantur in Templo. An, quæso te, ab Ægyptiaca superstitione, & ruditate Gentium, & prophana sæculi consuetudine profectum opus ita Deus praesentia sua cohonestasset, approbasset, & miraculis illustrasset? Tertio, Prophanae Gentes ideo Diis suis Tempia consecrabant, quod putarent, Deos suos ita Templis esse alligatos, ut alibi obturatas aures ad eorum vota haberent, ideoque illos, *si sub axe nudo, & aetherei tegmini invocati fuerint, nihil audire, & nisi de proximo sibi admorentur preces, quantum nihil dicatur, obstruunt atque immobiles stare*, sicut ait ille Ethnicus, quem sic loquentem *Arnobius* libro sexto: introducit. At, Rex Salomon Templum condidit, ut in illud Populus Israeliticus ad Deum colendum & orandum conveniret, non quasi ejus potentia & gratia sacro huic Templo esset alligata, & divina Majestas augustius Sacrae istius Aedis inclusa. Quæ pariter errore prophanae Gentium, quæ opinabantur, suorum Numinum potentiam & gratiam sacris Aedibus, & statuis esse obligatam, abhorrebant quam maxime Israelitæ, qui probe noverant, *Noachum, Abrahamum, Isaacum, Jacobum, Moysen & Davidem, Preces, Vota, Sacrificia Deo obtulisse, & alia Religionis officia in omni loco implevisse, Deumque nec Templo, nec Caelo & Terra, nec roto Orbe capi & circumscribi posse palam protestabantur: Si enim Cælum, & Cæli Cælum se capere non possunt, quanto magis Domus hæc, quam edificavi*, dicebat Domino Salomon, solemnem Templi consecrationem peragens, sicut legitur lib. 3. Regum c. 8. Qua fronte igitur duo jam citari Scriptores *Maribamus, & Spenserus* aucti sunt religiosissimo *Salomoni*, & veris Israelitis, qui, repudiata omni Gentium superstitione, unius veri Dei Majestatem summam, infinitam, immensam, & omnipotentissimam colebant, crassum illum & altitudinem affingere errorem Gentilium, qui tam perverse & indignè de Deo iudicabant, ut illum Templi septis circumscriptum arbitrentur, quem errorem derisive ipse dicitur *Demonax*, Idololatriæ licet cultor, qui sicut refert *Lucianus* in ejus vitæ cuidam ex amicis dicenti: *Abeamus, o Demonax, in Æsculapii Templum, pro filii salutis oraturi, festive respondit: vehementer surdum existimas Æsculapium, si nec istis nos orantes exaudire possit*. Quarto, verosimile non est, Deum, qui Ethnicorum superstitiones averterat, & ab eis Populum Israeliticum multis conditis Legibus avertit, permisisse, ut *Salomon*, Regum sapientissimus, Templum juxta superstitiones Ægyptiacas, & prophanas sæculi mores conderet, in quo divina ipsius Majestas speciatim coheretur. Dicendum

itaque est, *Salomonem* non humano consilio, non arbitrato suo, non ex ruditate Gentium, sed Dei afflatu, nutu, & auctoritate sacri Templi Hierosolymitani extruendi provinciam suscepisse, in quo, sicut divinam decet Majestatem, omnia ad pompam & splendorem magnificentissime erant composita, & in structuræ elegantia materia cum opere, & natura cum arte certare videbantur. Quæ Templi magnificentia, rerumque omnium splendidissimus apparatus amplitudinem, pulchritudinem & gloriam Ecclesie Christi adumbrabant, sicut docent S. *Augustinus* pluribus in locis præsertim lib. 18. *De Civitate Dei* c. 1. *Theodoretus* Quæst. 1. in l. 1. *Paralipomenon*, & *Venerabilis Beda* lib. 2. *De Tabernaculo* cap. 1. Sed de Templo Hierosolymitano a *Salomone* extructo, & de illius Regis rebus præclare gestis, plura, si votis nostris adsipret Deus, dicturi sumus in Colloquiis, quæ habebimus in Historiam quintæ mundi ætatis.

(A) Hanc Salomonis in judiciis ferendis sagacitatem adumbrant Indi illam seu fabellam, seu veram historiam narrantes. Mariadiranem Indorum Rex prudentia, ac sagacitate ceteris omnibus moralibus præstabat, prout hoc specimine demonstratur. Geminae erant mulieres uni eodemque viro nuptæ, quarum altera singulari forma præstabat, sed crebatur filiis; altera vero ingrato aspectu displicebat, sed viro suo filium generat; at nec ita tamen impetrare potuit, ut a viro amaretur, cujus tota dilectio formosæ mulieris adducebatur. Odium hinc in æmulam conceptum, & ultionis consilium agitarum, cujus exsequendi hanc inivit artem. Principio quidem viri contemptum patienter se ferre simulans, nihil sibi deesse ad solarium dictabat, dum filium haberet, quem unice habebat in deliciis. Ita re comparata, dum vir nocte quadam abfuisset, & uxor altera dormiret, infans filii collum vii obtrorsit, ejusque ita interfecti cadaver propellatus fororantis mulieris collocauit, tum demum in speciem dormientis quievit. Summo mane expectata ad amplexum infantis manum porrigere simulans, nec repertum, oculis circum conversis exanimem ad æmulæ latus inruvit est. Opplere domum clamoribus, ejulatibus, accusare alteram ream atrocis delicti, alte inclamare, conviciis, injuriis, querelis illam male habere. Accurrerunt ad strepitum vicinia, totumque demum oppidum, raptaque statim ad iudicum mulieres, quarum ambe altera alteram incolabat. Iudex cernens rem ambiguitatibus intricatam ad nodum resolvendum utendum sibi esse solertia censuit. Quare ad mulieres conversus dixit se tunc veritatem investigaturum, si quæ ex illis totum illum hominum cætum, qui præsens aderat, circuire sufficeret eo gesu corporis facto, & in medio, quem ipse indicavit. Hæc iudicis præpositum cum risu excepra est, statimque se mulier circum misit conficia obtruit ad parendum, nec semel

tantum, sed & quoties Iudex voluisset. Altera vero mulier harrere primum vult esse, tum animo despondere, quod intelligeret, quanto in discrimine versaretur siue pudicitiz, si Iudici pareret, siue mortis, si reculeret. Deinum confirmator facta recuavit se hoc pretio vitam redempturam. Tunc iudex inopinatum sententiam proferens, postremam hanc mulierem insonitem; ream alteram declaravit, obtendens impossibile esse, ut quæ ad delictum vel ipso mortis imminentis metu inclinari non esset passa, ad crimen adeo tetrum, & atrox trahi, quantovis esset in æmulam odio, nequaquam permisisset. Hæc apud Indos fama, quæ si vera est, historia, Salomonis sagacitatem ratam quidem, sed non singularem extitisse demonstrat; si fabella, ad normam iudicii Salomonici confecta videri potest, atque docet Salomonis formam in remotas usque illas regiones penetrasse. Hæc vero hæc ex libro Gallico *Recueil d'Observations sur les Mœurs &c. des Peuples de l'Asie, de l'Afrique, &c. de l'Amerique*, Parisiis edito an. 1749.

D. Satis, opinor, expendimus hæcenus ea, quæ spectant Historiam quartæ Mundi Ætatis. Nunc sub finem Colloquii nostri præstat ut accuratam tradas seriem annorum, qui effluxerunt a professione Israelitarum ex Ægypto, unde incipit quarta Mundi Ætas, usque ad quartum Regni Salomonis annum, quo iacta sunt Templi Hierosolymitani fundamenta, ubi definit quarta ista Mundi Ætas.

M. De annis, qui ab exitu Populi Israelitici ex Ægypto usque ad quartum Regni Salomonis annum effluxerunt, non una est Chronologia peritotum sententia. Alii numerant dumtaxat annos quadringentos octoginta. Quem numerum probare videtur Scriptura Sacra, quæ c. 6. lib. 3. Regum hæc habet: *Factum est ergo, inquit, quadringentesimo & octogesimo anno egredientis filiorum Israel de Terra Ægypti; in anno quarto, mense Zio (ipse est mensis secundus) Regni Salomonis super Israel, edificari cepit domus Domino*. Eundem annorum quadringentorum octoginta numerum ab exitu filiorum Israel ex Ægypto usque ad fabricam Templi Salomonici exhibent omnes Codices sacri Hebræi, Græci, Latini, Syriaci, Arabi. Sunt alii Chronologi, qui annos servitutis Israelitarum seorsim numerantes distinctos ab annis Præfecturæ Iudicum, existimant, multo plures, quam quadringentos & octoginta annos elapsos fuisse ab exitu Israelitarum ex Ægypto usque ad quartum Regni Salomonis annum, quo coepit ædificatio Templi Hierosolymitani. Sed, quia locus Scripturæ Sacræ mox a me citatus prægit epocham quartæ Mundi Ætatis ad annos quadringentos & octoginta ab egressione Israelitarum ex Ægypto usque ad quartum Salomonis annum, ideo isti Chronologi, ut gordium istum nodum dissolvant, ajunt, in caput sextum libri tertii Regum, ubi quartæ Mundi Ætatis Epochæ ad annos quadringentos octoginta restringitur, negligenter Librarium irrepsisse mendum. Sic censent Sulpitius Severus lib. 1. *Historiæ Sacræ*, Carolus Sigonius

in suo Commentario ad hunc Sulpitii Severi locum, *Melchior Canus c. 5. lib. 11. De locis Theologicis*, Ludovicus Capellus in sua *Chronologia Sacra*, & Gerardus Vossius c. 7. *Isagogæ Chronologiæ*. Sed hæc Scriptorum conjectura, ceu vana & temeraria rejici debet, quia nemini fas est quidquam addere, vel demere Scripturæ Sacræ, eamque alicuius mendii, seu vitii infirmulare.

D. Censet igitur, a professione Israelitarum ex Ægypto usque ad quartum Regni Salomonis annum, quo iacta sunt Templi Hierosolymitani fundamenta, effluxisse tantummodo quadringentos & octoginta annos, sicut legitur cap. 6. lib. 3. Regum?

M. Censeo, nullum negligentia Librarium in caput sextum libri 3. Regum irrepsisse mendum, quia Scriptura Sacra eo loci, prætermisiss annis servitutem Israelitarum, percenset dumtaxat annos Præfecturæ Iudicum, indeque juxta accuratum calculum, a professione Israelitarum ex Ægypto usque ad quartum Regni Salomonis annum colligit tantum quadringentorum octoginta annorum summam. At, si, præter annos Præfecturæ Iudicum, numeretur seorsim servitutum & oppressio Israelitarum anni, quos Scriptura Sacra in libro Iudicum distinctim recenset, plane comperitur, ex calculo annorum tam Præfecturæ Iudicum, quam servitutem & oppressionem Israelitarum exurgere summam annorum sexcentorum & sex annorum, qui interfuerunt ab egressione Israelitarum ex Ægypto usque ad quartum Regni Salomonis annum, hoc est, usque ad fabricam Templi Hierosolymitani. Non me latet quidem, plures esse sacre Chronologiæ peritos, qui pertendunt, annos servitutem, & oppressionem Israelitarum promiscue confundi debere cum annis præfecturæ Iudicum, subindeque ab exodo, seu ab exitu filiorum Israel ex Ægypto, usque ad quartum Regni Salomonis annum putari tantum debere annos quadringentos octoginta. Verum, hanc sententiam quamvis probabilem, meo calculo probare haud possum. Primo, quia Scriptura Sacra accurate in libro Iudicum distinguit annos servitutem, seu oppressionem Israelitarum, ab annis Præfecturæ Iudicum, atque tempore oppressionem, seu servitutem Israelitarum, nullam fuisse quietem, sed potius res afflictas, turbatas, & sus duque omnia confusa; quando vero Deus suscitabat Iudices, qui Israelitas e servitute liberabant, toto durante Præfecturæ illorum Iudicum tempore, pace & quiete Israelitas frui esse. Hi igitur Chronographi, qui annos servitutem Israelitarum confundunt cum annis Præfecturæ Iudicum, vim Scripturæ Sacræ in aperta narratione asserunt manifestam, & turbidos atque inquietos annos cum tranquillis & quietis Iudicum annis perpetim confundunt. Præterea, licet Scriptura Sacra cap. 6. lib. 3. Regum numeret dumtaxat annos Præfecturæ Iudicum non computatis annis servitutem Israelitarum, inde tamen falso inferunt, annos servitutem Israelitarum confundi debere cum annis Præfecturæ Iudicum. Ratio in promp-

pta est, quia Scriptura Sacra, ut norunt omnes, aliquando silet alicubi nonnulla, quæ tamen alibi discrete commemorat, sicut Ex. Gr. cap. xi. libri Genes. & cap. i. libri Paralipomenon alto silentio Scriptura Sacra in Editione Vulgata prætermittit generationem *Cainan*, Patriarchæ postdiluviani, quamvis tamen illius Patriarchæ generationis distinctam mentionem faciat cap. 3. Evangelii 5. *Lucæ*, ubi describitur Genealogia Jesu Christi, Salvatoris nostri. Similiter etiam 5. *Matthæi* cap. i. sui Evangelii, texendo stemma ejusdem Domini nostri Jesu Christi, aliquot generationes Regum prætermisit, quarum tamen Scriptura Sacra in libris Regum expresse meminit. Ita non dispari ratione, Scriptura Sacra cap. 6. lib. 3. Regum numerat tantummodo annos Præfecturæ *Judicum*, & omittit annos servitutum, Israelitarum, & juxta hanc calculum, jure optimo Scriptura Sacra eo loci deducit, ab exitu Israelitarum ex *Ægypto* usque ad quartum Regni *Salomonis* annum, summam annorum 480. At, Scriptura Sacra in libro *Judicum* accurate & seorsim annos servitutum Israelitarum distinguit ab annis Præfecturæ *Judicum*, atque ex eo, quem ibidem ponit, calculo coalescit summa sexcentorum & sex annorum, qui excurrunt a protectione Israelitarum ex *Ægypto* usque ad quartum Regni *Salomonis* annum. Denique, non sibi constant isti Chronographi, qui annos servitutum Israelitarum indiscriminatim confundunt cum anni Præfecturæ *Judicum*. Sunt enim inter illos nonnulli, qui aliquarum servitutum Israelitarum annos discernunt ab annis Præfecturæ *Judicum*, cæterarum vero servitutum Israelitarum confundunt cum annis *Judicum*. Quæro igitur ab his Chronographis, ut quid annos quarundam servitutum Israelitarum tam accurate distinguant velint ab annis Præfecturæ *Judicum*, cæterarum vero servitutum Israelitarum annos confundant cum annis Præfecturæ *Judicum*? Quod si causam reddere ne unam quidem idoneam possint, sane aut servitutum quarundam filiorum Israel annos abiciant, & summa erit minor, quam ex sacro *Judicum* libro colligitur, aut omnium servitutum, quibus mancipati fuerunt Israelitæ, annos distinguant, ut par est, ab annis Præfecturæ *Judicum*, & sic annum summa major erit, quadrabitque optime cum sacra Historia libri *Judicum*, ubi omnium servitutum Israelitarum anni perentur, ab annis Præfecturæ *Judicum*, distincti. Obiter tamen advertere debes, doctissimum Abbatem *Paulum Pezronum* cap. 8. libri, cui titulus, est: *Antiquitas temporum restituta*, non solum servitutum Israelitarum annos distinguere ab annis Præfecturæ *Judicum*, verum etiam admittere Anarchias, seu quædam Interregna, quæ putat præcessisse servitutibus Israelitarum, & quorum durationis annos seorsim ab annis servitutum Israelitarum, & annis *Judicum* numerari debere perpendit. Quo fit, ut prædictus Auctor (reclamantibus licet omnibus sacris Codicibus Hebræis & Græcis) numeret ab egressionem Populi Israelitici ex *Ægypto* usque ad quartum Regni *Salomonis* annum, id est, usque ad fabricam Templi Hierosolymitani, summam annorum octingentorum septua-

ginta trium. Sed ipse, tametsi ultro fatear, post mortem *Caleb*, & *Seniorum* extitisse Anarchiam, seu Interregnum sex annorum (in quo, ut superius observavimus, contigit flebilis illa infelicitas Levitæ historia, quæ cap. 19. libri *Judicum* narratur, nec non altera *Miche*, & *Danitarum* historia, quæ refertur cap. 17. & 18. ejusdem libri) existimo, præter illam Anarchiam, seu Interregna præcessisse servitutibus Israelitarum, aut, si quæ præcesserint, brevissima fuisse, cumque tempus illorum Scriptura Sacra in libro *Judicum* non definiat, consultus esse hujusmodi Anarchias, seu Interregna eo temporis intervallo concludere, quod Terræ quieti, seu Præfecturæ *Judicum* assignatur in libro *Judicum*. Idem dicendum puto de Judicatura *Sangari*, quem Scriptura Sacra in libro *Judicum* immediate recenset post *Aod*, qui judicavit Israelem octoginta annis. Nam, cum Scriptura Sacra nullos Judicaturæ *Sangari* attribuat annos, verosimiliter est, breve *Sangari* Judicaturæ tempus comprehendit in annis præcedentibus octoginta Judicaturæ *Aod*, vel in annis servitutis, quæ *Jabin*, Rex Chanaanorum, dicitur oppressisse, post mortem *Judicia Aod*, Israelitas annis viginti.

D. Ut accuratius possum habere computum annorum, qui effluxerunt a protectione Israelitarum ex *Ægypto* usque ad quartum Regni *Salomonis* annum, id est, usque ad fabricam Templi Hierosolymitani, obsecro te, ut hic inferas Tabulam Chronologicam, quæ comprehendat summam annorum tam servitutum Israelitarum, quam Præfecturæ *Judicum*, quos seorsim numerandos esse probabilius arbitraris.

M. Voris tris faciam satis, & accuratam hic attexam Tabulam Chronologicam, quæ comprehendat summam annorum, qui ab egressionem Israelitarum ex *Ægypto* usque ad quartum Regni *Salomonis* annum, seu usque ad fabricam Templi Hierosolymitani Templi, decurrerunt, simulque annos servitutum Israelitarum, distinctos ab annis Præfecturæ *Judicum*, sedulo annotabit, atque cum annis ab Orbe condito connectet.

TABULA CHRONOLOGICA

Sexcentorum & sex annorum, qui in quarta Mundi Etate, hoc est, ab exitu Israelitarum ex Ægypto usque ad quartum Regni Salomonis annum, seu usque ad fabricam Templi Hierosolymitani interfuxerunt.

Moyses, postquam per annos quadraginta Populo Israelitico præfuisse, mortuus est anno ætatis suæ centesimo vigesimo, anno Mundi bis millesimo quingentesimo quinquagesimo tertio. Post egressionem vero Israelitarum ex *Ægypto*, anno quadagesimo.

Josue, post mortem *Mosis*, præfuit sexdecim annis Reipublice Hebræorum, & mortuus est anno Mundi bis millesimo quingentesimo sexagesimo nono.

Post mortem *Josue*, Seniores cum *Caleb* præfuerunt Hebræorum Reipublicæ annis decem, eorum,

eorumque Præfectura desit anno Mundi bis millesimo quingentesimo septuagesimo nono.

Post mortem Seniorum fuit Anarchia, seu Interregnum sex annorum, quod finem habuit anno Mundi bis millesimo quingentesimo octogesimo quinto.

Post illud sex annorum Interregnum, Israelitæ servierunt sub *Chusene*, Rege Mesopotamiæ, annis octo, & hæc servitus finem habuit anno Mundi bis millesimo quingentesimo nonagesimo tertio.

Othoniel, postquam *Chusæum*, Regem Mesopotamiæ, devicisset, judicavit populum annis quadraginta, & vita functus est anno Mundi bis millesimo sexcentesimo trigesimo tertio.

Post mortem *Othonielis*, Israelitæ servierunt annis decem & octo sub *Eglone*, Moabitarum Rege, & hæc servitus finem habuit anno Mundi bis millesimo sexcentesimo quinquagesimo primo.

Aod, post victoriam de Moabitis reportatam, judicavit populum annis octoginta, & mortuus est anno Mundi bis millesimo septingentesimo trigesimo primo.

Post mortem *Aod*, per paucos menses *Samgar* judicavit populum; sed quia illius Judicaturæ tempus Scriptura Sacra non assignat, verosimilius est, *Samgaris* Judicaturam comprehendere debere in annis præcedentibus octoginta Judicaturæ *Aod*.

Post mortem *Samgaris* servierunt Israelitæ sub *Jabine*, Chanaanæorum Rege, annis viginti, & hæc servitus finem habuit anno Mundi bis millesimo septingentesimo quinquagesimo primo.

Barac & Deborah, post devictam *Sisieram*, subactosque Chananæos, judicaverunt populum annis quadraginta, eorumque Judicatura desit anno Mundi bis millesimo septingentesimo nonagesimo primo.

Post mortem *Barac & Deborah* servierunt Israelitæ Regi Madianitarum annis septem, & hæc servitus finem habuit anno Mundi bis millesimo septingentesimo nonagesimo octavo.

Gedeon, debellatis Madianitis, judicavit Israelitæ annis quadraginta, & excessit e vivis anno Mundi bis millesimo octingentesimo trigesimo octavo.

Abimelechus, Gedeonis ex concubina filius, judicavit Israelitæ, seu potius tyrannidem exercuit per tres annos, qui finem habuerunt anno Mundi bis millesimo octingentesimo quadagesimo primo.

Thola, post *Abimelechum*, judicavit Israelitæ annis viginti tribus, qui finem habuerunt anno Mundi bis millesimo octingentesimo sexagesimo quarto.

Jair judicavit Israelitæ annis viginti duobus, qui desierunt anno Mundi bis millesimo octingentesimo octogesimo sexto.

Post mortem *Jair* servierunt Israelitæ Ammonitis annis octodecim, & hæc servitus finem habuit anno Mundi bis millesimo nongentesimo quarto.

Leptæ judicavit Israelitæ annis sex, & obiit anno Mundi bis millesimo nongentesimo decimo.

Abesav judicavit Israelitæ annis septem, & mortuus est anno bis millesimo nongentesimo decimo septimo.

Helson, seu *Aialon*, judicavit Israelitæ annis decem, & excessit e vivis anno bis millesimo nongentesimo vigesimo septimo.

Abdon judicavit Israelitæ annis octo, & mortuus est anno Mundi bis millesimo nongentesimo trigesimo quinto.

Post mortem *Abdonis* Israelitæ servierunt Philistæis annis quadraginta, & hæc servitus finem habuit anno Mundi bis millesimo nonagesimo septuagesimo quinto.

Samson judicavit Israelitæ annis viginii, & abiit e vivis anno bis millesimo nongentesimo nonagesimo quinto.

Heli, post mortem *Samsonis*, judicavit Israelitæ annis quadraginta, & migravit e vita anno Mundi ter millesimo trigesimo quinto.

Samuel, & *Saul*, primus Israelitarum Rex, præfuerunt Israelitis annis quadraginta, qui terminantur anno Mundi ter millesimo septuagesimo quinto.

David regnavit annis quadraginta, videlicet septem annis in Hebrone, & triginta tribus Hierosolymis, & extremum diem clausit anno Mundi ter millesimo centesimo decimo quinto.

Salomon, anno Regni sui quarto, qui incidit in annum Mundi ter millesimum centesimum decimum nonum, & in annum ab egressione Israelitarum ex Ægypto sexcentisimum sextum, jecit fundamenta magnificentissimi post hominum memoriam Templi Hierosolymitani, cujus fabrica per septem annos continuata est, ac subinde absoluta anno undecimo Regni *Salomonis*, & anno Mundi ter millesimo centesimo vigesimo sexto.

Habes nunc exactam Tabulam Chronologicam sexcentorum & sex annorum, qui ab exitu Populi Israelitici ex Ægypto usque ad quartum Regni *Salomonis* annum, quo jacta sunt Templi Hierosolymitani fundamenta, elapsi sunt. Quem calculum si congeris cum sacro libro *Judicum*, in quo anni Præfecturæ *Judicum* numerantur omnino distincti ab annis servitutem Israelitarum, invenies esse accuratissimum, utroque fa-teberis contritiorem esse, illorum calculum, qui, annos servitutem Israelitarum cum annis Præfecturæ *Judicum* perperam confundentes, numerant dumtaxat ab egressione Israelitarum ex Ægypto usque ad quartum Regni *Salomonis* annum, quo cepta est Templi Hierosolymitani structura, annos quadringentos octoginta.

D. Multum sane mihi aridet iste quærzæ Mundi Etatis annorum calculus, tum quia ei suffragatur sacer *Judicum* liber, in quo anni servitutem Israelitarum seorsim numerantur ab annis Præfecturæ *Judicum*; tum quia etiam prædictus ille, quem subduxisti, calculus sexcentorum & sex annorum, qui effluerunt ab exitu Israelitarum ex Ægypto usque ad quartum Regni Sa-